

明太宗實錄

卷一至三十九

奉天靖難事蹟·洪武三十五年
七月至永樂二年二月

中央研究院歷史語言研究所校印

明太宗實錄

明太宗實錄正文係據本所新購國立北平圖書館紅格鈔本之^{rozaphane}微捲放大影印。

紅格本缺實錄序進書表修纂官凡例及目錄。據本所藏抱經樓本補。紅格本卷二百三十二，內容顛倒錯亂，今據本所校本臚錄影印。

明太宗實錄至英宗實錄之刊印費，承國家長期發展科學委員會洽請行政院美援運用委員會在一九六二年度科學教育計劃項下資助，特此申謝。

太宗文皇帝實錄序

白實錄序至目錄
據抱經樓本補

朕惟古之為天下國家者必建史官左右史分記言動唐以
來朝廷紀述祖宗時事有實錄則合左右史之所記凡功德
之大政務之要以及其臣之言行有闕治體者皆在焉

天佑

皇明我

太祖高皇帝興洪業武功文德之盛見諸史官之所紀者彰彰
矣

皇祖太宗文皇帝以至仁大聖奠安

宗社君王華夷

覃霈恩澤一視同仁禮樂文明之化弘被遠邇通乾坤之內日月
之所照臨四裔君長悉臣悉順朝覲貢獻之使接踵道路稽

穎闕下者無虛日建官府授封爵踰數十萬里之外

德威廣被古所未有何其盛也朕嗣位之初啟祕府之藏徵百
司之紀特命儒臣纂修實錄而臨之以重臣閱歷五年始克
成編蓋慎重之至也凡百三十卷惟我

皇祖聖德神功如天地之崇高廣大包含覆載變化神妙誠非

言語所能刑應作形容繪畫所能彷彿者然絲應作緣迹以求其

心即心以考其道庶幾可得于萬一焉夫抵天地之化四時
行焉春生夏長仁也秋斂冬藏義也仁以育之義以肅之聖
人之化亦猶是已夫有天下國家之任者誠考於是編法仁
以施愛法義以興治將

宗社子孫生民之福綿永於千萬年嗚呼懋敬之哉謹序

宣德五年正月二十一日

進

實錄表

奉天靖難推誠宣力輔運武臣特進光祿大夫左柱國太師英國公臣張輔等誠惶誠恐稽首頓首

上言臣聞上有堯舜禹湯文武之君斯有典謨訓誥誓命之紀當時所錄萬世攸師自漢以來暨于唐宋皆建史官專職記述我

國家奉

天啟運

聖聖相承

大經大法明於上

善政善教被於下萬方一統海宇清寧洪武以前

神功聖德史氏所記具有成書欽惟

太宗體天弘道高明廣運聖武神功純仁至孝文皇帝

剛健中正

廣大高明體

天之心行

天之道

厲精為理

躬儉愛人

載真邦家

中興鴻業

文治光昭於日月

武烈弘靖於華夷

大略雄材

茂功偉績

規模宏遠卓冠百王欽惟

仁宗敬天體道純誠至德弘文欽武章聖達孝昭皇帝

孝友英明

寬仁恭儉敬

天法

祖制治保邦

明目達聰周詢民隱時使薄歛

博施濟人

撫盈成之運

廣文明之化

丕新政紀

覃敷德澤朞月之內天下歸仁

二聖升遊

疑應作遊

雲車之益遠萬姓衣慕在海宇以同情恭惟

皇帝陛下

自皇字起至第五面第十一行卷字止抱本誤接第二面第八行人字下今據宣宗實錄改正

文武聖神

聰明睿知纘承

大寶

君國子民

推廣至仁繼志述事歌九功之惟叙得萬國之懽心上念祖宗功德之隆同符天地覆載之大宜宣昭於簡冊垂儀範於

帝王宣德元年五月 勅修

兩朝實錄命

臣輔臣義臣

原吉監脩臣

士奇臣榮臣

幼孜臣山

臣瑛臣

溥總裁臣

祭臣英臣

直臣述臣

時勉臣習禮臣學

夔

臣循臣從善臣

驥臣表臣

鶴齡臣洪臣

永清臣叙臣曰

恭

臣敬臣翰臣

雅臣翥臣

繼臣中臣

叔副臣文奎臣節臣

錫

臣萼纂脩發左右史臣之所記閱中外官府之所上兼

考章疏叅之見聞編載事功必備著其本末纂述

謨訓必致謹於精微闡制度者雖細不遺切幾務者雖明必

審於紀叙

聖神之道德如繪畫造化之功能儀

疑應諸刑疑應

作形容誠難髣

髣乃若附錄臣下必在推明是非訖五年正月恭成

太宗文皇帝實錄百三十卷

仁宗昭皇帝實錄十卷合百五十四冊謹繕寫

上進伏念臣輔等智識淺陋學術空疎曠歲月而久稽亦討論之惟謹方之良史深愧乏三長之稱

監于

先朝庶少資

萬幾之暇臣輔等無任瞻

天仰

聖激切屏營之至謹奉

表隨

進以

聞

宣德五年正月二十一日奉天靖難推誠宣力輔運武臣

特進光祿大夫左柱國太師英國公臣張輔等謹上表

二十一日
宣宗實
錄作十六
日

修纂官

監修

奉天靖難推誠宣力輔運武臣特進光祿大夫左柱國太師英國公

臣張輔

榮祿大夫少師兼吏部尚書

臣蹇義

榮祿大夫少保兼太子少傅戶部尚書

臣夏原吉

總裁

榮祿大夫少傅兵部尚書兼華蓋殿大學士

臣楊士奇

資善大夫太子少傅工部尚書兼謹身殿大學士

臣楊榮

資善大夫太子少保禮部尚書兼武英殿大學士

臣金幼孜

資善大夫戶部尚書兼謹身殿大學士

臣陳山

資善大夫禮部尚書兼華蓋殿大學士

臣張瑛

嘉議大夫太常寺卿兼翰林院學士

臣楊溥

纂修

奉議大夫左春坊大學士兼翰林院侍讀學士

臣曾榮

奉議大夫右春坊大學士兼翰林院侍講學士

臣王英

奉議大夫右春坊右庶子兼翰林院侍讀學士

臣王直

奉訓大夫左春坊左諭德兼翰林院侍讀

臣周述

翰林院侍讀承德郎

臣李時勉

翰林院侍讀承直郎

臣錢習孔

翰林院侍講承直郎

臣余學夔

翰林院侍講承直郎

臣陳循

翰林院侍講承直郎

臣蘭從善

翰林院侍講承直郎

臣蔣驥

翰林院修撰儒林郎

臣苗衷

翰林院修撰儒林郎

臣曾鶴齡

翰林院修撰承務郎

臣張洪

翰林院修撰承務郎

臣劉永清

翰林院編修文林郎

臣周叙

翰林院編修文林郎

臣孫曰恭

翰林院編修文林郎

臣楊敬

翰林院檢討從仕郎

臣周翰

翰林院檢討從仕郎

臣王雅

翰林院檢討

臣楊翥

翰林院五經博士

臣陳繼

工部主事

臣陳中

四川道監察御史

臣陳叔剛

福建布政司右參議

臣潘文奎

知縣

臣萬節

教授

臣丘錫

教諭

臣梁萼

催纂

禮部主事

臣張習

稽考參對

翰林院修撰儒林郎

臣邢寬

翰林院修撰

臣蔣禮

翰林院修撰

臣胡種

翰林院編修文林郎

臣陳詢

翰林院編修文林郎

臣劉矩

翰林院編修文林郎

臣裴綸

翰林院編修文林郎

臣梁裡

翰林院孔目

臣沈寅

騰錄

翰林院檢討徵仕郎

臣許彬

翰林院檢討徵仕郎

臣連智

翰林院檢討徵仕郎

臣馬信

翰林院檢討

臣周貴

徵仕郎中書舍人

臣蕭湘

徵仕郎中書舍人

臣丘宗

徵仕郎中書舍人

臣楊珉

徵仕郎中書舍人

臣宋琰

徵仕郎中書舍人

臣俞宗文

徵仕郎中書舍人

臣陸友仁

徵仕郎中書舍人

臣張益

徵仕郎中書舍人

臣羅淵

徵仕郎中書舍人

臣龐叙

徵仕郎中書舍人

臣黃振宗

徵仕郎中書舍人

臣于需

徵仕郎中書舍人

臣凌壽

徵仕郎中書舍人

臣胡灝

徵仕郎中書舍人

臣劉鉉

徵仕郎中書舍人

臣周崇厚

徵仕郎中書舍人

臣胡宜衡

徵仕郎中書舍人

臣王璜

徵仕郎中書舍人

臣寇厚

中書舍人

臣解禎期

吏部郎中

臣程南雲

禮部郎中

臣朱暉

禮部郎中

臣陳景茂

吏部員外郎

臣宣嗣宗

吏部員外郎

臣夏衡

吏部主事

臣蘇鎰

禮部主事

臣王觀

大理寺左寺副

臣洪益中

大理寺右寺副

臣邵暹

儒士

臣鄒循

生員

臣朱銓

收掌一應文籍

翰林院檢討徵仕郎

臣胡讓

翰林院典籍迪功佐郎

臣李錫

翰林院典籍迪功佐郎

臣牛麟

翰林院典籍迪功佐郎

臣張禮

修纂凡例

一即位禮儀及賞賚之類皆書

一

太宗皇帝奉天靖難事

仁宗皇帝監國事皆仍載本年月日之下

一冊文

皇后皇妃

皇太子皇太子妃及冊封諸王王妃公主皆書其儀注有新

定者亦書

一

皇子皇孫皆書親王之子生已賜名者書親王嫡長孫生亦

書

一祀

天地

宗廟

社稷山川等神

郊祀躋配

太廟增配享及遣官祭嶽鎮海瀆帝王陵寢皆書有新增祀典

亦書

一

詔書悉錄全文

勅書

御製文錄其闡事體之重有

重下疑
脫者字

特勅諭臣下撫遠人及恤刑寬貸之類悉錄

一 凡造

寶璽圖書信符印記皆書

一

大駕鹵簿及

后妃

東宮親王郡王儀仗有新製及增損者書

一

皇太孫諸王公主冠婚皆書其禮儀有新定則書

一 巡狩及留守事宜皆書續有損益亦書

一 凡親王之國及郡王受命往某地皆書

一 凡親王郡王來朝辭歸皆書文武大臣以事來朝亦書

天下官三年一朝者因事槩見

一文武官制衙門及土官衙門有新設改建革罷及復舊者皆書

一封公侯伯及命其子孫襲爵皆書併書所受封號階勲

一命駙馬儀賓悉書

一除授三公三少五府六部北京行后府行部都察院太

常寺通政司大理寺詹事府光祿寺應天府順天府親

軍指揮司太僕寺鴻臚寺兩京國子監翰林院欽天監

太醫院堂上官及近侍七品以上官監察御史宗人府

經歷并在外都指揮司布政司按察司堂上官行太僕

寺苑馬寺卿監運使皆書內有承襲者亦書若中外文

武官有功績顯著及以事特陞遷者不限職之大小皆

書

一選法及薦舉有新令則書

一考課有新例及損益舊例則書

一公侯伯并文武大臣老疾致仕及

特恩優閒皆書後復起用亦書

一文官誥勅永樂中

特賜者皆書二十二年八月以後惟書

初賜恩旨及損益事例

一每歲戶口之數並於歲終書之

一每歲田土稅糧屯田子粒之數及採辦金銀等件稅課

茶課之類並於歲終書凡蠲免除豁荒田祖稅及停罷

歲辦諸物皆書田賦徭役及農桑勸課有新令亦書

一屯種有新定事例及考較之法則書

一凡親王公主郡王郡主鎮國等將軍駙馬儀賓公侯伯
歲祿官吏俸給軍士月糧有新定折支全之應作條例
並書

一轉輸漕運之法及各處歲運之數皆書

一遇歲凶札賑卹悉書

一倉庫坑冶應作治有新建革及新令者書

一凡新開鹽場新定中納鹽糧及定戶口食鹽則例皆書

一凡禮儀有新制或損益則書新製樂器皆書

一每歲

聖節正旦冬至郊祀慶成大宴皆書遇節賜宴如新春上元之

類亦書有

特旨賜節假亦附書

一凡文武官吏軍民貢獻皆書或有酬賚亦書

一中外文武官有

特恩賜予皆書

一

車駕視學禮儀恩賚備書修曲阜先聖廟兩京國子監皆書各

處學校增設或罷革皆書公侯伯有年少

特旨送監讀書及四夷遣子入學皆書

一每科京府鄉試禮部會試

廷試皆書

廷試制策悉錄全文

一喪葬之禮及上

尊謚謚冊備書親王郡王王妃公主郡主喪葬皆書其禮有新

定或損益舊儀亦書凡公侯駙馬伯在京文武官三品以上近侍五品以上在外都司布政司按察司正官歿皆書卒及槩見其行實善惡務合公論其有贈諡及賜祭賻贈之類皆書若文武官有治行功績顯著不限職之大小皆書

一文武臣僚有歿於王事皆書得褒贈亦書

一凡旌表孝子順孫義夫節婦悉著鄉里姓名行實

一欽天監奏天象氣候七政凌犯皆書中外奏祥異及軍民之家一產三子蒙

恩賚者亦書

一建言有關國體者皆錄詳畧隨宜有所奉

聖旨亦載

一武官子孫優給有新例則書

一遣使撫諭四裔及封拜賜賚皆書四裔朝貢及有宴賚亦書

一凡纂修

先朝實錄及編輯書籍皆書

一凡兵政有新令則書命將各處鎮守防邊及有備禦規畫皆書

一

車駕親征叛虜及命將平安南等處皆備書始末

一凡軍民衙門官馬孳生馬邊境茶馬買馬之政悉書其牧養之地有改遷者亦書

一凡關津巡徼驛傳遞運烽堠有新設及改革者書

一公侯伯駙馬儀賓有罪削奪及五府北京行後府六部
北京行部都察院太常寺通政司大理寺詹事府光祿
寺太僕寺應天府順天府鴻臚寺國子監翰林院欽天
監太醫院堂上官近侍七品以上官監察御史宗人府
經歷及在外都司布政司按察司堂上官行太僕寺苑
馬寺卿鹽運使有罪頌繫下獄黜謫戮皆書有

特旨罷黜干係懲勸者不限職之大小並書其蒙

特恩寬宥亦書如犯奸惡叛之罪不限官吏軍民皆書常律

之外別有斷罪條例皆

疑應
作亦書

一風憲官及文武臣僚彈劾大臣之罪皆書并書所得
旨意其職非大臣而所犯重者亦書

一修理

宮殿并

天地

宗廟

社稷及一應神祇壇場皆書

一營建

山陵備書建各王王妃公主墳皆書其制度有損益亦書郡

主以下奉

勅建者書

一修繕及處城池屯堡及新建革者皆

皆下脫
書字

一差官各處提督圩田水利及新開修治河渠圩岸橋道

皆書有奏請修築陂塘等事亦書

大明太宗體天弘道高明廣運聖武神功純仁至孝文皇帝實錄目錄據抱本補館本分卷與抱本不同今注於書眉以便查檢

卷之一

奉天靖難事蹟

卷之二

奉天靖難事蹟

卷之三

奉天靖難事蹟

卷之四

奉天靖難事蹟

卷之五

奉天靖難事蹟

卷六

館本卷四
上至五

卷七

卷之六

奉天靖難事蹟

卷八

卷之七

奉天靖難事蹟

卷九上

卷之八

奉天靖難事蹟

卷九下

卷之九

奉天靖難事蹟

卷之十上

洪武三十五年七月

卷之十下

洪武三十五年七月

卷之十一

洪武三十五年八月

卷之十二上

洪武三十五年九月

卷之十二下

洪武三十五年九月

卷之十三

洪武三十五年十月

卷之十四

洪武三十五年十一月

卷之十五

洪武三十五年十二月

卷十六、十七

卷之十六

永樂元年正月至二月

卷十八

卷之十七

永樂元年三月

卷十九

卷之十八

永樂元年四月

卷二十上

卷之十九上

永樂元年五月

卷二十下

卷之十九下

永樂元年五月

卷二十一

卷之二十

永樂元年六月至七月

卷二十二

卷之二十一

永樂元年八月

卷二十三

卷之二十二

永樂元年九月

卷二十四

卷之二十三

永樂元年十月

卷二十五

卷之二十四

永樂元年十一月至閏十一月

卷二十六

卷之二十五

永樂元年十二月

卷二十七

卷之二十六

永樂二年正月至二月

二十八

卷二十九

卷之二十七

永樂二年三月

卷三十

卷之二十八

永樂二年四月

卷三十一、
三十二

卷之二十九

永樂二年五月至六月

卷三十三

卷之三十

永樂二年七月至八月

卷三十四、
三十五

卷之三十一

永樂二年九月至十月

卷三十六、
三十七

卷之三十二

永樂二年十一月至十二月

卷三十八
三十九

卷之三十三

永樂三年正月至二月

卷四十四
十一

卷之三十四

永樂三年三月至四月

卷四十二
四十三

卷之三十五

永樂三年五月至六月

卷四十四

卷之三十六

永樂三年七月

卷四十五
四十六

卷之三十七

永樂三年八月至九月

卷四十七

卷之三十八

永樂三年十月

卷四十八
四十九

卷之三十九

永樂三年十一月至十二月

卷五十一、五
十一

卷之四十

永樂四年正月至二月

卷五十二

卷之四十一

永樂四年三月

卷五十三

卷之四十二

永樂四年四月

卷五十四、
五十五

卷之四十三

永樂四年五月至六月

卷五十六、
五十七

卷之四十四

永樂四年七月至閏七月

卷五十八
五十九

卷之四十五

永樂四年八月至九月

卷六十

卷之四十六

永樂四年十月

卷六十一
六十二

卷之四十七

永樂四年十一月至十二月

卷六十三
至六十五

卷之四十八

永樂五年正月至三月

卷六十六
六十七

卷之四十九

永樂五年四月至五月

卷六十八

卷之五十

永樂五年六月

卷六十九
七十

卷之五十一

永樂五年七月至八月

卷七十一

卷之五十二

永樂五年九月

卷七十二

卷之五十三

永樂五年十月

卷七十三
七十四

卷之五十四

永樂五年十一月至十二月

卷七十五
七十七

卷之五十五

永樂六年正月至三月

卷七十八
七十九

卷之五十六

永樂六年四月至六月

卷之八十

卷之五十七

永樂六年七月

卷八十二

卷之五十八

永樂六年八月

卷八十三、
八十四

卷之五十九

永樂六年九月至十月

卷八十五
八十六

卷之六十

永樂六年十一月至十二月

卷八十七、
八十八

卷之六十一

永樂七年正月至二月

卷八十九
至九十一

卷之六十二

永樂七年三月至閏四月

卷九十二

卷之六十三

永樂七年五月

卷九十三

卷之六十四

永樂七年六月

卷九十四、
九十五

卷之六十五

永樂七年七月至八月

卷九十六、
九十七

卷之六十六

永樂七年九月至十月

卷九十八、
九十九

卷之六十七

永樂七年十一月至十二月

卷一百一
百一

卷之六十八

永樂八年正月至二月

卷一百三
一百三

卷之六十九

永樂八年三月至四月

卷一百四
一百五

卷之七十

永樂八年五月至六月

卷一百六
一百七

卷之七十一

永樂八年七月至八月

卷一百八
一百九

卷之七十二

永樂八年九月至十月

卷一百十
一百十一

卷之七十三

永樂八年十一月至十二月

卷一百十
一百十一
三

卷之七十四

永樂九年正月至二月

四卷一百十

卷之七十五

永樂九年三月

五卷一百十

卷之七十六

永樂九年四月至五月

六卷一百十

卷之七十七

永樂九年六月至七月

七卷一百十

卷之七十八

永樂九年八月至九月

八卷一百二十

卷之七十九

永樂九年十月至十一月

九卷一百二十三

卷之八十

永樂九年十二月至閏十二月

卷一百二十四、一百二十五

卷之八十一

永樂十年正月至二月

卷一百二十六、一百二十七

卷之八十二

永樂十年三月至四月

卷一百二十八、一百二十九

卷之八十三

永樂十年五月至六月

卷一百三十、一百三十一

卷之八十四

永樂十年七月至八月

卷一百三十二、一百三十三

卷之八十五

永樂十年九月至十月

卷一百三十四、一百三十五

卷之八十六

永樂十年十一月至十二月

卷之八十七

永樂十一年正月至二月

卷之八十八

永樂十一年三月至六月

卷之八十九

永樂十一年七月至九月

卷之九十

永樂十一年十月至十二月

卷之九十一

永樂十二年正月至三月

卷之九十二

永樂十二年四月至六月

卷一百三

十六、一

百三十七

卷一百三

十八至一

百四十

卷一百四

十一至一

百四十三

卷一百四

十四至一

百四十六

卷一百四

十七至一

百四十九

卷一百五

十至一百

五十二

卷一百五
十三至一
百五十六

卷之九十三

永樂十二年七月至閏九月

卷一百五
十七至一
百五十九

卷之九十四

永樂十二年十月至十二月

卷一百六
十一至一
百六十一

卷之九十五

永樂十三年正月至二月

卷一百六
十二至一
百六十五

卷之九十六

永樂十三年三月至六月

卷之九十七

永樂十三年七月至九月

卷一百六
十六至一
百六十八

卷之九十八

永樂十三年十月

卷一百六
十九

卷之九十九

永樂十三年十一月至十二月

卷之一百

永樂十四年正月至四月

卷之一百一

永樂十四年五月至六月

卷之一百二

永樂十四年七月至九月

卷之一百三

永樂十四年十月至十二月

卷之一百四

永樂十五年正月至二月

卷一百七
十一、一百七
十一

卷一百七
十二至一
百七十五

卷一百七
十六至一
百七十七

卷一百七
十八至一
百八十

卷一百八
十一至一
百八十三

卷一百八
十四、一百
八十五

卷一百八
十六、一
百八十七

卷之一百五

永樂十五年三月至四月

卷一百八
十八至一
百九十一

卷之一百六

永樂十五年五月至七月

卷一百九
十二、一
百九十三

卷之一百七

永樂十五年八月至十月

卷一百九
十四、一
百九十五

卷之一百八

永樂十五年十一月至十二月

卷之一百九

永樂十六年正月至三月

卷一百九
十九至二
百一

卷之一百十

永樂十六年四月至六月

卷二百二
至二百四

卷之一百十一

永樂十六年七月至九月

卷二百五
至二百七

卷之一百十二

永樂十六年十月至十二月

卷二百八
至二百一
十三

卷之一百十三

永樂十七年正月至六月

卷二百一
十四至二
百一十七

卷之一百十四

永樂十七年七月至十月

卷二百一
十八、二
百一十九

卷之一百十五

永樂十七年十一月至十二月

卷二百二
十至二百
二十三

卷之一百十六

永樂十八年正月至三月

卷二百二十四至二百二十九

卷之二百十七

永樂十八年四月至九月

卷二百三十至二百三十二

卷之一百十八

永樂十八年十月至十二月

卷二百三十三至二百三十五

卷之一百十九

永樂十九年正月至三月

卷二百三十六至二百三十八

卷之一百二十

永樂十九年四月至六月

二百三十九至二百四十四

卷之一百二十一

永樂十九年七月至十二月

卷二百四十五至二百四十九

卷之一百二十二

永樂二十年正月至五月

卷二百五

卷之一百二十三

永樂二十年六月至八月

卷二百五
十一至二
百五十四
下

卷之一百二十四

永樂二十年九月至閏十二月

卷二百五
十五至二
百六十

卷之一百二十五

永樂二十一年正月至六月

卷二百六
十一、二百
六十二

卷之一百二十六

永樂二十一年七月至八月

卷二百六
十三至二
百六十六

卷之一百二十七

永樂二十一年九月至十二月

卷二百六
十七至二
百六十九

卷之一百二十八

永樂二十二年正月至三月

卷二百七
十一

卷二百七
十二至二
百七十四

卷之一百二十九

永樂二十二年四月至五月

卷之一百三十

永樂二十二年六月至八月

大明太宗體天弘道高明廣運聖武功純仁至孝文皇帝實
錄目錄

太宗文皇帝實錄卷之一

大明太宗體天弘道高明廣運聖武神功純仁至孝文皇帝諱
太祖聖神文武欽明啟運俊德成功純天大孝高皇帝第四
子也 母孝慈昭憲至仁文德承天順聖高皇后生五子長懿
父皇太子標次泰愍王棟次晉恭王桐次 上次周定王橚
上初生光氣五色滿室照暎宮闈經日不散 太祖高皇帝
孝慈高皇后心異之獨鍾愛焉比長聰明睿智仁孝友悌出於
天性勤學好問書一覽輒記終身弗忘五經子史皆該貫而旁
通天文地志百家之書得其要領日從明儒講論無厭倦意虛
己納善寬仁愛人意豁如也○洪武三年己丑 太祖封建諸
子以燕蓟京且近北虜擇可以鎮服者遂以封 上十三年三
月壬寅之國 上貌奇偉美鬚舉動不凡有善相者見 上

退謂人曰龍顏天表鳳姿日章重瞳隆準太平天子也 上兼備文武大才而度量恢廓任賢使能各適其當英傑之士樂為之用下至廝卒咸歸心焉至於武事悉精而熟老將皆自以為不及料敵制勝明見萬里號令嚴明信賞必罰由是威震朔漠虜人不敢近塞時出訪民疾苦勞來撫循百姓愛戴而力行節儉故國內無事上下咸和年穀屢豐商旅野宿道不拾遺人無爭訟規摹宏遠焉 太祖常曰異日安國家必燕王也初懿文太子以柔弱牽制文義不稱 太祖意又聞其宮中過失 太祖語 孝慈高皇后曰朕與爾同起艱難成帝業今長子不稱吾意如何 皇后曰天下事重妾不敢與知惟 陛下審之 太祖曰諸子中燕王仁孝有文武才畧能撫國安民吾所屬意 皇后曰幸毋泄言恐禍之也太子聞之密以語涼國公藍玉

玉先征北虜納哈出歸至北平以名馬進 上 上曰馬未進
朝廷而我受之豈所以尊 君父邪之玉慚而心不懌至是聞
太子言曰殿下觀 陛下平日於諸子中最愛者為誰太子曰
無如燕王玉曰臣意亦然且臣觀燕王在國撫衆安靜不擾得
軍民心衆咸謂其有君人之度恐此語上聞 殿下之愛哀矣
臣又聞望氣者言燕地有天子氣殿下宜審之太子曰燕王事
我甚恭謹玉曰 殿下問臣臣不敢隱故盡其愚懇耳惟竊之
時晉王亦聞 太祖注意於 上自念己兄也 上弟也遂生
嫌隙後晉王與 上皆來朝 上有疾晉王數以語見侵 上
內懷憂畏疾增劇遂懼求歸國晉王密遣人伺察 上國中細
故將聞於朝既無得二十三年春 太祖命晉王率師西出
上率師北出會期同征北虜乃兒不花晉王素怯兵既行不敢

遠出 上待之久弗至遂直抵遼都山薄虜營獲乃兒不花及其名王酋長男女數萬口羊馬無算橐駝數千先晉王恐 上有功遣人馳報太子謂 上不聽已約束勞師冒險太子言於 太祖已而晉王旋師 太祖不樂及 上捷報至 太祖大喜曰燕王清沙漠朕無北顧之憂矣太子言晉王雖未深入然張聲勢有犄角之助燕王亦未可獨為功又言燕王得善馬不進 太祖皆不聽○二十五年春復命 上率師出塞○四月丙子太子薨 太祖愈屬意於 上一日召侍臣密語之曰太子薨長孫弱不更事主器必得人朕欲建燕王為儲貳以承天下之重庶幾 宗社有託翰林學士劉三吾曰立 燕王置秦晉二王於何地且皇孫年長可繼承矣 太祖默然是夜焚香祝于天曰後嗣相承國祚延永惟聽于天耳遂立允故為皇太

孫皇太孫一日坐東角門謂太常卿黃子澄曰我非先生輩安得至此然皇祖萬歲後我新立諸王尊屬各擁重兵何以制之子澄曰此不難處置太孫曰請試言之子澄曰諸王雖有護衛之兵僅足自守朝廷軍衛犬牙相制若有事以天下之衆臨之其能當乎漢七國非不強大而卒底滅亡者蓋以大制小以強制弱勢必不支太孫喜曰茲事終仗先生矣○三十一年閏五月太祖不豫遣中宮召上已至淮安太孫與齊泰等謀詐令人齎勅符令上歸國及太祖太漸問左右燕王來未凡三問無敢對者○己酉太祖崩是夜即斂七日而葬皇太孫遂矯詔嗣位改明年為建文元年踰月始訃告諸王且止母奔喪上聞訃哀毀幾絕日南向慟哭而朝廷政事一委黃子澄齊泰二人擅權怙勢同為蒙蔽政事悉自己出變更太祖

成法而注意削諸王矣一日朝罷建文君謂子澄曰憶昔者東
角門之言乎子澄曰不敢忘也然須密子澄退與齊泰等私謀
曰今至少不閑政事諸王年長皆握重兵久將難制吾輩欲長
有富貴須早計泰曰此易易但使誣告其陰私坐以不軌削之
削一國可以蔓引諸國子澄曰姑更思之泰曰他事不足動惟
大逆則不宥子澄曰然則所發何先齊泰曰燕王英武威震
海內志廣氣剛氣剛者易挫加以不軌之事孰信其誣去其大
則小者自懼子澄曰不然燕王素孝謹國人戴之天下知其
賢誣以不軌將誰信之周齊岷代在先帝時尚多不法之事
何況今日而於今作過周王必先周王易恥耳周燕之母弟取
周剪燕之手足今只俟周有罪即令議處治彼必來救救則可
以連坐是在我取之有名在彼雖有一國之眾勢孤無援取之

何難奉曰甚善甚善明日入白建文君喜曰王先生善謀矣未幾果有言周王不法者遂遣曹國公李景隆率兵至河南圍王城執王府寮屬驅迫王及世子闔官皆至京師削王爵為庶人遷之雲南妻子異處穴墻以通飲食備極困辱未幾代王桂湘王柏齊王椿珉王概降為庶人流漳州自是朝廷日益驕縱簡宗廟之禮興土木之役遣宦者四出選女子充後宮媚悅婦人嬖幸者恣其所好窮奢極侈褻衣皆飾珠繡荒淫酒色晝夜無度臨朝之際精神昏眩百官奏事唯唯而已宮中起大覺殿於內置輪藏而敬禮桑門出公主與尼為徒倚信閣豎輿決大事進退大臣承掌兵馬皆得專之凌辱衣冠虐害良善紀綱壞亂嗟怨盈路災異叠見恬不自省新宮初成妖怪數出起而索之寂無所有亦不介意於是太陽無光星辰荼度彗掃軍門焚

感乎心飛煌蔽天山崩地震水旱疾疫在在有之文華殿承天門及武庫相繼災君臣之間恬嬉自如初周王被執果勅上議其罪時上居喪守制憂悒成疾見勅惴惴不知所為乃上書曰若周王橐所為形迹曖昧幸念至親曲垂寬貸以全骨肉之恩如其逆著祖訓具在臣何敢他議臣之愚議惟望陛下體祖宗之心廓日月之明施天地之德其言慚惻深至建文君觀之戚然以示齊泰王子澄曰事莫若且止泰子澄趨出私相語曰縣官婦人之仁今事幾如此其可已耶明日共入言曰今周王既獲所當慮者惟燕王景因出塞有功威名日盛不如併去之便失今不圖後悔無及建文君猶豫未決而遣人陰刺候王府事無所得復諭泰等曰彼罪狀無迹可尋何以發之泰子澄曰欲加之罪甯患無辭今其書詞悉是營救周王指

以連謀復何辭哉曰朕在位未久連去數王何以掩天下公議
莫如且止子澄曰為大事者不顧小信况 太祖常注意 燕
王欲傳天下 陛下幾失大位矣非二三臣察力爭則固已為
所有 陛下安得有今日哉今事幾如此又其病久未愈正天
與之時先人者制人不宜因循也建文君曰 燕王勇智絕人
且善用兵雖病猝難圖宜更審之秦曰今邊報北虜有聲息但
以防邊為名發軍戍開平其護衛精銳悉調出塞去其羽翼無
能為矣不乘此圖之後噬臍無益也建文君領之乃以謝貴為
北平都指揮使張瑄為布政使俾詐誘王府官屬覘察王府動
靜○元年三月建文君命都督宋忠調綠邊各衛馬步官軍三
萬屯平開燕府護衛精壯官軍悉選隸忠麾下護衛胡騎指揮
闕童等悉召入京調北平永清左衛官軍於彰德永清右衛官

軍於順德以都督徐凱練兵臨清都督耿璉練兵山海諸將防
于外張弼謝貴防于內約期俱發時 世子 二郡王高照

三郡王高燧皆在京齊泰曰三人在此宜先收之黃子澄曰不

可事覺則彼先發有名且德為備莫若遣歸使坦懷無疑也遂

遣歸尋悔遣人追之不及齊泰等密謀令人上變告適 上遣

人至京奏事泰喜曰吾事就矣遂執之鍛鍊成獄即發符逮王

府官屬且約謝貴先發密誘長史葛誠為內應宋忠等為外應

令王府人無大小獲而殺之○六月謝貴等以在城七衛并屯

田軍士布於城內填溢街巷逼圍王城外牆 上聞王城外牆

甲馬聲以為操練者休息之不問而謝貴等又以木柵斷端

禮等四門路 上聞之曰我病不能聽其塞貴等乘馬張蓋過

王門不下又殺守王城卒 上猶不在意謝貴等令軍士登城

櫻甲執兵飛矢入王城四面鼓譟震動城內外 上聞之問左右曰此何為者指揮張玉朱能等泣曰外勢若此誠可憂臣等坐為魚肉矣 上慰遣之曰我與若等奉法循禮何有不臧今外雖詢詢久當事定毋怖也時官屬已有逃入佛寺藻井上謀為旦夕計者未幾削爵 詔下玉等復泣曰今少昏蒙奸臣執柄謀害宗藩圖危 社稷立未幾時諸王芟夷殆半臣屬皆誣以大逆誅戮妻孥及於宗族可為寒心 殿下居國何有過失一旦無釁而削名爵兵刃四集事危勢迫禍不可測 殿下坐以待之臣等死無足惜但傷 太祖高皇帝創業艱難封建諸王相傳萬世陵土未乾而諸王蒙患國除身滅誣以不軌之名他日誰為雪冤受屈萬世 殿下縱受其身以守區區之小諒柰 高皇帝 宗廟 社稷何況身亦未必能保也 上亟止

之曰今雖削吾爵中誠猶或可白若等慎勿妄言言出禍隨是
自取族耳玉等復泣曰誰不愛其死臣等寧死于殿下之前
不忍死于奴隸考掠刀鋸之下言訖悲不能止上執玉等手
曰保無他虞復慰遣之

太宗文皇帝實錄卷之二

元年七月癸酉有醉卒磨刀於市者鄰媪問曰磨刀欲何斬卒
勵聲曰殺王府人媪竊以告會都指揮張信密告謝貴等伏兵
約守城軍昏夜俱發入王府為變朱能等潛遣間覘之果然能
等請曰事急矣救死于水火不可緩也 上曰誠知禍幾迫切
有不能免然骨肉至親嫌疑交構可以情白俟更籌之能等曰
臨難貴於果決 殿下但曰叔侄至親周王豈是疏遠之屬况
今日禍幾發於權姦豈由朝廷權奸忍於害 殿下而 殿下
不忍豺虎蛇虺傷人不已亦必圖去之之術豈能甘心委身以
飼之哉 上曰事果迫近我當告于 天地神明 皇考 皇
妣寧自裁決以明予心張玉等曰此匹夫匹婦之為豈 殿下
所為乎 上曰夫危欲求安禍欲求福人少而害大不能求安

而反沾危矣不能致福而反益禍矣能等曰古語云人眾勝天
天定亦能勝人 殿下之天有時定矣 上曰諸公堅欲如此
異日無相怨也玉等曰今命在須臾不得旋踵求蕢瓦耳尚何
怨况舉事以義雖死不怨 上曰計將安出玉等曰護衛勇士
尚餘八百人可暫入王城守衛 上曰兵者凶器戰者危道爭
者末事誠非所欲玉曰聖人有不得已而用之者湯武是也若
臣等所言不見聽請從此決矣 上曰必如諸公言可以自救
但其軍已布滿城中護衛人少恐不足辦事能曰先擒謝貴張
曷餘無能為 上曰謝貴張曷防守既嚴猝亦難擒須以計致
之可也今奸臣違內官來逮護衛官屬悉依所生名收之就令
差來內官召貴曷付所逮者貴曷必來則縛之一夫之力耳乃
匿壯士端禮門內遣人召貴曷貴曷不來久乃互衛從甚眾至

王門門者呵止其衝從惟貴曷得入至端禮門壯士出擒之其從者又未知移時貴曷不出稍稍散去玉等率勇士盡捕貴等所伏兵將士皆踴躍奮一當百時圓王城軍及列陣於市者惟聽貴曷指揮及聞與貴曷被擒皆散走是夜玉等攻九門黎明已克其八惟西直門未下上令指揮唐雲解甲騎馬導從如平時過西直門見鬪者呵之曰汝衆喧闕欲何為者誰令爾為此不義是自取殺身耳衆聞雲言皆散乃盡克九門遂下令安集城中人民安堵諸司官吏視事如故北平都指揮使俞填走居庸閔馬瑄走荊州宋忠率兵至居庸閔知事不齊退保懷來留俞填守居庸上親問謝貴張曷盡得齊泰黃子澄等文構之迹上曰我初不信人言果然姦克構誣送毒若此吾幾為所辱矣於是大慟遂上書於朝曰臣聞書曰不見是圖又曰視

遠惟明大智恒慮患於未萌明者能燭情於至隱自古聖哲之君功業著於當時声名傳於後世者未有不由於斯今事幾甚明非不見之謂而陛下畧不垂察謹冒死以聞 皇考太祖高皇帝當元之末世生民塗炭羣雄角逐披冒霜露櫛風沐雨東往西代親赴矢石身被創痍艱難百戰萬死一生然後定天下成帝業立綱陳紀傳萬世封建諸子鞏固 宗社為磐石之安夙夜圖治兢兢業業未嘗自寧不幸 皇考賓天今 陛下嗣承大寶而姦臣齊奉黃子澄輩不能秉道德以輔聖治而包蓄禍心恣讒賊之口奮豺虎之毒假陛下之威權剪皇家之枝葉楠椿柏桂梗五弟不數年間並見削奪雖其皆有愆過未聞不軌之圖重可裁減獲衛輕可賜勅誠勵則 朝廷于厚親之仁懲過之義兩盡其美矣不務出此動輒削王爵奪王土轉徙流

離行路矜惻柏尤可憫閭宮自焚聖仁在上胡寧忍此此蓋非
出 陛下之心而皆奸臣之所為也今其心尚未厭足又以加
臣臣守藩于燕二十餘年寅畏小心奉法備分 天地 宗廟
神靈鑒臨在上敢有一毫非僻之心哉 陛下嗣統以來臣事
君之誠明於彼日誠以君臣大分骨肉至親恒思加慎為諸王
先况敢有悖仁傷義之為哉而姦臣跋扈蔽陛下之聰明誣直
為枉加禍無辜比執臣所遺奏事之人箠楚剝藝備極苦毒迫
其言臣有不軌謀遠分怖宋忠謝貴張弼等於北平域内外卒
五林聚戈矛耀日甲馬馳突於街衢鉦鼓旬旬於遠邇圍守臣
府周帑嚴密詢其所由但云府中不留一人闔家遑遑不測何
事大小凜凜如臨湯火已而貴為護衛之人所執臣得此二
人始詢知奸臣欺詐之謀號地呼天蹀躞無訴切念臣于懿文

皇太子同父母至親也於今事陛下如事天也臣固知此非
出陛下之心但臣愚憇不能諂媚權貴耳夫為臣之道知有君
而已焉知權貴臣所以懼今日之禍者此也然臣竊料權奸之
心不止于害臣而已譬人欲伐大樹必先剪旁附之枝然後及
其根幹親藩夷滅之後朝廷孤立奸臣得志社稷危矣此
不待明者而後見也昔成周封建同姓綿八百餘年之業秦廢
封建二世而亡明鑒斯在詩曰佻人維藩太師維垣大邦維屏
大宗維翰懷德維寧宗子維城無俾城壞無獨斯畏易曰大君
有命開國承家小人勿用伏望陛下廓日月之明奮雷電之
斷渙發德音去此充惡以肅清朝廷以永安宗社以保全親
藩以福庇生民此非獨臣之幸乃國家天下之幸也臣非敢愛
一身一家之死但惓惓之誠慟皇考建洪業之艱難望陛下

下保洪業於永遠，遙仰天門，敬摠愚懇。惟陛下念之，臣又竊計奸權之黨必已蟠結深固，恐陛下未易除之。伏覩祖訓有云：如朝無正臣，內有奸惡，則親王訓兵待命。天子密詔諸王統領鎮兵討平之。臣謹俯伏俟命。惟陛下念之，念之既發，書託上以稟示群臣。見者咸言辭旨懇切，必能感動，早得休兵，誠為至願。上曰：孝弟者人心所同，苟有人心一觀，斯言豈不感動？彼能感動，在轉移之間耳。未能曰彼忍心如此，恐未能轉移，如不轉移，兵可已乎？上曰：天祐國家，則兵禍不作。張玉曰：天祐國家，則奸人必獲是日。上諭諸將士曰：我太祖高皇帝孝慈高皇后，嫡子國家，至親受祚，以來惟務循法守分，爾曹所共見者。今少主信任姦回，殘害骨肉，我皇考皇妣創業艱難，封建諸子藩屏天下，傳續無窮。今已削奪五王，又及于

我 皇天后土實所共鑒此有何辜吾義與奸邪不共戴天
宗廟神明昭鑒予心言已 上垂涕將士皆感動流涕時風雲
四起人咫尺不相見少馬東方雲開露青天僅尺許有光燭地
洞徹上下將士皆喜以為 上得天之應云○甲戌○通州衛
指揮房勝等率眾以城來歸○丙子○馬宣在薊州謀起兵來
攻 上遣指揮朱能等攻拔其城遂生擒馬宣○遵化衛指揮
蔣玉容雲衛指揮郭亨各以城來歸○丁丑 上諭將吏軍民
曰 皇考太祖高皇帝並建諸子藩屏國家 皇考有疾初不
令諸子知之閏五月初十日亥時崩十一日寅時即斂七日即
葬踰月始報訃諸王又不容其奔喪而信任奸邪悉更 祖法
諸王小過便見削奪未及期年削奪五王湘王被迫闔宮自焚
我守藩以來一心敬慎奉法守分不敢違越比用讒邪之言無

故輒見疑忌昨遣人奏事執付獄吏備極苦楚迫其招認反謀飾無為有必欲加害天地宗廟神靈在上爾曹衆耳目在下吾果有此心乎已聞調天下軍馬四集吾父子一家之命危在朝暮死不足惜但傷身蹈善行而名被大惡所不甘于心況此皆奸臣所為非出朝廷之意吾將躬詣闕下自白且聞奸臣之謀謂今宗藩所可忌者惟吾一人去之則其他如折朽不足慮矣其導少主所為率皆反道背德流連荒亡之事天變不畏祖法不守人怨不恤駸駸不已天下幾何其不亂國家幾何其不亡昔我皇考起布衣提三尺劍東征西討南攻北伐萬死一生百戰勞苦以肅靖天下肇造帝業五綱陳紀以傳萬世豈堪一旦為賊敗壞之哉祖訓云新天子正位如朝無正臣內有奸惡則親王訓兵待命天子密詔諸王統領鎮兵討平之

予已上書陳情請誅奸臣今少主為奸臣所蔽恐不見答則惟應以爾等往清君側之惡扶國家於既壞安宗社於垂亡恭朝闕庭謁拜陵寢然後退守舊藩庶幾以明忠孝之心於是將士咸叩頭言曰殿下此舉誠天理人心之正上天與祖宗必皆祐助臣等皆素受太祖厚恩今日之事有進無退○俞瑱在居庸關劫其軍民將攻北平城民有竊走來告上曰居庸關路隘而險北平之襟喉百人守之萬夫莫窺據此可無北顧之憂今俞瑱據之勢在必取譬如家之後戶豈容他人據之今彼不量力又欲來攻城莫若乘其初至民心不服易以取也若稍緩之彼增兵堅守則難取矣○己卯○命指揮徐安鍾祥千戶徐祥等討瑱安等攻破其城瑱走懷來依宋忠捷至上曰彼若知國人心謹守此關我攻之豈能即破今天以授

我不可失也乃命千戶吳玉守之 上語諸將曰宋忠擁兵懷
來居庸有必爭之理因其未至可先擊之諸將皆曰敵衆我寡
雖與爭鋒擊之未便宜固守以待其至 上曰非爾等所知當
以智勝難以力論論力則不足以智則有餘彼衆新集其心不
一宋忠輕躁寡謀狠愎自用乘其未定擊之必破○癸未 上
平馬雲徐祥等馬步精銳八千卷甲倍道而進甲申至懷來先
是獲敵諜者言宋忠誑其將士云爾等家在北平城中皆為
燕王所殺委屍積滿道路宜為報仇將士聞之或信或否 上
聞之乃命其家人張其舊用旗幟為前鋒衆遙識旗幟又識其
父兄弟無恙相呼輒應喜曰我家固安幾為宋都督所誤皆
倒戈來歸宋忠餘衆蒼黃列陣未成 上麾師渡河鼓譟直衝
其陣宋忠大敗奔入城我師乘之而入宋忠急匿于廁搜獲之

并擒都指揮俞瑱斬都指揮彭聚孫秦于陣并首級數千獲馬
八千餘匹都指揮莊得單騎遁走餘衆悉降即啟還歸原衛諸
將以得宋忠頗有喜色 上曰宋忠本庸才以貨賂諂諛奸臣
得官一得兵柄便爾驕縱此如狐鼠耳勝之何足喜也老將用
兵雖克大敵不形於喜色則易驕驕則不戒不戒則敗幾萌矣
孔子所謂臨事而懼好謀而成爾等勉之○丙戌永平守將趙
彞郭亮以城來歸○己丑 上諭諸將士曰吾與若等今日馳
驅非求富貴蓋上安 宗社清朝廷下以保身家耳天下者
太祖之天下軍民者 太祖之赤子姦權作難假君命滅親藩
危 宗社驅之以蹈白刃非其所得已也今所欲除者惟奸臣
數人耳爾衆慎無嗜殺則傷天地之和以損 太祖數十年生
育之仁毋貪財貪財則失民心民心失則大本虧矣居民耕桑

商賈貿鬻慎毋擾之夫有亂時無亂法違予言者必法以懲之
吾已上書于朝旦夕有恩旨必得全生豈忍使爾輩獨麗于法
爾其懋哉毋貽後悔諸將咸稽首曰 殿下好生之德同于天
地臣等豈敢違命以取罪戾○庚寅守遵化指揮蔣玉言都督
劉真河將攻遵化○壬辰 上率兵援之劉真等聞 上將至
走遷松亭閔○乙未 上命千戶李濬等領兵至閔指麾部伍
若將攻城之狀劉真等閉閔不敢出 上曰大寧軍馬牽制吾
後而劉真無能為也陳亨素摠誠於我但為卜萬所制兵法有
當用奇者若以計去卜萬亨必來適羅騎獲大寧二卒至 上
曰計可行矣乃作詔卜萬書感稱獎萬而極毀詆亨緘識牢密
召一卒飲之酒且厚賚之而置書其衣中俾歸與萬其同獲之
卒窺窺之間守者曰彼何為者守者曰遣歸通意故得厚賚卒

跪曰告守者能為我請得偕行惟命是從不敢望賚守者如所言為請遂俱遣而不與賚不得賚者終不平至即發其事劉真陳亨搜卒衣得與卜萬書遂疑萬執下獄籍其家

太宗文皇帝實錄卷之三

元年八月戊戌朔。己酉，諜報長興侯耿炳文領兵三十萬駐真定，都督徐凱領兵十萬駐河間，都督潘忠、楊松營莫州。其先鋒驍勇者九千人，已據椎縣肆虜掠。上率師禦之。壬子，至涿州，屯婁桑，令軍士秣馬蓐食，晡時度白溝河。上曰：「今夕中秋，彼不虞我，至必酣飲，自若乘其不戒，可以破之。」促諸軍速行。夜半，至雄縣，圍其城。城中既覺，登城大罵我軍，憤恨黎明，攀緣而上，遂破其城。上亟下令戒諸將勿殺諸將，怒其罵盡誅之，獲馬八千餘匹。上責諸將曰：「吾舉義以安社稷，保生民，豈容殺哉？」嘗諭若等毋嗜殺人，今輒敢違令以壞我事，夫多殺適堅人心，使人皆畏死，盡力以聞，一夫捐命，百夫莫當，何以成事？功也，且非但不能成事，功亦非自己之福。昔曹彬下江南，未嘗

妄殺其後子孫昌盛其好殺者子孫往往絕滅今雖拔一城而得少而所失多矣諸將皆叩頭謝罪 上度潘忠楊松在莫州未知城破必引衆來遂諭諸將曰吾必生致潘楊諸將未喻遂命譚淵領兵千餘先度月樣橋伏水中約忠等已過橋聞砲聲即起據橋淵言水中恐難久伏 上令每軍取芟草一束蒙頭以通鼻息又令勇士數人伏路側望忠等接戰即舉砲淵如上旨 上登城遙望忠等果至出師逆擊之路旁砲舉水中伏兵亦起據橋潘忠等敗急趨橋不得我軍腹背夾擊之生擒潘忠楊松餘衆多溺死 上問忠等莫州軍馬幾何忠云尚有戰士萬餘馬九千餘匹今聞臣敗必走急取可得也 上率精銳百餘為前鋒趨莫州徑薄其營悉降之盡獲其人馬輜重明日回軍駐白溝河語諸將曰今潘忠等被擒衆皆敗沒耿炳文在

真定必不虞我至不設備我由問道出其不意破之必矣諸將稱善適炳文麾下小將張保者來降請為前鋒自效上問保炳文所領軍幾何保曰三十萬先至者十三萬半營浮沱河南半營河北上給張保馬遣之歸且教保佯言身敗被獲守者困遂脫繫竄馬以逃仍聲言我軍將至諸將請曰今由問道不令彼知蓋掩其不備柰何遣保告之為備上曰不然始不知彼虛實故欲掩襲之今知其半營河南半營河北則當令知我至其南岸之眾必移於北并力見拒我一舉可盡敗之兼欲使知雄縣莫州之敗以奪其氣兵法所謂先聲後實者也若不令其知徑薄城下雖能勝其北岸之軍南岸之眾乘我戰疲鼓行渡河是我以勞師當彼逸力勝負難必且人委身事我當推誠任便縱在彼有反側去一張保於我何損哉諸將無敢復言遂

引兵而西。○辛酉至無極縣。上以敵衆我寡欲試諸將勇怯乃召問舉軍所向有云且往新樂以觀敵勢。上曰新樂僻在一隅吾逗留于此銳氣以餒敵引衆來戰勢力不均若等且度能勝之否。今直抵真定敵衆新集紀律未定人心不一乘我士氣方銳可一鼓而破之。諸將或然或否惟張玉與上意合力贊之。○壬戌未至真定二十里獲采樵者詢知炳文軍惟備西北其東南無備。上率三騎先至東門突入其運糧車中擒二人問之其南岸之營果移於北岸由西門而營直抵西山。上將輕騎數十繞出城西先破其二營適炳文送使客出覺之奔還急起橋我軍散斷橋索不得起炳文幾被擒其麾下登城大罵相距二百餘步。上引滿射之應弦而斃城中驚懼炳文出城迎戰張玉譚淵朱能馬雲等率衆奮擊之。上以奇兵出其

背循城夾擊橫透敵陣炳文大敗急奔入城軍爭門塞不得
入相蹈藉死者甚衆乃自相斫然後得入而闔門自守丘福等
殺入子城門閉乃退其左副將軍駙馬都尉李堅領衆接戰我
騎士薛祿引槊刺堅墜馬揮刀斫之堅大呼曰我李駙馬也勿
殺祿生擒之其右副將軍都督甯忠左軍都督顧成都指揮劉
遂俱被擒斬首三萬餘級積屍塞城壕溺死滹沱河者無算獲
馬二萬餘匹俘降數萬盡散遣之有二千人願留不歸 上從
之薛祿縛李堅來見 上讓之曰爾本親戚非有怨仇亦從奸
臣何也今日之罪可逃乎堅頓首祈哀命械送北平須臾將士
縛顧成來見 上曰爾 皇考舊人安得亦為奸臣所使成泣
曰老臣實為奸臣所逼無所逃罪幸見 殿下如見 太祖然
老臣不死猶得效報遂命釋成縛賜之衣 上聞降者謀叛去

悉召至諭曰人之情去家則有父母妻子之思爾等如有之卽明以告我給爾資糧遣送出境若不告而逃為邏騎所獲爾必不免矣降者皆叩頭言本無此心蒙大恩得生全方思圖報安敢懷歸且歸亦寧得休暇不勞瘁乎實無此心 上曰爾曹皆皇考赤子吾舉兵政圖安利之耳爾此來固非出本心亦非朝廷所命但為奸臣驅迫不得已也吾豈忍傷之爾今欲留此固善但父母妻子不知爾存亡日夜憂懸爾但依吾言悉歸衆復叩頭領留曰雖孱弱無勇願隨軍庶效報分寸 上曰吾此舉非志於攻城略也不過欲誅奸惡數人及為奸惡所使而不順者誅之吾衆足矣不須爾曹遂悉遣之於是一路喧傳而南曰殿下不嗜殺人待降者思之父母聞者皆喜而赴戰者率無闕志兵力稍接多釋來降矣 上語諸將曰昔周公誅管蔡三

年罪人乃得今奸臣弄兵謀危社稷罪浮管蔡吾舉兵誅之
賴將士奮義效勇所嚮克捷然罪人未得爾等久慕露于外能
無父母室家之思乎凡事必先勞而後逸必翦除奸肅清朝廷
乃與爾等解甲韜戈以圖休息諸將叩頭曰主憂臣辱主辱臣
死今日殿下為宗社之故披冒風霜在外臣等敢以私家
為念哉○丙寅○攻真定二日未下上曰攻城下策徒曠時
日鈍士氣遂命班師建文君聞耿炳文敗始有憂色語黃子
澄曰柰何子澄對曰兵家勝敗常事無足慮今天下全威士馬
精強兵甲堅利糧餉充足取之不竭用之有餘區區一隅之地
豈足以當天下之力調兵五十萬四面攻之衆寡不敵必成擒
矣曰孰堪將者子澄曰曹國公可以當之前不用長興侯而用
此人豈有失哉遂遣曹國公李景隆代之初谷王穗遁還京

仰齊泰等慮奄王植寧王權為上之助建議悉召還京惟植
至遂遣勅削權護衛

太宗文皇帝實錄卷之三

太宗文皇帝實錄卷之四上

九月○戊辰朔永平守將郭亮馳報江陰侯吳高都督耿獻等以遼東兵圍城○戊寅○諜報曹國公乘傳至德州收集耿炳文敗亡將卒并調各處軍馬五十萬進營河間 上語諸將曰李九江養養之子寡謀而驕矜色厲而中餒忌刻而自用况未嘗習兵見戰陣而輒以五十萬付之是自坑之矣漢高祖大度知人善任使英雄為用不過能將十萬九江何等才而能將五十萬趙括之敗可待矣復名報者問景隆軍中事 上笑曰兵法有五敗景隆皆蹈之為將政令不脩紀律不整上下異心死生離志一也今北地早寒南卒裘褐不足披冒霜雪手足皸瘃甚者墮指入土無贏糧馬無宿草二也不量險易深入趨利三也貪而不治智信不足氣盈而愎仁勇俱無威令不行三軍易

撓回也部曲喧譁金鼓無節好設喜佞專任小人五也九江五
敗悉備你無能為然吾在此必不敢至今須往援永平彼知我
出必來攻城回師擊之堅城在前大軍在後必成擒矣諸將曰
永平城完粮足可以無憂今宜保守根本恐出非利 上曰城
中之衆以戰則不足以守則有餘且世子能推誠任人足辦禦
敵若全軍在城祇自示弱彼得專攻非策之善兵出在外奇變
隨用內外犄角破敵必矣吾出非專為永平直欲誅九江未就
擒耳吳高怯不能戰聞我來必走是我一舉解永平圍而破九
江也九江景隆小字云口丙戌 上率師援永平諸將請曰必
守盧溝橋扼李景隆之衝使不得徑至地城下 上曰天寒冰
涸隨處可度守一橋何足拒敵舍之不守以驕敵心使深入受
困於堅城之下此兵法所謂利而誘之者也○壬辰○吳高等

開 上至倉卒盡棄輜重走山海 上遣輕騎追之斬首數千
級俘降亦數千人盡散遣之 上議攻大寧諸將咸曰攻大寧
必道松亭關今劉真陳亨守關先破真等然後可入而關門險
塞猝恐難下遲留日久李景隆必攻北平恐城中不安莫若回
師破景隆徐取大寧萬全之計也 上曰今從劉家口徑趨大
寧不數日可達大寧將士悉聚松亭關其家在城皆老弱者居
守師至不日可拔城破之日撫綏其家屬松亭之衆不降則潰
矣北平深溝高壘守備完固縱有百萬之衆未易窺也吾政欲
使其頃全兵堅城之下還師擊之如拉朽耳諸公弟從予行毋
憂也○ 上未師行 上諭世子嚴守備敵至慎毋與戰

太宗文皇帝實錄卷之四上

太宗文皇帝實錄卷之四下

十月○丁酉朔○戊戌師至劉家口路極隘險人馬單行可度
守閔百餘人諸將欲攻破閔門而入上曰不可攻之則彼棄
閔走報大寧得豫為計乃命鄭亨領勁卒數百卷旆登山斷其
歸路而從後攻之悉擒守閔者師遂度閔○壬寅師抵大寧城
中不虞我軍驟至倉卒閔門拒守上引數騎循繞其城適至
西南隅而城崩上麾勇士先登眾蟻附而上遂克之獲都指
揮房寬撫綏其眾頃刻而定城中肅然無擾遣陳亨家奴并城
中將士家屬報亨劉真等引軍來援軍士聞家屬無恙皆解甲
時寧王權三護衛為朝廷削奪者尚留城中至是皆歸附上
悉以還寧王○丁未○劉真陳亨回至亂塔黃崖亨與營州守
護衛指揮徐理右護衛指揮陳文議曰觀於天命人心成敗可

見不如從順理曰此正我意夜二鼓亨等襲破真營真軍騎走
廣寧亨等率眾來降。李景隆聞上征大寧果引軍度盧溝
橋意氣驕盈有輕視之志以鞭擊轄曰不守盧溝橋吾知其無
能為矣直薄城下築壘九門遣別將攻通州時世子嚴肅部
署整備守備城中晏然教乘機遣勇士縋城夜斫景隆營殺傷
甚眾營中驚擾有自相蹂踐而者景隆攻麗正門急時城中婦
女皆棄城擲瓦石擊之其勢益沮。壬子世子遣報至上
語諸將曰李九江懸軍深入弊眾趨利兵法曰不知進退是謂
糜軍九江墮此矣。○甲寅拔大寧之眾及寧王權皆回北平。
乙卯我軍至會州命張玉將中軍鄭亨何壽充中軍左右副將
未能將左軍朱榮李濟充左軍左右副將李彬將右軍徐理孟
善充右軍左右副將徐忠將前軍陳文吳達充前軍左右副將

房寬將後軍和允中毛整充後軍左右副將以大寧歸附之衆
分隸各軍○丁巳○師入松亭関

太宗文皇帝實錄卷之四下

太宗文皇帝實錄卷之五

元年十一月丁卯朔○庚午○師至孤山訊知李景隆軍鄭村壩我選騎至白河還言河水流漸兵不可度又聞景隆列陣于白河西是日大雪初霽上默禱曰天若助予則河水合是夜起營達曙白河水已合於是會師畢度諸將進賀曰同符先武滹沱之瑞上天祐助之徵也上曰成敗亦惟聽於天耳時景隆遣都督陳暉領騎萬餘來哨而行道相左暉探知我軍度河從後追躡其衆方度上率精騎還擊之斬首無算暉餘衆奔度河水忽解溺死甚衆獲馬二十餘匹暉僅以身免謀報景隆馭軍嚴刻士卒多躡履執戟盡夜立雪中不得息凍死及墮指者甚衆臨戰率不能執兵上曰違天時以自敝可不勞而勝之乃率諸軍列陣而進遙望敵軍謹動上曰彼亂而罵可擊

也以精騎先進連破其七營諸軍繼之交戰自午至酉 上益張奇兵左右衝擊大敗景隆兵斬首數萬級降者數萬悉縱遣之日向暝收軍回營時寒甚都指揮火真斂舊鞍焚于 上前有甲士數人趨赴火衛士呵止之 上曰此皆壯士勿止吾擁重裘尚寒况被甲執刀哉聞者感悅是夜景隆盡棄其輜重拔衆南逸遂獲馬二萬餘匹諸將請追之 上歎曰殺傷多矣降皆釋之遁者不須追也况天氣沍寒飢凍而死者亦不少宜抑止鋒銳勿過傷生諸將乃止時敵兵達九門者尚未知景隆遁猶固守不退○癸酉 上率兵攻之破其四營其餘望風奔遁所獲兵資器仗不可勝計諸將稽首言曰前臣等請先破李景隆然後攻大寧而 殿下不從睿算神謀制勝料敵無一不酬何其神也 上曰此適中耳向卿等所言皆萬全之策我所未

用者度有可乘之機耳此不可為常法但後有商略毋難言○
乙亥 上還北平休息士馬以前所上書不報復上書於朝曰
臣聞至明者無遠而不照至誠者無遠而不格陛下嗣承大統
為臣民主蓋天下仰望如日月之明也臣叨奉 宗藩比者見
惡權奸橫加大惡將魚肉其一家臣之無辜 天地鬼神共所
照鑒前竭肝膈上書自陳蓋出於危急迫切之誠可為至矣今
歷三月未沐垂察而叠發大兵討罪不已是臣雖有至誠不能
上格 陛下雖有至明不照幽遠矣竊聞朝廷論臣有不軌之
是必欲置臣父子一家於死地不宥也死非難但無罪而被極
惡之名以死此為難耳凡人冤苦則呼天謹陳其八事之說惟
陛下垂察其一謂臣三護衛官有踰額數者今臣三護衛指
揮不及二十員比執掌內員不足鎮撫百戶於常額亦缺千戶

不過五十員比額雖多三五員然皆 皇考臨御時朝廷除授者非臣所敢自置蓋 祖訓職制條有云王府指揮司官并屬官隨軍多少設置不拘數目當時各王府皆然非 皇考獨厚臣此奸臣之枉臣也其二謂臣不當無事操練軍馬此事亦在 皇考御臨之時有之蓋 祖訓兵衛條有云凡王教練軍士一月十次或七八次五六次若臨事有警或王有閒暇則遍數不拘非臣敢擅為也然自 皇考賓天之後臣居喪且病足跡未嘗出外庭而護衛軍士兵部數數調遣備邊存者僅半而教練久廢非平官吏軍民咸所目觀此奸臣之枉臣也其三謂臣不當于各衛選用軍官自陛下嗣位以來臣未嘗言及兵事未嘗選用一官但在 皇考時曾具奏於非平城中散衛選用三五人亦不曾於外衛選用蓋 皇訓職制條有云凡王府武官

千戶百戶從王於所部軍職內選用開具各人姓名實跡王親署奏本不由各衙門差人直詣御前聞奏須降誥勅當時王府通例如此非獨臣也兵部具有文檢可驗此奸臣之枉臣也其四謂臣私養鞋韃健卒蓋臣府中有鞋軍百餘人悉是洪武間歸附朝廷處於北平 皇考命於護衛歲給衣糧以備禦虜防邊之用當時賜勅具在內府又有勅底可稽其百餘人今死者已四之一其頭亦已赴京別用實非臣私養此奸臣之枉臣也其五謂臣招致各處異人術士養于府中朝夕論議為非尤其是無根駕虛之說果如有之必知是何氏名出何郡縣指實罪之誰敢不服今無指實之人但冒以空言 天地鬼神其可欺哉此奸臣之枉臣也其六謂臣府中守禦四門不當借擬 皇城守禦之制更番甚嚴以為闕防朝廷蓋 祖訓兵衛條有云凡

王府侍衛指揮三員千戶六員百戶六員正旗軍六百七十二
名守禦王城四門每三日一次輪直宿衛其官軍皆三護衛均
撥自臣之國以來二十餘年致遵此制非始于陛下嗣位之後
而陛下臨御以來兵部數調護衛官軍防邊宿衛多不及舊數
此奸臣之枉臣也其七謂臣宮室儲修過於各府此蓋 皇考
所賜自臣之國以來二十餘年并不曾一毫增益其所以不同
各王府者蓋 祖訓營繕條云明言燕因元之舊有非臣敢僭
越此奸臣之枉臣也其八謂臣第二子高煦過涿州擅笞驛官
此實臣失於教訓然笞驛官遂指為臣不軌之逆寬濫之過何
以服天下後世此奸臣之枉臣也大抵八事皆是釀虛飾詐加
以大惡三尺童子知其不可而奸臣肆無忌憚假天子之威權
行之與趙高指鹿為馬者何異且陛下與臣皆出 太祖高皇

帝 孝慈高皇后於屬最親也奸臣猶得誣以極惡則疎遠之
小臣天下之細民彼若惡之欲置死地可望理可望全活耶臣
切計奸臣設心非止於殺臣其不奪天子之大權濁亂天下傾
危 宗社不已也蓋今諸王之中臣為序長周齊相代岷五王
已去之矣獨臣未去臣去則楚蜀秦晉諸國不難去矣寧王無
罪比又削其護衛譬諸人手足皆去孤身豈能全活乎伏望
陛下廓日月之至明鑒臣之愚誠而思 宗社之大計斷然
不惑去此奸慝斯國家 祖社之幸天下生靈之幸非獨臣之
幸也干冒天威不勝戰慄俟命之至謹書奏聞○戊寅○釋遣
守 皇陵卒先是俘降者皆散遣之其願留者聽至是知留者
有 皇陵卒 上惻然曰少主不思 祖宗之重為奸臣所使
守陵卒皆驅赴戰陣天下士馬豈少此數人哉乃召至前慰勞

之悉與資糧遣歸守 皇陵。黃子澄等知李景隆敗匿不言。建文君問問子澄曰：外間近傳軍中不利，果如何？子澄曰：聞交戰數勝，但天寒士卒不堪，今暫回德州待來春更進。子澄遂遣人密語景隆，令隱其敗，勿奏。景隆春如指，由是內外蒙蔽朝廷。所得軍中奏報皆非實事。景隆之為將也，蓋子澄薦之，故時言悉聽云。○甲申。大賚將士。上諭諸將曰：賞罰者至公之道也。賞當人心，則眾勸於善；罰當人心，則眾懲於惡。善為政者，不以賞私親，不以罰私怨。故衡石至公，天下取其照；今用將士，平大難，非賞罰至當，何以服眾？然予一人耳目，豈能周及？必邇諸將從公核報，勿徇私情，勿虧公義，有功無功，必從其實。庶賞罰之行，合于人心，得其斯得其力矣。○乙丑。○前都指揮僉事周成表、成張睦為奸臣貶黜落職者。

上念其皆 太祖功臣而黜非其罪咸復之○甲午 上諭于
衆曰惟我 皇考太祖皇帝受 天命有天下四海又安萬國
咸服立綱陳紀傳之後世長子立為皇太子衆子皆封王屏藩
邦邦家以鞏固無窮之鴻業不幸皇太子早薨秦王晉王相繼
逆趙比我 皇考廢天少主不明奸臣齊秦黃子澄在側用事
擅權怙勢變更成法儉邪讒愚構禍宗藩搖撼 宗社以微過
削奪五王復操刀向予前後興師動百十萬賴 天地 宗廟
之靈相佑予躬臣下一心屢以寡勝衆然予不敢以勝自喜而
益重憂畏者蓋思天下蒼生皆 皇考赤子奸惡驅之以冒白
刃彼何罪焉所得倖降悉縱遣之其死于鋒鏑之下者悉命檢
瘞少主畧不思孤人之子寡人之妻獨人之父母有傷和氣而
致災沴比者京師地震府庫災四方山崩水溢大風雨雪蝗旱

千里天心警戒至矣亦不省念此皆信任奸凶為所蔽蔽予凡兩上書陳訴無辜傾寫中心可為極矣而俱不見答是其欲加害之志終不可回蓋齊泰黃子澄輩予所不與共戴天者也其包藏禍心不止於害予其意必至濁亂朝廷傾危 宗社快其所欲然後已則予以爾將士南行用清君側之惡豈可已也爾等須協心比力以相予去此亮慙上安 宗社然後退守藩屏與爾等共享太平之樂不然吾與若等名蹈大惡身家皆不能保矣爾其懋哉眾皆叩頭曰 殿下忠孝之誠上通于天天必祐助臣等敢不思奮

太宗文皇帝實錄

十二月丁酉朔先是 上語左右曰遼東雖隔山海而數擾永平當思所以靖之吳高雖怯而行事差密楊文祖而無謀去吳高則楊文不足慮矣然非用智不能去之遂遣人賞書諭二人與文書則威毀辱之與吳高書則威稱譽之而故易其函若誤置者於是二人皆以聞於朝朝廷果疑吳高削其爵徙廣西獨命楊文守遼東由是兵無紀律人懷疑貳不敢數出矣。丙午召忠義勇智之士。諜報李景隆在德州復調集各處軍馬期以明年春大舉 上諭諸將曰李九江集眾德州將謀來春大舉我今宜往征大同諸將曰彼既將來則我當為備何得委而去之 上曰彼雖云然尚俟春暖我征大同大同必告急于彼求援苦寒之地南平脆弱不耐疲於奔命則凍餒逃散必多誘

而散之何為不可諸將曰善○乙卯○出師征大同○庚申○
師至廣昌守備湯勝等舉城降

太宗文皇帝實錄卷之五

太宗文皇帝實錄卷之六

二年正月丙寅朔 上至蔚州城守不下指揮李誠號衝天李
者倉卒城外走匿水溝中士卒搜得之 上詳之誠願獻城自
效遂遣歸城中人不從執誠囚之諸將候誠不至遂欲攻城
上曰觀其守備非旬日不能拔兵鈍威挫難以符志當用智取
之其城外舊有敵臺臺有樓駕飛橋跨接城橋毀而臺存我軍
因以為蔽遂命每卒具一布囊以土實之自臺上推下將積壘
其城齊乘之而入積壘將成以霹靂車飛石擊城中城中恟惧
將王忠李遠等城舉降即下令禁侵擾軍士入城肅然一毫無
犯○二月丙申朔○丁酉 命肅州衛指揮同知王忠率其精
銳軍隨攻大同○丁未○韃靼國公趙脫列于司徒趙反鄰帖
木兒司徒劉哈剌帖木兒自沙漠率衆來歸賜賚有差○癸丑

謀報胡寇將侵邊 上遣書諭韃靼可汗坤帖木兒并諭瓦剌
王猛哥帖木兒等曉以禍福○我師攻大同李景隆果未援引
軍出紫荆關 上幸師由居庸關回景隆軍凍餒死者甚衆墮
指者什二三棄鎧伏于道不可勝計○癸亥○李景隆遣人賫
書來請息兵而書詞驕蹇不遜 上以示諸將諸將皆怒 上
曰九江人奴耳何足怒賜書答之曰覽書知無恙甚善但書詞
何其虛誕矯飾而矜高夸大也夫言貴以誠貴論理誠斯無往
不孚理斯無往不服予 太祖高皇帝之子女 太祖高皇帝
之甥至親也吾所為是非曲直上有 天地有 宗廟神明昭
鑒之下有羣臣有一國軍民共見之而至親乃不見不知可乎
大抵今日之事為權奸之勢所脇雖天子尚在其掌握凡是非
邪正瞭然明白者皆移易變置以眩惑之自天子以下惟其言

之聽生殺予奪惟其所欲惡予不素不能諂事權奸故今日必欲見害雖天子不能不從之爾亦不免為所驅迫而來也然亦為所驅迫者屈于其勢而已之力不足也若汝之心彼固不能迫而昏之也今反覆來書是汝心亦為所昏乎何其虛誕驕飾而無誠矜高夸大而無理歟權奸所指予罪凡八其六事皆予遵承祖訓而行於皇考之世者何圖今日反以為罪乎其一謂第二子高輿擅笞驛吏固是過矣而遂指為父子不軌其亦可以服人乎其一謂予招納異人術士此尤是茫無聲影凌虛駕誕之說天地鬼神其可欺乎以此而輒加之極惡大罪勢壓威迫將成其一家權奸所為毒切如此故自救之計不容已也爾今言欲息兵固上合天心下合人心矣然當明兵禍實始於誰明其所始而一言以弭之孰不忻願而凡事有本有末為

之必自其本庶幾可成今權奸肇兵禍之本也誠欲弭兵必自去權奸始權奸去則朝廷清明朝廷清明則上下之情通上下之情通則兵不待言而自弭矣汝不思此而但盛稱謀臣之精勇士之衆甲馬之富彊傲自矜大以為泰山壓雞子之勢此固權奸所恃以肇禍者而汝亦同之汝亦愚矣哉夫區區北平一隅之衆不足以當天下之力三尺童子知其然也然師行有以忠為勇以義為壯以仁為勝者亦有恃衆而復好矯而敗者初不像人之衆寡力之強弱也况今天下謀臣勇將素受 皇考之恩而於今嫉權奸之跋扈憫宗室之無辜者所在有之故臨戰之際倒戈來歸已數萬人雖却之不納遣之不去助謀効力翕然同心吾何足以得此哉蓋忠義之心人人所同則汝所矜然以自矜大者又可終恃乎此蓋因汝夸詐聊為言之然不足

深辯但當推誠以明今日之事理夫吾所欲去者惟奸臣齊泰
黃子澄數輩耳去之而使紀綱政令一出於天子朝廷清肅
宗社莫安悉復 皇考之舊即歸守藩屏永祇臣職非敢萌分
毫踰分之望此吾之誠心也如國匿權奸不去禍本而惟欲吾
之眾豈獨吾心所不能從將士忠義之憤其肯從乎懇懼之心
惟在於此前嘗兩奏書於朝敷訴中國悉不賜答此必奸臣慮
非己利邀蔽蔽匿不以上聞今備錄往爾現之如汝不惑於權
奸之所迫而能篤念我 皇考之大德 宗社之大計以及予
至親之誼則以密聞於朝達予之誠於上聽上處之若爾惟知
有奸臣不復他念即無益之書繼今宜絕遂以兵刃見加予亦
不得而辭避矣其亮之。己丑 上遣二郡王高煦三郡王高
燧祭陳亡將士命世子厚恤其家又命來降指揮耿孝等分詣

鄭村垣等處收骸骨十餘萬聚瘞於北山之麓封樹其墓而嚴禁樵收仍遣孝祭之上親製文勒石以志曰嗚呼昔我太祖高皇帝起布衣提三尺劍掃除禍亂平定天下爾諸將士俱從南征北伐畧地攻城櫛風沐雨宣力効勞共成我國家大業勲績茂矣茲者奸臣濁亂朝綱同謀不軌欲領鴻業而先滅諸王以翦其藩屏故調發將士被堅執銳列陣成行加害於我不得已為自救之計卒兵敵之而我將士思太祖高皇帝大恩忘生捨死忠誠通感神明昭鑒雖衆寡不侔而所嚮克捷高念陣亡將士上非朝廷之所命下非有切己之怨仇徒為奸臣所驅迫而斃於矢石鋒刃之下哀哉何辜以遵釋典命僧修齊誦經資其冥福其骸骨棄露草野今官收瘞於北山之麓封土樹木以堅其藏仍勒石墓側昭示久遠而繫以銘曰天地之德

生物而已保合太和生生無止惟聖則之遇物無私一視同仁
子育春滋哀彼之傷若己之疾無死驅死巨蠹之賊緬維古礼
理當以時不俾暴露仁政之施嗚呼爾眾國之忠良奸臣肆毒
甚于虎狼死于戰陣曾不爾戚我心孔傷恒馬爾惕念爾骸骨
棄於草野日炙雨淋我豈忍也拾而聚之寔窆於斯魄其安矣
魂其妥而惟石峯峯勒銘山河維千萬世其永不磨○三月丙
寅朔大閱武臣有為權奸所黜不來歸者復其職○四月丙申
朔李景隆軍德州郭英吳傑等軍政定漸移近北朝廷先命中
官賈璽書賜景隆斧鉞俾專征伐中官渡江大雷風雨壞舟璽
書斧鉞皆沉於水至復賜之景隆受之益驕恣奢僭麾下詔事
之如君臣礼遂無忌憚云○丁丑上召諸將議出兵迎敵○
庚子○禍遂出師○辛丑○營于城南馬駒橋○壬寅○移營

武清遣謀者趨德州真定覘敵。○癸丑。○諜報李景隆軍過河
間前鋒已至白溝河郭英等軍過保定期于白溝河合勢而來
我師遂駐固安。○乙卯。上諭諸將曰李九江志大而無謀喜
專而違衆郭英老邁退縮平安腹而自用胡覘驕縱不治吳傑
懦而無斷數子皆匹夫恃其衆耳衆豈可恃衆而無紀律則
易亂且擊前後或不知擊左而右不相應徒多何益今彼將率
不專政令不壹紀律不肅分數不明往者鄭村埧之敗如風行
草偃其士卒非不多也大抵將為三軍司命將志衰則三軍之
勇不奮其甲兵雖多糧餉雖富適足為吾之資耳爾等但秣馬
礪兵聽吾指麾兵法曰識衆寡之用者勝吾策之審矣第患爾
等過殺當謹以為戒即日度土馬河營於蘇家橋是夜大雨平
地水深二尺及上卧榻迨旦兵端有火光如毬擊燁燁相上

下金鉦鐃作聲弓絃皆鳴將士皆奮欲戰。○己未 上復以
不得已舉兵之故祝告于 天方告有神爵五色飛駐旗竿之
首告畢向西北而去 上曰此神靈告我所嚮也必有大捷遂
率諸軍由西北循河而進先令百騎於白溝河東震砲日午大
軍度河過平安伏兵騎萬餘於河側 上曰平安監子耳往從
吾出師塞北頗誠誠吾用兵故敢為前鋒吾今日破之要使其心
胆俱喪 上先以百餘騎薄之將交鋒遽却以誘之安軍動而
陣亂我軍馳進 上率數十騎突出其後夾擊之安軍大敗斬
首五千餘級生擒都指揮何清獲馬三千餘匹時李景隆胡觀
郭英吳傑等合軍六十萬號百萬列陣以待我師進薄之景隆
等稍動 上以數十騎馳入其陣將士奮躍而從敵人馬辟易
我師乘之斬首無算時以暝不辨人猶戰未已敵軍中舉火器

時閃爍有光我師望見其明甲輒擊之敵蔽火器于地其所謂一窠蜂揣馬丹者着入馬皆穿而我軍俱無所復時夜深各收軍還營 上親殿後從者惟三騎速斫營處 上下馬視河流辨東西營在上流遂度河稍增至七騎是夜營白溝河北令軍士秣馬蓐食俟旦畢度時敵有胡騎三百來降 上令宿衛我胡騎指揮省吉悉令解甲釋兵而休既而盡殺之黎明 上問胡騎降者安在省吉曰臣慮其變詐倉卒不及請命已殺之矣 上大怒曰降者當推誠受之豈可涉疑而殺之降者見殺誰復樂歸我哉且殺無罪三百人縱無陽報必有陰譴昔李廣殺降終不封侯爾之功名由此不顯矣○庚申○我軍度河景隆等軍橫亘數十里 上列陣以當之開合數四敵疑不敢進 上諭諸將曰昨日之戰我觀敵如兒戲耳今敵雖衆不過日中

必破之衆踴躍爭奮後軍房寬先與敵交戰不利 上率精銳
赴之所向皆靡斬敵驍將瞿能父子及其精卒萬餘人先是戒
中軍張玉左軍朱能等曰必先推敵鋒繼以馬步齊進乃令都
指揮丘福等以萬餘騎衝其中堅不動 上以精銳數十突入
敵軍左掖殺傷甚衆敵勢披靡莫敢嬰鋒乃麾張玉朱能丘福
等馬步齊進人自為戰勇氣百倍 上遙見我後軍陣塵起曰
此敵人乘我後也乃以七十騎馳赴之過敵二萬與戰連擊殺
其數十人稍却數十步而止頃臾復馳入敵陣擊殺數十人進
退如是百餘合殺復甚衆左右曰敵衆我寡難與持久宜就我
軍併力擊之 上曰敵精銳盡在此故吾獨當之使諸將得以
致力于彼若往就我軍彼亦合力形勢相懸數倍我衆殆難破
矣於是復進戰不已敵衆飛矢如注 上所乘馬凡三易三被

創所射矢三服皆盡乃提劔左右奮擊劔鋒缺折不堪擊乃稍却敵來逼而限以二堤上復馳馬越堤逆之佯以鞭指後敵疑有伏不敢越堤而止遂相持上曰吾不進敵不速破乃易劔以勁騎繞出敵後突入馳擊敵勢少動遂敗棄戈而走河史敵大軍亦敗奔北之聲如雷遂追擊至其營倉旋風折其大將旗幟衆大亂我軍乘風縱火燔其營烟焰漲天郭英等潰而西李景隆等潰而南棄輜重器械孳畜不可勝計所賜斧鉞皆得之斬首數萬級溺死十餘萬追至雄縣月樣橋殺溺踰躡死者復數萬橫屍百餘石降者十餘萬悉放遣之李景隆單騎走德州○壬戌我軍乘勝進取德州○五月己丑朔○辛未李景隆聞我軍且至拔德州之衆宵遁○癸酉命陳亨張信入德州籍吏民收府庫得糧儲百餘萬山東軍民以牛酒迎謁軍門絡

繹不絕 上不受慰勞而遣之禁軍士無侵掠李景隆奔濟南
○丙子 上諭諸將曰李景隆在濟南收集敗亡今乘勝追襲
之勢必瓦解○丁丑留陳旭守德州 上率師往濟南○己卯
○至禹城北二十五里駐營日晡倍道而進詰旦至濟南李景
隆衆十餘萬倉卒布陣未定 上以請騎赴之左右控 上馬
諫勿進 上曰迅雷之下其勢不及掩耳既敗景隆餘不可緩
彼布陣若定則難猝破遂進擊之大敗景隆斬首萬餘級獲馬
萬七千餘匹景隆單騎遁餘衆悉降盡散遣之濟南城守不下
上命諸將攻之○辛巳隄水灌濟南城○壬午下令募忠義
勇敢之士應募者甚衆

大明太宗文皇帝實錄卷之六

大明太宗文皇帝實錄卷之七

二年六月甲午朔○齊奉黃子澄聞李景隆等屢敗濟南危急
皆震悚喪氣乃謀遣尚寶司丞李得成等來講和以緩我師○
七月甲子朔 上遣李得成等歸諭之曰吾嘗上兩書陳達中
懼皆不見答今不敢再瀆爾吾 皇考所獎拔者能不忘 皇
考之恩則歸為奏于朝臣之中誠前書備矣但望 皇上明斷
而已自古聽讒邪之佞誅骨肉之親鮮不復敗我為王下天子
一等富貴已極尚何求哉而讒人交構積毀銷骨誣之以極惡
加之以大罪發兵見屠哀哉何辜是以有死之心無生之志不
得已用兵自救然猶日夕覲望有回旋之恩今爾之來實副所
望夫明主之治天下不忘其所尊不弛其所親舉其大而畧其
細是以九族睦而天下平今欲轉禍為福在掌之間耳誅奸讒

以謝 祖宗去新政以復舊章施恩宗親而罷兵息民非獨保
全臣之一家亦永保國家無窮之休若弱于權奸之言必欲去
臣但恐臣去而國家亦危矣惟 聖明審之言訖 上流涕左
右聞者皆流涕得成歸備言之齊泰等怒而囚之。癸未 上
遣書諭 世子勗曰 謀報敵將平安領衆二十餘萬營單家橋
欲于御河邀我糧舟又選善水者五千度河將合勢攻德州今
德州尚餘糧數十萬但慮衆寡不敵且山東新附義勇軍今皆
挈妻歸非不絕于道亦慮為敵所邀吾料敵新敗胆破氣索必
不敢出然不可不備汝卽令高燧將萬餘人南出初營于彰義
明日移營盧溝河西又明日營良鄉如將與我軍合勢者使敵
聞之必狐疑不敢輕進四五日後令高亮率軍復回敵必再來
覘往返踰旬日則我之糧舟及新軍皆過直沽矣 世子如

上旨行之已而平安覘知果蓄疑不敢出。○八月癸巳朔。○戊申。○解濟南圍還師北平命諸將緣途嚴禁軍士侵掠召陳旭還北平。○九月壬戌朔。○先是承天門災朝臣多言宜罷兵息民以答天譴翰林文學博士方孝孺獨言諸侯當滅之應孝孺遂建議改謹身殿為正心殿午門為端門為應天承天門為皋門前門為輅門悉從之自是益多變更矣。○己丑。○師至北平。○辛巳。○遣北平府知府唐靖祭雄縣山川及白溝河神。○十月壬辰朔。○己亥。○陳亨卒。上親為文遣儀賓袁容祭之。○丙午。○下令征遼東。○丁未。上率師至通州張玉朱能請曰今密邇敵境而勤師遠征况遼東早寒恐士卒難勝惟殿下熟計之上乃屏左右密語之曰今敵將吳傑平安守定州戚庸守德州徐凱陶銘欲城滄州為犄角之勢德州城壁堅敵聚

定州亦城完有滿滄州土城墮圯已久今天氣向寒城豈易就
我乘未備出其不意急趨攻之敵有必敗之勢今聲言東征者
示無南伐之意以急之耳失今不取彼城完而守備固難于為
力凡事貴密故未令衆知者慮泄也王與能叩頭稱善○庚戌
○駐營夏店○壬子○密令徐理陳旭等未詣直沽造浮橋濟
師○丙辰移師還通州循河而南衆咸疑曰今征遼東而南行
何也 上始之曰夜來有白氣二道自東北指西南占書云執
本者勝今行師利南不利于東天象顯示不可違也昔徐凱等
謀知我師征遼東果緩守備而發軍四出伐木修城○戊午○
我軍過直沽 上語諸將曰徐凱等所設備惟青縣長蘆而已
埽梁兒窺光坡教程皆無水皆不備趨此可徑至滄州城不是
夜二更啟行晝夜三百里敵兩發哨騎皆不相遇明旦至監倉

遇敵哨騎數百盡擒之食時至滄州敵猶未覺督軍士築城我軍既至城下始蒼黃分守城築衆皆股栗不及擐甲我軍四面急攻之上麾壯士由城之東北角登逾時拔其城而先已遣人斷敵歸路遂斬首萬餘級獲馬九十餘匹而生擒都督徐凱程暹都指揮俞琪趙浙胡原李英張傑并指揮以下百餘人餘衆悉降咸給牒遣時迫暮餘三千餘人未給牒期明旦給而遣之是夜悉為譚淵所殺上聞亟召淵切責之曰爾雖善戰有功然擅殺無罪三千餘人如何可掩過汝誠欲吾得人心乎失人心乎吾每臨戰戒汝輩勿妄殺惟爾好殺不止天報顯明若此所為汝能免禍乎淵叩頭對曰此皆各處精選壯士今釋之無幾日當復來殺我矣既盡力獲之而復縱之是縱虎貽患也故臣愚計不如去之便上曰如尔所言凡與我為敵者必盡

殺之乃已乎不順我者殺之矣順我者亦殺之則彼寧盡死力以鬪誰復甘心見順也則慚悚而退 上置酒飲徐凱等遣之歸凱等稽首曰臣等荷 太祖皇帝深恩以有爵祿今為奸臣所驅迫干犯大義罪當死 殿下天地之仁不殺而赦之臣之一家雖糜粉不足報大德今尚何歸 殿下方誅奸臣以安宗社臣等雖駑願效犬馬之力盡死以報誠不願歸矣 上從之皆遣回北平仍其官祿○十一月辛酉朔○甲子○先是我軍破滄州所得輜重器械及降將徐凱等移直沽之舟於長芦載還北平 上慮德州威庸之眾要之乃率諸軍自長芦度河循河而南至景州遂至德州遣人於城下招威庸庸堅壁不出時我軍皆已過 上默率數十騎殿後庸覘知之遣騎數百來襲後 上返兵擊之殺百餘人生擒千戶蘇獻餘悉降○壬申

駐軍臨清。上語諸將曰：威庸聚眾德州而仰給，御河運糧。若邀其糧，彼乏食，必不得而出，出必虛聲躡我。之後其實欲向南就食，今覘伺其出，還軍擊之，蔑不破矣。○甲戌，移軍館陶。遣輕騎哨至大名，盡得其糧舟，遂取其糧，焚其舟。我軍至館陶渡河，至冠縣，過莘縣，遂向東阿、東平，以誘敵眾。○十二月辛卯朔，○甲午，駐營汶上。邏騎至濟寧，上聞威庸引軍出德州，遣輕騎往覘之。○丁酉，獲威庸運糧百戶二人，詢知威庸營東昌，其先鋒孫霖以軍五千營清口。上命朱榮、劉江率精騎三千夜襲破霖營，殺數千人，獲馬三千匹。生擒都指揮唐理等四人，孫霖僅以身免。○乙卯，我師至東昌，威庸背城而出。上諭諸將曰：威庸乏糧而出，今東昌素無蓄積，彼必決死一戰。須以智破之，敵欲速戰，則我不戰，敵不欲戰，我則授之以精騎。

繞出敵後覘其陣薄弱虛實若可擊就擊之尔等但望軍動叩
鼓譟而進俾其腹背受敵內必自亂可以收功借不可擊我掠
敵營而回尔等慎無恃累勝之威有玩敵之心尤當加警諸將
叩頭受命 上歷覘其陣曰吾已得破之之術敵精銳火器俱
在前兩旁及後空虛時敵持重不欲戰 上以輕騎擊其左翼
繞出其陣後復衝其中堅敵圍 上數望 上望其陣西南稍
薄遂衝擊而出殺其將士甚多 上碩所率一勇士馬傷不能
出復殺入敵陣挾出之時我軍違命不俟 上擊敵輒先踴躍
馳赴曰見敵不殺無勇矣遽進先薄其陣為敵火器所乘而退
張玉突入敵陣大戰連殺百數十人玉亦被傷而歿 上猶未
知力戰不已敵敗退時已昏暮就陣執敵卒訊知我步軍已退
遂還營○丙辰 上旋師命步軍輜重先行 上以百餘騎殿

後敵五千餘騎來追。上按轡徐行俟追者至其先鋒出陣挑戰。上發一矢射之應絃而斃敵退而復進。但先出戰者輒射殪之敵乃惧不敢逼而退。○丁巳。師至館陶時威庸馳報真定於是敵衆四出以要我歸師敵間獲我軍士即皮面抉目剝剔心腹慘毒特甚我軍聞之咸懷憤恨恃必死之志故每臨陣人自為戰不俟督促云。○三年正月辛卯朔。師次威縣真定敵師以馬步兵二萬來邀。上以精騎數千緣途按伏而躬率十餘騎薄其陣誘之且鬪且却引入伏內盡殪之。○乙丑。師次深州真定敵帥復以馬步兵三萬來邀。上先命騎兵千餘遙阨其歸路而率精騎百餘薄敵勞動我軍乘之遂潰奔還真定為我騎兵所要生擒監軍內侍長壽并指揮以下數十人斬首萬餘級獲馬三千餘匹餘衆降者悉縱遣之。○戊辰。師次

蠹隸百姓苦敵虜掠逃散出境 上遣人招之百姓聞 上至
皆悅遂還復業。丙子。師至北平。丁丑。諸將以東昌無
功免冠頓首請罪 上曰爾等冠非爾之失其失在予予恃爾
等皆同心同德號勇善戰故愛惜才難每有小過畧而不問循
至違律併廢前功譬如慈母愛子過於驕縱久則不聽母命此
豈子之罪哉諸將皆叩頭惶恐流汗浹背 上復曰勝負固兵
家常事今勝負亦相當未至大失所恨者失張玉耳艱難之際
喪此良輔吾至今寢不帖席食不下咽也言訖流涕不止諸將
皆泣下莫敢仰視。二月庚寅朔。戊戌。命僧修齋薦陣亡
將士 上親為文祭之祭畢 上流涕言曰奸惡橫加毒害于
我爾等憫我無辜奮力戰鬪為我而死舍無窮之寃於地下每
念及之痛切于心遂脫所服袍焚於前諸將趨進止之 上

曰將士於予情同父子死者有知鑒予之哀焚訖悲慟不已將士視之皆慟陣亡之家其父兄子弟見者皆收淚曰人孰不死死而蒙主恩德如此又何憾我等但當努力圖報且為死者雪寃也遂相率請從征自效○壬寅 上諭諸將曰敵勢已漸見逼宜固其未出先往禦之不可坐受其制○己巳 上率師南出諭將士曰爾等懷忠奮勇同心協力臨陣斬敵每戰必勝可謂難矣比者東昌之役不遵疏令遂棄前累勝之功深可惜也大抵懼死者必死捐生者必生若白溝之戰南軍怯懦望陣却走故爾輩得而殺之此懼死必死也爾等每於戰鬪之際衝冒白刃奮不顧身以一當百以百當萬故能出萬死全一生此捐生必生也是皆爾所見所知者故懼死退後是自求死自令母恃累勝之功慢不加警必沈著有謀必剛勇不怯毋率暮母選

奕庶幾可以建功勉之勉之。乙酉。駐師保定。上會諸將議所向。咸曰定州軍民新集。城池未固。攻之可拔。上曰野戰易於成功。攻城未易取效。今威庸復聚眾德州。吳傑平安。頤頤真定。相為犄角。如吾攻城未拔。頓師城下。彼合勢來援。堅城在前。強敵在後。勝負未可決。真定距德州二百餘里。我軍出其中。敵必出迎戰。西來則先擊西。東來則先擊東。敗其一軍。餘當破膽。諸將曰二百里非遠。我軍介兩敵之間。彼合勢齊進。則腹背受敵矣。上曰百里之外。勢不相及。兩陣相對。勝敗在於呼吸之間。雖百步不能相救。矧二百里哉。遂決明日移軍於紫園八方。上所御素紅絨袍。忽見白花如雪。色凝為龍紋。鱗鬣皆具。美如刺繡。諸將見者駭異。皆叩頭曰龍君象。天命嘉兆。必獲大捷。上歎曰我與若等不得已禦難求生耳。敢有一毫非分之

望哉但荷 天地 宗廟之靈得去權奸清朝廷安 宗社退
守藩封傳于子孫吾志願畢矣况今生死未保乎且水花偶然
可疑豈可據云嘉應果若嘉應亦非吾德可當爾曹慎毋妄言
又戒之曰方當相與戒慎之際不可妄以此為喜而有怠心○
三月庚申朔○進軍緣潯沱河列營當敵往來之衝遣遊騎哨
定州真定而多為疑兵以誤之○辛未○聞戚庸軍至單家橋
上率師由陳家渡度河逆之不見庸軍恐其潛與真定合於
是往復度河者三過一虎咆哮河側遂殺之 上諭諸將曰格
殺猛獸敵之徵也○己卯○偵知戚庸軍營夾河遂進師追之
○庚辰○距敵營四十里駐兵 上語諸將曰吾觀敵列陣每
精銳在前羸弱在後明日與戰以動師當其前摧其精銳餘自
震懼矣中軍常去敵五六里嚴整列陣以待之我以精騎先薄

其陣繞其背擊之推之使前彼急行五六里氣喘力乏中軍俟其既過隨而擊之我躡其後乘勢逐之慎毋逆擊之彼敗不得前奔則盡死力赴鬪矣。○辛巳。○令諸將列陣前進午至夾河盛庸亦列陣以待。上先以三騎覘庸陣見其軍火器強弩戰楯悉列陣前遂掠其陣而過敵出千餘騎來追。上勒馬注矢待之其追騎將近。上射殪一人其餘衆稍止已而復來又射殪一人如是者三乃却。上以兵騎一萬兼載步卒五千薄其陣前將交鋒步卒下馬攻其左掖敵擁盾層疊自蔽我軍攻之不得入。上預作木橫長六七尺橫貫鉄釘于端釘末有逆鈎令勇士直前擲之連貫其盾壘不得出動則相牽連不可以蔽遂乘其空隙攻之矢下如雨敵衆棄盾走倉卒其火器又不能發我騎兵乘之而入擣其中堅敵衆亂皆前奔中軍將譚淵望

塵起遽出兵迎之鏖戰而死未能張武等率諸軍并進 上以
勁騎掩擊敵背衝貫陣中與能等合勢斬刈甚衆殺其都指揮
莊得驍將楚智皂旗張等時迫暮各斂軍還營 上以數十騎
逼敵營而宿天明視之四面皆敵左右曰亟出無為所困 上
曰且休無恐日高丈餘 上引馬鳴角穿敵營從容而出敵衆
顧視驚愕畧不敢近○壬午 上諭諸將曰昨日譚淵見敵走
逆擊太早故不能成功兵法曰窮寇勿遏故我先戒中軍令整
兵以候敵已過然後順勢擊之蓋彼雖少挫其鋒尚銳汝必欲
絕其生路安得不致死鬪大抵臨敵貴於審機變識進退淵不
從吾言以致喪汝曹當慎之今日敵來爾等與戰我以精騎往
來陣間敵有可乘之處即入擊之兩陣相當將勇者勝光武所
以破王尋也遂嚴陣俟敵至時我軍于東北敵軍于西南進與

交戰自辰達未 上臨陣督戰將士人人爭奮乃張奇兵往采

衝之敵軍屢退而復合兩軍兵力相抵彼此戰疲各坐而息已

而復起戰相持不退飛矢交下忽東北風大起塵埃漲天沙磔

擊而敵軍眯目咫尺不見人我軍乘風大呼縱左右翼橫擊之

鉦鼓之聲震地敵軍大敗棄兵而走斬首十萬餘級追至淨沱

河溺水及踐蹋死者不可勝計餘皆潰散降者悉縱遣之盡獲

其器械輜重盛庸單騎走德州 上戰罷回營埃塵滿面將士

不能識及聞 上語声乃趨進見 上每臨戰出入陣間決機

應變但見一卒為敵所困皆騎赴拔出之諸將士遙見 上旗

幟皆喜莫不奮戈爭先一以當百故無往不勝也。初敵師驕

溢謂此舉必成功各持金銀器皿及錦綉衣服俟破北平城盛

作宴會至是大敗所持器皿衣服盡為我軍所得。癸未。遣

人報捷於世子。至單家橋，遇敵萬餘。營橋南不能進，遂還。○
甲申，上率兵徑趨單家橋，破敵營，斬首數千，級溺死者甚衆。
是日駐師樓子營。先是吳傑等引軍出與戚庸合，未至八十里。
聞庸敗，復還。真定上語諸將曰：吳傑等若嬰城固守，則出上
策。若軍已出，復歸以避我，此中策。若未求戰，此下策也。我計其
將出，下策破之必矣。諸將曰：彼聞戚庸敗，必不敢出。上曰：不
然。吳傑平安擁衆十餘萬，不得與戚庸合者，以我軍間隔之。今
逗遛不出，則將有老師費財之罪矣。况彼雖外與庸合，其實忌
庸先成功。今庸已敗，彼必欲獨成功矣。其勢必出。我暫散軍士，
託言取糧，彼聞我軍散，必乘虛而來。我軍之出不遠，伺彼將至，
即回嚴師待之，必落吾彀中。是日軍士四出取糧，又令校尉荷
擔抱嬰兒，偽作避兵者，奔入真定城，揚言北軍皆出取糧。營中

無備傑等聞而信之遂出軍襲我

大明太宗文皇帝實錄卷之七

大明太宗文皇帝實錄卷之八

三年閏三月庚寅朔。命陳亨、李遠等將騎兵五千哨真定。丙申。鄭報吳傑軍薄沱河北。去我軍七十里。上笑曰：彼不量力，揣智輒欲求戰。乳犬犯虎，伏雌搏狸，雖有閉心力，能勝乎？豈不鑿感庸哉！遂飭諸軍渡河，時向暮，諸將請明旦度。陸榮進言曰：今日出兵，陰陽家所忌。上曰：吾千里求戰，憂敵不出，故百計誘之。今彼既在外，足其送死之秋，時機如此，豈可失也？若稍緩之，彼退守真定，城堅糧足，攻之則不克，欲戰則不應，欲退又不能，將坐受其弊矣。拘小忌者，終誤大謀。上遂策馬先度。劉才執轡言曰：水深騎難可度，步馬輜重奈何？上麾騎兵由上流度，令步軍輜重步下流，騎陣遏上流而下流，遂淺輜重畢度。上先率騎兵三千循河西行二十里，果遇敵軍，敵

退營素城。○戊戌。○與敵界交鋒。值晚。各飲兵。還營。上慮敵
潛退。躬率數十騎。逼敵營。而宿以綴之。○己亥。○吳傑平安列
方陣于西南。上遙望而笑。謂諸將曰。方陣四面受敵。豈足取
勝。我以精銳攻其一隅。一隅敗。則其餘自潰。乃以軍糜其三面。
悉精銳攻其東北隅。與傑等大戰。上以曉騎數百。循滹沱河
遠出敵後。突入敵陣。大呼奮擊。兩陣矢交如雨。而集於上旗。
者如蝟毛。平安于陣間。縛棧丈并高。以望。上麾精騎衝擊之。
將及棧。平安下墜而走。幾被獲。忽大風起。發屋拔樹。傑等不能
支。我軍四面蹙之。斬首陸萬餘級。追奔直抵真定城。殺死無算。
俘降者釋之。盡覆其軍資器械。生擒都指揮鄧哉。陳鵬等。傑與
安僅得入城。翊日遣人送旗回北平。諭世子謹藏之。以示後
世子孫。使知今日遇禍之難。都督顧成見旗而泣。謂世子曰。

臣少從軍今老矣多歷戰陣未嘗見若此也。庚子。師度滹
沱河。乙酉。至順德。辛亥。至廣平郡。縣官民各持牛酒
來迎。上悉不受。但慰勞遣之。癸丑。至大名。官吏父老率
衆來迎。是日獲敵謀者言齊秦黃子澄等皆已竄逐。上大喜。
語諸將士曰。若爾則有悔禍之心。而兵雖可解。吾亦可以釋憾
矣。將士皆曰。此未可信。縱其姦臣已黜。而其所調天下之兵尚
在。境上是奸臣之計。尚行也。上乃奏書於朝曰。臣聞虞舜用
辟首去四凶。殷湯之聖。不吝改過。皆帝王之威。美萬世所師法
也。臣奉藩以來。今歷二紀。祇祇粟粟。不敢越違。比緣奸臣齊秦
黃子澄懷莽操之逆圖。志傾危於宗社。造滔天之禍。翦藩輔
之親。屢削諸王。次及臣。枉直為誣。飾虛為實。加之大惡。冒次深
誅。發天下之兵。殫府庫財。擠臣一家。并寘死地。臣嘗歷中懇號

敷訴天天居甚高畧無見聽夫小杖則受大杖則走臣雖至愚
豈忍父子俱被無辜之戮而令陛下受枉殺親王之名哉以
兵自防誠非得已上賴天地宗廟之靈鑒臣忠誠憫臣非
罪俯垂庇佑大軍之至每日摧衄然臣不敢為喜恒用傷悼誠
念此皆皇考所養兵民而奸臣一旦盡驅之白日之下使賊
血成川暴骸蔽野嗚呼寃哉彼實何罪故夙夜拳拳秉誠據敬
顧天地額祖考冀發聖明助震威斷早戮奸賊用除禍本
庶幾以清朝廷以安宗社以全親族以息兵民而天下有太
平之望也此聞奸臣齊泰黃子澄皆已竄逐於外臣一家長幼
皆欣喜舞忭有更生之慶謂陛下日月之明已宣雷霆之威
朝廷可以遂清宗社可以遂安親族可望保全生靈可望休
息天下可望太平帝舜之去四凶成湯之改過不吝陛下象

而有之矣臣猶未能盡釋于心者初聞齊黃被黜即以徧告三
軍將士曰明天子已洞察我之非辜而去權奸矣且夕必下寬
貸洗雪之恩吾與若等可以解甲而休帖席而卧矣將士皆曰
誠所願見但慮非出誠心而奸臣姑為退避之計以弛我耳然
我豈可輒自弛以束手就擒哉如其果出誠心則吳傑平安感
庸之衆悉召還而今猶聚境上侵迫不已則是奸臣之身雖出
而奸臣之計實行臣思其言恐亦人事之或然者也夫聖人之
感人至誠而已至誠可孚豚魚而况人乎 陛下推誠待下誰
不悅從若徒示以去奸臣之名而實仍用奸臣之計此非獨撤
陛下之藩籬將遂傾 陛下之堂室莽操之前鑒甚明此
不待智者而後知也奸臣之設計奸臣前書陳奏已詳如 陛下
不信但試察其所行所言果忠于朝廷乎果其自為乎惟 陛

下明之於心度之於理參之於古驗之於今力斷而行無終為
儉邪所蔽則天下幸甚 宗社幸甚非獨臣一家一國之幸書
至建文君以示方孝孺孝孺現畢曰我方將怠之此奏之來止
宜今各處兵已多集獨雲南兵未至燕軍久駐大名暑雨為沴
不戰將自困今調遼東兵攻永平德州擾北平根本受敵彼必
歸援我大軍躡其後有必擒之勢矣今幸遣人報之往復一二
月吾師必集矣 建文君善其策遂命孝孺草詔宣言欲罷兵
建文君覽詔曰既欲怠之則當婉辭庶幾肯從孝孺曰辭婉則
示弱矣遂令大理少卿薛嵩賫至軍中密散之以懈我將士心
嵩竟匿宣諭不敢出 上讀詔見辭語悻慢語嵩曰君臣之相
感惟誠耳此詔必非出 陛下意蓋奸臣挾詐以欺我也夫事
關國家 宗社而可以為戲耶又聞嵩詔旨如此瀕行時上何

言嵩曰上言但 殿下旦釋甲謁 孝陵即幕下令旋師 上
曰是入奸邪之言已固而我之誠終不見察三尺童子猶未可
給也遂指侍衛將士謂嵩曰縱我可給此曹可盡給之乎嵩惶
恐不能對於是諸將厲声曰嵩為奸臣遣來遊說以誤我是亦
奸目也請先腰斬之然後奮驅南嚮盡梟奸臣之首以慰 宗
廟謝天子安百姓而还臣等有死之志無生之心必不為奸臣
所欺矣 上曰汝輩悞矣今奸臣不過齊秦數人嵩天子命使
汝何敢妄言諸將曰 殿下初聞黜齊黃便謂朝廷有悔過之
心可以釋憾臣等固謂不可信乃今果然而 殿下猶不見信
何也 上曰吾亦計之矣但今方與詔使言爾曹不得妄語嵩
戰栗流汗被體俛首不敢仰視 上慮諸將或私害嵩留嵩於
左右旦夕相接盡意以語之留數日厚資之遣中使衛送出境

將行 上語崑曰歸為老臣謝天子天子于臣至親臣之父天子之大父天子之父臣之同產兄臣為藩王居大國富貴已極復有何望哉天子於臣素愛厚而一旦以謗見惡豈出其本心哉蓋奸臣交構以至如此臣之以兵禦禍蓋不得已為自救之計耳今臣與權臣勢不兩立幸蒙寬大之詔有罷兵之言 陛下天地大德臣之一家不勝感戴但奸臣尚在大軍未還臣所領將士心存狐疑雖臣屢宣德音彼懷後憂遲回顧望未有必散之志伏望 皇上推誠待下斷然誅此權奸故人散歸天下之兵馬則臣父子一僮一騎歸罪闕下惟陛下命之臣此言出於中誠 天地神明鑒臨在上不敢欺也果若諭言不出聖誠臣雖可從如衆人何惟 陛下審之崑歸至京未入見孝孺私就問之曰燕王何言其將士心如何且覩彼此兩軍之勢孰壯

孰弱崑曰燕王語直而意誠累千言皆天理人心之正不能
難也其將士雖不及吾十一而皆與王一心父子不過焉吾軍
雖衆然驕而懈疎而寡謀且諸將不和未見有勝之道今日之
事朝廷但當處之以道不當以力孝孺默然崑入見具言上
之情及軍中之事建文君以語孝孺曰誠如崑言曲在朝廷齊
黃誤我矣孝孺曰聞崑來時燕王重賄之今故為之遊說不足
信也遂罷○五月己丑朔○吳傑平安感庸俱發兵擾我餉道
上遣指揮武勝等奉書于朝曰比荷聖明允臣所奏特遣大
理少卿薛崑下詔軍中諭以偃兵息民雖臣將士不能無疑於
權奸之欺臣之父子蓋已欣戴陛下之仁矣而崑歸未十日
吳傑平安感庸頻疊發兵絕臣糧運要殺臣之將士數百人臣
將士守臣約束不敢赴鬪而彼必欲求衅畧不見捨與此所下

詔音背馳矣誠有以中臣將士之所疑派臣父子之所欣幸也如謂朝廷息兵之命傑等有所不知不聞薛嵩之往來復皆經其軍中其可謂不知不聞耶此皆奸臣之所為而陛下深居九重有所不知不聞耶臣之所恃者陛下至尊至親也今為奸臣所愚陛下雖有怜之之心而不能見疾則臣所以自救之計敢一日而忽之哉臣之中誠計薛嵩歸必能詳達但前詔旨如此今日奸臣驕制如彼外情恟恟不敢不聞伏惟擴明奮斷以固皇業以安天下斯臣亦有保全之望臣無任戰兢俟命之至書進建文君覽之益感悟有罷意以示方孝孺曰其詞甚直奈何孝孺未言建文君曰此孝康皇帝同產弟朕叔父也今日無辜罪之他日不見宗廟神靈乎孝孺曰陛下果欲罷兵耶天下軍馬一散即難復聚彼或長驅犯闕何以禦之騎虎

之勢可下哉且今軍馬畢集不數日必有捷報毋感其言孝孺
出矯命錦衣衛執武勝繫獄○六月戊申朔○辛酉獲其謀者
言武勝等已下獄 上謂諸將曰我駐軍於此三月以俟息兵
之命武勝既執則其志不可轉矣我豈能塊然坐此為人所擒
哉彼軍萃德州資糧皆通徐沛來但調輕騎數千邀而激之德
州無所仰給必困縱欲求戰我嚴師待之以逸擊勞以飽擊餓
有必勝之道勝之而後求息兵或冀能從諸將皆曰善遂遣李
遠等率騎兵六千擾其餉道 上令遠軍皆易彼甲冑使遠見
不疑又恐臨戰相難辨令各插柳枝一握于背為識遠等行
行 上戒之曰吾志在除奸臣數人耳毋虐百姓○壬申○李
遠等如 上旨至濟寧谷亭沙河沛縣敵望之皆不覺我軍焚
其糧舟數百艘糧數百萬石軍資器械不可勝計河水盡熱魚

驚皆浮死其運糧軍士盡散走京師大震而德州兵氣稍索矣

○乙亥○等率軍還○壬午敵將袁宇領馬步軍三萬邀襲遠

軍遠伏密林中以十餘騎誘之宇衆競前伏兵突出擊之遂大

敗宇軍斬首萬餘級獲馬三千匹宇僅以身免○七月戊子朔

○己丑○擒殺彰德守兵千餘人時敵將都督趙清守彰德

上先遣數十騎日往來城下擾其樵採及來追則引去城中薪

乏折屋為坎至是上曰彼既窘迫望吾人少必來追吾將擒

之使閉門不復敢出乃伏兵近城山麓而遣數騎薄城下誘之

城中軍果出追我騎誘入伏內伏兵擒殺其衆餘奔入城不敢

復出矣○癸巳○破尾尖寨初敵軍與民雜守之諸將恐梗我

餉道請攻之上曰山徑險窄惟一人可上元末兵亂民數百

人聚其上而數萬兵不能攻今姑緩之徐當用計破之至是募

得為鄉道者一人命張禮引兵千餘乘夜往攻之適夜微雨禮屯兵寨下選勇銳十餘人潛登遠出寨後執其守閤數人數之留一人引至寨門舉砲寨上驚亂禮大呼寨中人曰我前鋒也諸軍已駐寨下爾等速降則生不降諸軍即至破閤雖欲降無及矣遂皆下寨降禮引見上皆赦之命軍梯原伍民復原業

○丙申○林縣守將率眾牽城降○丁酉上慮敵兵擾北平近城耕牧乃遣劉江率騎兵千餘還上戒江曰汝兵度滹沱河由間道而行廣張軍聲多設間諜若遇敵少可擊則擊之敵眾我寡則盡為疑兵多張旗旌相屬不絕夜多張火炬使征鼓相應彼必謂我旋師惧不敢逼汝急趨入北平若彼來侵境會守軍共擊之江至北平安果率萬餘人至平村離城五十里剽掠人民江以兵擊大敗之斬首數千級俘獲千餘人獲馬六

百餘匹平安以教騎走。戊戌。方孝孺言于朝曰。今可師老無功而德州餉道又絕。事毋可愛。向以罷兵之說誘之。既不能行。則當別圖一策。安可生視。臣有一策。建文君曰。試言之。對曰。燕世子孝謹仁厚。得國人心。燕王最愛之。而其弟高燧狡諂。素忌其寵。屢讒之於父。不信。今但用計離間其世子。彼既疑世子。則必趣歸北平。即吾德州之餉道通矣。餉道通。即兵氣振。可圖進取也。建文君曰。何以知其父子兄弟之悉。孝孺曰。臣之徒有林嘉猷者。燕王嘗召至府中。居久。故得之悉。建文君曰。此策固善。但父子鍾愛。既深。恐未能間之。孝孺曰。可行。遂令孝孺草書。貽世子。令背父。煇朝許以燕王之位。而令錦衣衛千戶張安賣詣世子。世子得書。不啟封。并安遣人送軍前。時中官黃優奸險。素為世子所惡。而高燧深結之。為己地。及安持書至。優已先遣

人馳報。上曰：朝廷興世子已通密謀。上不信。高煦時侍，上亦替佞言非謬。上亦不信。語竟，世子所遣人以書及張安皆至。上覽書，歎曰：甚矣奸人之險詐！吾父子至親愛，猶見離間。况君臣哉。○壬寅。○諜報大同敵將房昭引兵入紫荆關，掠保定屬縣，悉歠人民登山結寨。民強有力者皆假以指揮千百戶之名，而逞威脇衆不從者，輒殺之。人被慘毒，房昭據易州西水寨，寨在萬山中，四面極險，惟一徑扳緣可上。房昭欲守此為持久計，以窺伺北平。上曰：保定北平股肱，郡豈可不援。遂班師。○八月丁巳朔。○度游沱河。○丁卯。○駐師完縣，諸山寨民來歸，悉撫安。復業命孟善鎮守保定。○丙子。○諜報真定敵將遣都指揮韋諒領兵萬餘運糧接應房昭。上語諸將曰：敵以西水寨為固，其中薪水不乏，所缺者糧耳。使其餽餉得濟，敵

未可破遂率馬步精兵三萬赴之。丁丑。至寨口韋諒督運
已入寨遂圍。命朱榮等將兵五千圍定州。九月丁亥朔。
壬寅。上語諸將曰。今圍寨急。真定聞之。必未援。其摧敗之餘。
進必不銳。我姑輕騎往定州。彼探知我去。必速來。來則據險以
待。我还兵合擊。必敗之矣。既敗。其援兵寨兵可不攻自下矣。時
圍寨久。敵軍多。南人天寒衣薄。會夜霜月。上令軍中四面皆
吳歌。敵軍有潛下寨降者。言衆聞歌声皆墮淚。思歸無固守之
志。但為房昭等所制耳。甲辰。上赴定州。十月丙辰朔。
真定援軍至。上夜率精騎五千趨還。丁巳。食時與圍寨
兵合敵裨將都指揮花英鄭琦等以馬步三萬餘列陣峨眉山
下。上縱兵擊之。令勇士卷旆登山。潛出敵後。大張旗幟。寨中
望見驚駭。遂亂。四散奔走。我軍逐之。斬首萬餘級。墜崖死者尤

衆獲馬千餘匹擒都指揮花英鄭琦王恭指揮唐忠等惟房昭
韋諒脫走復追數千餘人遂破西水寨丙寅師還○丙子○師
至涿州大亨將士○乙卯○師至北平○十一月乙酉朔○壬
辰○陸紀善金忠為右長史○癸巳○大亨將士○乙巳
親為文祭從征將士及天下將士為奸臣所驅沒于戰陣者○
庚戌○釋擒獲遼東指揮王雄等七十一人还本衛先是遼東
楊文等引軍圍永平出遊兵萬餘掠薊州遵化諸郡縣所得人
民無老少皆烹食之有年百十歲者亦被殺軍士撓貫嬰兒於
槩末為戲縱恣淫刑百姓苦之守將郭亮以聞命刘江率軍往
援上戒之曰敵聞我軍至必遁回山海慎勿追之爾永平月
餘叩感張旗幟整飭隊伍声言回北平徐行一二程卷旗疊甲
夜復入永平彼聞尔还北平必復来寇爾出帥奮擊必敗之江

至永平敵遁如 上酌料江如 上旨稍出中丞敵果復至縱

掠昌黎縣江出兵掩擊大敗之斬首數千級獲馬六百餘匹生

擒王雄等至是釋之遣歸 上諭雄等曰汝婦諭楊文奸臣亂

朝網壞 祖法屠戮諸王將危 宗社我之舉兵為誅奸臣救

禍難保全骨肉以安天下每戰勝所獲將士念其皆 皇考舊

人今為奸患驅迫而來非其得已故悉放遣之夫奸臣所患惟

予一人百姓男女耆老嬰兒何非淫刑慘酷人不忍聞天有顯

道善惡之應提於影響汝不有人禍必有天刑汝能無惧乎如

是雄等叩頭曰文誠得罪于天無所逃禍臣等愚昧為所驅使

罪宜萬死今蒙 殿下再生之恩當願首為報言訖皆流涕

上賜資糧遣之○辛亥○韃靼可汗遣使來輸款○十二月己

卯朔○丙寅 上率師南征諭將士曰靖禍難者重在安黎庶

誅賊亂者必先行仁義今予衆之出為誅奸惡扶社稷安生
民而已彼奸臣弄兵所至橫肆殺掠照類無遺凡今生民皆我
皇考赤子奸臣既虐使之夫不得耕婦不得織日夜不息而
又恣其充暴吾痛心疾首寢食不安圖所以拯救之爾曹慎勿
有所侵害苟有一毫侵害于民是逆我之心與奸臣同惡必不
能相宥矣爾曹勉聽吾言又曰善惡皆有天報爾但覩之奸臣
所為如此未有不身家俱禍者也○壬午○駐師蠡縣是日移
營汧河上召李遠諭之曰今駐於此真定德州必出遊兵偵
我動靜爾以輕騎八百往哨彼至即擊之

大明太宗文皇帝實錄卷之八

大明太宗文皇帝實錄卷之九上

四年正月甲申朔李遠兵至藁城果遇德州裨將都指揮萬進領馬步兵萬餘為前鋒乘水度滹沱河半度遠進擊之敵望見遠軍少斂退下馬繫之林間以步卒接戰遠佯却敵追之遠分兵潛出其後解縱所擊馬遠奮擊之敵退已失馬遂大敗斬首四千餘級溺水死者稱是獲馬千餘匹萬進僅以身免捷至上遣書勞遠曰將軍以輕騎八百出奇應變破敵萬人功亦偉哉雖在名將不過也所部將士能奮忠效力建功於歲首宜加褒賚速第其功以聞○戊子遣朱能率輕騎一千出哨三衛水縣遇敵哨兵與戰大敗之斬首七百餘級獲馬五百餘匹生擒指揮賈榮等○己未由館陶度河上遇一病卒仆于地命左右以從馬載之左右曰從馬非卒所宜乘上曰人命與馬孰

輕重人病不能行不載之是棄之矣吾豈貴馬而賤人哉且彼從吾盡力而病吾乃不恤之豈為人父母之迫左右皆頓首刺者亦皆感悅○丁丑師至東阿舊縣攻城不下力戰拔之斬首三千餘級生擒其守將○戊戌攻拔東平擒指揮詹璟 庚子攻拔汶上擒指揮薛鵬○辛丑 上訪將士曰孔子萬世帝王之師太平之道所自出孟子傳孔子之道以開諭後世其功德在生民蓋與天地日月相為無窮今曲阜孔子之鄉鄒縣孟子之鄉將士毋入其境敢有入境侵及其草木一一皆誅之不宥○庚戌師至沛縣守將以城降知縣顏伯律不出為我軍所殺○癸丑師至徐州○二月甲寅朔軍中久不聞敵兵消息 上遣胡騎指揮欵台領兵十二人人二騎北覘之欵台至鄒縣遇敵饒卒三千餘人欵台等鳴鐸馳入騎大呼曰大軍且至不降

者死饒卒驚駭悉奔散遂擒十戶二人歸知敵兵駐濟寧上
曰款台以十二人破敵三千人真壯也命左右紀績以俟大賚
○甲戌師至徐州東北其守將明城不敢出上欲移軍南行
諸將曰各營軍士多取糧今起營恐後至者城中出兵掩襲之
非便上曰無慮要雖一人行彼亦不敢犯乃伏兵於九里山
先藏百餘騎于演武亭令數騎往來城下誘之且戒之曰爾等
至城下解鞍息馬示以安閑若敵不出卽慢罵以挑之敵怒來
追爾則按轡徐行引其渡河既渡河卽舉度卽炮我縱兵擊之
彼必懼急回度河蒼黃之頃必成擒矣數騎如上旨往來城
下城中兵不敢出乃焚其廬舍大罵之徐發一矢射城上抵
暮乃去明日復如是城中將士不勝憤遂開門出兵五千追度
河地密伏發上以數騎馳出西門斷其歸路腹背夾擊之敵

眾奔潰急爭橋橋壞墮水死者千餘人斬首三千餘級餘奔入城後我軍單騎往來城中人竟不敢出○己卯遣都指揮李讓祭外祖徐王墳 上戒將士曰閔子卿 外祖墳墓及其家在馬勿有侵擾違者不宥逆召王親族賜鈔萬錠慰勞而遣之○三月中申朔我軍自徐州趨宿州 上語諸將曰敵縱我從當豫備之乃留都指揮金銘將遊騎哨景山戒之曰敵至見爾孤軍必追襲爾則列隊徐行乍進乍退彼疑爾為誘必不敢進令令都指揮冀英先以數騎隔河按伏覘爾度河如敵來襲英即舉炮彼疑有伏猶豫未決之頃爾眾已度矣銘往果遇敵兵萬餘遂遠巡而行引軍臨河敵眾來迫冀英連發炮敵即欲退方欲布陣而眾紛擾未定銘遂度河與 上會宿州後敵審知惟銘百騎深悔失計○辛卯師至蒙城○壬辰師注渦河謀

報平安領馬步兵四萬為前鋒躡我後 上曰當出奇勝之顧
視濱河樹林叢茂蒙茸堤岸深溢曰彼必疑此有伏聞泚河平
川少樹彼必不疑可以按兵遊親率精騎二萬人持糗糧三日
至泚河按伏兵諸軍百餘里勅諸士皆束苜連屬于道按諸軍
警戒候者曰縱火者與敵大戰也一苜舉火餘苜皆應敵見必
以為我軍則胆落矣若小勝敵則不須舉按兵數日敵不至而
糧且盡諸將咸請回軍 上曰更待一二日彼必至明日諸將
又請曰今非獨兵食盡馬斃亦之是未遇敵而先自困固請回
軍 上曰彼引眾遠來銳意求戰寧肯委而去乎但破其前鋒
彼自奪氣指所指刀論之曰但折其銳鋒即無復有用我按甲
於此待之至則有必擒之勢諸將曰不來奈何 上曰我度其
必來須少待之迫暮令朝騎指揮欵台以數騎往哨是夜四鼓

欵台遣報敵營距此四十里以問其更鼓且必至矣 上喜聚
明令白義王真劉江各將百騎往逆之戒之曰爾等各於路
按伏彼若駐兵不動則以十餘騎掠其營伺晷以挑之若來
追慎勿與戰且引却漸與所伏兵合敵懲前日不追金銘之失必
窮力逐爾等亟回引入我伏內彼既急趨二十餘里人馬必乏
擒之必矣 上又令王真等縛草置囊中若束帛載馬上俟敵
迫急即奔於地午王真等與平安兵遇安語其眾曰此游騎也
亟擊勿縱乃舍步卒率騎兵馳來追真等佯走棄囊于地誘之
其眾果競取棄物既入我伏內伏發敵眾大駭勒馬還走馬疲
敵策之不動悉下羅拜請降平安以騎兵三十駐北岸高坡
上以數十騎當之犬耳仄者我胡騎指揮素騎勇既召還京師
為安裨將至是持稍直趨 上前相距十餘步我胡騎指揮童

信引弓射之中馬馬路遂生擒大可汗其麾下哈叁帖木兒亦
驍勇見大耳仄被擒持稍衝突來救信復射其馬人馬俱仆並
擒之時欲生致平安安變服以數騎走餘悉奔遁上率兵追
之斬首數十級獲馬八千餘匹生擒敵驍將林帖木兒餘降者
皆縱之於是諸將叩頭賀且謝曰臣等繼今不復敢料事向加
臣等言失此機會罪何所逃上笑而諭之曰事機偶有相乖
耳無苦自貶自今但心有欲言即言之勿德此而遂默蓋安危
吾與卿等同之是日釋大耳仄等令帶刀宿衛左右諫曰此雖
舊人然久居敵中其心叵測未宜置於左右上曰彼皆壯士
既被擒固已心服愧吾與之有舊恩今復生之必思圖報毋過
疑也遂厚養大耳仄及哈三帖木兒○甲辰遣胡騎薛脫歡領
兵哨宿州遇敵軍擊敗之斬首五百餘級降者釋之○丙午

上諭諸將曰我師深入利於速戰今敵駐宿州積糧爲持久計若邊其餉道則彼飢窘不戰將自潰遂命劉江將兵三千往徐州斷敵糧道江趨趙不行上怒欲斬之諸將叩頭固請乃得釋別遣譚清領百餘騎行清至徐州遇敵饗兵擊敗之斬首無算循河而南至淮河五河水陸燒敵饗舟車不可勝計清還至大店遇敵戰清騎少敵圍之清且戰且行上遙見清旗幟引兵馳援之出入敵陣殺數十百人火耳仄從上出入手殺十餘人敵勢披靡清引眾圍而出與上兵合擊之大敗敵眾殺死無算敵軍欲南遁上以騎兵躡其後行止常距十餘里○丁未遣陳文李遠哨淮河擊敗守淮河將士斬首千餘級獲馬千餘匹幾奪浮橋○四月癸丑朔○丙寅我軍縱敵至小河上諭諸將曰敵勢窘迫必求一戰我據險待之使進則搃

其吭退則拊其背彼必狼狽乃令陳文於河衝要處為橋先度步軍輜重騎兵隨之遂分守橋○丁卯敵軍布陣亘十餘里張左右翼緣河而東上率騎兵與戰敵騎兵敗走步兵復前爭橋陳文殺敗之追奔度河敵後軍來拔陳文戰沒敵眾遂度橋布陣戎將張武率勇敢士自林間突出擊之與上騎兵合大敗敵眾斬首二萬餘級溺水死者不可勝計屍積于河水為之不流生擒敵將丁良朱彬於是敵軍據橋南我軍據橋北相持數日敵糧盡軍士採野菜而食上曰彼飢吾與之相持然彼居南岸便饋餉更一二日饑稍集得濟即來易破之乃留守橋兵千餘不動而沿移諸軍輜重東行去敵營三十里夜半度河而南繞出敵後敵旦始覺復引軍相對○甲戌駐師齊眉山與敵大戰自午至酉勝負相當遂各飲軍還營明旦敵拔眾遁會

大霧迷道旋繞山麓午暮始散 上引追襲不十里及之敵大驚遂深塹以自固敵所至作塹壘軍士通夕不得休暨成而將旦復行徃徃虛糜人力故臨戰之際率先罷困矣 上行營不為塹壘但分布隊伍列戰為門敵不敢犯故軍士至營即但休逸作息自便 上駐師有暇輒與諸將馳獵以展覽地勢獵有所獲悉賜將士每拔一城破一壘所得財物亦悉賜之故人人樂為之用○乙亥諸將請曰我軍深入與敵相持今盛夏淮王蒸暑雨連作軍中倘有疾疫則非我之利今小河之東平野多牛羊且二麥將熟若度河擇地駐營休息士馬觀衅而動萬全之道 上曰卿等所見拘常策非知變通夫兩敵相持貴進忌退今敵眾虜敗心胆已喪况久乏糧士卒飢窘其心已離我所以請其南來者蓋敵軍多士久替于外孰不思家若復大敗潰

散奔歸誰能禦之如卿等言欲度河但恐懈我士心且敵餉已
達彼將復振而難與持久今乘彼飢疲邀其饋道可以坐困之
今日之勢利已在我不容少緩諸將言多二三日惟未能鄭亨
與上意合上曰諸將欲度河者左不欲者右有數人就右
餘皆就左獨王真中立上怒曰欲度河者任所之諸將乃無
敢復言○丙子上語諸將曰敵糧且至慮我擾之必分兵往
護留其半堅壁自守因其兵分勢單力弱我以兵擊之彼不能
支必棄而走營中若出援我乘破竹之勢敵有土崩之患乃遣
朱榮劉江等率輕騎截其餉道戒之曰若敵眾爾等且戰且行
以撓之慎勿與塵戰及引之漸近即馳來報敵將何福等移
軍欲就糧上率眾殿之晝令遊騎擾其樵採夜使勇士劫其
營敵眾不得息飢疲日甚乃分兵護糧時上亦不解甲數日

矣○丁丑敵移營靈壁○己卯朱榮報敵運糧五萬且至平安
率馬步六萬諷之為方陣負糧者居中其營二十里 上分壯
士萬人遮敵援兵而伏馬步兵數萬于林間豫戒之曰敵戰疲
即出擊之於是 上率諸軍往逆敵悉眾來戰 上以騎兵夾
擊之左右馳射兵注如雨敵人馬辟易又縱步軍橫貫其陣斷
敵為二皆棄糧而走遂大敗敵眾斬首萬餘級乘勝追擊殺死
並俘者復萬餘人盡獲其糧餉軍資器械何福等出壁來援壯
士與戰稍却而伏兵突出奮擊 上亦還兵擊其後敵腹背俱
困不能支大敗俘斬無算獲馬五千餘匹何福等以餘眾走入
營塞壘門堅守 上望見其塞壘問諸將曰此何為諸將曰固
守以待援耳 上曰不然是欲謀遁耳宜嚴備之○庚辰何福
等先與戎軍相對深溝高壘欲運糧實其中為持久計至是軍

敗糧乏眾心離散乃下令期明旦開炮三響即出走約聚淮河
就糧○辛巳 上命諸軍攻敵營壘而躬率諸將先登軍士蟻
附而上我軍三震炮敵眾誤為已炮急趨門走門塞不得出營
中紛擾人馬望涼塹皆滿破其營生擒敵將左副總兵都督陳
暉右副總兵都督平安右叅將都督馬溥都督徐貞都指揮孫
成等三十七員內官四員禮部侍郎陳性善大理寺丞彭典明
欽太監副劉伯完指揮王貴等一百五十員獲馬二萬餘匹降
者無算悉縱遣歡聲動地曰吾屬自此獲安矣何福乎騎脫走
初破敵壘 上數下令不許殺一人殺人必償命由是將士不
敢妄殺○壬午遣費璵等送陳暉等回北平○五月癸未朔○
己卯師至泗州守將周景初等舉城降 上問景初曰未攻城
而先降何也景初曰此有僧伽神水旱疾疫不禱有疑必卜問

吉凶悉嚮歷 殿下兵未至臣等齋潔叩神曰與降孰吉曰降
吾數叩皆然神所命也人敢違乎是以降○是日謁 祖凌
上泣曰橫罹殘禍幾不免矣幸賴 祖宗庇佑得今日拜 凌
下尚祈終相以清奸慝於是凌下父老悉詣軍門見賜牛酒及
鈔慰勞而遣之○辛卯敵將盛庸領馬步兵數萬戰艦數十艘
列淮之南岸我軍列北岸相對 上命將士艤舟編板搥鼓
譟指麾若將度河者敵望之有憤色 上別遣丘福朱能等將
驍勇數百人西行二十里以小舟潛濟漸近敵營舉炮敵驚愕
福等突衝敵陣敵眾棄戈甲而走盛庸敗戰不能上馬其下掖
之登舟遂單舸脫走我師盡獲其戰艦遂濟淮駐南岸是日克
盱眙○癸巳 上會諸將議所向或曰先取鳳陽過其援兵之
路我軍徑趨滁州取和州集船度江別遣之一軍西擣廬州出

安慶而長江之險為我有矣或曰先取淮安為根本次下高郵
通泰以及真揚得此遂可渡江而無後顧之虞上曰鳳陽樓
櫓監完所守既固非攻不下恐震驚皇陵淮安高城深池積
粟既富人馬尚多若攻之不下曠日持久力屈威挫援兵四集
非我之利今乘勝鼓行趨揚州指儀徵兩城軍弱可招而下既
得徵揚則淮安鳳陽人心自懈戒耀兵江上聚舟渡江東取鎮
江收常州遂舉蘇松以及江浙西下太平撫池州以及安慶則
江山孤城豈能獨守久則必有內變吾於此時索取奸惡事窮
迫勢誰能固匿之者必有縛獻軍門者矣吾然後祇謁孝陵
朝天下敷寫中曲明白此心而後復皇考之舊章拔諸王於
困苦一清朝廷載安宗社而與卿等還守舊藩優游暮景矣
諸將皆頓首稱善己亥遣吳王招諭揚州先是揚州衛指揮

王禮等聞 上將至議舉城降其鎮守指揮崇剛監察御史王彬執禮等下獄暨王至禮弟宗及千戶徐政張勝舍人吳麟等數十人出禮等於獄遂開門降 庚子師至天長揚州指揮王禮等縛其鎮守指揮崇剛監察御史王彬赴軍門見 上至揚州命王禮同吳庸等率馬步兵數下諭高郵通泰諸城且集舟以備度江 壬寅高郵等衛指揮王傑等率眾詣軍門降 上駐師江北於是朝之六部大臣皆圖自全之計求出守城都城空虛上下震悚建文君乃下罪己之詔遣人出徵兵蘇州知府姚喜言於朝云有文武才畧可以扶顛濟傾者反置之散地不用今事勢狼狽須速召之詢其姓名不對再三詢之對曰于今人才豈有過於黃太卿哉將召用之為方孝孺所沮既而復召久不至孝孺曰宋齊丘竟不來耶孝孺言乃事急其宜以計稍

媛之建文君曰何計曰曷遣人許以割地措延數日東南召募壯丁當畢集天塹之險北軍不長於舟楫相與決戰江上勝敗未知建文君善其言乃遣慶城郡主度江至軍門白其事郡主上之從姊也上見郡主慟哭曰我父陵土未乾我兄弟頻見殘害人之忍心有如此乎且一入讒臣之宮即如膠漆不可解至親之言縱傾吐肝心如水洗石今我之來豈其得也哉言已復哭郡主亦泣不沾襟悲不能止上問周齊二王安在郡主言周王雖召還未復爵齊王仍被拘留上益歎歎不勝郡主徐申割地議和之說上曰吾所受皇考封王且不能保割地何用且吾來欲得奸臣耳在清朝廷安宗社不在地土吾分地自有皇考所命者富貴足矣不願贏餘但得奸臣之後謁考陵朝天子求復興章之舊免諸王之罪即還北平

永祇藩輔吾無他望也又曰此奸臣欲姑媛我以俟遠方之兵耳我豈為其所欺哉郡主默然遂辭歸上送出軍門謂曰為我謝上吾與上至親相愛無他意也幸不終為奸臣所惑耳為我語諸弟妹吾幾不免兵賴宗廟之靈垂佑相見有日也郡主還具言之建文出以語方孝孺孝孺失色建文君復問今奈何孝孺徐曰長江可當十萬兵江北船已遣人盡燒之矣北兵能飛度况天氣蒸易以染疾不十日彼自退若遽度江祇送死耳

大明太宗文皇帝實錄卷之九上

大明太宗文皇帝實錄卷之九下

四年六月癸丑朔吳庸等集高郵通泰諸郡縣之舟於瓜州

甲寅 上祭大江之神祝曰予為奸惡所迫不得已起兵禦禍

誓欲清君側之惡以安 宗社予有感于神者不得度此江神

鑒孔適昭格予言○乙卯誓于眾曰予及若等之來不得已為

救禍計且上為國家下為生民賴 天地 宗廟垂祐獲遂至

此夫行百里者其半九十若等勉之吾既至此奸臣當已魂飛

魄死然國數猶聞不可不慮但京師 宗社宮闕所在爾等當

明紀律肅部伍守法循理慎無縱恣但持兵來拒者殺無釋此

外秋毫無可有犯蓋今日兵民皆 皇考之赤子非奸臣之人

但為奸臣驅迫耳 皇考之赤子順承 天休唯在安輯度江

入京秋毫無犯違予言者以軍法從事先是敵將威庸駐軍高

資港緣江上下二百餘里盡列海艘嚴備至是上帥師度江
舳艫相衝旌旗蔽空戈矛耀日金鼓震動微風飄揚長江不波
若履平地緣江備禦軍士遙望皆驚愕不敢動既漸近岸盛庸
整陣以待上度前鋒鼓譟先登繼以精騎數千直衝庸軍敵
眾震懼奔潰棄戈甲而走追奔數十里斬首百餘級威庸單騎
遁餘將士皆解甲釋胄來降○戊午諸將請徑薄京城上曰
鎮江咽喉之地若城守不下往來非便譬之人患疥癩雖不能
傷生終亦為梗先取鎮江則彼勢危矣眾皆唯唯上令來降
海舟皆懸黃旗往來江中鎮江城上望之驚曰海舟皆已降吾
何能力於是其指揮童俊等率眾來降庚申戎軍駐龍潭上
顧望鍾山愴然下淚諸將諸曰今禍難垂定何以悲為上曰
吾往日度江即入京見吾親為奸惡所禍不度此江數年今至

此吾親安在瞻望鍾山仰懷 凌寢是以悲耳言已益泣不止
諸將皆泣○辛酉建文君聞絳江海舟兵皆降又聞鎮江降憂
鬱不勝徘徊殿庭之間方孝孺稱疾不起遣人強起之間計孝
孺曰今城中尚有勁兵二十萬城高池深糧食充足盡撤城外
民舍驅民入城足以為守城外積木悉運入城彼無所據雖來
能久駐乎建文君從其計乃役軍民高費工匠日夜拆屋運木
盛夏飢渴勞苦不勝死者相枕藉嗟怨盈路城外積木既多兵
民疲於搬運私縱火焚之火連日不息西南城崩役兵民修築
未竟東北城復連崩不已兵民老壯晝夜不得休戚有來蘇之
望乃方孝孺言前遣郡主未能辦事今以諸王分守城門遣曹
國公蒞尚書王都督往龍潭仍以訓講和為辭用覘其虛實以
待援兵至則選精銳數萬內外夾擊決死一戰可以成功萬一

不利車駕毒罰收集士馬以為後舉建文君然其計乃遣李景隆茹瑄王佐來見景隆等見上俯伏惶恐流汗浹背不敢仰觀上曰勤勞公等至此雅意良厚景隆等再三叩頭不能發一語上曰公等有所欲言第言之久乃以割地講和為請上笑曰公等今為說客即始吾未有過舉輒加之大罪削有庶人以兵圍逼云大義滅親吾今救死不暇何用地為且今割地何名皇考混一天下為天子諸子已裂土分封各有定分割地之說孰主張是此又出奸臣之計也吾今之來但欲得奸臣耳公等歸奏上但奸臣至是吾即解甲免胄謝罪闕下退孝陵歸奉北藩永祇臣節天地神明在上吾之此心明如皎日不敢渝也○壬戌景隆等歸其陳上語且曰彼必欲得罪人建文君今景隆等再往言眾人俱已竄于外無在京師者俟執

至則來獻蓋用以緩我師景隆等遮迴不肯行遂令在京諸王
與之偕行○癸亥諸王來見上對之愴然泣下相勞苦外諸
王以朝廷所命之言達上上曰諸弟試謂斯言當乎否乎
誠乎僞乎果出於君子抑奸臣之謀乎諸王皆曰大兄所洞
見矣諸弟何言諸弟之來豈得已哉上曰吾此來但得奸臣
而已不知其他遂賜宴遣諸王歸建文君知事急乃罵諸奸臣
曰事出汝輩而今皆棄我去乎長吁不已○甲子上下令禁
約將士入城之日不許擅入人家侵人一毫雖功高必斬方
孝孺建議堅守不出遣人潛齎蠟丸四出促援兵皆為游騎所
獲○乙丑上至金川門時諸王分守京城門谷王穗守金川
門穗登城望上遂按兵而入城中軍民皆具香花夾道迎拜
將士入城肅然秋毫無犯市不易肆民皆按堵上慮朝廷事

急加害周齊二生遣騎兵千餘馳往衛之周王初不知 上所

遣倉卒惶怖既知乃喜曰我不死矣來見 上出迎之周王見

上拜且哭 上亦哭感動左右周王曰奸惡屠戮我兄弟賴

大兄救我今日相見真再生也言訖復哭哭不止 上慰止

之與周王並轡至金川門下馬握手登樓 上曰身遭危禍無

所容生數年親當矢石殞萬死今日重見骨肉皆賴 天地

皇考 皇妣之祐得至於此周王曰天生 大兄戡定禍亂

社稷保全骨肉不然皆落奸臣之手矣時諸王及文武羣臣父

老人等皆來朝建文君欲出迎左右悉散惟內侍數人而已乃

嘆曰我何面目相見耶遂闔宮自焚 上望見宮中煙起急遣

中使往救至已不及中使出其屍於火中遺白 上 上哭曰

果然若是癡騃耶吾來為扶翼爾為善爾竟不亮而遽至此乎

時有執方孝孺來獻者。上指宮中煙焰謂孝孺曰：此皆汝輩所為。汝罪何逃？孝孺叩頭祈哀。上顧左右曰：勿令遽死，遂收之。上慰遣周王歸第，分命諸將守京城及皇城，遂駐營龍江。發哀命有司治喪葬如儀，遣官致祭布告天下。下令京師慰撫臣民。是日有卒於市取民錢者，立命斬之。先是京師飛蝗蔽天者旬餘不息，至是頓絕。而中外召募壯丁間。上入京師，皆解散。遠近嘯聚山林者聞之，亦皆劍戢。曰：真主出，毋自取滅亡耳。○丙寅，諸王及文武羣臣請。上正天位。上曰：予始逼于難，不得已以兵救禍，善除奸以安宗社。為周公之勲，不意少主為奸臣所蔽，之固不亮予心。自絕于天。今秦承洪業，當擇有才德者。顧予非薄，豈堪負荷？諸王及文武羣臣咸叩頭固請曰：天生聖人，以為社稷生民。今天下者，太祖之天下，生民者

太祖之生民天下豈可一日無君生民豈可一日無主况國
有長君社稷之福殿下為太祖嫡嗣德冠羣倫功施
社稷宜居天位使太祖萬世之鴻業永有所託天下之
生民永有所賴不宜固讓以孤天人之心上不許○丁卯
諸將上表勸進曰臣聞鉏奸去惡式揚神聖之謨附翼攀鱗
幸際風雲之會功光前烈德振中興殿下文武英明寬裕仁
孝為太祖之嫡嗣實國家之長君天生不世之資民仰太
平之主曩因奸惡逞毒鞠兇禍既覃於宗藩機欲傾於社
稷集天下之兵以相圍逼使國中之眾不能逃生乃赫怒而奮
一隅之師遂呼吸而定九州之眾戰必勝攻必取實由天命
之有歸近者悅遠者來愛見人心之有在今內難已平之日正
萬方忻戴之時宜登宸極之尊以慰臣民之望臣等奉隨行

陣仰仗威靈素無遠大之謀竊效分毫之力雖不敢冀雲臺之
圖像實欲暮竹帛之垂名謹奉表以聞 上覽之厲聲曰吾與
若等初舉義共圖免禍耳曾有心富貴耶不聽 戊辰諸王上
表勸進曰天壽 聖明宏開景運宜正大寶永保萬邦恭惟
大兄殿下龍鳳之姿天日之表禎祥昭應於圖書 堯舜之德
湯武之仁勲業已彰於 宗社適因儉邪構禍毒害宗親輒動
干戈幾危 社稷乃遵承 祖訓奉行 天誅以一怒而安斯
民備文王理義之勇不四載而固 帝業同世祖中興之功武
以曾戮克全 皇考之天下文以經緯聿明 洪武之典章實
天命之歸豈人力之能強願俯徇於眾志庶永始於鴻圖某
等誼重天倫情深手足倚蒙極溺得遂生全祇迓 龍輿早正
天位 皇考之天下永有所託四海之赤子永有所歸幸鑒

微忱毋頻謙讓 上不允是曰文武羣臣復上表勸進 上曰
昔元運衰微四海鼎沸強弱相噬百姓無主天命我 皇考平
定天下以安生民勤苦艱難創造鴻業封建子孫維持萬世豈
意棄臣民之未久而奸邪之臣恣其亮謀屠滅諸王將危 社
稷予時以病志耗力疲堆圖高枕以終餘年一旦起兵見圍令
人震懼不知所措國中羣臣咸言 太祖皇帝創業艱難陵未
乾而諸王次第被罪我輩何辜寧能束手受戮予方徬徨顧望求
生而天下之法日集見逼形勢之危猶側立於千仞之崖而推
之下也故不獲已辛苦百戰出一生於萬死志清奸惡以匡少
主吾之本心如此而已少主不亮自絕于天今諸王羣臣交勸
予卽位夫天位至艱近如建文君弗克負荷幾墜丕圖吾豈虛
為謙讓蓋思 皇考創業甚艱誠欲推擇諸王中有才德可以

奉承 宗廟者立之主宰得人天下之福予雖北面且無憂矣
羣臣稽首固請曰 殿下德為聖人位居嫡長當承洪業以安
海雖謙德有光復誰與讓且 天命有在孰得而辭 殿下宜
早正大位庶使人民咸有所依不宜徇匹夫之謙以虛天下之
望 上固辭不允已已 上謁 孝陵欷歔感慕悲不能止
禮畢攬轡回轆諸王及文武羣臣備 法駕奉寶壘迎 上于
道遮 上馬不得行 上固拒再言諸王及文武羣臣擁 上
登輦軍民者老萬眾夾道頓權呼連稱萬歲 上不得已升輦
曰諸王羣臣以為戎奉 宗廟宜莫如予 宗廟事重予不足
今為眾心所載予辭弗復強循眾志然宜協心輔予不逮遂詣
奉天殿即 皇帝位諸王暨文武羣臣上表稱賀是日京師
人民懽聲動地初建文時有道士謁於途日暮逐燕逐燕日高

毓高遜上帝幾已忽不見人莫能測至是始驗其言云○復周
王掃齊王禕爵○夜月犯壘壁陣東五星如鷄子大赤色出
羽林軍東南行至濁○洪武三十五年夏六月庚午命五府六
部一應建文中所改易洪武政令格條悉復舊制遂仍以洪武
紀年今年稱洪武三十五年復諸殿門舊名蓋建文中改護身
殿為正心殿午門為端門端門為應門承天門為皋門正前門
為螭門至是首命撤之悉復其舊云○陞金吾左衛指揮僉事
馮興千戶王成俱為府軍左衛指揮同知張得為本位指揮僉
事○復中軍都督李諒旗手衛指揮李忠官蓋諒等皆建文中
斥罷故也○辛未製 皇帝親親寶陞燕山中護衛為羽林前
衛燕山左護衛為金吾左衛燕山右護衛為金吾右衛俱親軍
指揮使司論具舟濟師功陞高郵衛千戶胡深等二百四十二

人揚州衛指揮同知陳昭等一百二十五人各一級賜鈔有差
○命刑部員外郎宋禮署禮部事改廣西按察司僉事汪恭為
鴻臚寺右少卿復洪武中尚寶司丞徐膳官膳建文中調太僕
寺丞故復之○追封故右軍都督府左都督徐增壽為武陽侯
賜諡忠愍初有司治喪葬增壽中山武寧王第三子母謝氏生
而眉宇秀朗少嘗侍父入見太祖高皇帝奇其機警賜名增
壽長而勇敢善騎射選為勳衛帶刀侍從謹竄寡過陞右軍都
督府左都督嘗奉命從上征胡寇乃兒不花與有舊蹟雖坐
長貴盛而所居一室左右圖書公退延賢士其中講論古今成
敗得失之故營營忘倦上之舉義增壽最效勤誠有發其事
於朝遂囚之上入金川門建文君將自焚命梓至殺之君頓
門廡下上即位深悼之首下褒封之命永樂二年五月贈欽

承父業推誠守正武臣特進榮祿大夫右柱國進爵為定國公
○夜水星犯積薪○壬申備禮募建文君遺宮致祭輟朝三日
○癸酉陞指揮使丘福朱能鄭亨徐忠張武陳圭孟善李彬王
忠大真陳賢李遠郭亮房寬徐理唐雲陳旭劉才俱為都督僉
事王聰徐祥趙彞俱為都指揮使張輔陳志李濬張興王友俱
為都指揮同知孫岩房勝為都指揮僉事贈指揮使張玉譚淵
俱為都指揮同知○甲戌 上諭羣臣曰我 皇考肇造鴻業
垂法萬年為子孫計思慮至周比者建文文信任奸回悉更舊
制使天下臣民無所遵法予荷 天地 考妣之祐繼承 天
位凡 皇考法制為所更改者悉復其舊爾羣臣尚竭乃心力
弼予于治凡人才識不同長於此短於彼苟事有過誤即明言
之予不汝責若隱而不言日久覺露情同欺用法則難容夫慎

終必先謹始持己在存誠始終靡愆咎何由至始若不謹曷克
有終予念君臣一體故披露赤心丁寧告戒爾等其欽承予意
○陞都督僉事顧成為都督同知都指揮同知張信為都督僉
事指揮使費瑛朱榮指揮同知劉江俱為都指揮僉事贈都督
僉事陳亨為都督同知指揮使王真為都指揮使命亨之子懋
為右都督○勅奉天征討諸將士曰爾等從朕征討破堅執銳
萬死一生勤勞至矣今朕已卽帝位爾將士之功豈當暫忘所
未行爵賞者益不敢以先郊廟之禮其各具所建功實來聞毋
妄自增加以取尤悔 命禮部定征討並守城功次凡對敵之
際衝入敵陣奪旗斬將者或過敵陣敵眾軍隨之克敵者或深
入敵境者或深入敵境得其聲息眾軍乘之破敵者或鏖戰之
際勝敗未決能出奇制勝者或以少擊眾或別隊為敵所制而

能率眾救拔克敵者皆為奇功陞二級嚴整隊伍當先破敵者
不慢功無過者或出哨救退敵人得其聲息者或隨軍殿後者
皆為頭功陞一級中途養病不罷輟不能入伍隨軍給雜役者
皆為次功不陞○乙亥各處守城及有司官次第來朝○丁丑
執奸臣齊泰黃子澄方孝孺等至闕下 上數其罪咸伏辜
遂戮于市 上得羣臣建文時所上謀策急命焚之有請 上
觀者 上曰當時受其職食其祿亦所當言何必觀復有言建
文所用之人宜屏斥者 上曰今之人才皆 皇考數十年所
作養者豈建文二三年間便能成就又曰雖仍其官不宜置之
要地 上曰致治必資賢才天生才以為世用隨器任使共理
天工何必致疑○新作 奉先殿蓋舊殿為建文所焚至是改
作於 奉天殿之西製皇帝奉天之寶制誥之寶勅命之寶○

陞前江夏軍民指揮使司指揮僉事張泉為湖廣都指揮僉事
夜有二星如雞子大其一青赤色有光出天倉西南行入土
司空○戊寅遣安王樞祭告懿文太子遷其主於陵園蓋建文
初尊謚懿文為孝康皇帝廟號興宗升祭於太廟致是禮官
言考之古典於禮未安遂命以主置陵園仍舊謚號曰懿文皇
太子歲時致祭如常儀陞直隸常州府無錫縣知縣韓約為知
州縣丞趙次進為知縣主簿楊舟為縣丞典史蘇澤為主簿各
賜鈔十錠還埋無錫旌其擒強賊謝景新功也○己卯以七月
朔大祀天地預告太祖高皇帝配神告畢諭禮官曰祭天
嚴父國家第一事必以恭敬為本固當自朕始然陪祀與執事
之臣皆當同朕此敬庶幾感格之道爾等職典祀事尤宜夙夜
直清以率于眾夜有星大如鷄子赤色有尾光燭地出帛度

西南行入天市垣一小星隨之。庚辰以羅義為戶科給事中
義本清遠衛戍卒建文中詣闕上書乞息兵講和忤旨下獄
辛巳陞陸涼衛指揮使孫霖為雲南都指揮使九江衛指揮僉
事孫榮金吾右衛指揮僉事高舉為都指揮同知榮任山東舉
掌兼熊衛事金吾左衛指揮同知魯金吾右衛指揮僉事孫成
百戶孫讓府軍衛千戶祁勝羽林前衛指揮同知王真各為本
衛指揮使羽林前衛千戶劉忠苗旺馬彥中金吾右衛指揮僉
事戚成楊能俱為指揮同知忠旺成各任本衛彥中府軍衛能
錦衣衛金吾前衛千戶劉伍金吾左衛百戶李端金吾右衛千
戶阿魯帖木兒羽林前衛千戶張興濟州衛千戶苟信俱為指
揮僉事伍端帖木兒興各任本衛信金吾衛

大明太宗文皇帝實錄卷之九下

明太宗文皇帝實錄卷之十

洪武三十五年秋七月壬午朔告祀 天地于南郊其祝文曰
嗣天子臣僚敢以告于 昊天上帝 厚土皇地 祇昔我 皇
考太祖高皇帝當元季之亂平定羣雄受二天明命奄有天下
海內又安三十餘年允斌嗣登大位崇信姦回委政近侍改更
祖憲戕害諸王禍機之發將及于臣臣不得已舉兵清君側之
惡以爲萬姓請命允斌自棄于天闔宮自焚臣荷 天地眷佑
身命獲全軍民稍安宗王大臣推臣以長臣不敢辭於六月十
七日即皇帝位謹用今日敬率臣僚以玉帛犧齊菜蔬庶品恭
祀于 大殿殿備茲燎瘞 皇考太祖高皇帝配神臣首膺重
器不違自寧簡在 帝心永惟相佑祭畢 上還御奉天殿下
詔曰昔我 皇考太祖高皇帝龍飛淮甸汛掃區宇求故

西踰崑崙南跨南交北際瀚海仁風義聲震遠六合習奕閣昧
成際光明三十年間九有寧謐 晏駕之日萬方喏悼煌煌功
業恢于湯武德澤廣布至仁猶流少主以幼冲之姿嗣守大業
秉心不順崇信姦回改史成憲戕害諸王放黜師保委政宦豎
淫佚無度天變于上而不畏地震于下而不懼災延承天而文
其過蝗飛蔽天而不脩德禍機四發將及于朕朕為 高皇帝
嫡子 祖有明訓朝無正臣內有姦惡王得與兵討之朕遵奉
條章舉兵以清君側之惡蓋出於不得已也使朕兵不舉天下
亦將有聲罪而攻之者少主曾不反躬自責肆行旅拒朕荷
天地 祖宗之靈戰勝攻克擄之于壩上織之于白溝破之于
滄州潰之于藁城鏖之于夾河輜之于靈壁六戰而已不國朕
於是駐師畿甸宗其姦回庶幾周公輔成王之誼而乃不究朕

懷閭宮自焚自紀于宗社天地所不訖鬼神所不容事不可止朕乃整師入京秋毫無犯諸王大臣謂朕太祖之嫡順天應人天運不可以久虛神器不可以無主上章勸進朕拒之再三而不獲乃俯徇輿情於六月十七日即皇帝位所有合行庶政並宜兼舉一今年仍以洪武三十五年為紀其改明年為永樂元年一建文以來祖宗成法有更改者仍復舊制刑名一依大明律科斷一自洪武三十五年七月初一日休養以前官吏軍民人等有犯除謀反大逆謀殺祖父母父母妻妾殺夫奴婢殺本使謀故殺人盡毒魔魃毒藥殺人及見捉姦惡不赦外其餘已發覺未發覺已結正未結正罪無大小咸赦除之敢有以赦前事相告言者以其罪罪之一自洪武三十一年閏五月以後周齊泃代岷五府被誣陷時文武官員軍民人等連累

致罪者官復原職已故者文官優免其家差役武官子孫承襲
民充軍者復還原籍為民軍發邊遠者仍還原衛為奴者即放寧
家入官田產照數給還一運年為事煎鹽買馬當站及囚充運
運水夫皂隸膳夫數一體赦免各放寧家一建文年間上書陳
言有干犯之詞者悉皆勿論所出一應榜文條例普皆除毀一
山林隱逸懷材抱德之士有司詢訪以禮敦請赴京量材擢用
其有志尚閒逸不願出仕者具名來聞一鰥寡孤獨有司依例
存恤毋令失所民年七十以上及篤廢殘疾者許令一丁侍養
其有飢寒不能自存者官為賑給一山東北平河南府州縣人
民有被兵一此措種者並免三年差稅不曾被兵者與直隸鳳
陽淮安徐州揚州今年秋夏稅糧盡行蠲免其餘直隸府州山
西陝西浙江福建江西湖廣兩廣四川雲南蠲免一半其有洪

武三十五年七月初一日以前拖欠一應錢糧鹽課段匹木植
蘆柴等項及軍民所養馬牛羊等項倒死并欠孳生者並免追
陪其弓兵六劫蘆柴者優免二年一河南山東北平淮南北流
移人民各還原籍復業合用種子牛具官為給付一北方學校
依舊開設毋致廢弛一建文除授并陞調文武官員仍依見職
不動軍官有陞職事者止終本身子孫仍襲原職一各處新收
勇士壯士悉放為民各安生業所設衛分并軍民指揮司盡皆
革去指揮千百戶衛所鎮撫有係民間并舍人選用者亦皆罷
官放還一凡諸色人匠除輪當正班外其餘一應雜工人匠俱
各放回依次輪班一各處見造軍器軍裝船隻一切不急之務
盡皆停罷今後有司非奉上司明文毋得一毫擅自科擾於民
一自洪武三十五年七月初一日以前軍官為事充軍及罷閒

者赦免軍後復其原職亡故者子孫承襲總小旗革役充軍者各復原役一北平衛分官旗軍人有因公差或被拘執不得已赴京者皆免其罪一各處守城官軍有係別衛調到并征進沒散軍士見在他處者各還原衛所本處官司不許留難阻當其奉差守城文武官員及內官人等詔書到日俱各回京一凡軍民人等男女人口有被官軍拘擄者官為贖還一過年逃軍并征進沒散軍士藏躲山林者詔書到日為始限一月之內赴官首告免罪所在官司發回原衛所着役一拋荒田土除有人佃種納糧外其無人佃種荒田所司取勘明白開除稅糧免致包荒損民一所在城市鄉村凡有骸骨有司即為收斂埋瘞毋致暴露一天下各都司衛所官軍皆太祖高皇帝恩養者姦臣迫脅調遣拒戰衛員夫石情有可憫見存者俱還原衛所其有

陣亡傷故夫陷病故者官則傳襲其子孫旗軍每戶賞鈔五錠戶無壯丁補役遺下孤寡所司善加存恤願依親願還鄉者聽從其便有幼弱者給糧紀錄出幼補役一緣海軍民人等近年以來往往私自下番交通外國今後不許所司一遵洪武事例禁治一奉 天征討將士數年以來從朕被堅執銳櫛風沐雨忘勇奮發屢戰屢勝翊輔武功勤勞多矣簡在朕心宜建論功陞賞以酬前勞於戲文帝入漢尚資恭儉之風武王紹周願廣至仁之化布告天下具體朕懷可書諭世子高熾曰已於五月渡淮六月十三日渡江至京師秋毫無犯市不易肆建文君闕宮自焚諸王大臣合詞勸進拒之再三而眾志愈固遂於十七日具寶璽法駕由正陽門入即皇帝位詔告天下日與諸王兄弟聚語始具知建文君之過彼蓋生長富貴不知 太祖皇帝

初業之難肆情縱欲又為姦臣所愚侮戕害骨肉昏悖如此豈能久居天位者乎然我之所以起兵本為誅劬姦惡肅清朝廷冀其省悟改過自新豈期遽自殞絕蓋亦天地宗社之靈所不容矣念與爾別久恐爾旦夕思憶特遣海壽報爾我即位以來謹遵皇考成憲不敢一毫自用汝尚勉之凡百敬慎毋怠況今天下初定正當居安慮危古人有言敬勝怠者吉爾須深體斯意○癸未脩周齊二王府宮殿二王建文廢徙之後宮殿荒圯故命有司脩葺之命禮部凡內外諸司復舊制者皆鑄印給之○陞湖廣行都司都指揮同知薛鵬為河南都指揮使都指揮令事徐義為都指揮同知鎮守兗州各賜鈔百錠○陞福建都指揮使那祥為右軍都督僉事○召前北平按察使陳瑛為都察院左副都御史瑛建文中坐藩邸事謫廣西故召用

之賜天地壇祭禮官陳希道贊祝官楊顯宗鈔各十錠○甲申享太廟○吏部言建文中改舊官制如六部尚書舊正二品陞正一品又增設侍中二員正二品所屬諸司舊有清吏二字皆除去戶刑二部屬舊十二司改為四司工部增設照磨所兵部舊設典牧所戶部設贓罰庫皆革罷都察院改為御史府舊設十二道改為左右兩院御史止設二十八員改通政使司為通政寺舊設通政使左右通政左右叅議改為卿少卿丞翰林院官舊設學士及侍讀學士侍講學士其侍讀侍講五經博士典籍侍書侍詔為屬官脩撰編脩檢討為史官孔子為首領官中書舍人舊在內府別有印信於翰林非統屬建文於翰林增設正官學士承旨一員在學士之上又改侍讀學士侍講學士俱為文學博士設文翰文史二館又翰館以居侍講侍

書五經博士典籍侍詔其侍書陞正七品文史館以居脩撰編
脩檢討改孔曰為典簿創置典簿廳條記而革中書舍人改為
侍書以隸翰林又增設文淵閣侍詔及拾遺補闕增設五軍斷
事五軍制祿舍革罷大理寺左右寺寺正^六增置本寺首領官
典簿及太常寺贊禮郎二員大祝一員光祿寺少卿舊五品陞
四品寺丞舊六品陞五品又增設監事及司園所改司牲司為
宰牲所陞其品級太僕寺寺丞舊六品陞五品又改其首領官
職名而陞其品級又增設錄事及典廐典校二署驕驥等十八
羣滁陽等八牧監龍山等九十二羣官鴻臚寺少卿舊從五品
陞正五品寺丞舊從六品陞正六品又改其首領官職名亦陞
品級革罷司儀司賓二署而陞其鳴贊序班品級行人司舊別
有衙門印信於鴻臚寺非統屬革罷行人司而以行人隸鴻臚

寺陞國子監丞為堂上官革罷學正學錄增設欽天監五官監
候增設選士院及應天府知候所改五城兵馬司指揮副指揮
為兵馬副兵馬陞各衛經歷品級又增設知事增設旗手等四
十四衛武學及置錦衣衛管管優給武學所教授增置各王府
賓輔伴講伴書各布政司布政使舊從二品陞正二品叅政舊
從三品陞正三品叅議舊從四品陞正四品改各處提刑按察
司為肅政按察司凡中外大小衙門有創革陞降官員額數有
增減者及所更改文武散官並合遵復舊制○上曰如切係軍
民利害者可因時損益既於軍民利害無所關涉何用更改况
前人創立制度皆有深意今行之既久無弊輒改何為此其所
以敗亡也俱速改復舊制○夜有二星如雞子大其一赤色有
尾出紫微西蕃外西北行文昌其一赤色有光出西北雲中

四北行至雲中 乙酉 上謂刑部臣曰朕潛內難有罪者既已伏誅無罪者各安職業而內外軍民屢執無罪之人以希幸賞惡不可長遂諭止之違者抵罪○設靖江王府諮議所置諮議一員記室一員俱從七品其屬官奉祠典膳各一員俱正九品典儀一員從九品○命右軍都督僉事鄭祥充統兵官鎮守雲南雲南都指揮使盧旺充左副統兵都指揮僉事歐慶充右副統兵遇有軍務相機調遣俟境寧謐鄭祥留學雲南都司事盧旺歐慶各就本職○命都指揮使何清往浙江都司蘇州等衛整肅兵備撫安人民○復翰林院侍書黃淮為善劉孝紹鄭進吳均唐恕王遂吳勝鮑麟為中書舍人○命禮部侍郎兼翰林院學士董倫到任倫宛平人端厚質實志存利人洪武中為右春坊文學士河南布政司叅政坐累謫雲南建文中召還以

侍郎兼學士禮遇甚厚倫重厚老成屢懇言當務睦親不聽至是年八十餘上命致仕出京數日卒○大理寺言本寺原設左右二寺其左寺評事四員審錄在京軍民衙門及直隸衛所府州縣刑名右寺評事八員審錄在外十二布政司都司衛所府州縣刑名後因二寺所設評事多寡不等所治事煩簡不均將二寺評事均分六員依刑部都察院十二司道各帶管直隸地方審錄今吏部仍照舊制銓注於事勞逸不均命會同曹國公李景隆兵部尚書茹瑺等議之景隆等奏以為均設評事繁簡適宜上從之○夜有二星如雞子大其一青白色有光出帝星旁東北行入紫微西蕃內其一赤色尾跡有光出入殺東行入五車○丙戌改謚故湘王曰獻妃吳氏曰獻妃遣官齋諡冊及寶祭于荊州墳園王諱栢太祖高皇帝第十一子母順

妃胡氏豫章侯胡美之女王明敏好學博聞強識攻文章尤好道家言白稱紫虛子建文中有告其府中陰事者王懼闔宮自焚王年二十有八妃江陰侯吳高之女當時謚王曰戾王是上憫其非辜詔改今謚而親製碑于墓云○陞翰林院侍講王景為本院學士擢吳府審理副揚士奇為編脩○丁亥陞給事中黃畊為史科左給事中朱統為右給事中徐奇為戶科左給事中李時為右給事中歐陽以恭為禮科左給事中仝希顏為右給事中鄭遂為兵科左給事中舒孟名為右給事中周璟為刑科左給事中吳讓為右給事中段子勤為工科左給事中王哲為右給事中○復設都察院十二道以御史楊得安任江西道朱懋廣東道王烜湖廣道劉從政浙江道李樂陝西道俞士吉廣西道張壽四川道李貞劉履蘇山西道羅貫徐新福建道

李祥河南道王振北平道康郁山東道○禮部言建文中改
天地壇祠祭署為南郊祠祭署山川壇藉田祠祭署為藉田祠
祭署泗州祠祭署為泗賓祠祭署宿州祠祭署為新豐祠祭署
又設鍾山祠祭署非舊制 上命泗州宿州山川壇藉田祠祭
署仍復舊制 天地壇祠祭署定為郊壇祠祭署鍾山祠祭署
不可罷○夜有星如盞大青白色有尾光燭地出天市西垣外
西南行入心宿○戊子祭 太社太稷分遣官祭旗纛之神漢
秣陵尉蔣忠烈之神及中山武寧王岐陽武靖王○夜月入氏
宿有星如雞子大赤色尾跡有光出宗星南行入天市東垣○
乙丑賜周王繡鈔二萬一千錠○楚王禎來朝○庚寅賜周王
繡生日禮物冠一通天犀帶一緣帶三十疋金香爐各一玉
觀音金銅佛各一鈔八千錠馬四匹羊十羴酒百瓶○陞鴻臚

寺鳴贊嚴朝貴為本寺右寺丞改右寺丞樊敬為左寺丞○夜有星如盞大青白色光燭地出天苑東北行至近濁○辛卯遣江陰侯吳高祭開平忠武王神樂觀捉點周原初祭北極真武之神後軍都督陳旭祭漢壽亭侯之神禮部負外郎宋禮祭都城隍之神○冊寧河武順王郅愈之女為齊王摯妃○擢儒士曹日章為翰林院侍讀陞國子助教鄒緝為侍講改給事中金幼孜王洪及桐城縣知縣胡儼俱為檢討○壬辰遣書召代王桂○司禮監請如舊制鑄出入指微印從之○癸巳改封懿文皇太子第二子吳王允炂為廣澤王居福建漳州府第三子衡王允熿為懷恩王居江西建昌府第四子徐王允熲為敷惠王隨母呂氏居懿文陵園俱以是日行○以滁州知州房吉首詣軍門朝見泰州知州田慶協謀效順江都縣知縣張本率全城

歸附皆陞揚州府知府吏部臣言今揚州已有知府譚友德
上命姑令同理府事

明太宗文皇帝實錄卷之十下

洪武三十五年秋七月甲午革建文中所設河北都司湖廣行都司○吏部言建文中所改舊制如在外文職官舊制考滿俱親赴京給由建文中止令進繳牌冊各處問壩驛丞運運司獄等官舊俱三年一考建文以其非錢穀衙門徒勞往復止令申報事蹟九年通考在外布政司府州縣官舊考滿填寫紙牌攢造功蹟功業須知文冊三本親齎給由建文止令造進功業文冊一本紙牌一面按察司官并監察御史舊考滿將任內歷問刑名追過贓罰錄為事蹟建文以建明政事糾擊姦貪薦舉循良宣揚教化為風憲政績各處巡檢舊三年為滿以所獲盜賊軍囚多寡為黜陟建文改為九年仍驗其地方衝要僻靜才力優劣為考覈教官舊九年為滿俱從合于上司考覈要見所考

詞語送部覆考又以科舉多寡為黜陟建文革去考覈詞語止
論科舉多寡今悉宜復舊從之○乙未命都督僉事趙清德鳳
陽中都留守司整肅兵備撫安人民○陞致仕指揮使許義為
都指揮僉事命同都指揮同知徐義守兗州○擢上海縣民周
小二為巡檢賜綠幣二表裏鈔百錠蠲其徭賦三年旌其操舟
從 上渡江功也○以即位命禮部定來朝文武官員人等賞
格禮部議奏文官二品三品每負鈔十二錠四品五品十錠六
品七品八錠八品九品六錠雜職四錠生員吏典耆民人等每
人二錠武官都指揮每負鈔百五十錠綠幣四表裏指揮并宣
慰使同知副使宣撫每負鈔三十錠千戶衛鎮撫儀衛并宣慰
僉事宣撫同知副使安撫招討每負二十五錠百戶所鎮撫典
仗并宣撫僉事安撫同知副使僉事副招討長官每負二十錠

旗軍每人五鉞從之。賜常州府江陰縣致仕都指揮王恕及致仕尚書鄭沂浙江左叅政辛彥博按察司副使張勝等鈔如例。○夜木星迅犯東咸南第二星有星如雞子大青赤色有光出壘壁陣東南行抵觸北落師門。○丙申以即位遣太常寺司

朱彥真祭告

祖陵奉祀謝靖真祭告

皇陵祀丞徐鎬祭

壽春等王贊禮郎彭水年祭皇外祖徐王祀丞葉良貴祭高王等王贊禮郎林光贊祭滌陽王戶部主事魯謙祭秦愍王張顯祭晉恭王工部主事呂謙祭魯荒王負外郎唐鑑祭湘獻王潭王道士袁用誠等祭告太昊伏羲氏至元世祖三十六陵劉真等祭嶽鎮海瀆之神國子助教周巽祭先師孔子。○判諭前軍左都督李增枝往荊州整肅兵備撫安軍民節制荊州襄陽峽壩安陸諸衛。上謂兵部臣曰朕初舉義旅清君側之惡罪止

姦臣數人而已故將士入城之日市不易肆軍民按堵今為衆所
推戴嗣承大統罪人皆已伏誅嘉與萬方同樂至治比聞在京
軍民猶有奉喻朕心者謂有復行誅戮之意轉相扇惑何其愚也
吾為天下君則天下之民皆吾赤子豈有害之之心且帝王刑
法豈當濫及無罪爾兵部亟出榜曉諭令各安心樂業勿懷疑
懼敢復有妄言惑衆許諸人首告犯人處死家產給賞告人知
而不告與犯人同罪○夜月犯壘壁障東第六星有星如彈丸
大青白色尾跡有光出宗正南北行光發如鷄子大至游氣有
一小星隨之○丁酉封泰愍王第二女為長安郡主○賜谷王
德樂七奏衛士三百金銀槍大劍金三百兩銀三千兩綵幣三
百匹鈔三萬錠馬四匹金籠鞍轡二副歲增米三千石賞其閹
金川門迎駕之功也○賜周王櫛鈔八萬錠齊王棹二萬錠○

命兵部鎮江衛指揮僉事千百戶總小旗李祚等三百五十八人俱陞一級旌其帥附功也○復設山東東平守禦千戶所○戊戌擢大理寺辦事官虞文達為四川道監察御史○以山東撫民主簿周觀政為江西按察僉事前海鹽典史國用為山東按察僉事建文中二人並為御史被黜至是曹國公李景隆薦之遂有是命○吏部言凡內外官有過紀錄任滿當黜降者今雖更赦猶宜舉以示懲上曰朕初即任與天下更新不宜復念舊惡其悉除之○復滿陽左右二衛初建文中改滿陽左衛為衛山護衛右衛為臨安護衛至是兵部奏復舊制遂命凡天下軍衛建文所改革者悉復其舊○昏刻有星如益大青白色有光出正西北行約流丈餘○己亥楚王損辭歸賜以綠幣二十表裏鈔二萬五千錠其從官賜鈔有差○上以盛夏賜書

在京諸王曰吾與諸弟皆先帝子往者各在一方有一歲行一見數歲得一見者手足之情不能自己今吾承繼大統諸弟早暮來聚豈不甚愜於心顧炎暑方盛舉動煩勞可三日一朝用稱友于之意○命兵部金台等衛官軍任旺等七十八人先詣軍門朝見者陞二級後詣見者陞一級○陞翰林院待詔解縉為本院侍讀脩撰胡靖侍講編脩吳溥揚子榮脩撰檢討鄭好義編脩擢太平縣儒學訓導蕭丹高為檢討應天府儒學訓導王汝玉蕪湖縣儒學訓導張伯穎為五經博士特改子榮名榮○庚子晝太白見于午位夜有星如盞大青白色光燭地出天倉東南行至近濁金星入太微垣右掖門月犯天囷西第一星○辛丑上聞奉天征討將士以賞典未行有怨語者勅諭之曰朕舉兵靖難爾輩多主功勞朕未嘗忘其賞典未行蓋由

所司功狀未上功狀明而後論賞公此豈一日所能就哉昔中山武寧王從我太祖高皇帝開拓疆土混一之功十居其九二年之後賞典方行不聞當時有一語之怨今纔踰月而爾輩有後時之憤不亦過乎駕戰鬪之際雖遇小捷咸即論報豈當大定之後乃遂忽忘爾哉已初所司連上功狀爾等所具事蹟務盡詳實或有謬誤不實許自陳改正毋為詭妄以速愆尤庶幾公道明而人心服上視朝罷以建文多改舊制顧侍臣歎息曰只如羣臣散官一事前代沿襲行之已久何關利害亦欲改易且陵土未乾何忍紛紛為此於是天顏愴然變色既又曰凡開創之主其經歷多謀慮深每作一事必善度數日乃行亦欲子孫世守之故詩書所載後王之善必曰不愆不忘率由舊章於戒警後王必曰率乃祖攸行曰監于先王成憲此皆老

成之言後世輕佻諂諛之徒立心不端以其私智小見尊嗣君改易 祖法嗣君不明以為能而寵任之徇小人之邪謀至於國弊民叛而喪其社稷者有之矣豈可不以為戒乃進吏部尚書張紘戶部尚書王純諭曰卿二人久事 皇考習知典故今皆老矣其解見職務月給尚書半俸居京師視特政有戾舊制者並向朕直言之勿隱庶稱屬望老成之責○壬寅勅禮部臣曰昔 太祖為皇帝封建諸王其儀制服用俱有定著樂工二十七戶原就各王境內撥賜便於供應今諸王未有樂戶者如例賜之有者仍舊不足者補之○癸卯左都督袁宇往四川雲南整肅兵備撫安軍民俟邊境寧靖就鎮守雲南○賜書岷王樞曰今遣都督袁宇赴雲南整肅兵備鎮撫一方凡事可與計議而行夫藩屏至重賢弟宜慎出入謹言節飲庶諸夷有所瞻仰

而不負兄之所望○命江陰侯吳高往河南陝西二都司整肅
兵備撫安軍民俟軍民寧謐就鎮守陝西○初前軍都督府左
都督李增枝曰朕命爾於荊州鎮守城池提督軍務隨事區畫
務在得宜歲終圖所經地里險易及軍馬錢糧數日以聞○以
故都指揮使高昂之子真襲父舊職為錦衣衛指揮使○甲辰
上諭羣臣曰朕居藩邸時凡百姓艱苦靡不知之而數年兵興
北方之民疲勞尤甚朕所以舉義者為宗社生民之計今
宗社既安而北方之民未安吾夙夜不忘遂命前工部尚書嚴
震直戶部致事尚書王純應天府尹薛正言等分徃山西山東
河南陝西等布政司巡視民瘼何弊當革何利當建速具奏來
○復設牧馬十戶所○乙巳賜周楚齊蜀代肅遼慶寧岷谷韓
濬安唐郢伊秦晉魯靖江二十一王各黃金百兩白金千兩綠

幣四十匹錦十匹紗羅各二十匹鈔五千錠○本邦土官知府
罕的法遣頭目刁孟念等來朝貢馬及金銀器賜之鈔幣○丙
午勅諭都督陳珪等曰今內難既平天下疲於兵旅而北方凋
弊尤甚朕長于居守國中天性淳厚可屬大事爾等宜悉心輔
導事有利於軍民者即議行之務協至公無怠無忽庶副朕委
托之重○改吏部右侍郎塞義為本部左侍郎陞郎中陳洽為
右侍郎改戶部右侍郎夏原吉為左侍郎兵部右侍郎古朴為
戶部右侍郎陞署禮部事員外郎宋禮本部右侍郎兵部郎中
方賓本部右侍郎改工部尚書鄭賜為刑部尚書以湖廣按察
使黃信為都察院右副都御史陞河南按察僉事劉翥為左僉
都御史監察御史楊得安俞士吉俱為右僉都御史署太常寺
典簿王勉為本寺左寺丞前徐府紀善端禮為右寺丞復前戶

部尚書郁新及工部右侍郎黃福官甯湖廣按察僉事朱吉為
中書舍人湖廣布政司叅議李至剛為通政司右通政時吉至
剛皆坐累繫獄 上察其非辜故用之陞教授高得暘為宗人
府經歷用兵部尚書茹瑋薦也○以吏部言在京諸司闕官召
陝西布政司右叅政戚存心四川左叅政孫伯堅江西右叅議
戚遜浙江右叅議余彥誠陝西按察使師遠副使王平僉事朱
逢言浙江按察僉事袁復襄陽府知府陳禎杭州府知府虞謙
及出使按察僉事馬京前兵部侍郎盧淵赴京○陞秦州衛指
揮僉事彭成為陝西都指揮同知洮州衛指揮僉事蘇宇羅帖
木兒蘭州衛指揮使王壁指揮同知宋昇旗手衛指揮同知李
龍南昌衛指揮同知華哈者聲慶衛指揮同知劉庸平陽衛指
揮同知俞賢大同前衛指揮僉事路福金齒衛指揮使陳濬雲

南左衛指揮同知高山金吾右衛指揮使盧鼎濟陽衛指揮使張遂俱為都指揮僉事蘇宇羅帖木兒王璧宋昇俱任陝西都司李龍華哈者俱江西劉庸廣東俞賢路福俱山西陳濬雲南高山河南盧鼎大寧張遂鎮守宿川羽林左衛千戶倪斌為本衛指揮僉事○丁未 上諭禮部臣曰 太祖高皇帝新製大誥三編使人知趨吉避凶之道頒行歲久慮民間因循廢弛爾宜申明仍令天下誦讀遇鄉飲則講解如舊○戊申命兵部諭中外諸司惟軍機重務以符驗給驛餘並禁止○河南舞陽縣人王忠等作亂殺縣官聚眾據險南陽衛指揮王真領兵攻之斬賊眾百二十餘人生擒賊首王忠賊驅虜良民七百餘口車七百餘輛聚於蓮花池真急往捕之獲從賊王添兒等皆斬之所驅虜良民皆散遣復業事聞 上嘉賚之○己酉 上諭兵

部尚書茹璠等曰天下官軍建文時多有逃故其衛所官亦不
追補宜遣給事中等官分往閱視逃亡者取丁壯補役近者限
一年遠者半年過期不完者罪該管官旗仍令給事中凡其境
內山川險易地理遠近悉繪圖進奏若錢糧軍器舟船之類亦
覈實以聞○陞戶科給事中梁成為本科都給事中擢監生莊
賈何淮謝朝錫傳善俱為試給事中亶任兵科准朝錫俱刑科
善工科擢神策衛知事羅文貴陸悅龍江右衛知事柴履及監
生唐友成陳夷鍾永用黃禮楊善安徐儉王敏張潛吳閻沈懋
胡亨李敏俱為監察御史○設陝西漢中等府黃沙草涼接梁
山三岔白水嘉林缺口清橋武岡關山東河十一驛○庚戌賜
書寧王權曰吾到京即遣人將書來迎不意為閹豎胡伯顏邀
之兗州虐害不勝至擊去其齒焚所齋書竟不得達已將閹豎

寘之極刑尚慮盜賊未息路途猶梗是以來迎之使適日方發
今聞已起程如行未遠可暫還待秋涼與宮眷同來如已遠則
途中凡百謹慎早至相見以慰兄懷○命禮部鑄征南將軍征
西將軍平老將軍印

明太宗文皇帝實錄卷之十一

洪武三十五年八月壬子朔遣使以即位詔諭朝鮮○勅歷城侯盛庸比以山東未定命卿鎮守淮安今山東布政使鐵鉉亦已就獲諸郡悉平是皆 宗社之靈生民之福朕念山東軍民困於兵革轉輸已久卿其息兵養民使各得其所糧餉續有處分○命後軍都督府都督同知陳用都督僉事曹遠掌山西行都司事○命左軍都督府左都督劉貞鎮守遼東其都司屬衛軍馬聽其節制 賜錦衣衛侍衛將軍王翔等四百餘人鈔各五錠○夜有星如盞大青白色光燭地出奎宿東南行至近濁○癸丑 上以天下者民皆來朝諭禮部臣曰方今秋成之際有妨收穫速分遣人即所在止之○命茹鑑為中奉大夫宗人府儀賓以秦王第二女長安郡主配之繼兵部尚書茹瑄子也

○甲寅 上謂禮部臣曰今諸王并世子郡王多未婚其下河
南山東山西北平諸司訪求官員軍民及前朝故官禮法之家
有女子及笄容貌端厚德行脩謹者官給舟車令父母親送至
京以備選擇○求民間識字婦女充內職 上謂禮部臣曰國
家稽古置六尚之官以典內事舊制選民間識字婦女充之今
六尚俱未有人爾禮部榜示中外凡軍民之家有識字婦人年
三十至四十女子年十七以上不拘容貌但願赴選者官給驛
舟令其父母親送京師量授以職其合得俸以給其親仍復其
家婦人年至五十願還鄉里女子給事十年以上願還家及適人
者俱從之 上以北平山東河南累年經兵民缺耕牛特命工
部於直隸鳳陽淮安等處以官牛給之○丁巳遣官釋奠先師
孔子○初 上以北平各衛糧之命戶部悉傳天下中鹽專於

北平關中其淮浙鹽每引米三斗河東二斗四川一斗五升聽大小官員軍民人等皆中不拘次支給至是戶部侍郎夏原吉具天下中鹽處所以聞上曰雲南金齒衛楚雄府四川鹽井衛陝西甘州衛勿傳餘悉傳之○戊午祭太社太稷○陞中書舍人黃淮為翰林院編修○遣僧智光齋詔諭館覺靈藏為思藏必力工丸思達藏朵思尼八剌等處并以白金綵幣頒賜灌頂國師等凡白金二千二百兩綵幣百一十表裏○寧王權遣人奏請封國欲得杭州賜書報之曰杭州昔皇考嘗以封第五子為吳王後考古制天子畿內不以封諸侯遂改河南建文不遵祖訓封其弟允熲為吳王衆論非之往者嘗許弟自擇封國吾未嘗忘今傳咨於衆咸謂建寧荊州重慶武昌皆善地弟可於四郡內擇一郡遣人報來庶好經營王府○夜有星

如鷄子大青白色有光出尾宿西南行至雲中○己未封周王
橚第二子有襲為汝南王第三子有烜為順陽王第四子有燬
為祥符王第五子有棗為新安王第六子有堯為永寧王第七
子有煥為汝陽王第八子有曠為鎮平王第九子有焮為宜陽
王齊王搏第二子賢烜為樂安王第三子賢煥為長山王第四
子賢寔為平原王○冊潁州衛指揮丁剛女為汝南王有襲妃
○遣勅符召秦王尚炳○陞太常寺左寺丞王勉為本寺右少
卿改右寺丞端禮為左寺丞以袁廷玉為右寺丞廷玉嘗以風
鑒受知潛邸及是召至而官之○賜四川行都司都指揮同知
程達鈔二百錠○命右軍都督府左都督何福佩征虜前將軍
印充總兵官往鎮陝西寧夏等處節制陝西都司行都司山西
都司行都司河南都司官軍○命右軍都督同知韓觀往江西

等處操練軍馬整點城池廣東都司福建行都司湖廣都司軍馬聽其節制○定罪人輸作之例笞罪五等每等役五日杖罪五等每等十日徒罪准所徒年月加以應杖之數輸役流罪三等俱役四年一百日並役滿日釋之雜犯死罪輸役終身○庚申製唐王控郢王棟伊王楫儀仗○復北平右布政使曹昱官昱洪武中任布政使建文初黜為民至是復召用之○擢監生丁瑛姚山林從李晟供為給事中○復朱輝廣西都指揮僉事建文中輝坐累免至是復之○辛酉陞指揮僉事張忠為金吾前衛指揮同知○壬戌代王桂及其世子遜端來朝○以岷王概與西平侯沐晟交惡賜書諭概曰嘗聞 皇考之訓朕年二十四五尚未有子時沐英甫八歲因兵受厄父母不得復會朕撫育之恩同其父後乃命復本姓因其軍功封為西平侯伴控

御諸夷十餘年間朕無西南之憂者以英在也言猶在耳後英
歿特追封為黔寧王蓋不次之恩也既以子春嗣侯爵春卒弟
晟繼之歷觀群臣受 皇考恩未有如沐氏者矣今晟所為國
莽間信小人干犯吾弟固不可容但念乃父佐命開疆之力不
忍罪之特召至京已懲戒之其下小人亦不輕宥兄又思雲南
重地昔倚任其父而蠻夷率服故仍遣晟往欲其安邊撫夷必
如乃父存日庶幾不負 皇考之恩若其不能改過負德墮功
他日以國法正之未晚吾弟亦宜念黔寧之親及其安邊之功
晟雖有罪置之度外可也○禮部言大統曆例在先歲九月朔
欽天監進呈比因 皇上即位之初造曆未備請以十一月朔
進 上從之命著為令○改浙江按察僉事袁復為大理寺左
寺丞以江西右叅議戚遜為右寺丞時遜以罪當降而兵部尚

書如璫言其才可用故有是命○陞四川行都司都指揮同知程達為前軍都督僉事仍命掌四川行都司事鎮守城池整肅兵備建昌等衛指揮使汪讓為湖廣都指揮使唐琮為江西都指揮使徐諒為四川都指揮使徐鑑為四川徐都司都指揮使火旺為河南都指揮使調河南都指揮使葛進掌夏衛事○癸亥晉王濟煔來朝賜書諭曰吾與爾父皆皇考妣所上自少友愛深厚爾為皇考妣長孫鍾愛尤篤今爾父雖逝吾豈不知體皇考妣之心為心乎正尚與爾共享富貴且西北重鎮資爾控馭爾居國羊父令譽已著撫安藩屏方有望焉時曹國公李景隆數言其過上雖不信而濟煔聞之內懷憂畏故慰安之景隆昭德王濟煔妣父云○槩封衍聖公孔鑑卒訃聞輟朝一日遣行人亢誠賜祭鑑先聖五十八代孫也○復設建

陽衛杭州前衛○甲子命西平侯沐晟鎮守雲南雲南都司屬
衛聽其節制勅晟曰昔我皇考太祖高皇帝當擾攘之時年
二十餘尚未有子爾父英纔八歲父母俱歿于兵熒熒來依
皇考皇妣憐之撫育為子既有朕兄弟皇考以沐氏不可無
後命復本姓承其宗祀屢從征伐積有功勞封西平侯雲南既
定出鎮十有餘年朝廷無西南之憂所以累增產業蔓延子孫
永保富貴爾父卒追封黔寧王以爾兄春嗣侯爵春卒無子命
爾嗣之庶觀群臣受恩深厚未有過爾父子者也問者爾為小
人所惑干犯岷王朕念皇考皇妣教育爾父之恩及爾父佐
命開疆之功不忍寘爾于法姑宥不問仍令鎮守雲南爾當深
思皇考皇妣再造之大德迪爾父之行以圖厥終爾其念哉
○實授兵科試給事中龔鏊為本科給事中○陞金吾左衛千

尸梁得為本衛指揮同知○上初以北平軍餉不繼欲出獄囚輸未贖罪以給之且省餽運之勞命法司議至是法司議奏除十惡人命強盜及笞罪不贖外其雜犯死罪輸未六十石流罪三等俱四十石徒罪一年十石一年半十三石二年十六石二年半二十石三年二十五石杖罪五等六十者四五七十以上每等加五斗輸畢釋之從之○時江西廬陵縣民有嘯聚劫掠者江西三司奏請發兵討之上曰此無能為患而官軍一出必傷及善良但遣一使持勅諭之可也遂遣行人許子謨齎勅諭曰昔我太祖高皇帝開基創業首得江西資其供給以定天下三十餘年屢加恩澤民皆樂生近建文信任匪人改更成法致兵禍連歲軍需百費皆出於民科歛誅求日甚一日有司又不能撫卹蠶楚橫加嗟怨盈路民不聊生無所控訴致有潛

避山林保全性命皆出於不得已也念其所自亦可矜憫朕即位之後一切罪犯悉赦不問今為天下主謹守成法嘉與百姓共樂治平獨爾等未復本業因而劫掠郡臣奏請調兵勦捕朕恐兵戈所加誤及善良有所不忍故特差行人齎勅諭爾宥爾之罪其即各復原業永為太平之民如執迷不悛發兵討罪後悔無及仍勅都督韓觀往招撫之○夜金星入角宿有星如鷄子大青白色有光出牛宿西北行入天市東垣內一小星隨之○丙寅招德王濟熿來朝○陞寧國衛指揮同知蔡本為浙江都指揮使羽林前衛千戶高政為本衛指揮僉事錦衣衛散騎舍人翁岩為旗手衛指揮僉事○增設湖廣藍山縣大橋巡檢司左右副巡檢各一員廣東陽山縣西岸星子二巡檢司瓊州府苗山蓮塘二巡檢司廣西柳州府忻城縣長安巡檢司副巡

檢各一員○初 上以征討將士久效勤勞命禮部以 太祖
高皇帝陞賞條例奉酌行之至是奏定賞格奇功領隊將校陞
二級指揮賞銀五十兩綵幣八表裏鈔六百貫千戶衛鎮撫儀
衛正副銀三十五兩綵幣六表裏鈔五百貫百戶所鎮撫典仗
銀二十五兩綵幣四表裏鈔四百貫總旗銀十八兩絹三匹綿
布四匹綿花五斤鈔三百貫小旗銀十五兩絹三匹綿布四匹
綿花五斤鈔三百貫隨伍指揮十百戶旗軍銀十三兩絹三匹
綿布四匹綿花五斤鈔二百五十貫頭功領隊將校陞一級指
揮賞銀二十兩綵幣六表裏鈔四百貫千戶衛鎮撫儀衛正副
銀十五兩綵幣四表裏鈔三百貫百戶所鎮撫典仗銀十三兩
綵幣三表裏鈔二百五十貫總旗銀十二兩絹三匹綿布四匹
綿花五斤鈔二百五十貫小旗銀十兩絹三匹綿布四匹綿花

五斤鈔二百貫隨伍指揮千百戶旗軍銀八兩絹二匹綿布四匹綿花五斤鈔百五十貫以功領隊指揮賞銀十五兩綵幣四表裏鈔三百貫十戶衛鎮撫儀衛正副銀十三兩綵幣三表裏鈔二百五十貫百戶所鎮撫典仗銀十二兩綵幣二表裏鈔二百五十貫總旗銀七兩絹三匹綿布四匹綿花五斤鈔二百貫小旗銀五兩絹二匹綿布四匹綿花五斤鈔百五十貫隨伍指揮千百戶旗軍銀四兩絹二匹綿布四匹綿花五斤鈔百貫○上於宮中得建文時群臣所上封事千餘通披覽一二有干犯者命翰林院侍讀解縉等徧閱關係軍馬錢糧數目則留餘有干犯者悉焚之既而從容問縉等曰爾等宜皆有之衆稽首未對脩撰李貫進曰臣實無之上曰爾以獨無為賢耶食其祿則思任其事當國家危急之際在近侍獨無一言可手朕非惡

夫盡心於建文者但惡導誘建文壞 祖法亂政經耳爾等前
日事彼則忠於彼今日事朕當忠於朕不必曲自遮蔽也○丁
卯賜都指揮使蔡本鈔百錠并賜其下有差蓋禽殺武進等縣
強賊馬阿保等本等預有勞云○戊辰夜月犯天囷有星如鷄
子大赤色尾跡有光出五車南行入參宿左肩火星犯太微西
垣上將星○己巳 上謂兵部左侍郎劉儁等曰乃者隨朕靖
難及守城官軍逃叛箴匿已獲者悉伏法矣未獲者令隨處自
首赴京立功贖罪其誘示之○調都指揮僉事凌雲為遼東都
司都指揮僉事起福建行都司致仕都指揮同知郭青為福建
都指揮同知○遼東都司言緣遼胡寇竊發不時騎士乏馬操
備遼東行太僕寺舊所易朝鮮馬二千六百餘匹請以給軍士
從之○庚午初寧夏總兵官左都督何福曰欽天監言火星犯

上將爾為將禦邊宜慎之母忽○命右軍都督陳暉旗手衛指揮李忠往江西叅贊都督韓觀軍事○改河南按察司僉事張成之為湖廣按察司僉事○賜鎮守陝西都督王英鈔二百錠○夜月犯畢宿南第二星○辛未封周王橐第二女為蘭陽郡主擢徐茂先為中奉大夫宗人府儀賓以郡主配之茂先中山武寧王達之孫勲衛添福之子也○壬申命昭德王濟煥居平陽○代王桂及其世子遜熾辭歸賜鈔七千錠其從官賜鈔有差○命禮部鑄靖江王金寶制如郡王之印禮部言舊制郡王用銀鍍金其上印亦用銀 上以 太祖高皇帝嘗與靖江王金罔故授王亦以金寶○癸酉夜有星如鷄子大青白色有光出東南雲中東南行至近濁○甲戌祭太歲風雲雷雨嶽鎮海瀆山川等神○遣官祭旗纛○ 皇第二子高叟還北平賜

鈔萬錠其從官指揮王麒等人賜鈔五錠○夜火星入太微垣
右掖門○乙亥賜齊王樽鈔一萬錠○調都指揮僉事李凱於
山東都司○夜有星如盞大赤色有光出西北雲中東北行至
近濁○丙子命指揮施文守泗州整肅兵備撫安人民○陞前
燕府長史金忠為工部右侍郎戶部郎中陳宗問為河南布政
司右叅政兵部員外郎在任先為右叅議戶部郎中鄧庸為江
西布政司右叅政吏部郎中劉思忠為浙江布政司右叅政禮
部郎中郝鵬為湖廣布政司左叅政刑部主事周淵銘為四川
布政司左叅議各賜鈔三十錠○初用曹國公李景隆兵部尚
書茹瑄言命吏部定靖江王府官制至是吏部言祖訓內親
王府例設文職官三十一員教授無定員郡王府未有定制今
擬靖江王府長史依親王府例設置其餘官屬止設紀善伴讀

審理典寶奉祠典樂典儀典膳良醫工正倉大使各一員引禮舍人二員又 祖訓內凡郡王子授鎮國將軍孫授輔國將軍靖江王子比正支郡王宜遞減一等授輔國將軍其官屬止設伴讀 上命輔國將軍各設教授一員餘如所擬於是改靖江王府諮議所為長史司○工部右侍郎黃福言舊制應天太平鎮江寧國廣德五府州例免稅糧但每歲農隙召其丁夫役京師一月今當如例徵赴京 上曰五府州與王之地 先帝時特加優恤近年兵興煩於供給今方遯寧息未宜勞之可蠲今年之役○丁丑以即位遣使齎詔諭和林九剌等處諸部酋長者凡七萬一千三百餘戶詔所司善加撫綏○戊寅陞水軍右衛指揮僉事宣信為前軍都督僉事福建行都司都指揮僉事

郭忠為本司都指揮同知羽林前衛千戶邢忠為本衛指揮同知金吾左衛千戶劉貴為金吾前衛指揮僉事○己卯以廣西柳州等處蠻民嘯聚劫掠遣禮部員外郎李宗輔等齎勅往赦其罪諭令復業如執迷不悛調兵剿除○夜有三星如鷄子大其一青白色有光出外屏西南行入壘壁障其一赤色有光出內屏東南行至近濁其一赤色尾跡有光出紫微西蕃外北行至近濁

明太宗文皇帝實錄卷之十二上

洪武三十五年九月辛巳朔肅王拱來朝○命戶部郎中李昶撫安北平郡縣○夜有星如鷄子大青白色有光出土司空秀西南行至雲中火星犯右執法○壬午蜀王椿來朝○秦王尚炳至○癸未晉王濟燿辭歸賜鈔五千錠其從官賜鈔有差○賜中軍將校指揮岳冬驢車輿等九百六十有一人鈔各六十錠綵幣表裏各三千百戶朱旺李平等萬五千四百十有九人鈔亦各六十錠綵幣表裏各二○駙馬都尉王寧奏舊有賜田及自置田建文中盡沒官乞復之 上從之仍命戶部以其所及租准祿米○湖廣布政司左叅政郭璉右叅政王麟按察司副使聞良輔僉事陳晟蔣賓興鄔脩張敏俱以罪降為行人○夜金星入心宿○甲申封秦愍王第四子尚焯為興平王第五

子尚虹為永壽王第六子尚烜為安定王改封晉恭王第三子
昭德王濟煥為平陽王封恭王第七子濟煥為廣昌王○陞賞
奉天靖難諸將封都督僉事丘福為奉天靖難推誠宣力武臣
特進榮祿大夫右柱國中軍都督府左都督淇國公食祿二千
五百石子孫世世承襲賞銀四百兩絳幣四十表裏鈔四千貫
都督僉事未能為奉天靖難推誠宣力武臣特進榮祿大夫右
柱國左軍都督府左都督成國公食祿二千二百石子孫世世承
襲賞銀四百兩絳幣四十表裏鈔四千貫都督僉事張武為奉
天靖難推誠宣力武臣特進榮祿大夫柱國中軍都督府都督
同知成陽侯食祿千五百石子孫世世承襲賞銀三百五十兩
絳幣三十表裏鈔三千貫都督僉事陳圭為奉天靖難推誠宣
力武臣特進榮祿大夫柱國後軍都督府都督同知泰寧侯食

祿千二百石子孫世世承襲賞銀三百五十兩綵幣三十表裏
鈔三千貫都督僉事鄭亨為奉天靖難推誠宣力武臣特進榮
祿大夫柱國中軍都督府左都督武安侯食祿千五百石子孫
世世承襲賞銀三百五十兩綵幣三十表裏鈔三千貫都督僉
事孟善為奉天靖難推誠宣力武臣特進榮祿大夫柱國右軍
都督府都督同知保定侯食祿千二百石子孫世世承襲賞銀
三百五十兩綵幣三十表裏鈔三千貫都督僉事火真為奉天
靖難推誠宣力武臣特進榮祿大夫柱國中軍都督府都督僉
事同安侯食祿千五百石子孫世世承襲賞銀三百五十兩綵幣
三十表裏鈔三千貫右都督顧成為奉天朔運推誠宣力武臣
特進榮祿大夫柱國後軍都督府右都督鎮遠侯食祿千五百
石子孫世世承襲賞銀三百五十兩綵幣三十表裏鈔三千貫

都督僉事王忠為奉天靖難推誠宣力武臣特進榮祿大夫柱國右軍都督府都督同知靖安侯食祿一千石子孫世世水襲賞銀三百五十兩綵幣三十表裏鈔三千貫都指揮使王聰為奉天靖難推誠宣力武臣特進榮祿大夫柱國中軍都督府都督僉事武城侯食祿千五百石子孫世世水襲賞銀三百五十兩綵幣三十表裏鈔三千貫都督僉事徐忠為奉天靖難推誠宣力武臣特進榮祿大夫柱國前軍都督府左都督永康侯食祿一千一百石子孫世世水襲賞銀三百五十兩綵幣三十表裏鈔三千貫都督僉事張信為奉天靖難推誠宣力武臣特進榮祿大夫柱國隆平侯食祿一千石子孫世襲隆平伯賞銀三百五十兩綵幣三十表裏鈔三千貫都督僉事李遠為奉天靖難推誠宣力武臣特進榮祿大夫柱國中軍都督府都督同知安平侯

食祿一千石子孫世襲安平伯賞銀三百五十兩綵幣三十表
裏鈔三千貫都督僉事郭亮為奉濟難推誠宣力武臣特進榮
祿大夫柱國左軍都督府都督同知成安侯食祿千二百石子
孫世襲成安伯賞銀三百五十兩綵幣三十表裏鈔三千貫都
督僉事房寬為思侯食祿八百石子孫世襲指揮使賞銀三
百兩綵幣二十表裏鈔二千五百貫都指揮使徐祥為奉天朔
衛宣力武臣特進榮祿大夫柱國興安伯食祿千石子孫世世
承襲賞銀三百兩綵幣二十表裏鈔二千五百貫都督僉事徐
理為奉天朔衛宣力武臣特進榮祿大夫柱國武康伯食祿一
千石子孫世世承襲賞銀三百兩綵幣二十表裏鈔二千五百
貫都指揮同知李濟為奉天朔衛宣力武臣特進榮祿大夫柱
國襄城伯食祿一千石子孫世世承襲賞銀三百五十兩綵幣二

十表裏鈔二千五百貫都指揮同知張輔為奉天翊衛宣力武
臣特進榮祿大夫柱國信安伯食祿一千石子孫世世承襲賞
銀三百五十兩綠幣三十表裏鈔三千貫都督僉事唐雲為奉
天翊衛宣力武臣特進榮祿大夫柱國新昌伯食祿一千石子
孫世襲指揮賞銀三百兩綠幣二十表裏鈔二千五百貫故都
指揮同知譚淵男諱忠為特進榮祿大夫柱國新寧伯食祿一
千石子孫世世承襲賞銀三百五十兩綠幣三十表裏鈔三千
貫都指揮僉事孫巖為奉天翊衛宣力武臣特進榮祿大夫柱
國應城伯食祿一千石子孫世世承襲賞銀三百五十兩綠幣
三十表裏鈔三千貫都指揮僉事房勝為奉天翊衛宣力武臣
特進榮祿大夫柱國富昌伯食祿一千石子孫世襲指揮使賞
銀三百五十兩綠幣三十表裏鈔三千貫都指揮使趙彝為奉

天翔衛宣力武臣特進榮祿大夫柱國忻城伯食祿一千石子孫世世承襲賞銀三百兩綵幣二十表裏鈔二千五百貫都督僉事陳旭為奉天翔衛宣力武臣特進榮祿大夫柱國雲陽伯食祿一千石子孫世世承襲賞銀三百兩綵幣二十表裏鈔二千五百貫都督僉事劉才為奉天翔衛宣力武臣特進榮祿大夫柱國廣恩伯食祿九百石子孫世襲指揮同知賞銀二百五十兩綵幣十六表裏鈔二千貫以曹國公李景隆尚書茹常都督同知王佐都督僉事陳瑄有默相事機之功加封景隆為奉天輔運推誠宣力武臣特進光祿大夫左柱國太子太師曹國公增祿一千石通前四千石子孫世世承襲賞銀四百兩綵幣四十表裏鈔四千貫瑄為奉天翔運守正文臣特進榮祿大夫柱國太子少保兼兵部尚書忠誠伯食祿一千石以終本身賞

銀三百兩綵幣二十表裏鈔二千五百貫佐為奉天朔運宣力
武臣特進榮祿大夫柱國中軍都督府都督同知順昌伯食祿
一千石子孫世襲指揮使賞銀三百兩綵幣二十表裏鈔二千
五百貫塏為奉天朔運宣力武臣特進榮祿大夫柱國右軍都
督府都督僉事平江伯食祿一千石子孫世襲指揮使賞銀三
百兩綵幣二十表裏鈔二千五百貫以谷王護衛指揮僉事張
興儀衛正張成等受王成算佐成奇功陞興為驃騎將軍都督
僉事賞銀二百五十兩綵幣十六表裏鈔二千貫成為驃騎將
軍都指揮使賞銀二百兩綵幣十二表裏鈔十五百貫其餘將
士人等論功高下一體陞賞又以駙馬都尉王寧不附權勢以
罹誣陷幾致隕身宜用褒顯封奉天輔運推誠效義武臣特進
光祿大夫柱國駙馬都尉永春侯食祿一千石子孫世襲

賞銀三百五十兩綠帶三十表裏鈔三千貫各賜冠服給誥券
陞賞畢 上諭之曰人君秉至公行爵賞無容私意今以天下
之財賞天下之功雖賜賚有限而爵祿無窮然繼今能益懋公
勤朕不吝於報賚爾等勉之又曰爾等前勞朕或知有未盡論
報之際輕重失宜其即面陳必使歸於至當若不自陳而退有
後言或至怨懟甚不可也又曰今天下已定君臣相與共保富
貴朕不可居安忘危爾等亦不可恃功驕惰但常念前勞圖保
名節斯福澤延於子孫功名播於永遠矣○追封故都督同知
張玉奉天靖難推誠宣力武臣特進榮祿大夫右柱國榮國公
諡忠顯玉守世美河南開封祥符人任元為樞密院知院洪武
乙丑歸附戊辰從征捕魚兒海哈剌哈之地以功授濟南衛副
千戶又從追勒鞋軍粉紅帖木兒抵延安延川陞安慶衛指揮

僉事同官以嚴見憚庚午從征永順散茅等洞辛未從征迤北
抵鴉寒山歸調燕山左護衛癸酉復從征迤北至黑松林戊寅

七月上舉兵靖難王所進計議悉合上意遂領兵攻奪九

門撫順討逆三日始定王言今都指揮馬宣 薊州宜早圖之

不然將為後患且薊為東都之望薊平餘可傳檄而定上從

之即命王與朱能等率兵以往既至都指揮馬宣鎮撫曾潘等

閉城堅守反復喻之不下王擁眾急攻宣率兵出拒王遣精銳

衝入其陣執而殺之并殺濟復執毛指揮王知其可用釋之不

殺送詣北平而撫輯其軍民乃引兵徇遵化遵化守將以城降

復往永平密雲至則軍民望風輸款己卯陞都指揮同知中

營兵王進言曰雄鄭在邇今守者潘揚二都督挾持詐力不下

請攻之上是其計遂生禽二人時長興侯耿炳文率兵二十

萬至真定玉請往覘之遙見其軍士散漫無統紀且有敗氣馳
報曰彼無能為力贊上往攻俘斬無數餘皆奔潰繼安陸侯
吳傑引兵未戰玉率衆大敗之追奔四十餘里斬獲甚衆永平
被圍引兵從上救之敵見軍容整肅遽解去從攻大寧破之
既歸中道聞李景隆率衆次壩上而以精銳圍北平城玉請先
攻其營然後歸據上從之徑擣其營大戰景隆兵不能支遂
退即率衆至城下城中亦出兵內外夾攻斬戮殆盡遂移軍收
廣昌下蔚州進取大同斬其首將而還聞景隆收潰卒益以新
軍號百萬連營而來玉言兵貴神速先事者勝請駐白溝河以
逸待勞必能決勝上然其言率衆至白溝河越三日景隆兵
至玉率精騎馳擊之斬馘無算景隆收餘衆退玉乘勝追擊所
向披靡歸數月從上攻滄州破之生禽其大將徐凱進攻東

昌王勇往赴敵遂戰歿年五十有八 上聞慟悼之至是論諸將功賞而思命首被云追封故後軍都督僉事陳亨奉天靖難推誠宣力武臣特進榮祿大夫柱國涇國公謚襄敏故都指揮使譚淵奉天靖難推誠宣力武臣特進榮祿大夫柱國崇安侯謚壯節亨鳳陽壽州人勇敢善騎射從 太祖高皇帝渡江討張士誠平陳友諒從大將軍定中原累積軍功自天策衛百戶累陞燕山左衛世襲指揮同知又從潁國公征北二十五年命署北平行都司事陞後軍都督僉事仍掌北平行都司從 上平內難屢戰壩上乘勝而南至白溝與敵戰奮擊衝陣斬獲無算以疾卒淵徐州清流人有臂力引兩石弓發無不中洪武中以軍功任燕山右護衛副千戶從 上靖內難戮力盡心戰真定及壩上馳騎突陣多所斬獲至夾河與敵搏戰所乘馬蹶遂

死之至是亦先追封焉○陞吏部左侍郎蹇義本部尚書改右侍郎陳洽左侍郎陞戶部左侍郎夏原吉本部尚書改右侍郎古朴左侍郎陞兵部左侍郎劉儁本部尚書改右侍郎方賓左侍郎禮部右侍郎宋禮本部左侍郎工部右侍郎黃福本部左侍郎陞大理寺左少卿薛嵩本寺卿左寺丞袁復右少卿行人李文郁為通政司左叅議○陝西按察司僉事林嘉猷坐方孝孺之黨誅○丁亥遣使以即位詔諭安南暹羅爪哇琉球日本西洋蘇門答剌占城諸國 上諭禮部臣曰 太祖高皇帝時諸番國遣使來朝一皆遇之以誠其以上物來市易者悉聽其使或有不知避忌而誤于憲條皆寬宥之以懷遠人今四海一家正當廣示無外諸國有輸誠來貢者聽爾其諭之使明知朕意○戊子陞都指揮使劉江為中軍都督僉事朱榮為左軍都

督僉事馬榮紀清俱為右軍都督僉事都指揮同知朱崇為後
軍都督同知何濬薛脫歡許成俱為左軍都督僉事高成為右
軍都督僉事譚深為前軍都督僉事吳庸為山東都指揮使薛
脫火亦為遼東都指揮使陳勝為陝西都指揮使賈驢為廣西
都指揮使王真為四川都指揮使沈遇為江西都指揮使沈濱
為福建都指揮使馬聚為北平都指揮使壹信為北平行都司
都指揮使都指揮僉事陳懋為中軍右都督曹得山青俱為中
軍都督僉事張欽為右軍都督僉事寧士文劉保華聚俱為前
軍都督僉事譚青王端俱為後軍都督僉事馬瑛為浙江都指
揮使金玉為河南都指揮使朱英為四川行都司都指揮使陳
旺為貴州都指揮使曹隆為雲南都指揮使王哈剌把都為湖
廣都指揮使徐恭為福建都指揮使徐善為陝西行都司都指

揮使馬旺為山西都指揮使歐陽青為山西行都司都指揮使
杜真施文林祥俱為浙江都指揮同知劉聚印原童蔡福毛八
丹俱為山東都指揮同知麻子帖木呂毅為羽齊安呂得俱為
遼東都指揮同知呂得昇蕭授滕安陳賢高冕俱為河南都指
揮同知吳王蔣忠趙忠俱為陝西都指揮同知蔡斌程寬錢安
俱為陝西行都司都指揮同知王友柳升吳升丑俱為都指
揮同知掌中都留守司事劉秉謙孫翥吳福俱為四川都指揮
同知于金玉王貴冀英俱為四川行都司都指揮同知李任
陳全吳浩俱為貴州都指揮同知王紵方敬王正劉鑑俱為雲
南都指揮同知錢義胡原王成俱為廣西都指揮同知金銘胡
俊周長俱為湖廣都指揮同知郭贊張麟李文俱為江西都指
揮同知陳翼王倣艾忠俱為福建都指揮同知魯麟鄭銘新榮

俱為福建行都司都指揮同知王忠中英卯那海夏曲倫台俱
為北平都指揮同知董燾駱七十八史勇俱為北平行都司都
指揮同知姜清張瑄俱為遼東都指揮同知曹英張禮張成俱
為山西都指揮同知江浩馮三保侯忠俱為山西行都司都指
揮同知 上顧羣臣諭曰諸將從朕舉義多歷艱危今內難肅
清論功行賞富貴方自此始夫國家於功臣固當保全而帝王
用人豈可獨遺勲舊漢賈復吳漢才堪輔相光武徒欲保全之
而弗用朕所不取夫君臣不能保全者常始於不相信苟不相
信雖父子將為秦越况君臣乎吾報之厚而待之誠常見其善
不見其不善惟其才而任之保功用人可以兩得羣臣頓首稱
善○命五軍都督府移文各都司令衛所屯田如舊制衛指揮
一人所千戶一人專提調都指揮督察之歲終上其所入之數

以謀勦息○都督同知韓觀奏江西廬陵縣民逃聚山林者聞命悉復業賜勅獎諭觀曰人君代天子民惟體上天好生之心安養斯民使各得其所而已數年以來民苦於兵加之賦斂煩苛窮迫無告間者江西廬陵縣民有不得已畏死逃聚山林者有司不原其本心輒請發兵勦捕朕心有所不忍故遣行人齎勅諭令復業猶慮民之不明知朕心也又遣卿以大臣諭之民間卿以朕命至皆懽然來歸不勞寸兵而危者以安憂者以喜以是觀之民豈樂於為非者哉卿斯行於國於民咸有所利朕甚嘉之今特遣人以羊酒綵幣勞卿至可領也○谷玉德請營宮殿於長沙府 上以天下初定慮營費財令擇衝府廨舍修理居之○使臣有還自東南夷者言諸番夷多遁居海島中國軍民無損者潛與相結為寇 上遣使齎勅諭之勅曰好喜惡

不善人之同情有不得已而為不善者亦非本心往者爾等或
避罪誼或苦饑困流落諸番與之雜處遂同為劫掠苟圖全活
巡海官軍既不能矜情招撫更加侵害爾等雖有悔悟之心無
由自遂朕甚憫焉今特遣人齎勅往諭凡番國之人即各還本
土欲來朝者當加賜賚遣還中國之人逃匿在彼者咸赦前過
俾復本業永為良民若仍恃險遠執迷不悛則命將發兵悉行
剿戮悔將無及。戶部言天下倉糧宜撙節以備國用各處都司
官俸舊全支米者宜米鈔中平兼支河南浙江江西山東山西
五布政司按察司及王府官舊全支米者亦如之湖廣福建廣東
廣西陝西北平四川雲南八布政司按察司官俸米鈔兼支及
各府州縣諸司官俸全支鈔者仍令如故從之

明太宗文皇帝實錄卷之十二下

洪武三十五年九月己丑慶王榘來朝○勅遼王植曰 皇考太祖高皇帝封建諸王藩屏 宗社傳序萬年與國同久建文中信任姦回以殘骨肉朕於其時迫於危禍不得已而起兵賴天地祖宗之靈克平內難建文之隕自絕于天朕為諸王臣民推戴以君主天下方欲與諸弟聚處同天倫之樂而賢弟以遼地荒遠經涉海洋餽運為難因請改國荊州且以廣寧重鎮就留三護衛於彼以益邊防欲於荊州別給一衛備使令言之再三卻而復至謙約之誠溢於言表去衆就寡厭遠懷通手足之情何忍違抑今勉從所請建國荊州而仍舊封號軍衛已令兵部改撥用稱吾弟之意持報知之○改太平府試推官袁綱蘇州府試推官徐道正前鎮平軍民指揮司試經歷馮本清前開

封軍民指揮司試經歷陳常俱為監察御史陞典牧署正陳善
為尚寶司丞前北平按察司經歷沈鑑為本司僉事鑑述文中
坐累被謫至是召還而陞用之○庚寅皇第三子高燧奉朝○
秦王尚炳辭歸賜鈔二萬錠其從官賜鈔有差○周世子有燉
自雲南奉朝賜鈔二萬錠○召廣澤王允熾懷恩王允熿○辛
卯賜在京官負軍民鈔幣先是 上以新即位在京文武羣臣
軍民人等宜有賜賚命禮部議之禮部議奏武職自侯至都督
各鈔二百錠綵幣五表裏指揮鈔八十錠二表裏千戶衛鎮撫
各鈔五十錠一表裏百戶所鎮撫各鈔三十錠一表裏旗軍校
尉將軍力士屯軍恩軍養羊習匠切軍人鈔五錠致仕優給並
同見任文職二品鈔百錠綵幣三表裏三品四品鈔八十錠二
表裏五品鈔五十錠六品七品鈔三十錠八品九品鈔二十五

錠俱一表裏雜職鈔二十錠監生吏典知印辦事人材天文生
醫者府學生負人鈔四錠坊廂民匠僧道醫人樂工厨子膳夫
皂隸人鈔三錠從之○謫工部右侍郎張顯宗等戍興州顯宗
建文中自國子監祭酒陞工部右侍郎往江西招集丁壯募民
出粟 上既即位顯宗及江西布政使楊璉按察使房安僉事
呂升並為軍卒執告其罪 上釋不誅謫戍興州○夜月犯壘
壁陣東第五星○壬辰陞府軍衛指揮僉事詹忠為本衛指揮
同知○賜鎮遠侯顧成鈔六百錠○判詰之寶成賜中書舍人
劉彥紹鈔三十錠胡椒四斤○陝西行都司奏回回可古思於寧
夏市馬請官市之以資邊用 上從之命有司償其直上馬每匹
給絹四匹布六匹中馬絹三匹布五匹下馬絹二匹布四匹駒
絹一匹布三匹軍民私市者禁之○工部尚書嚴震直卒震直

湖州烏程人洪武庚午以賢良舉初授布政司左叅議之職受
事于戶部尋實授戶部郎中壬申陞工部試右侍郎明年陞本
部尚書坐事降監察御史尋陞都察院右都御史丁丑復坐事
降御史未幾復為工部尚書震直資貌魁偉而寡學無識善附
權要 上頗薄之○晚刻火星犯左執法○癸巳兩汀州衛指揮
僉事吳廣女為順陽王有烜妃○賜翰林侍讀解縉等七員金
織羅衣各一襲○甲午陞揚州衛指揮僉事李政為貴州都司
指揮僉事旌其以全城歸附也○上謂刑部都察院臣曰前初
法司令囚人未贖罪以省轉輸之勞近聞有貧不能致米者往
往憂感死期欲生之乃逆之死非朕本意自今凡人命十惡死
罪強盜傷人者依律處決其餘死罪及流罪令繫家赴北平種
田流罪三年死罪五年後錄為良民其徒罪令煎鹽杖罪輸役

如故自願納未贖罪者聽仍選徒罪以下罷黜官假以職名俾
替民耕種三年有成績實授無成仍坐原罪○定切臣死罪減
祿例免三死者初犯減其祿二十之七再犯減其十之七三犯
盡奪免二死者初犯減祿十之五再犯盡奪免一死者一犯盡
奪○定武官軍士贖罪例凡武官犯死罪情輕者奪俸三年流
罪二年徒罪一年杖罪當罷職者奪俸六月當降等者三月軍
士及其戶丁雜犯死罪發北平衛所也田○乙未命戶部申明
木鐸教民之令召京民耆老諭之曰我太祖高皇帝開創洪
業做古為治三十餘年海宇寧謐民咸樂生尚慮教化未洽游
食者衆自京師至於天下郡縣皆嘗置木鐸及見丁耆業牌令
民每日傳遞以知警勵勤於生理毋犯憲章良法美意可傳萬
世建文中信用小人更改舊制京民被其虐害遁逃相繼數年

之間風俗靡然朕今嗣水大統嘉與萬姓同樂太平爾等其謹
遵成憲安分守法水為良民毋作不靖以干國典苟或違之將
白雀殃咎不丁迨矣仍命戶部行天下咸遵守之○遣使齎詔
撫諭兀良哈大小頭目○命右軍都督同知韓觀佩征南將軍
印充總兵官往廣西整肅兵備鎮守城池而節制廣西廣東二
都司賜勅諭觀曰廣西蠻民易叛難服殺之愈多而愈不治
太祖高皇帝灼見其情故以德撫之至必不得已而後用兵所
以蠻民悅服邊境晏然今朕嗣位謹遵成憲卿往鎮之宜務德
為本毋專務殺戮庶副朕法祖柔遠之意賜觀鈔四十錠○追
贈前燕山右護衛百戶王真奉天靖難推誠宣力武臣特進榮
祿大夫柱國金鄉侯諡忠壯具威寧瀟橋人少負智勇謀兵籍
洪武中以功授燕山右護衛百戶 上舉兵靖難首協義謀率

師下廣昌徇屬門賈勇衝敵常以一當百 上嘗勵諸將曰奮武如王真何功不成又攻取滄州破之追其餘衆至滑口俘獲七千人肥河之戰真率壯士突陣而前斬敵無算而後隊不繼敵圍之數匝身被數十鎗真氣愈奮斬敵數十人敵益兵圍之真知不免顧左右曰吾義不死敵手馬上自刃而斃敵壯之曰真將軍也計聞 上傷悼之至是加追贈馬真沉毅有智畧事上于藩邸勤慎小心及從舉義出戰未嘗失利臨陣應敵能出奇制勝 上嘗語侍臣曰王真不死其功當冠諸將云○命戶部遣官覈實山西太原平陽二府澤潞遼沁汾五州丁多田少及無田之家分其丁口以實北平各府州縣仍戶給鈔使置牛具子種五斗後徵其稅○賞從征衛駕將士總督都指揮銀二百五十兩緣幣十六表裏鈔四百錠散都指揮銀二百兩緣幣十

二表裏鈔三百錠奇功領隊指揮銀百兩綵幣十表裏鈔二百
錠十戶衛鎮撫儀衛正副各銀六十兩綵幣八表裏鈔百八十
錠百戶所鎮撫典仗各銀五十兩綵幣六表裏鈔百六十錠隨
伍官軍各銀四十五兩綵幣四表裏鈔百四十錠絹四匹綿布
五匹綿花五斤頭功領隊指揮銀六十兩綵幣八表裏鈔百八
十錠十戶衛鎮撫儀衛正副各銀五十兩綵幣六表裏鈔百六
十錠百戶所鎮撫典仗各銀四十兩綵幣四表裏鈔百四十錠
隨伍官軍各銀三十兩綵幣二表裏鈔百錠絹三匹綿布三匹
綿花五斤次功領隊指揮銀五十兩綵幣六表裏鈔百六十錠
十戶衛鎮撫儀衛正副各銀四十兩綵幣四表裏鈔百四十錠
百戶所鎮撫典仗各銀三十五兩綵幣三表裏鈔百二十錠隨
伍官軍各銀二十五兩綵幣一表裏鈔八十錠絹二匹綿布二

匹綿花五斤○夜月犯天園星晚刻火星出左掖門外○丙申
修荊州前護衛高達王府○肅王拱辭歸賜鈔二萬錠其從官
賜鈔有差○以杭州府知府虞謙為大理寺左少卿○夜金星
入房宿○丁酉蜀王椿辭歸賜勅諭曰賢弟天性仁孝明傳
學聲聞昭著軍民懷服然蜀地險要夷獠雜居莫安綏撫付託
甚重凡百自愛以副兄懷賜椿鈔二萬錠其從官賜鈔有差○
夜有星如鷄子大青白色尾跡有光出正北雲中西北行至近
濁○戊戌西域回回者魯判丁等使哈刺火州還貢硝砂等物
賜鈔有差○車里軍民宣慰使司宣慰使刀暹答及老撾土官
刀線夕八百土官刀板面孟定府土官刀名扛威遠州土官刀
算黨各遣人來朝貢象齒犀角孔雀尾西洋布紅花絲幔帳及
金銀器賜刀暹答等錦綺紗羅有差其來使俱賜鈔幣○陞工

部左侍郎黃福為本部尚書是日工部左侍郎張昂恭自建文中出使于外歸復職○夜有二星如鷄子大俱青白色有光其一出闕丘東北行至雲中其一出軫宿東北行至游氣○己亥命都指揮僉事俞讓任貴州都司○賜國子監雲南生趙祥等四十人冬衣○夜有星如鷄子大青白色有尾光燭地出文昌西北行至近湧○庚子慶王榘辭歸賜鈔二萬錠其從官賜鈔有差○復河南布政司左叅政蔡淵官淵建文中坐累謫戍廣西至是赴京自陳命還其職○陞左軍都督僉事劉貞為本府左都督○以故前軍都督僉事張春子林為指揮僉事賜優給初春坐罪棄市 上念春父文秀戰功效有是命○以雲南中護衛指揮僉事宗麟子四聖保為指揮僉事命錦衣衛優給初麟坐誣死其子沒為官奴至是 上特優之○辛丑 上以賞

賚臣民恩有未洽命禮部再議禮部議奏致仕官在京者照品級賞之多餘軍官在京與見任同其已沒而子孫在京應襲者准在京優給例各處軍職其子孫在兵部聽選襲者俟回銜給賞旗軍病死及戰沒而有幼子者並准紀錄之例河南三護衛官軍在京候王之國者准在京例歷事監生及三考吏聽選吏部者准監生及在京史典例孤老准京民例各王府文武官旗軍醫士廚子匠人等隨侍來者悉准在京例軍官母女支優給者賞鈔十錠看守廟宇柴場老軍准養馬廝卒軍伴同皂隸神樂觀國子監膳夫山川祠祭署田夫俱准京民例在京辦事官吏承差知印准辦事人材例樂舞生與天文生同從之○造鳳陽浮橋船三十八艘○壬寅遣中官陳福壺賜左軍都督僉事徐凱鈔二千錠○癸卯陞北平都指揮僉事周廣為都指揮同

知鎮江衛指揮僉事童俊為福建都指揮使柳州衛指揮僉事
廖春為廣西都指揮同知安吉衛指揮僉事徐勳為河南都指
揮僉事金吾左衛指揮使薛山為浙江都指揮同知會州衛指
揮使侯鏞為山西都指揮僉事羽林前衛指揮同知楊壯為大
寧都指揮僉事金吾右衛指揮僉事魏剛為都指揮僉事掌中
都留守司事金吾後衛千戶胡勝為府軍衛指揮僉事○播州
宣慰使楊昇思南宣慰使田大雅貴州宣慰使宋斌來朝貢水
銀珠砂等物賜昇等白金錦綺綵帛賜其僮從有差○戶部尚
書夏原吉言北京諸郡百姓男女前因避兵遼東山海及山東
境內有遇官軍拘虜亦有以財聘買為妻妾子息者今悉以詔
書送赴京轉發原籍往來告原籍兵後家產蕩盡親戚不存
無可依恃而今所託者歲久皆成家矣願仍留彼不歸且臣之

意若即遣回原籍今天氣向寒道路艱難恐至失所請命暫居京師俟行勘原籍有親即遣歸果無則宜從所言亦人情兩便上曰民罹兵革至轉徙流離豈非得已況被虜乎人情孰不憐土是必虜買之家教訪為此言不可盡信姑留在京給與口糧待春暖遣歸如果用財禮聘娶亦須行勘有實然後給之○甲辰命左府都督僉事徐凱仍任左府事○乙巳建金錄大熙七晝夜於朝天宮薦福 皇考 皇妣○賜遼王植鈔二萬錠○命武康伯徐理等往北平度地以處民之以罪徙者○命都督陳用孫岳陳賢移山西行都司所屬諸衛官軍於北平之地設衛移屯程雲川衛於雄縣玉林衛於定州高山衛於保定府東勝左衛於永平府東勝右衛於遵化縣鎮朔衛於薊州鎮虜衛於涿州定邊衛於通州其天城陽和宣府前三衛仍復原處○

大理寺少卿虞謙自陳建文時臣為杭州知府嘗建言天下僧道每人止令畜田五畝無田者官給之餘有常住田悉歸官以給無田之民僧道悉免其賦役當時從臣所言之臣當坐改舊制之罪 上笑曰此秀才闕老佛也已在赦前命以奏贖付科復之初有旨凡在建文中上言改舊制者悉令面陳至是視謙有戰懼之色遂命自今不須面陳悉以奏贖送科復之○四川播州宣慰使司請設僧剛道紀二司從之○丙午陞宣府中護衛指揮僉事劉清為都指揮同知仍令隨侍旌其開金川門奉迎功也○改大同中護衛為定州衛○夜有星如盞大青白色光燭地出正北雲中北行至近滿有二小星隨之○戊申命齊王禕復國青州賜以樂人綵幣及鈔○秦愍王次子尚烈奉朝○命順昌伯王佐往雲南副西平侯沐晟鎮守○改山東按

察僉事朱夏為廣西按察僉事○賞谷王府官軍第一等比奇
功第二第三等比頭功第四等比次功例不陞官者加賞鈔十
錠典膳仍本職食俸同正六品賞准次功百戶例舍人准次功
總旗例凡五百八十七人賞銀鈔表裏有差○已酉製 皇后
金寶實用盤龍紐○命鎮守揚州都指揮同知王禮任河南都司
禮初為揚州衛指揮僉事率眾朝見陞都指揮同知鎮守揚州
至是改命之○庚戌夜有星如鷄子大青白色光燭地出五諸
侯東行至游氣復有星如盛大青白色有尾光燭地出外屏西
行至羽林軍

大明太宗文皇帝實錄卷之十二下終

大明太宗文皇帝實錄卷之十三

洪武三十五年冬十月辛亥朔命工部給奉天征討軍士衣鞋
○湖廣鎮遠州蠻夷長官司長官何惠言本境路當雲南要衝
每歲修治清浪焦溪鎮遠三橋工費繁重所部臨諸溪洞民皆
悍橫猶控力不勝侵乞令軍民相參修治從之○夜金星犯天
江南第二星有二星其一如雞子大青白色光燭地出八穀東
北行至上台其一如彈丸大青白色有尾出天厨東北行文餘
發光如雞子大至游氣中心壬子冊都督徐章之女為皇弟三
子高熾妃○寧王權來朝○賜谷王摠鈔十萬錠○陞吏科都
給事中姚行爲湖廣布政司右叅政戶科給事中羅義左叅議
刑科都給事中周鼎湖廣按察使禮科都給事中黃永壽刑科
右給事中吳讓俱副使刑科給事中商惠僉事工科都給事中

李敬為江西布政司右叅議戶科都給事中景成兵科都給事中傅壽俱江西按察副使賜鈔又文綺表裏有差陞江西按察僉事司觀政本司按察使○陞神策衛指揮同知王觀童駝騎右衛指揮僉事梁北斗奴俱為北平都指揮僉事指揮僉事戴彬劉倣俱為錦衣衛指揮同知○製周王備儀仗○癸丑楚世子孟悅來朝○陞前湖廣布政司左叅議楊砥為鴻臚寺卿以其在建文中嘗上書請敦親思罷兵息民也○擢浙江布政司試理問李繼先前路州軍民指揮司試經歷陳升前威海軍民指揮司試經歷侯汝為俱為監察御史○陞羽林前衛指揮使劉信為河南都指揮使○命都指揮僉事劉達掌滁州衛事初達為滁州衛指揮僉事以歸附功陞今官至是仍命掌本衛事○今筑安撫司安撫得梁來朝賜絨錦二端文綺五表裏鈔百

鉞○夜有二星如雞子大其一赤色有光出天圍東行至近濁
其一青白色有尾光燭地出外屏西北行至霹靂○甲寅 上
謂兵部尚書忠誠伯茹瑄兵部尚書劉儁曰昔 太祖高皇帝
嘗戒勅諸將校曰軍士家屬既衆而月糧有限衣食不足不免
飢寒加以爾等無惻隱之心侵漁私役困苦不勝往往逃亡缺
伍故當時私役者每一日追工錢一貫仍論其罪朕今且慮內
外將校不能撫卹軍士比昔有加所以逃亡者衆自今計其軍
逃亡之數以論罰如百戶有逃一人者減其俸之半逃十人者
全不給至三十人者降充總旗四十人降充小旗五十人發充
軍其千戶逃軍十倍於百戶指揮逃軍五倍於千戶者並減俸
又通降一等皆如百戶之例○陞吏科左給事中黃昇為本科
都給事中改右給事中朱紘左給事中以給事中卹旃為右給

事中陞戶科左給事中徐奇本科都給事中以給事中黃宗暉
為左給事中萬忠右給事中陞禮科左給事中歐陽以恭本科
都給事中以給事中何仕讓為左給事中熊文煊右給事中陞
兵科左給事中鄭遂本科都給事中改右給事中舒孟名右
事中胡濙右給事中陞刑科左給事中周璟本科都給事中以
給事中陸中善為左給事中朱原貞右給事中陞工科給事中
趙憇本科都給事中○陞廣武衛指揮僉事許亨為北平都指
揮僉事亨北平都指揮僉事得之于朝見于揚州特命任其
父官仍命其父以本官致事○復設應天府溧陽縣批驗鹽引
所○曉刻火星犯進賢星○乙卯命羽林前衛指揮同知王三
哈歸侍親彰德仍給以俸初三哈自彰德衛軍來歸改從征有
功陞今官至是以母老不能就養乞還省視 上嘉其孝故有

是命○丙辰享 太廟畢遣官祭功臣于雞鳴山廟先是禮部侍郎宋禮言功臣自有廟請罷 太廟配享但於本廟祭之上曰 先帝所定配享不可罷又曰此皆佐命開國之臣既自有廟俟 太廟享畢亦別遣官即其廟祭之於義可也著為令○宴寧王推谷王德於華蓋殿○擢監生王孚陳禮未聲何海陸禎王政劉端姚綱阮瑤姚伯善俱為給事中大理寺左評事周新蔡瑛孫碩劉觀右評事揚廉馮臚寺司賓署丞周敏序班劉英兵部司務張進遠志盛文明行人李公敏允誠施安顧謙牛庸傅霖盛敬俱為監察御史○陞錦衣衛指揮僉事繆忠潘督陳敬程遠李忠俱為本衛指揮同知○夜木星犯天江第二星○丁巳吏部奏前北平所屬州縣官朱寧等二百一十九人皇上舉兵靖難之際俱棄職遠避冥冥諸法命入粟贖罪畢

發興州也戊○宴奉天征討功臣畢 上諭之曰君臣謂之元首股肱蓋一體相須也故為君必務保全其臣然為臣亦當思自保凡人致富貴難保富貴尤難爾等從朕數年萬死一生今皆身有封爵祿及子孫可為難矣但當思保之夫有功則賞有罪則罰此 祖宗公天下之大法爾等須遵守若不謹而犯之朕不敢曲宥蓋以私廢公則天下不服矣其務敬慎庶幾共安榮永遠○戊午勅禮部曰 太祖高皇帝臨御命所司歷考禮樂制度參酌古今上自朝廷下及臣民冠昏喪祭之儀服舍器用之制皆有等差著為定式頒布中外行之久矣朕慮今有司因循苟且奉行弗謹致有非分違法干紀刑憲非朕所以愛民之道爾禮部其以洪武中所定一切制度圖示中外俾人知遵守庶幾享太平之福○旌表處州府麗水縣民鄭季廉妻戴氏

饒州府樂平縣民詹伯尹妻倪氏程啓明妻汪氏貞節三人俱以早寡守志不貳有司上其事故有是命○命陝西河南山西山東鳳陽諸府州縣選力士三千五百人○寧王權奏故妃張氏之歿適際兵旅多事之際迨今未葬命工部給明器儀仗令所在有司營葬事○己未修 太祖高皇帝實錄勅太子太師曹國公李景隆太子少保兼兵部尚書忠誠伯茹瑯曰昔 皇考太祖高皇帝順天應人開基啓運自布衣提三尺劍十數年間削刈群雄平一六合功成治定制禮作樂身致太平垂四十年功德之盛亘古莫倫比者建文所修實錄遺逸既多兼有失實朕鑒之誠有歎焉今命儒臣重加纂修務在詳備庶幾 神功聖德明昭日月垂裕萬世爾景隆國之懿戚自少暨壯服事 皇考廟謨睿畧多所聞知今特命爾監修瑋祇事 先帝多

歷年載信任彌篤當時 聖政亦所悉焉其為之副尚端乃心

悉乃力用著成一代之盛典豈惟仰答 先朝寵遇之厚亦以

副予惓惓之孝誠歎哉○封周王滿長女為儀封郡主權古軍

都督僉事馬溥子春為中奉大夫宗人府儀賓以郡主配之○

真人張宇初來朝賜鈔六百錠○復湯中河南布政司左參議

阮友彰按察司按察使中等先官河南建文中坐事罷故今復

之○陞都指揮僉事林帖木兒蘇火耳仄俱為都指揮同知指

揮僉事姜鬼力為都指揮僉事○修陝西西安府瀛橋○庚申

諭修實錄官曰自古帝王功德之隆者必有史官記載垂範萬

年我 皇考太祖高皇帝神功聖德 天地同運日月同明漢

唐以來未有比^也建文中信用方孝孺等纂述實錄任其私見

或乖詳畧之宜或昧是非之正致甚美弗彰神人共憤蹈于顯

戮咸厥自貽今己命太子太師曹國公李景隆為監修太子少保兼兵部尚書忠誠伯茹瑄為副監修爾等皆茂簡才識俾職纂述其端乃心悉乃力以古良史自期恪勤纂述必詳必公用光昭我皇考創業垂統武功文治之盛與乾坤相為無窮斯汝為無忝厥職矣欽哉○陞金吾左衛李宗聚為金吾右衛指揮僉事旌其從征徐州出哨功也○辛酉楚世子孟炆辭歸賜鈔六千錠其從官賜鈔有差○賜壽陽郡主清湘郡主白金文綺及鈔○改江西布政司治為寧王府○都督陳質有罪伏誅初質任江西都指揮建文中調守大同遂陞中軍都督同知擅作威福劫制代王僭取府中器物虜掠已附居民強奪良家子女至是事覺誅之○壬戌命工部營平陽王府○陞武成左衛指揮使楊青薊州衛指揮使李貴潼關衛指揮同知吳凱驍騎右

衛指揮僉事王聚俱為都指揮僉事凱任江西聚湖廣陝西都司貴山西行都司撒馬兒罕歸附千戶亦剌思為錦衣衛指揮使羽林前衛千戶沈檀任福齊聚金吾左衛千戶康泰俱為指揮同知檀福俱任本衛聚泰俱金吾左衛羽林前衛千戶王禮金吾左衛千戶張得林金吾右衛千戶沈任蔣義劉驢兒府軍後衛千戶錢興前燕府儀衛正王儀俱為指揮僉事王福錢興各任本衛張得林沈任蔣義劉驢兒俱金吾右衛王義錦衣衛以金吾左衛指揮僉事周原子鑑千戶郭成弟拜住俱襲陞府軍右衛指揮同知○癸亥夜金星入南斗杓第二星○甲子賜晉王濟煇書令於護衛內撥馬步官軍四千隨高平王平陽王於平陽衛府暫居分原給本府符驗二道與之○遼東都指揮司奏九月戊子虜寇犯遼原至北門外備禦都指揮吳立遣

指揮莊濟率軍拒之賊退癸巳謀報賊營城外五里濟領軍襲之賊以衆迎敵指揮張恂李冕棄軍而走賊乘勢直前濟督軍與戰殺傷相當衛鎮撫張能千戶陳良等九人死之濟被重創督戰益力賊敗去勅鎮守遼東左都督劉貞曰古之馭夷狄者嚴兵守境便不得為寇若其入寇驅之則已今既不能嚴備使遂至城下驅而去之足矣何必追襲既以兵襲之則當力戰而張恂李冕乃棄軍先走致傷吾將士其張恂李冕卽斬以徇將士死傷者優卹其家仍督緣邊諸將嚴兵守備寇來則驅之慎勿與戰也○晚刻火星入角宿○乙丑夜月犯畢宿火星有星如雞子大青白色有光出離宮西行入河鼓○丙寅陞陝西布政司右叅政蔭存心為禮部右侍郎陝西按察使師遠為兵部右侍郎副使王平為都察院左僉都御史僉事朱逢吉為大理

寺左寺丞實授刑科試給事中謝朝錫本科給事中○命鎮遠
侯顧成鎮貴州一改孺府護衛為莊浪衛○丁卯命唐王控郢
王棟伊王擢與平王尚燭永壽王尚虹寇○定北平守城功賞
以北平保定永平為一例通州遵化為一例薊州為一例隆慶
審雲審雲後衛為一例各以歲月久近為等第自都指揮至民
丁給賞各有差北平永平保定洪武三十二年至三十五年都
指揮銀五十兩綵幣八表裏鈔百六十錠指揮銀二十兩綵幣
六表裏鈔百錠千戶銀十五兩綵幣四表裏鈔八十錠百戶銀
十兩綵幣三表裏鈔六十錠旗軍銀五兩絹三尺綿布四匹鈔
五十錠編伍舍人餘丁及民鈔五十錠洪武三十三年至三十
五年都指揮銀四十兩綵幣六表裏鈔百錠指揮銀十五兩綵
幣四表裏鈔八十錠千戶銀十兩綵幣三表裏鈔六十錠旗

軍絹二匹綿布三匹鈔四十錠編伍舍人家餘丁民人鈔四十錠洪武三十四年至三十五年都指揮銀三十兩絲幣四表裏鈔百錠指揮銀十兩絲幣三表裏鈔六十錠千戶銀八兩絲幣二表裏鈔四十錠百戶銀六兩絲幣二表裏鈔四十錠編伍舍人家餘丁民人鈔三十錠通州遵化二處洪武三十二年至三十五年都指揮銀四十兩絲幣六表裏鈔百二十錠指揮銀十五兩絲幣四表裏鈔八十錠千戶銀十兩絲幣三表裏鈔六十錠百戶銀八兩絲幣二表裏鈔五十錠旗軍絹二匹綿布三匹鈔四十錠編伍舍人家餘丁民人鈔四十錠洪武三十三年至三十五年都指揮銀三十兩絲幣四表裏鈔百錠指揮銀十兩絲幣三表裏鈔六十錠千戶銀八兩絲幣二表裏鈔五十錠百戶銀六兩絲幣二表

裏鈔四十錠旗軍絹一匹綿布二匹鈔三十錠編伍舍人家
餘丁民人鈔三十錠洪武三十四年至三十五年都指揮銀二
十五兩綵幣二表裏鈔六十錠指揮銀七兩綵幣二表裏鈔四
十錠千戶銀六兩綵幣一表裏鈔三十錠百戶銀五兩綵幣一
表裏鈔二十錠旗軍絹一匹綿布二疋鈔二十錠編伍舍人家
人餘丁民人鈔三十錠薊州洪武三十二年至三十五年都指
揮銀三十兩綵幣四表裏鈔百錠指揮銀十兩綵幣三表裏鈔
六十錠千戶銀八兩綵幣二表裏鈔五十錠百戶銀六兩綵幣
一表裏鈔二十錠旗軍絹一匹綿布二匹鈔三十錠編伍舍人
家人餘丁民人鈔二十錠洪武三十三年至三十五年都指揮
銀二十五兩綵幣三表裏鈔六十錠指揮銀七兩綵幣二表裏
鈔四十錠千戶銀六兩綵幣一表裏鈔三十錠百戶銀五兩綵

帶一表裏鈔二十錠旗軍絹一匹綿布一匹鈔二十錠編伍舍
人家人餘丁民人鈔二十錠隆慶密雲密雲後衛三處洪武三
十二年至三十五年都指揮銀二十五兩綵幣三表裏鈔六十
錠指揮銀七兩綵幣二表裏鈔四十錠千戶銀六兩綵幣一表
裏鈔三十錠百戶銀五兩綵幣一表裏鈔二十錠旗軍絹布各
一匹鈔二十錠編伍舍人家人餘丁民人鈔二十錠洪武三十
三年至三十五年都指揮銀二十兩綵幣二表裏鈔四十錠指
揮銀六兩綵幣一表裏鈔三十錠千戶銀五兩綵幣一表裏鈔
二十錠百戶銀四兩綵幣一表裏鈔十二錠旗軍絹布各一匹
鈔十六錠編伍舍人家人餘丁民人鈔十二錠○以守城功賞
遼東都指揮僉事徐剛銀三十兩綵幣四表裏鈔三十錠○復
設餘姚千戶所○戊辰以都指揮同知章善為中都留守司副

留守陞河南都司都指揮僉事徐勛呂均為本司都指揮使○
庚午以右軍都督僉事袁義次子與襲父原職府軍左衛指揮
使初義卒長子壯襲職坐誹謗流嶺南 上兵至靈壁與以錦
衣衛散騎舍人來朝至是特命襲職○辛未山東青州諸郡蝗
命戶部給鈔二十萬錠賑民凡賑三萬九千三百餘戶仍令有
司免其徭役○陞密雲後衛鎮撫揚起為錦衣衛指揮僉事○
壬申谷王穗之園長沙賜馬二十四匹鞍二副銀五百兩鈔三
萬六千錠錦十匹紵絲綾羅各六十匹絹百九十匹羊二十疋
酒二百瓶賜其從官都督長史以下及內官鈔有差○寧夏總
兵官左都督何福奏詣所調馬折在邊者五月一更以息
之屯田韃軍內選驍勇者免徵其租令操習聽調河州多產馬
購其良者以廣邊防祀隘軍士宜給皮裘狐帽禦寒悉從之勅

福曰所籌邊務悉當朕意今冬寒正虜寇出沒之時尤宜嚴謹
邊備回回有采市馬者聽須立官市於城外定其價官與收買
為長久之法仍嚴出境之禁凡諸事務悉宜慎察○癸酉復定
海縣丞溫仲和尤溪縣丞孟壽河南按察司僉事二人洪武中
俱以監生署僉事建文中坐事降至是召還而實授之○韃靼
脫脫不花驢驢來歸賜衣鈔綵帶居之京師○甲戌詔隨征將
士前有虜掠民間子女者悉還其家官給鈔人五錠為道里費
有匿不還者罪之○設四川建昌衛中前中中二千戶所鹽
井衛中右中前中後中中四千戶所寧番衛中左中右中前中
後中中五千戶所會川衛前千戶所越嵩衛左右二千戶所○
夜有星如雞子大青白色尾跡有光出妻宿西北行至游氣月
行太微垣端門中曉刻月犯左執法○乙亥復盧淵兵部左侍

即淵建文中由左侍郎坐累被謫至是茹璠言其才行故召復之改兵部右侍郎師遠為吏部右侍郎○命五軍十三衛選銀牌殺手有膂力膽量身長五尺以上者充將軍備宿衛○旌表鎮江府丹徒縣民唐川孝行川時以倉天從京師母徐氏家居嬰疾川聞到股欲歸食之通政司以聞 上賜鈔十錠命為鴻臚寺序班使迎其母就養仍旌其門○貴州都指揮張忠坐事謫寧夏聽總兵官都督何福調○左軍都督僉事徐凱卒凱廬州合肥人自少慷慨有志事 太祖高皇帝以軍功積官至都督僉事建文中守滄州以禦 上後為 上所擒釋而遣之凱願留自効從之仍其官祿至是以疾卒遣官賜祭未幾凱母亦卒並給傳歸葬仍賜鈔米及布恤其家○丙子陞太常寺協律郎朱焯為本寺少卿奉祀謝靖真葛清隱為寺丞○甘州中衛

左所軍張真上言臣聞人君繼統之初天下治亂之所始也書曰與治同道罔不興與亂同事罔不亡欽惟 皇帝陛下嗣登寶位天下士民懽忻鼓舞莫不延頸仰望太平伏願 陛下以古聖王為法日與侍從大臣講求至治之道深謀遠慮以保宗社寬恩霈澤以固人心攬權綱謹號令使上下齊一內外清寧取忠言納直諫使下情得達杜僥倖塞讒佞使姦邪不行別白是非審定好惡求逸民微有道取有用黜無益廣公田厚俸祿省刑罰薄稅歛擇將練兵懾服隣敵如此則 聖德日新皇風日遠蠻夷輸款絕域來歸太平之道指日可待矣又言馭夷狄之道在於任將御賢將之術以信御才將之術以智人君當觀其才之大小而任使之昔 太祖高皇帝選任智謀之將以制四夷是以邊境寧謐宇內晏然建文間雜以襲職幼官膏粱子

弟不遵約束數犯刑憲今涼州衛幼官尤多素昧武畧而驕奢日縱嗜酒貪淫遊獵為務其於邊事畧不究心況本境夷虜雜處一失制馭為患不小伏望陛下慎選良將任以邊寄凡襲職幼官悉改調內地此聖朝久安之術也上覽畢顧禮部侍郎宋禮曰雖堯舜禹之聖亦皆樂取人言以為治朕即位以來首下詔求言而言者無幾此戍卒能上言雖不皆可采然為國之意則善宜加賚之其賜衣一襲鈔千貫又顧禮部曰居其位無其言君子恥之卿等亦毋嘿嘿守位而已○設南海衛城西水驛○丁丑陞洮州衛指揮同知劉昭為陝西都指揮僉事○命禮部鑄內府午門東華西華玄武四門關防條記○詔罪人應發屯戍者皆從六科給事中及行人司編次隊伍然後遣行以防姦弊○戊寅賜周王擴鈔十萬錠○庚戌王濟炫來朝○

改建周王府於洛陽蓋王以汴梁城為河水所圯奏乞徙洛陽
上許之命都督馬溥工部侍郎劉仲廉相度規畫○陞太僕
寺屬官丁維南為太僕寺丞改陝西按察司僉事揚惟中署大
理寺左寺丞徐誠為湖廣按察僉事山東布政司左參政車泰
為四川布政司左參政宋伯義為陝西布政司右參政山東左
參議呂名善為雲南布政司左參議擢桃源縣知縣陸廣平為
廣西道監察御史○命兵部復設大寧營州興州三衛凡各衛
官軍先調遼東等處及在京并有坐事謫戍邊者皆令復原衛
屯田命戶部尚書王純馳驛往北平與新昌伯唐雲經度屯種
○己卯陞中軍都督僉事宋晟為後軍左都督擢晟子瑛為府
軍右衛指揮使從子端為錦衣衛指揮僉事○欽天監奏天象
當有外夷犯邊勅邊將嚴守備○夜有星如雞子大赤色有光

出翼宿經端門東北行至謁者旁

大明太宗文皇帝實錄卷之十四

洪武三十五年十一月庚辰朔欽天監進永樂元年大統曆
上御奉天殿受之頒賜諸王及文武羣臣○夜有星如雞子大青
白色光燭地出軒轅東北行入下台○辛巳初鎮守遼東左都
督劉貞曰向虜未入寇之時屢勅爾等嚴守備勿輕忽今聞虜
入境劫掠此不用朕命故也其即收集各屯人畜於近城暫住
嚴圍遠備審度事機可發軍則發不可即止務在萬全慎毋輕
率前過深可為戒矣○擢監生馬賓為禮科給事中○壬午命
禮部清理釋道二教凡歷代以來若漢晉唐宋金元及本朝洪
武十五年以前寺觀有名類者不必歸併其新創者悉歸併如
舊○北平署布政司事儀賓李讓奏請七月以前各處商民中
鹽未闡引者暫停止先令北平中納候糧可足三年仍依前例

戶部尚書夏原吉曰讓言雖善但商民舊中者守候已久難於再措其比平新中者今置流通文籍付運司令不次支給 上從原吉言○夜有星如雞子大青白色有光出天廟西南行至游氣晚刻大星入亢宿○癸未修常州府武進縣剝銀河閘○甲申高平王濟輝來朝○上謂掌後軍都督府事雲陽伯陳旭等曰東北胡虜數入邊境窺覷虛實或徑至剽掠其令武安侯於千戶寨灰嶺慶州神樹西馬山七渡河皆設烟墩候望有警即放砲使屯守知備仍令新昌伯以所領軍自小興州至大興州東接牛嶺會州塔山龍山諸處屯種地勿出會州西勿過千戶寨○陞都指揮使景福為右軍都督僉事都指揮僉事薛貴後軍都督僉事徐甫為浙江都指揮同知並加賜養初 上陞功臣福等以有罪不預至是 上謂兵部臣曰諸將士從朕征

討出萬死一生一資半級得之良難而武人不諳禮義易於犯法朕既棄過錄功即可如例陞賞於是福等皆預恩命○陞錦衣衛指揮僉事劉智蕭進葛能亨敬俱為指揮使○遼東都指揮司奏近虜寇犯盤山驛虜掠人畜即督官軍邀之於尖山北賊駭散追回男女百八十五人牛二百一十七頭又追至柳河迤北賊遠遁而還 上謂兵部臣曰雖能追奪所侵掠曷若先事有備使賊不能入境此皆邊將素不謹也仍馳檄戒飭之○乙酉陞高郵衛指揮同知王傑為山西都指揮同知羽林前衛指揮使張森指揮同知董義羽林右衛指揮同知王銘俱為都指揮僉事森任河南都司義浙江銘山東金吾右衛指揮同知方全羽林前衛千戶薛成王興俱為指揮使成任金吾右衛全與各任本衛羽林前衛指揮僉事錢聚金吾左衛千戶呂伍安

孫斌大興左衛千戶車盞俱為指揮同知聚伍安各任本衛斌
羽林左衛鑑江淮衛羽林前衛千戶賀全脫火歹金吾左衛千
戶王勉金吾右衛千戶王剛王得山海衛千戶唐成俱為指揮
僉事全脫火歹俱任本衛勉剛成俱金吾右衛得孝陵衛命旗
手衛故指揮僉事于海弟勇襲其兄職○丙戌新作奉先殿成
享 五廟太皇太后○思州宣慰使田琛來朝貢馬賜琛襲衣
及白金錦綺○永順宣慰使彭添保保靖宣慰使彭萬里石砬
宣撫馬良及臥龍番等長官龍祖慶等各遣使貢馬及方物賀
明年正旦賜鈔幣不
改郴州郴江驛○丁亥禮部進冊
皇后儀注先期三日齋戒遣官祭告 天地 宗廟用香幣酒
脯行一獻禮前一日禮部同鴻臚寺官設詔案于奉天殿中節
冊寶案于詔案之南節案居中冊東寶西設節冊寶綵輿于丹

陞之東尚寶司設寶案教坊司設中和韶樂及大樂至日早錦衣衛官設鹵簿大駕內官設 皇后受冊位於宮中及設節冊寶案節案居中冊東寶西設香案於節案之前設內贊二人引禮二人設女樂于丹陛之上 上具皮弁服御華蓋殿翰林院官以詔書用寶訖鴻臚寺官奏執事官行禮畢奏請陞殿如常儀文武百官具朝服行叩頭禮左右侍班正副使入就拜位贊鞠躬樂作四拜興樂止傳制官跪奏傳制俯伏興執事官舉節冊寶案由殿左門出置御道中傳制官由左門出西向立稱有制贊正副使跪制曰洪武三十五年十一月十三日冊妃徐氏為皇后授以冊寶命卿等持節行禮贊俯伏興樂作四拜禮畢樂止執事官舉節冊寶置綵輿中黃蓋遮送樂作至奉天門樂止儀仗鼓樂迎節冊寶至右順門外正副使朝北立內官捧節

冊寶由正門入女樂導迎節冊寶未至之前引禮請 皇后具
禮服宮人侍衛以俟節冊寶將至引禮導 皇后出迎于宮門
外節冊寶至由正門入 皇后隨至拜位內官以節冊寶各置
于案樂作內贊贊四拜樂止贊宣冊贊跪宣冊女官取冊立宣
于 皇后之左宣訖贊受冊贊揖圭宣冊女官以冊跪授 皇
后受訖以授女官女官跪受于 皇后之右立于西贊授寶其
授受一如冊贊出圭贊與樂作內贊贊四拜樂止禮畢內官持
節由正門出 皇后出送于宮門外內官至右順門以節授正
副使報禮畢正副使得報持節復命翰林院官以詔書授禮部
官禮部官捧詔書於承天門外開讀如常儀 皇后受冊畢內
官先具謁告儀物翰林院官具謁告文 上率 皇后皆具服
詣 奉先殿行謁告禮如常儀謁畢 皇后具服於內殿俟

上其皮弁服陞座贊引女官導詣 上前就拜位行謝恩禮樂
作八拜樂止贊禮畢還宮是日內官設 皇后座於宮中南向
設諸親諸命婦拜位於墀內北向設儀仗女樂設內贊二人引
禮二人引禮導長公主公主及親王妃俟 皇后具服陞座引
禮引詣 皇后前行八拜禮次引六尚等女官行禮如之次引
四品以上外命婦行四拜禮贊跪內贊跪致詞云妾某氏等恭
惟 皇后殿下榮膺冊命正位中宮禮當慶賀致畢贊俯伏興
平身四拜禮畢次日文武百官上表命婦上箋稱賀如常儀制
曰可也陞金吾左衛千戶胡才輕為旗手衛指揮僉事（復安
東中屯衛大同潘陽二屯衛俱隸北平都司銅鼓五開靖州三
衛仍隸湖廣都司 戊子禮部言在外文武五品以上衙門進
賀冊 后表文其進中宮箋文原無定制諸司職掌惟言在京

命婦進箋考之宋制至道三年冊后羣臣奉箋稱賀國朝在外
各王府及文武五品以上衙門凡遇節旦俱有進賀中宮箋文
以此例之冊立中宮宜令進箋稱賀從之○禮部又言親王儀
仗合增紅油絹銷金兩繖一紅紗燈籠紅油紙燈籠各二對純
燈一對大小銅角二對從之○己丑勅鎮守遼東左都督劉貞
曰開原騎士一千止留三百守備餘七百令還遼東與金復海
蓋四衛騎士同操養威畜銳以俟若虜輕剽深入有可乘之機
即出奇突戰非欲僥利蓋欲出彼不測而摧沮之使不敢復入
然後邊境可寧屯田軍士得安於耕作若無機可乘則嚴固守
備毋闕邊隙○陞翰林院侍讀解縉為本院侍讀學士侍講胡
靖編修黃淮檢討胡儼皆侍讀修撰楊榮編修楊士奇檢討金
幼孜皆侍講○韃靼頭目伍丑驢自涼州來朝命為錦衣衛指揮

揮僉事○庚寅陞營州右護衛指揮使張頌金吾右衛指揮使
完者帖木兒指揮同知萬得俱為都指揮僉事禎等從 上征
討嘗出哨徐州有功故論報之○陝西商縣言本縣鳳凰山舊
有銀坑八所乞令所司覈實定額開煎從之○夜月犯天囷星
○辛卯長山王賢燧來朝○壬辰冊妃徐氏為皇后冊曰粵稽
古典內治之隆媯汭嬪真塗山翼夏姬周之盛本自姜任厚德
承天彝倫攸敘昔我 皇考太祖高皇帝龍飛啓運身致太平
亦惟我 皇妣孝慈高皇后坤元合德克相肇基日月光華照
臨下土化成俗美有闡睢麟趾之風淑慶方亨壺儀猶在咨爾
徐氏中山武寧王徐達之女為朕正妃內助藩國二十餘年朕
躬行天討無內顧之憂濟朕艱難同勤開國今寔宇肅清朕登
大寶允頤相成宜正位號今特遣使奉金冊金寶立爾為皇后

以奉 神靈之統母儀天下表正六宮爾尚遠遵古道謹守
高皇后之訓夙夜儆戒永保貞吉耿光萬年於戲敬之是日詔
告天下詔曰朕荷 天地神靈 祖宗敷佑繼承大統華夏肅
清稽于古典虞夏設周之盛亦資內助以致雍熙朕 皇考太
祖高皇帝肇修人紀博典庸禮臻茲治平薄海內外室家相慶
功德兼隆與 天同運亦惟朕 皇妣孝慈高皇后效法承
天肅雍顯相德配 聖神化家為國朕奉藩于燕垂二十年正妃
徐氏開國元勳中山武寧王徐達之女達佐朕 皇考咸有一
德格于 皇天惟申命用休君臣篤慶榮裕始終毓茲貞淑嬪
于肇封家政輯寧朕躬行天討無內顧之憂厚德嘉貞壹儀聽
範同朕恭勤保茲 天命君臨爾萬姓之上是用於洪武三十
五年十一月十三日命使奉金冊金寶立徐氏為皇后正位中

宮共承 宗廟布告天下咸使聞知○文武百官命婦朝賀
中宮賜宴及鈔綵幣表裏有差○廣澤王允熲懷恩王允熾至
京皆免為庶人以表不能匡輔其兄也○夜月犯畢宿右股第
一星○癸巳 上謂兵部尚書劉儁曰建文時軍官總小旗以
罪罷職役者罪多失常其皆復之洪武中罷職役者令從邊將
立功俟有功亦復之特鎮遠侯顧成鎮貴州都督韓觀鎮廣西
劉貞鎮遼東何福鎮寧夏凡各處官旗立功者隨所近分隸焉
○命都指揮同知王儀徐政俱任河南都司都指揮僉事楊欽
祖任北平都司○選校尉五千於江西補各郡王從人之闕○
設雅州蒼溪龍灘虎跳三驛○甲午封皇第三女為安成公主○
以冊立中宮宴文武羣臣四品以上于奉天殿五品以下于丹
墀命婦宴于坤寧宮○設金華府雙溪馬驛○ 未復荊州中護

衛隸遼王府改宣府護衛為長沙護衛仍隸谷王府以宣府所
餘官軍設宣府左右二衛左衛於保定屯守右衛於定州屯守
改廣寧三護衛為廣寧左右中三衛隸遼東都司○丁酉左軍
都督僉事何濟坐不宿衛免官命於寧夏聽總兵官左都督何
福調○戊戌冬至 上御奉天殿受朝賀大宴文武羣臣及四
夷朝使命婦朝 皇后于坤寧宮錫宴○己亥命普定衛故指
揮使顧統子興祖襲其父官時尚幼令讀書習武藝俟年十五
任事統鎮遠侯成長子成初歸 上於真定建文君聞之殺統
至是 上憫統故特優恤之○戶部尚書夏原吉言寶鈔提舉
司鈔板歲久篆文銷乏且皆洪武年號明年改元永樂宜併更
之 上曰板歲久當易則易不必改洪武為永樂蓋朕所遵用
皆 太祖成憲雖永用洪武可也○曉刻火星入氐宿○庚子

陞都指揮使梁銘為後軍都督僉事金吾左衛千戶傅貴為本
衛指揮同知○寧夏總兵官左都督何福奏比虜襲涼州掠近
城三十里守將都指揮丁斌畏怯不進時舍人王崇差使在涼
州見寇已去輒督兵窮追致官軍失利斌失機崇擅命皆當明
正其罪 上命法司治斌崇罪福又奏邊警不時而堪戰之馬
少無以應猝遠命河南都司於屬衛選千五百匹給之○辛丑
高平王濟烽慶成王濟炫長山王賢峻辭歸各賜鈔二千錠其
從官賜鈔有差○撫安北平郡縣戶部郎中李昶言真定武強
縣南滹沱河決滄民田五十餘頃宜亟修治而民力不敷乞發
傍近州縣民及真定衛軍相參修築從之○河南布政司叅議
杜驥按察司僉事吳彛石常都司都指揮僉事劉珪有罪謫興
州也戊初周王朱復國河水暴溢奄至城內倉猝無所避驥等

學家入避王府又嘗乘馬至端禮門下至是事覺法司論其罪
遂謫之○夜有星如彈丸大青赤色出文昌西約丈餘發光如
盞入光燭地至紫微西蕃外○壬寅遣使齋勅諭兀良哈韃靼
野人諸部曰朕命統承天位天下一家薄海內外俱效職貢近
邊將言爾諸酋長咸有歸向之誠朕用嘉之特令百戶裴牙失
里齋勅諭爾其各居邊境永安生業商賈貿易一從所便袂來
朝者與使臣偕至 上以北平左布政使郭資有守城功陞戶
部尚書仍命掌布政司事賜銀三百兩文綺二十匹有副鈔五
百錠○夜月犯太微東垣上相星●癸卯遣太監鄭和祭乳母
馮氏○岷王榘來朝○夜有星如雞子大青白色有光出于星
南行至游氣○甲辰改山東按察副使林崧為廣東按察副使
○陞金吾左衛千戶者兒瓦歹為本衛指揮僉事○吏部言舊

例教授滿九年任內諸生有舉人九名又考本官通經者陞用舉人四名及考通經者從本等用舉人不及四名又考不通經黜降別用今四川順慶府儒學教授馮莊甫考通經任內止有舉人三名請降用上命降學正著為令又言鹽課提舉司考滿舊無定例宜如稅課司局官三年赴布政司按察司考覈九年赴部通考從之○都察院副都御史陳璘言皇上順天應人以有天下四方萬姓莫不率服然車駕初至京師有不順命而效死於建文者如禮部侍中黃觀太常寺少卿廖昇翰林院修撰王叔英衛府紀善周是脩浙江按察使王良沛縣知縣顏伯偉等計其存心與叛逆同宜追戮之上曰朕初舉義誅姦臣不過齊黃數輩耳後來二十九人中如張統王純鄭賜黃福尹昌隆皆宥而用之今汝所言數人況有不與二十九人之

教者彼食其祿自盡其心悉勿問蓋 上初入京城昇及是脩
自經死觀時守安慶殺江死叔英守廣德自經死良在官闈家
自焚先是 上兵至沛縣伯偉不肯下與其子俱死後瑛闕方
孝孺等獄詞遂簿錄觀叔英家妻女皆將給配觀妻出通濟門
先擠其二女于河遂自沉叔英二女皆笄就錦衣衛獄俱赴井
死○乙巳陞燕山前衛總旗苗從義為指揮使從義首預平定
九門後累有軍功故特超用之○朝鮮國王李芳遠遣陪臣河
嵩等奉表朝賀貢馬命禮部宴勞之○西域回回蘇哈丁陝西
丁等二百人來朝貢馬百六十駱駝二賜鈔有差○丙午製陪
祀官祭服二百襲樂舞生紅羅袍服二百一十四襲○復河南
布政司右叅議邢政按察僉事魏本立官初政等建文中坐罪
謫戍廣西故召復之○廣西安隆峒土酋岑子得來朝貢馬請

設治所○夜金星犯壘壁陣西五星曉刻月犯罰星○丁未
陞彭城衛指揮使朱廣為山東都指揮僉事羽林前衛使粟義
為山西都指揮僉事論其從隆平侯張信直沽之功也○戊申
陞都指揮僉事周典金吾右衛指揮使王勣俱為都指揮同知
與任大寧都司弼山采金吾左衛指揮使王福金吾右衛指揮
使韓景羅帖木兒羽林前衛指揮使李善張山蘇州衛指揮使
衛音俱為都指揮僉事善任浙江都司山遼東青掌中都留守
司福掌旗手衛韓掌和陽衛羽林前衛指揮同知楊成李旺金
吾前衛指揮同知汪海金吾左衛指揮僉事謝敬周王金吾右
衛指揮同知李彬傅閏張勝燕山左衛指揮同知宋得義橫海
衛指揮僉事陳貴俱為指揮使成任府軍右衛彬旺俱羽林前
衛閏錦衣衛得義羽林左衛海王俱金吾前衛貴勝俱金吾右

衛敬府軍後衛羽林前衛指揮僉事顏晃忽揚仲和迭里必失
千戶李勝金吾左衛指揮僉事鄒壽韓貴韓興劉義千戶宋義
鄒亨邢貴李英劉成崔旺揚鐵塊張成馮得金吾右衛指揮僉
事馬隆千戶和海方原朱能孫成李榮陳興羽林左衛指揮僉
事宣貴府軍後衛指揮僉事劉真薊州衛指揮僉事尚和府軍
衛指揮僉事和玉燕山左衛千戶鄒成鎮江衛千戶王溫永清
左衛千戶夏春俱為指揮同知顏晃忽仲和迭里必失溫俱任
羽林前衛壽張成俱羽林左衛春羽林右衛勝陳興和俱旗手
衛韓貴韓興榮俱孝陵衛宋義亨邢貴劉義英劉成鐵塊旺俱
本衛鄒成宣貴俱全吾後衛玉府軍衛得府軍左衛海原能孫
成俱府軍右衛隆真俱府軍後衛羽林前衛千戶汪文劉仁張
禮李雙兒黃真李海劉聚關隆徐五金得金吾左衛千戶趙隆

吳興劉榮劉得段者傅瑜莊鐸金吾右衛千戶李整馬玉王興
李青李崇燕山左衛千戶吳琛羽林左衛千戶王能羽林右衛
千戶蔣旺府軍衛千戶張旺通州衛千戶張義高郵衛千戶揚
璋太原前衛千戶鎖孛哈父紐兒該前燕府儀衛正袁江俱為
指揮僉事江任錦衣衛文旗手衛仁真俱本衛能瑜紐兒該俱
羽林左衛趙隆羽林右衛鐸禮吳興俱金吾前衛整玉王興青
蔣旺俱金吾右衛得金吾後衛雙兒璋聚海張旺俱府軍衛琛
府軍左衛義劉榮俱府軍右衛著關隆五金得俱府軍後衛李
榮江淮衛擢金吾左衛軍孟全為本衛指揮同知初全隨征至
渡江累有奇功故特超陞之○己酉以湖廣襄陽府知府陳禎
為鴻臚寺右少卿陞鴻臚寺左寺丞樊敬為左少卿改右寺丞
嚴朝貴為左寺丞○夜有星如雞子大青白色尾跡有光出太

子旁東北行入天豬曉刻有星如盞大赤色光燭地出紫微西
蕃內東北行入輦道二小星隨之

大明太宗文皇帝實錄卷之十五

洪武三十五年十二月庚戌朔 上南郊省牲還御奉天門進
公卿大臣諭之曰祭祀莫大於郊古者犧牲粢盛不備不潔不
敢祭而帝牛滌三月其敬如此明日以始御等繼朕省牲便應
秉對越之誠不可怠忽自古天子之祭皆公卿助相國家生民
受福卿等亦預享之不可不謹○寧化王濟煥永和王濟烺來
朝○以宋琥為駙馬都尉尚皇第三女安成公主琥後軍左都
督晟長子也○陞通政司右通政李至剛為禮部尚書○上以
北平山東河南鳳陽淮安揚州徐州等處嘗經兵革民力未蘇
令工部覈其歲辦之物量免有差○免山東濟寧州民歲辦緣
革野味等課以其流徙初歸故也○辛亥 上諭禮部臣曰公
侯年老者皆歷事 皇考多效勞勤今筋力既衰日與羣臣並

入朝參觀其步趨之艱朕所不忍自今令朝朔望其見任事者
不在此例○壬子初兵部叅武臣冒襲之禁初 上即位念諸
將勤勞既老而無子孫弟姪者特令養子或婿襲職一次以終
養之用報前功其後有貴緣易姓冒襲者故特禁之○癸丑蠲
北平山西山東河南鳳陽淮安揚州徐州被兵郡縣永樂元年
夏稅農桑絲綿其山東鹽運司累歲所虧鹽課亦蠲之○初戶
部以遵王植之國荊州谷王德之國長沙二府歲用祿米已有
定制其荊州長沙在城商稅各與之○甲寅遣使齎詔諭哈烈
撒馬兒罕等處并賜其酋長金織文綺○遣使齎詔諭別失八
里王黑的兒火者并賜之綠幣黑的兒火者元氏苗裔也○戶
部尚書夏原吉等進會議在京官吏軍士俸糧支米鈔格公使
伯駙馬儀賓祿並全支米其文武官一品二品俸支米者付之

四三品四品什之五五品六品什之六七品八品什之八餘折
支鈔每石折鈔五貫九品雜職吏典知印總小旗軍並全支米
奉天征討自指揮以下有家屬者亦全支米家屬在原衛者其
米於京倉支付之三於原衛支付之七總小旗軍俱於原衛支
米在京每月別給行糧米六斗悉從其議命俸米折支鈔者每
石增五貫為十貫○乙卯復設天下郡縣陰陽醫學遵舊制也
○陞鴻臚寺序班觀清本寺右寺丞觀清黜人以通虜中文
字故進用之○丙辰命中都留守司副留守韋善往潞州修葺
慶成王府諭之曰此非王之定居毋浮於制以勞民力○設雲
南孟養木邦孟定三府威遠鎮沅二州以土官頭目刀木旦為
孟養知府罕的法為木邦知府刀渾立為孟定知府刀算黨為
威遠知州千夫長乃平為鎮沅知州○陞都指揮僉事張麟為

陝西都指揮同知○鳳陽府奏請移浮橋於舊城臨淮馬頭從之○丁巳實授前署浙江道事監生汪真為本道監察御史○命六部欽天監正佐官歲滿不考覈著為令時監副徐伯陽考滿吏部言監別非四品以上官宜加考覈 上以欽天監職專占候非常調官故有是命○陞都指揮僉事李賢金吾左衛指揮使溫原金吾右衛指揮同知革狂俱為都指揮同知賢狂俱任遼東都司原河南羽林前衛指揮使高文指揮僉事洪宗營州中護衛指揮使范嵩揚州衛指揮使牛諒武昌衛指揮使謝鳳廣寧右護衛指揮使徐剛通州衛指揮同知左興俱為都指揮僉事惟鳳任浙江都司宗河南羽林前衛指揮同知陳中革來王聚金吾左衛指揮同知孔武高成孫福揚家奴指揮僉事伯顏帖木兒金吾右衛指揮同知劉斌魏正黑廝指揮僉事錢

通燕山左衛指揮同知王福大寧左衛指揮同知孟祥通州衛
指揮同知張敬俱為指揮使武成孫福揚家奴敬伯顏怡木兒
俱任金吾左衛正黑廝俱金吾右衛祥金吾後衛王福革采俱
羽林前衛中城俱府軍衛通府軍右衛聚府軍後衛羽林前衛
指揮僉事高昭張剛賈浩千戶高清魏興金吾左衛指揮僉事
劉欽盛瑄周鑑劉海白玉也先千戶寧成陳貴張安兒裴忠金
吾右衛指揮僉事姜昇張海李旺劉鑑千戶韋志馬俊周敬李
剛傅斌鄭馬周典金吾後衛千戶苗青燕山右衛千戶王得字
羅濟寧左衛千戶張震彰德衛千戶史忙哥薛兒俱為指揮同
知旺俊俱任孝陵衛劉海也先安兒震得字羅忠馬周典史忙
哥薛兒俱金吾左衛昇志俱金吾右衛青金吾後衛張海張剛
浩俱羽林前衛王劉鑑俱羽林左衛清敬李剛俱府軍衛斌府

軍左衛瑄周鑑成貴俱府軍右衛昭魏興俱府軍後衛欽虎賁
左衛羽林前衛千戶李旺紀綱吳仲安金吾左衛千戶丁貴揚
安盧真許貴金吾右衛千戶王真王忠梁山盧膺童長吉田景
道李靖崔得宋聚丁旺蕭成徐仲良燕山前衛千戶許安羽林
衛千戶謝貴劉彥深富峪衛千戶威義營州衛千戶程子實蔚
州衛千戶柳旺俱為指揮僉事得任孝陵衛彥深金吾前衛丁
貴王真忠山膺童長吉景道靖俱金吾右衛李旺謝貴俱羽林
前衛盧真羽林左衛聚丁旺成義俱羽林右衛揚安旗手衛許
安虎賁左衛綱仲安子實俱府軍衛柳旺仲良許貴俱府軍右
衛命金吾左衛故千戶王十馬子敬襲陞本衛指揮同知○廣
西總兵官右軍都督同知韓觀言近禮部貢外郎李宗輔等齎
勅撫安叛蠻臣即遣官與之俱往今桂林諸郡蠻民五千九百

餘家已復業惟思恩縣叛蠻千五百餘戶尚未向化而桂林慶遠柳潯四府累報蠻賊韋公察韋多成譚公安等拒殺官軍及良民六千五百餘人槍劫牛馬五千四百有奇此悉獯豸素梗王化累嘗作亂非可以化服上命復業者善加撫卹授化者發兵誅之○以臘日賜文武羣臣宴◎戊午四川安順等州土官思得等來朝貢馬賜之鈔幣○己未陞金吾左衛指揮使張軍子營州衛指揮使朱瑤宿州衛指揮同知雷春俱為都指揮使山西行都司都指揮僉事董忠羽林前衛指揮使趙麟俱為都指揮同知羽林前衛指揮使王興金吾左衛指揮使周貴阿迷失里指揮同知張勇阿罕赤金吾右衛指揮使盧伯奴木剌忽沂州衛指揮使關義永平衛指揮使聞忠八郎金吾右衛指揮使高理萬全衛指揮使黃寶蔚州衛指揮使丘義大同右護衛

千戶廖斌俱為都指揮僉事軍子寶俱任山西都司忠斌丘義
俱山西行都司瑤麟貴阿迷失里興闕義勇俱大寧都司靈伯
奴木剌忽闍忠八郎俱北平都司璉阿罕赤俱陝西行都司春
河南都司羽林前衛指揮同知劉興千戶忙哥帖木兒沈經典
金吾左衛指揮同知劉友才指揮僉事高成金吾右衛指揮同
知張福俱為指揮使羽林前衛指揮僉事雍行簡千戶劉旭金
吾右衛指揮僉事呂中未得成上都驢濟州衛千戶袁拾俱為
指揮同知羽林前衛千戶張福為指揮僉事友才興張福成忙
哥帖木兒經典俱任羽林前衛行簡旭拾俱金吾左衛得成上都
驢指揮張福俱金吾右衛中府軍後衛命羽林前衛故千戶范
驢馬子祥襲陞本衛指揮同知買買子伴必襲陞本衛指揮僉
事燕山衛千戶王僧兄弟智襲陞金吾左衛指揮同知○庚申

以守城功陞北平保定府知府雅僉為刑部尚書仍掌保定府
事賜銀二百五十兩文綺十八匹有副鈔四百四十錠○陞萊
州衛千戶李實為山東都指揮僉事彭城衛千戶劉成戚整吳
瑛俱為指揮使金吾左衛千戶王璿武整金吾右衛千戶譚俊
燕山前衛千戶王雲彭城衛千戶秦興百戶齊甫俱為指揮同
知金吾右衛千戶馬閔燕山左衛千戶劉得侯從善彭城衛千
戶李能王成俱為指揮僉事劉成任金吾前衛戚整甫璿武整
俊得從善能俱金吾左衛瑛王成俱金吾右衛雲金吾後衛興
閔俱羽林前衛○辛酉勅鎮守雲南西平侯沐晟曰西南諸夷
難服易叛昔太祖高皇帝命爾父鎮之夷民畏服爾其恪盡
乃心嗣爾父之勲績敬哉毋忽○設廣西安隆長官司給印信
隸泗城州以安隆峒土酋岑子得為長官子得洪武中嘗領土

兵策應官軍攻討蠻寨未錄其功至是自陳遂命開設衙門撫綏土人仍置流官更目一員○寧夏總兵官左都督何福以邊地降虜有叛去者請舉兵討之勅諭福曰夷虜譎詐不可憑恃自古則然但今朝廷大體當以誠心待之春秋馭夷之道來者不拒去者不追蓋被之來既無益於我則其去也亦何足置意况其同類類衆其間必有相與為親戚者今若以兵討叛其未叛者亦將置疑不若姑聽其去但嚴兵備固疆圍養威觀變順天行事如造次輕舉後悔無及○壬戌定塚集軍更代法初衛州府耒陽縣民王丑保言洪武中戶三丁己上塚正軍一名別有貼戶正軍病死貼戶丁補役今編黃冊未審惟編正戶為軍或改編貼戶命禮部會官議禮部議奏會議以正軍貼戶造冊一如舊制輪次更代週而復始若貼戶止有一丁者免之當軍之

家免一丁差役從之○癸亥加邊王植祿米五百石歸其在城
商稅於有司○復慶遠衛軍民指揮使司改廣寧中左右三衛
仍為中左右前後五屯衛設寧夏左右中前四屯衛○西寧衛
土官衛鎮撫李南哥進馬賜鈔二百錠絲幣十表裏○甲子陞
保定府同知盧祥為北平布政司右叅議○韃官怯烈帖木兒
哈剌脫歡李剌兒采歸賜銀鈔文綺襲衣有差仍授千百戶之
職怯烈帖木兒言韃官阿卜都罕等五百餘人居塔灘之地俱
欲內屬 上勅寧夏總兵官左都督何福曰可遣官一員與怯
烈帖木兒往塔灘護阿卜都罕等前來則擇善地處之若其
欲朝亦遣入送來○乙丑陞銅陵縣典史張璉為通政司左通
政璉初任北平按察副使坐前藩邸事黜降故召用之○擢儒
士軒伯昂為山東布政司左叅議 上初即位詔求懷才抱德

之士江西首以伯昂應詔故超用之○陞金吾前衛指揮僉事徐膺緒為中軍都督僉事膺緒中山武寧王達之季子 皇后弟也○戶部尚書夏原吉等言比者河南山東等處米價翔踊北平鹽糧價重商民少中宜以原定淮浙鹽糧量減五升每引止令納米二千五升其河南并川鹽仍如前議從之○丙寅河間滄州鹽山等縣饑詔民採鹽易米者勿禁○撫安北平郡縣戶部郎中李昶言郡縣之民雖多復業今尚艱食且乏牛耕種上命官市牛給之○夜月犯軒轅御女星○丁卯命成安侯郭亮鎮守永平山海操練軍馬撫安軍民 上問兵部尚書劉偁曰今天下畜馬幾何偁對曰比年以兵興耗損所存者二萬三千七百餘匹 上曰古者掌兵政謂之司馬問國君之富數馬以對是馬於國為最重我朝置太僕專理馬政各軍衛皆令

孳牧雖建文不君耗損者多然亦考牧無法卿等宜循洪武故事嚴督所司用心孳牧庶幾有蕃息之效○陞前燕府良醫正韓公茂為太醫院判○復河南布政使黃繼先官繼先建文中坐累之民至是赴京自陳故復之○設徽州府歙縣新安驛○寧夏總兵官左都督何福言陝西都司行都司軍士藉說者下屯疲軟者孫備非防邊捍敵之道宜簡閱而易置之庶可邊用且寧夏各衛馬軍不善騎射者一槩全支月糧宜簡閱依步兵半給悉從之○戊辰陞都指揮同知趙忠為後軍都督僉事北平都指揮同知吳成雲南前衛指揮使胡通俱為都指揮使羽林前衛指揮使李騰指揮同知劉得臨洮衛指揮僉事李智金吾左衛軍士李信俱為都指揮僉事成任北平都司通貴州騰湖廣得山西智陝西行都司信掌金吾左衛事金吾右衛指揮

同知王中燕山右衛指揮同知娼滿可羽林前衛千戶吳善府
軍後衛千戶脫火赤俱為指揮使羽林前衛指揮僉事揚興史
能千戶蕭能奎吾左衛指揮僉事馮得何與周忠張達千戶朱
海周玉司存向忠張英胡順王壽苦失帖木兒徐原鬼里儲從
禮鮑林泉金吾右衛指揮僉事柳剛千戶彭旺王忠燕前左衛
千戶王保保百戶張雄軍士張子陳欽張貴羽林右衛指揮
僉事蘇火耳仄留守右衛指揮僉事李景陸涼衛指揮僉事陳
貞濟陽衛千戶董敬王士宜百戶徐貴大寧右衛千戶固能彭
斌衛千戶張敬俱為指揮同知羽林前衛千戶謝榮智成傅敬
卜仲張雄金吾左衛千戶蕭興齊整談廣普祥繆忠趙成金吾
右衛千戶撞勝苗敬張榮朱祥曹廷成得金吾前衛千戶任旺
薛真燕山衛千戶劉旺忠義中衛千戶樊榮會州衛千戶鄧時

大寧右衛百戶武瀨羽林衛軍士任勝俱為指揮僉事中娼滿
可馮得擅勝苗敬張榮朱祥終忠趙成劉旺俱任金吾右衛善
羽林衛脫火亦周能謝榮俱府軍後衛蕭能存向忠英順壽苦
失帖木兒原鬼里從禮林泉張敬董敬士宜徐貴戶子欽張貴
達指揮同知張雄俱金吾左衛智成真俱金吾前衛王忠任旺
普祥時俱金吾後衛史能仲任勝蕭興俱羽林前衛何興保保
王廣指揮僉事張雄俱羽林左衛火耳仄彭旺整俱羽林右衛
海貞俱府軍衛樊榮瀨俱府軍左衛剛司忠曹旺溥敬俱府軍
右衛楊興景成得俱旗手衛命羽林前衛故千戶劉得子政侯
仲良孫青襲陞金吾左衛指揮同知皆以征討累立戰功故不
次而用之○己巳金華府義烏縣儒學教諭高澤上言謂歷代
之興替本於人臣之忠佞忠臣致治之本佞臣致亂之源故為

人君者必去姦邪而近忠直昔太祖高皇帝親理萬幾擢任忠良政令由己是致天下一統治教休明迨建文嗣位政令刑賞委之臣下其臣互相朋扇擅作威福祖宗良法善政往往更改陛下親此姦弊與兵討亂扶持宗社保安生民上天默相以寡勝衆遂得繼承鴻業君臨天下天下仰之如父母夫父母於子必措之主全之地去其危亡之患其要在於任賢勿貳去邪勿疑遠宗堯舜近法先帝兼聽無偏勵精求治遠識達之臣朝夕議政無謂治功已成而忘維持之道也且惟辟作福惟辟作威紀綱不可以不振政柄不可以下移願總攬權綱政令由己勿容臣下以擅專則政柄有歸天下稱為明君矣自古帝王必虛心納言自今臣民有所論奏願假以辭色使得各盡其情善者采之不善者置之則貴臣不敢蒙蔽下情得以

上達忠言日聞天下之事無壅滯矣書曰民惟邦本無民何以
為土自建文以來人民窘於衣食率多流移今令各還原籍
免其三年差稅恩至厚也願令有司凡已復業者用心撫綏貧
不能還鄉者聽其收成復業庶得兩便 上嘉納之以示六部
尚書侍郎曰踈遠之臣猶能存心國事在朕左右受腹心之託
者當思正直自奮用副委任○庚午陞雲南都指揮同知王俊
為都指揮使○辛未命戶部歲給齊王搏祿米一萬石○賜代
王挂書曰吾弟言女戶徐忠欲得如奉天靖難功臣例陞指揮
使徐忠本黨附羣姦以危我者為吾弟故釋之不問而忠猶妄
覬非分之恩且忠何功欲得陞官朝廷以名爵為激勸有功者
不敢吝無功者不敢濫惟其至公乃足服衆今若無功濫予將
來何以使人舊制女戶但授百戶今授徐忠以百戶庶幾不違

皇考家法。上諭禮部臣曰明年正旦在京文武官在外來朝官及四夷之使俱令預宴監生生員吏典僧道軍民人等並賜鈔如舊制○壬申陞北平行都司都指揮僉事張忠為都指揮使營州中護衛指揮使朱瑄為都指揮僉事旌其守城功也保定左衛指揮使王剛保定中衛指揮使潘禮保定前衛指揮使尹整俱為北平行都司都指揮僉事初剛等守行都司與敵相拒四十餘日卒完其城故特加超擢○修江西上饒縣浮橋○戶部尚書掌北平布政司事郭資奏北平保定永平三府之民初以塚集充軍隨征有功者已在爵賞中矣其刃弱守城者病亡相繼輒取戶丁補役故民人喪耗甚至戶絕田土荒蕪今宜令在伍者籍記其名放還耕種俟有警急仍復徵用其幼小紀錄者乞削其軍籍俾庶民差從之特掌北平都司儀賓袁容

秦寧侯陳珪亦奏北平軍士屯種差遣者多守城者少若從資
言放還實闕守備 上曰守備不可闕田土亦不可荒棄然此
皆良民初以義募於今遣還田里宜也竟從資言○癸酉 上
謂戶部尚書夏原吉曰江北地廣民稀務農者少 皇考時嘗
遣人督民耕種近因兵革墜旱人民流徙廢業今不及時勸民
使盡力農畝將不免有失所者來春宜早遣人督勸因歎曰古
者民無菜色然後天子食日舉以樂朕為天子試使四海皆給
足雖不盛饌以樂備食未嘗不樂○甲戌壽昌王孟焯未朝○
陞福建布政司左叅議郭暹為山東布政司左叅政四川布政
司左叅政孫伯監為山東按察使○丙子加岷王根祿米四百
石歲通二千石舊典在城商稅歸之有司○命戶部歲給永嘉
公主祿米千石○以雲南尋甸軍民府土官知府沙姑男婦沙

觀襲土官知府○丁丑 上以北平所屬順德保定諸郡連年
兵革其民衣食不給詔戶部運鈔三十萬錠賑之戶一口至三
口鈔五錠四口至八口十錠九口以上十二錠○復設徽州府
歙縣織染局○禮部言造靖江王府祭祀樂器視親王宜有降
殺然舞佾諸侯六不可減其琴笙及歌工諸殺以兩從之○直
隸蘇州府嘉定縣民間程上言東吳水利舊有三江曰錢塘曰
吳淞曰婁江民間數百萬錢糧皆仰於此吳淞一江跨連蘇松
之境東抵滄海西接太湖澱湖湖水溢則洩於海海潮漲則通
於湖近年以來沙土壅塞為平地二百五十餘里水脉不通五
六月間天時亢旱高田稻苗乏水灌溉百姓坐視枯槁至七八
月秋兩霖霖湖水漲溢低下之處盡是污池通洩無所壅成之
禾坐視滄沒至於徵糧之際則典鬻男女蕩折產業不能盡償

甚至棄業逃散骨肉分離誠可憐憫乞勅工部差能幹 交親
詣其處丈量計工令於農隙之時役民疏鑿所謂因民之利而
利之也從之○夜有星如雞子大青白色有光出軍門東南行
入庫樓◎戊寅享 太廟○夜有星如雞子大青白色光燭地
出太陽守旁西北行北斗杓○是歲天下戶千六十二萬六千
七百七十九口五千六百三十萬一千二十六賦稅糧三千四
十五萬九千八百二十三石布帛五萬六千七百四十四匹絲
綿二十六萬九千四百斤綿花絨萬四千八百二十一斤課鈔
四百空萬六千八百一十六錠銀八千三百五十四兩銅二千一
百二十八斤鐵七萬五千二百五十二斤鉛萬七百五十三斤
硃砂四百八十兩海北四萬八千八百九十四索茶百六十五
萬九千一百一十七斤鹽百二十九萬一十九引

大明太宗文皇帝實錄卷之十五

大明太宗文皇帝實錄卷十六

永樂元年春正月乙卯朔

對字應在歸字

上御奉天殿受朝賀大宴文武群

臣及四夷朝使命歸朝

皇后于坤宮賜宴。庚辰

勅諭中

外文武群臣曰上天之德好生為大人君法天愛人為本四海之廣非一人所能獨治必任賢擇能相與共治免舜禹湯文武之為君此道歷代以來用之則治不用則亂昭然可見我皇考太祖高皇帝受天明命為天下主三十餘年海內晏然禍亂不作政教修明近古鮮比亦惟任天下之賢保民致治以克臻茲朕纘承大統以主天下夙夜兢兢思惟撫安以承付託之重爾文武群臣職無榮瘁體朕斯懷各盡其道無為梧魁無從詭隨端靈志勵靈操懋爾忠勤共遵成憲為民造福其志力一志敬之慎之。朝鮮等國王李芳遠等及梁耳烏思藏必力工瓦

等國師并上官遣人來貢馬及方物賜賚有差。宴諸王于華蓋殿。賜公侯駙馬伯都督儀賓等官宴于三公府。北平布政司奏諸郡流民復業者凡十三萬六百餘戶。上命戶部令有司加意經撫勿重擾之。辛巳罷浙江處州府松陽縣小蘇獅子巖鶴演觀山錢察銀坑四所以不產款也。癸未貴州宣慰使安卜訛永順宣慰使彭添保等三百人來朝貢方物。賜白金鈔文綺有差。甲申立春。上御奉天殿文武群臣行賀禮。賜宴。○壽昌王孟焯辭歸賜之鈔幣。復前應天府尹向寶官寶建文中坐事。安直廣西故召復其職。乙酉享太廟。丙戌群臣上表請立皇太子。賜初答曰。國家建儲自古所重。我太祖高皇帝開萬年之洪業。基緒斯隆。本支實茂。允罔嗣位。幾墜邦家。天眷朕躬。克消內難。真安宗社。恢復寰區。慮縉承之弗堪。

方兢兢於夙夜，卿等忠存體國，請建儲貳，固於事體，禮有宜然。今長子屬雷進學之時，俟其智識益充，道德益進，克膺付畀，議之未晚。所請不允。○丁亥，陞都察院左副都御史陳瑛為左都御史，廣西桂林府同知史仲成為右僉都御史。○戊子，以大祀南郊。上御奉天殿，文武群臣受誓戒。○命汝南王有勳居雲南，大理賜鈔二萬錠，海肥十萬，索錦左五百疋，祿米歲二千石，儉歲千石。有勳、周王楠、弟二子建文，中嘗告其父不軌，至是弗容於父，遂有是命。○初，調營州三護衛官軍赴京，至是勅止之。○曰：今雨雪嚴寒，北方尤甚，道路行者良苦，爾等如已在途，即於所至之處停止，如未行，悉不必來。○己丑，賜朶甘烏思藏必力工瓦等國師及其土官白金三百七十五兩，鈔千二百五十五錠，綵幣四十二表裏。○辛卯，大祀天地于南郊。上還御奉

天殿文武群臣行慶成禮。以復周王橚齊王禕代王桂岷王
棟舊封詔告中外。禮部尚書李至剛等言自昔帝王或起布
衣平定天下或繇外藩入承大統而於肇跡之地皆有陞崇切
見北平布政司實 皇上承運興之地宜遵 太祖高皇帝中
都之制立為京都制曰可其以北平為北京。壬辰 以郊祀
禮成大宴文武群臣及四夷朝使。癸巳 遣官祭歷代帝王
命保定侯孟善鎮遼東節制遼東都司所屬軍衛。上以周王
將復國用度無備 勅戶部以河南見儲米二萬石給之不在
常祿之數復高以正監察御史以正洪武中任御史建文中謫
河州充吏故召復之。實授廣西署平樂府事知州陳用晟為
樂平府知府以總兵官韓觀言其能撫綏徭蠻也。禮部請循
例三年一給僧道度牒從之。元宵節賜文武群臣宴。甲午

上諭兵部臣曰馬政國家重務今畜牧之法廢宜為定制責其成效兵部議奏每牡馬一匹配牝馬三匹牝馬歲育一駒牡馬驕馬許軍士騎操而非有警亦不許非大調發重馬皆不得差遣從之命太僕專其政非太僕所屬者都司衛所委官董之每歲比較其實以聞。夜月食陰雨不見。乙未禮部尚書李至剛奏月當蝕不蝕請率百官賀。上曰王者能修德行政任賢去邪然後日月當蝕不蝕適以陰雨不見耳豈果不蝕耶不許。○詔者樂向大侯千崖灣向潞江五長官司隸雲南都司時西平侯沐晟言其地舊屬麓川平緬而地廣人稠宜設長官司治之故有是命。○丙申勅寧夏總兵官石都督何福等曰今遼東送至寧夏小卒許善才者其人嘗為虜寇所掠久而縱其南回善才言虜先欲掠大同寧夏後不果已北行矣今遣善才

還寧夏至可備詢之其所言虜北行者或詐而欲經我邊防不可不深慮。改寧夏左護衛為寧夏衛寧夏右護衛為寧夏中衛。雲南廣西府等處土官知府阿覺等七十八人來朝貢馬賜鈔及綺帛仍給鈔償其馬直。夜月犯太微垣左執法。丁酉命後軍左都督宋晟佩平羌將軍印充總兵鎮甘肅賜吏部郎中尹必用等一百二人羅衣前燕府良醫袁寶陳克恭王彬金織羅衣各一襲旌其守城功也。大明府消豐等縣蝗民飢戶部請以元城縣所貯糧四萬餘石賑之從之。戊戌推前署北平布政司事監生彭常為山東布政司右參政。己亥陞前燕府興膳副王真為光祿寺少卿。庚子以宛平縣丞宋賓有守城功陞真定府知府。前兵科給事中康健服闋改刑科給事中。擢龍虎衛經歷徐文英為浙江道監察御史進士洪

堪為廣東道監察御史洪堪洪武中由進士授御史自陳年少
未諳法律 太祖高皇帝令遂鄉進學俟年二十五入任至是
赴京故有是命○辛丑酉陽宣撫再興邛雲南維摩州知州波
得等三百八十八人來朝貢馬及方物各賜鈔幣仍給償馬直
車里軍氏宣慰使司宣慰使刀進答及孟定等府土官來朝
貢象馬及方物賜鈔及錦綺紗羅有差○壬寅夜有星如雞子
大赤色有光出直正東雲中東南行至雲中○癸卯 命周王
橐之國賜鈔一萬錠○甲辰設普安安撫司以土酋慈長為安
撫時慈長來朝言建文時於其地置貢寧安撫司以故父者昌
為安撫近吏部遵舊制奏罷安撫司然本境地闊民稠歲於普
安軍民府輸糧三千餘石且路需要衝舊有湘滿等驛乞仍設
安撫司督治為便 上曰 祖宗大經大法萬世不可改其他

若時有不同後世當因時損益以便民豈可執一而不知變通之道天下人既以為便則當從之命吏部仍置安撫司改貢寧為普安賜以掌印置流官吏目一員隸四川布政司復設古州龍里融陽湖耳中林驗洞八舟滑滴洞潭溪福祿永從洪州泊里亮寨新化赤溪淘洞西山陽洞十四蠻夷長官司俱隸貴州蓋洪武初各設長官司後苗蠻吳面兇梗化發兵討平之遂廢至是招輯其民復業者眾故復設焉仍以土人為長官○乙巳上謂禮部臣曰昔我太祖高皇帝立綱陳紀禮樂制度咸有成規建文中率皆更改使臣民無所遵守朕即位以來首詔諸司必遵舊制尚恐奉行不逮爾禮部其中明之○丁未陞指揮同知王海為陝西都指揮僉事千戶喬成為羽林前衛指揮同知謝通為金吾左衛指揮僉事蔣興為羽林前衛指揮僉事

故千戶張英姪奴兒襲陞羽林前衛指揮同知陳潑春弟旺襲
陞羽林前衛指揮僉事 夜木星犯建星西第三星

太宗文皇帝實錄卷十六

太宗文皇帝實錄卷十七

永樂元年二月戊申朔 右軍都督僉事山青卒青徐州人為
燕山左護衛百戶涉古今知大義沈毅有勇略以靖難功累官
至都督僉事至是卒 上報視朝三日賜祭及賻。己酉陞行
人司副李偉為先祿寺少卿汀州府推官高致為寺丞。庚戌
設北京留守行後軍都督府北京行部北京國子監改北平
府為順天府北平行太僕寺為北京行太僕寺行都督府置左
右都督都督同知都督僉事無定員首領官經歷都事各一員
行部置尚書二員侍郎四員所屬六曹吏部禮兵工五曹清吏
司郎中員外郎主事各一員刑部清吏司兵部中一員員外郎
二員主事四照磨所照磨檢校各一員司獄司司獄一員國子
監置祭酒司業監丞各一員博士學正學錄掌儀各一員助教

二員順天府北京行太僕寺官制如舊平北平布政司按察司及北平都司等衙門刑部戶部之北平清吏司俱改北京清吏司都察院北平道改北京道。○辛亥以戶部尚書掌北平布政司事郭資刑部尚書掌保定府事雒僉俱為北京行部尚書四川安岳縣知縣康汝楫按察司僉事馬京為左侍郎臨江府知府劉翼南戶部郎中李昶為右侍郎汝楫蓋藩迎舊臣云。○以燕山左燕山右燕山前大興左濟州濟陽真定遵化通州薊州密雲中密雲後永平山海萬全左萬全右宣府前懷安開平開平中興州左屯興州石屯興州中屯興州前屯興州後屯隆慶東勝左東勝右鎮朔承鹿定邊玉林雲川高山義勇左右中前後神武左右中前後武成左右中前後忠義左右中前後武功中盧龍鎮虜武清撫寧天津右寧山六十一衛梁成興和寧山

三守禦千戶所俱隸北京留守行後軍都督府。○壬子擢臨桂縣丞譚勝受建陽縣知縣陳敏瀚縣知縣文郁監生孔復楊純張文明李時秀蔣彥祿歐彥貴何器劉先為監察御史。○賜朝鮮道羅車里諸國使臣宴于會同館烏思藏必力工瓦等國師所遣人宴于大禧寺。○山西平陽饑。○命戶部以河東運司鹽貨賑之。○嚴誣告法凡誣告三四人者杖一百徒三年五六人者杖一百流千里所誣重者從重論誣告十人以上者凌遲處死梟首其鄉家屬遷化外。○癸丑禮部尚書李至剛上言以為論道經邦必求賢才興利除害必開言路昔太祖皇帝勵精圖治聽納無遺三十年間化行俗美。皇主即位以來悉遵成憲廣開言路博采群謀凡有可行無不聽納然無知小人往往假比為名或披求細事挫折諸司或懷挾私營陷害良善或妄

稱奏訴躲避差徭或馳騁小才希求進用甚者無稽泛言煩請
聖德雖稱興利除害其實假公營私誠宜榜示天下果有益
國使氏之事雖百工技藝之人皆許其實陳奏若官吏人等貪
污顛倒曲直酷虐良善及婚姻田土軍役等事必命自下而上
陳告若有假以實封建言薦越上司徃赴朝廷干員者治以重
罪 上可之。○甲寅遣使以金印誥命賜朝鮮國王李芳遠初
朝鮮使臣言洪武中賜金印龜紐建文時更之請復舊制 上
從其請命如舊賜之。○遣使賚詔諭暹羅國王昭祿群膺哆羅
誦刺并賜之駝紐鍍金銀印。○遣左通政趙居任等使朝鮮賜
居任等有差。○乙卯賜代王桂書曰別久懷思不忘闈弟在國
雖殺戮取財物人甚苦之人言雖未可必信然告者眾矣果若
其言吾弟大謬夫天下之人皆 皇考四十年辛劬保養以遺

子孫今兄嗣位亦惟體皇考之心保之愛之豈敢輕有所傷害而吾弟視之不如土芥殺之不如雞豚夫其罪當殺猶請命於朝况不聞有罪吾弟縱恣暴戾如此獨不記建文時拘囚困苦之辱耶今日脫吾弟囚辱復諸富貴安樂之地乃虐人無己人其謂我何其審思之有之則速改以從善果若無之亦須戒慎以弭人言庶副同氣友愛之情○肅王拱奏求書籍藥材賜書報曰所求書籍今有者悉送去惟十七史諸書俟印裝續送昔洪武中兄嘗奏求乳香皇考以分封供給有制不與賢弟其亮之○命監察御史分詣各布政司巡視民瘼陛辭上諭之曰父母於赤子先寒而備之衣先飢而備之食適其濕飽之宜避濕就燥以處之無所不盡其心人主為民父母理亦當然朕居深宮一飲一食未嘗不念及軍民然在下之情不能周知

爾等為朝廷耳目其徃用心咨訪但水旱災傷之處有司不言者悉具奏來軍民之間何利害與何弊富者亦悉以聞。丙辰 皇后千秋節命婦朝賀于坤寧宮四品以上命婦錫宴五品以下人賜鈔一錠 陞通州知州杜諒為陝西布政司左參議權監生范紹馮添劉志聰吳禎徐儀彭建初孫恒教惟善張信黃瑤王常俞駟周端丘陵李珣韓溫劉鳳蘇冲葛忠遜邊仲庸熊璞為給事中。丁巳遣官釋奠先師孔子 戊午祭 太社大稷 己未以大寧兵戈之後民物凋耗改寧王府於南昌是日遣王之圖賜一萬錠請製詩送之。遣使賚書徃迤北諭鞑靼可汗鬼力赤曰元運既衰我 皇考太祖皇帝受 天下撫有天下朕 太祖嫡子奉藩子燕恭承 天眷入繼大統嘉興萬邦同臻安樂比聞北地推奉可汗正位特差指揮朵兒只

恍惚等賞織金文綺四端往致朕意今天下大定薄海內外皆
來朝貢可汗能遣使往來通好同為一家使邊城萬里烽燧無
警彼此熙然共享太平之福豈不美哉并遣勅諭虜太師右丞
相馬兒哈咱太傅左丞相也孫台太保樞密知院阿魯台等以
遣使往來之意賜馬兒哈咱等文綺各二及賜朵兒只恍惚等
白金鈔幣衣服有差。命都指揮王觀領韃官察罕帖木兒等
往水三萬戶賜紵絲衣各一襲鈔幣有差。鎮守遼東左都督
劉貞奏虜寇攻懿路寨三晝夜破寨柵官軍與戰頗不利既而
寇引去。上曰前聞虜聲言欲侵寧夏今乃寇遼東此正欲牽
制我以掩不備固初邊將謹守疆場虜至則相機行事既退不
可窮追仍責貞曰屢諭爾制寇之方爾竟忽之此有可乘之機
而追邇不進遂至失利已往之事悔無及矣今當屯種之時備

禦之方切宜加意晝夜無怠如遇寇至相機應之務出萬全蓋
事不可執一如冬裘夏葛必適時宜 勅寧夏總兵官左都督
何福曰得邊東守將左都督劉貞奏云虜攻破懿路塞官軍失
利朕前聞虜寇聲言欲攻寧夏今乃剽掠遼東此其誦詐聲東
掠西之術也遼東已有備寧夏尤宜防慎夙夜無忽如遇虜衝
突慎勿輕戰若有機可乘亦不宜失務在審度必出萬全。庚
申賜北京行部侍郎李昶郎中徐岳主事汪新行後軍都督經
歷陳智等鈔有差時昶等新授官之北京故有是命。辛酉太
醫院判汪伯善考滿吏部舉欽天監副徐伯陽不考數例請於
上從之。癸亥祭先農親耕籍田畢宴百官耆老。申子武
定侯郭英卒英風陽臨淮人有膂力善騎射抗強命中從 太
祖高皇帝渡江取金陵以謹重見信任恒宿衛帳中從攻陳友

諒於鄱陽及勦其餘衆于武昌皆賈勇爭先繼太將徐達常遇春下山東平中原克元都略定隴石及山後諸州前後遇敵往往先登陷陣斬獲無算積功至都指揮留鎮北平時人心未定綏靖有方召選陞前軍都督僉事平雲南溪洞諸蠻論功封武定侯未幾鎮遼東回潁川侯傅友德平北庭給哈出復征虜寇于捕魚兒海于辦其首蠻子太尉席卷牛羊輜重以歸英為將善撫士卒人多用命大小百餘戰刀箭屢被體若刻畫然英毅之氣瀕老不衰 太祖末年舊人在者獨英及長興侯耿炳文特見倚重英居家善事親間暇喜觀書年六十七卒 上報視朝三日賜祭賻卹甚厚。乙丑封皇長女永安郡主為永安公主以俄賓素容為尉馬都尉第二女永平郡主為永平公主以俄賓李讓為駙馬都尉封第四女為咸寧公主擢後軍左都督

宋晟次子珙為駙馬都尉尚之封秦愍王第二子尚烈為永興王第三子尚煜為保安王冊兵馬指揮高志士為永興王妃饒州致仕千戶陳璽孫文為保安王妃封晉恭王第三女為容城郡主。遣司禮監少監侯顯齎書幣往烏思藏徵尚師哈立麻蓋。上在藩邸時素聞其道行卓異至是遣人徵之。改湖廣按察司副使宋惟為陝西按察司副使。陞驍騎右衛指揮使孫羅多為都指揮僉事先祿寺少卿王真永春為侯王寧子貞亮俱為羽林前衛指揮僉事。谷王穗奏欲躬詣京師賀萬壽聖節。勅止之曰王之圖日淺遠道跋涉為勞愛兄之情豈在於此其不必來賜糖羊五百腔。鞋官伯帖木兒等率家屬自塔灘來歸至寧夏總兵官左都督何福遣送至京命伯帖木兒為指揮使賜鈔二百錠銀幣二表裏紗羅衣五襲金帶一仍

命居寧夏修鳳陽浮橋。丙寅 命戶部歲給駙馬都尉宋瑛
宋瑛祿米各二千石修京師通濟橋。丁卯改前北平布政司
雜造局廣盈庫隸北京行部。改南昌左衛為南昌護衛隸寧
夏王府營州左護衛為隆慶左衛右護衛為隆慶右衛中護衛
寬河衛。戶部尚書夏原吉言雲南麗川平緬宣慰司土官思
倫發原輸差發六千九百兩續又增辦一萬八千兩今思倫發
卒前此有虧兌者皆已蠲之近西平侯沐晟言以後續認者難
於為額俟二三年民食給足可令再輸 上曰取喪之道使知
歸嚮朝廷不失臣節可矣豈資其利耶止以原額為定增辦者
悉除之。戊辰 上諭戶部兵部臣曰數年用兵軍民皆困今
與之休息數有令擅役一軍一民者處重法比聞衛所府縣都
不遵承仍襲故弊私擅差役如驅犬羊無復分毫矜恤之意是

上不敬君命下不卹人窮人之蘇息何時可遂爾等具中明前
令自今有再犯者誅不宥。左軍都督僉事徐真卒真盱眙人
父得洪武初以軍功歷襄陽茶陵二衛鎮撫卒真嗣之累陞錦
衣衛指揮僉事三十二年陞都指揮僉事守山東尋陞左軍都
督僉事 上率兵南嚮真迎戰于靈壁被獲釋之命督民屯田
密雲真嗜酒自至密雲沈湎無虛日至是以醉死 命有司葬
之。己巳琉球國中山王察度遣從子三吾良疊等奉表賀且
貢方物賜鈔文綺表裏及紬絹衣各一襲。大名河間廣平順
德真定保定等郡民饑詔戶部遣官就各郡發粟賑之。禮部
言科舉舊制應于卯酉年鄉試去年兵革倉猝有未及舉行者
請以今年秋八月令應天府及浙江等布政司皆補試其北京
郡縣學校近廢于兵者宜暫停止俟永樂三年仍舊鄉試制曰

可。都察院奏定監生犯公罪依律紀錄私罪當笞者罰歷刑
一年考勤謹者准歷事監生出身平常者再歷一年覆考當杖
者斷發充吏員資格出身。辛未 上慮獄囚有淹滯寃抑然
後施刑。修皇城蕭牆及衛士直廬。改寧夏右衛為慶陽衛
。蘇州府嘉定縣言縣有秦趙二涇旁近田地貧其淮澆比緣
潮沙往來沙土淤塞每遇早暵則涇旁之民種不入土近涇舊
有小橫澗乞疏鑿以通水利從之。壬申 上以興兵以來江
淮及中原之人餽運戰鬪死亡者衆而暴骨原野多未埋瘞命
禮部暨都督府分遣人巡視督所在官司瘞之。癸酉遣忠誠
伯茹瑄往陝西營長安郡王府第。甲戌 命郡王高煦率兵
往開平操備諭之曰邊報虜欲寇邊方春兵民不得耕種朕所
深慮命爾將兵駐開平虜至即相機勦除否則按兵待之庶邊

境之人得以盡力屯田然虜狡猾不可易視萬一蹉失則損威
招蒙不可不謹王既行復賜書諭曰爾軍起行惟聲言往大寧
既出關然後北行未至開平四十里即下營先遣精騎往偵動
靜勿令虜覺如虜不知我軍出塞領衆深入則多用火器遇夜
令壯士劫其營亦可獲功若與戰則令武安侯鄭亨居中安平
侯李遠居左武城侯王聰居右爾將精騎一二千往來策應寇
敗獲其人勿輕殺寇遁毋利其牛馬而窮追之若慮有實意來
降誤以為寇邊而擊之則沮後來者之心此須詳審然受降之
時尤須防其變詐古云受降如受敵制敵之策大概如此○書
諭長子世子曰聞虜欲犯邊令高煦將兵駐開平禦之爾鎮
守北京於事宜用心經理將士起行之際賜宴及鈔仍遣人督
運糧餉隨軍而行不可緩也○乙亥寧夏總兵官左都督何福

言寧夏至慶陽諸驛其先每驛僉民馬四匹茶馬司撥馬十匹
相兼遞送厥後布政司摘去民馬今各驛止有馬八匹或九匹
者宜自寧夏抵邠州驛皆依舊設置而慶陽至曲子驛一百餘
里道路遙外馬力艱辛合於中增設一驛寧夏四衛馬步旗軍
二萬四百一十三人見撥馬步三千一百七十三人操練其餘
守城正軍并紀錄幼小之屬不置外寔用一萬四千一百八十
四人耕田八千三百三十七頃有奇據漢延唐來二渠人當用
耕牛一今缺牛四千一百有奇寧夏四衛見有糧料三十萬二
千一百石有奇而官軍月支八千六百石有奇其來降雜官已
量給食米宜寔授職事分置各衛依例支降上從之命有司
給驛馬屯牛。初雲南曲靖關中鹽糧每引米二石高氏以所
定米太多中納者少隨亦停罷至是戶部以聞命減輕為一石

五斗仍舊開中。丙子戶部言彰德衛輝民牧養寧山等衛屯牛多死未償今屯軍缺牛耕種請督之償上曰民勞之蘇宜令緩償明年歲豐納米屯軍缺牛者有司市給之。命陳斌為中奉大夫宗人府儀賓以晉恭王第三女容城郡主配之元太原石護衛指揮寔之子先期禮部言舊制郡主在京師者其婚禮合用冠服儀仗鞍馬等件皆朝廷給與今在王國郡主婚禮合用儀物未有定議命如例給之。丁丑命刑部自今能捕獲強盜者賞銀五十兩緜幣四表裏鈔二千貫仍給犯人財產兩隣知而不首與同罪盜能自首者免其罪仍依例給賞。給雲南僧度牒。陞大寧都指揮僉事張貴為浙江都指揮同知羽林前衛十戶都督為本衛指揮同知羽林前衛以故千戶呂興子輔襲陞金吾右衛指揮僉事。以各處銀場銀坑歲辦科

徵不實分遣監察御史及中官覈之

太宗文皇帝實錄卷十七

大明太宗文皇帝實錄卷十八

永樂元年三月戊寅朔 文武百官復上表請立 皇太子賜
勅答曰覽表具悉朕嗣承大寶思惟永圖負荷之艱夙夜祇
東矧在長子智識未廣德業未進儲貳之任豈當遽承必欲以
正元良宜預成其學問爾等為國遠慮凡再有言足亮乃忠未
免所請。陞都指揮台事李英為陝西都指揮同知。己卯
命魯荒王世子肇輝襲封魯王。賜寧王權鈔一萬錠。永興
王尚烈解歸賜鈔千百錠。以前北平按察副使王禮為戶部
右侍郎賜雜衣一襲。夜有星如碗大青白色有尾光燭地出
即將旁西北行至紫微西蕃內。庚辰 命江陰侯吳高鎮守
山西大同防禦胡寇節制山西行都司諸衛。遼東都指揮同
知沈永有罪伏誅先是虜寇侵遼東三萬衛 永不能追襲又

臣不以聞及來朝復隱不奏 上以其欺敵誅之令兵部檄諭天下都司軍衛并緣邊衛所凡有單賊及虜寇聲息不即以聞者鎮守官以下職無大小罪與永同○辛巳復設懷仁等五土塞○壬午行都指揮使司為大寧都指揮使司隸後軍都督府設保定左右中前後五衛俱隸大寧都司調營州左屯衛於順義右屯衛於蘇州中屯衛於平峪前屯衛於香河後屯衛於三河衛設左右中前後五所仍隸大寧都司復設東勝中前後三十戶所於懷仁等處守禦寧夏總兵官左都督何福奏請調河南都指揮高山領騎千五百赴寧夏聽用陝西都指揮李智朱領馬李庸提督也屯種守寧夏都指揮吳傑往守綏德從之山西行都指揮使司都指揮使房昭言大同諸衛軍士屯田者象守城者小慮冠倖至無一備禦宜各存守城軍八百從之賜昭

鈔百錠。癸未修揚州府江都縣河東等鄉邊江圩岸。甲申
修太廟周垣。各刻有星如難于大青白色尾跡有光出南
河西北行至游龍。乙酉江都郡主薨命有司營喪葬郡主懿
文太子長女下嫁儀賓耿璿云。丙戌賜琉球國中山王從子
三吾良疊等宴于會同館浚蘇州府崑山縣葫蘆等河。琉球
國山北王攀安知遣使善任古耶等奉表朝賀貢方物賜鈔及
襲衣文綺善任古耶致攀安知之言丐賜冠帶衣服以變國俗
上嘉之命禮部賜其國王暨陪臣冠服。丁亥 上諭兵部
臣曰從朕平內難將士已論功陞賞朕念平九門者其功最先
且難可再陞一級功小不在陞例者亦陞一級陞未及數與未
陞者通陞之於是陞都督僉事劉江為中軍都督同知許成為
左軍都督同知諱青為後軍都督同知都指揮使童信為前軍

都督同知徐善為中軍都督僉事曹隆為左軍都督僉事馬瑛
為前軍都督僉事都指揮同知呂得昇方敬為中軍都督僉事
周長為左軍都督僉事其英為後軍都督僉事王麒為後軍都
督僉事王忠為前軍都督僉事高冕為山西行都司都指揮使
都指揮僉事萬得為河南都指揮同知指揮使王伯二為山東
都指揮使王福為遼東都指揮使其中為河南都指揮使倪寬
為陝西都指揮使歹都為陝西行都司都指揮使把丹沙為山
西都指揮使唐來保為山西行都司都指揮使朱旺為大寧都
指揮使劉成為浙江都指揮同知孫得旺為遼東都指揮僉事
指揮同知林泉李通李得章弟買兒岡賁陳得為指揮同知掌中
都留守司事朱榮王思齊鹿得山康成武讓蔣旺張康俱為河
南都指揮同知李信孫小老張四李二馬永兒李信俱為浙江

都指揮同知李榮高文得葛成陳景先張秀鞏王兒李保兒俱
為山西都指揮同知張思孝郭成劉青郝聚趙全丁成李順俱
為遼東都指揮同知王欽戴聚賈武朱九三海拜位李留位李
成俱為陝西都指揮同知蔡成張勇夏旺朱賓鴻吳義王慶三
李溫甫俱為陝西行都司都指揮同知韓貴為都指揮僉事姜
四兒劉買任張鵬周元一任禮夏二仲家奴俱為山西都指揮
同知劉均保為都指揮僉事張林劉亭玉黃子順邢彥禮王仲
成劉猷咄失帖木俱為山西行都司都指揮同知張興為都指
揮僉事張鬼神陳頤廝周官保姚堂李討位長陳聚孫小六俱
為大寧都指揮同知朱成玉得為指揮僉事指揮僉事鄭伯堅
邵添兒魏佛家奴張寬李凱俱為都指揮僉事掌中都留守司
事許得高成孟得辛胡貴李閻閻俱為河南都指揮僉事別景

祥楊成李晟王奇劉滿海俱為浙江都指揮僉事蘇四陳忠王
鼎王禮保劉興俱為山東都指揮僉事粟大於金秦寬徐忠陳
聚俱為遼東都指揮僉事張林張興桑高李官音保張五俱為
陝西都指揮僉事李合兒胡奇胡仲良齊先童俱為陝西行都
司都指揮僉事周士興蔣盛楊僧安何小大俱為山西都指揮
僉事孟祥趙禮苗邁成廣夫台俱為山西行都司都指揮僉事
劉七胡法戶黃保李彬俱為大寧都指揮僉事蔣善為府軍衛
指揮使陶源為指揮同知井十五為府軍後衛指揮使龐得程
興為指揮同知宋得為羽林左衛指揮使王四楊成為指揮同
知曹得為羽林右衛指揮使周成李貴為指揮同知王許兒為
羽林前衛指揮使苗成為金吾左衛指揮使權信為金吾右衛
指揮使閻仲名為金吾前衛指揮使唐官音保為金吾後衛指

揮使徐福二為虎賁左衛指揮使顏津為錦衣衛指揮使李管
為指揮同知馬貞如為旗手衛指揮使正千戶高能陳旺鄒英
山李丑驢為孝陵衛指揮使董三漢呂奔兒鄒闕孫為府軍衛
指揮使王鎖任田貴為指揮同知趙成雷真保洛成楊興為府
軍左衛指揮使李齊甫青為指揮同知楊威王回任為府軍右
衛指揮使祈伯勝孫咬兒為府軍右指揮使郝剪子張炳為指
揮同知楊成謝闌子谷郎為府軍後衛指揮使何聚傅閏陳中
馬得為錦衣衛指揮白敬辛楊能為指揮同知崔成李奴兒咬
欽傅昇為旗手衛指揮使尹奴子張勝為指揮同知孫喜高聚
魯雲為羽林左衛指揮使魏牛兒高和楊顯為羽林右衛指揮
使張狗兒曹成江來任為羽林前衛指揮使楊武斛孫奇谷文
秀為金吾左衛指揮使趙奇賈思王李顯為金吾右衛指揮使

杜閔奇楊鎮兒為指揮同知劉璩袁孫小王宋狗兒為金吾前
衛指揮使王友才彭福為指揮同知袁佛保沈孫兒為指揮僉
事董成益益來用為金吾後衛指揮使高一高捨奴為指揮同
知陳林劉海為指揮僉事宋大張山間能為虎賁左衛指揮使
李興為指揮同知木庄兒為指揮僉事副千戶沈和高翟文友
陳長為錦衣衛指揮同知翟寬任得成宋義馮子成為旗手衛
指揮同知李保安奴傅貴劉興李旺為孝陵衛指揮同知李成
王榮王官保為府軍衛指揮同知施受王矩王成李伯家兒為
府軍右衛指揮同知馬旺胡十三董家驢房友兒為府軍後衛
指揮同知袁閔保周聚徐珪趙二為羽林左衛指揮同知賈闌
兒陳來任劉士為指揮僉事吳十四李和張成四彭廣兒為羽
林右衛指揮齊欽中董成張鎮兒為指揮僉事何長寧存善刁

保典奴張奴兒為羽林前衛指揮同知屠阿巧郝得全史件奇
為指揮僉事李旺李智名李一為金吾右衛指揮同知孟冊尹
聚李孫兒為指揮僉事張春張仲文班猪兒為金吾前衛指揮
同知吳佛奴為指揮僉事張彬劉倉方勝伍為金吾後衛指揮
同知譚俊李智岳成為虎賁左衛指揮同知百戶李大孫禿兒
董捨兒為錦衣衛指揮僉事趙慶兩殿婆孫馬勝為旗手衛指
揮僉事崇捨兒邵閏宮福聚為孝陵衛指揮僉事蔡千家兒王中
王成兒為府軍衛指揮僉事李回兒李成杜思齊為府軍左衛
指揮僉事張四原成為府軍衛指揮僉事其餘千百戶總小旗
胡通海等五十餘人陞職有差。戊子命江平伯陳璘及前軍
都督僉事宣信俱充總兵官各帥舟師海運糧餉瑄往遼東信
往北京陞指揮僉事粟彪為遼東都指揮僉事。戶部言河南

開封等府蝗民飢命以見儲麥豆賑之。己丑陞都指揮僉事李瑛為大寧都指揮同知李昇為山西行都司都指揮同知金吾石街十戶邵首為金吾左衛指揮使邵成為孝陵衛指揮僉事。庚寅陞都指揮同知黃忠為前軍都督僉事金吾左衛十戶胡珣為府軍後衛指揮同知。辛卯以岳敏周樂喻良俱為監察御史初敏任河南按察副使良任僉事樂任陝西布政司左參議皆以罪免官命於鴻臚寺辦事至是復擢用之。琉球國中山王察度山南王弟汪應祖遣使渥周結制長史王茂等六十五人來朝貢馬及方物賜鈔襲衣文綺有差。壬辰禮部言洪武間京官文武四品以上命婦朔望朝中宮隆寒盛暑雨雪皆免上命併免朔望但遇節來朝。修孝陵神厨庫房及塙垣。癸巳工部尚書黃福言今有司所造弓準舊制弓

面銜闊三指預犯宏壯故能射遠然人力有強弱弓力亦宜有
差等宜令軍器局造弓式自十七斤至四十斤分為四等頒布
郡邑依式造進量刀給授為便從之○夜有星如雞子大青白
色有光出天輻東南行至尾宿○甲午北京山東河南直隸徐
州鳳陽淮安民飢命戶部遣官賑濟本處無儲粟者於旁近軍
衛有司所儲給賑之○陝西乾州言州糧該輸岷州衛每歲於
鞏昌易粟轉輸今其地蝗田稼無收乞以麥豆代輸從之○乙
未陞都指揮僉事周信為遼東都指揮同知○河南裕州言本
州地廣民稀山西澤潞等州縣地狹民稠乞於彼無田之家分
丁來耕 上命戶部如所言行之○丙申陞監察御史岳敏為
四川按察使姜滌為雲南按察使周樂為副使喻良為廣東布
政司左參議○丁酉陞都指揮同知周廣為左軍都督僉事○

賜國子監雲南生張文禮等二十八人夏衣○蘇州府言霖潦決隄場稼命戶部巫遣人修治○成成有司言殷太師比于墓及祠圯壞請發民修治從之周諭侍臣曰君子為國不為身故犯顏諫諍死且不避小人為身不為國惟繞論面諛以為富貴明君樂諫諍而國以興昏君樂繞論而國以亡桀紂殺龍逢比干明效具在而後世人主如秦隋之末皆不鑒復轍國安得不亡哉朕方以是為戒爾等當以君子之道自勉庶幾共保祖宗之洪業○鎮守貴州鎮遠侯顧成言金筑安撫司等處每有征討輒率官軍土軍兼進有功則皆賞之宜今一概操練庶可久長兼用 上遣勅諭之曰卿策固善朕慮土軍皆夷人樂散逸而悍拘束若後之同於官軍或情有不堪馭喪之道當順情以為治可斟酌行之○潘陽中屯衛軍士唐順言衛河之源出

衛輝府輝縣西北八里太行山下其流自縣治北經衛輝城下
抵直沽八海南距河陸路繞五十餘里若開衛河距黃河百步
置倉廩受南方所運糧餉轉至衛河交運公私兩便上曰此
策亦是命廷臣更詳議如議可行亦俟民力稍甦行之○己亥
賜書諭晉王濟煇曰前慶成王濟炫來朝見其長成未諳政務
欲令潞州權住講讀詩書操習弓馬近得爾奏謂年少不忍遽
雖愛弟之篤朕甚嘉然慶成王已冠內有母之訓誨外有官屬
輔導使之涉歷寔維其時今可令都指揮韋喜先往潞州修治
居室今慶成王梓日奉母同往○夜有星如蓋大赤色光燭地
出太子旁西南行入軒轅○庚子改廣西布政司右參議沈經
為廣東布政司右參議○鎮守貴州鎮遠侯顧成言晉定衛康
佐長官司歲秋糧止內晉定衛洪武二十五年始改輸安高衛

然康佐距安南衛三百五十里徃復辛月人負米三斗正足途中之食故累歲有虧康佐距普定止兩日若令舊運輸普定甚便之從之浙江台州府臨海縣言本縣見虧益糧八千餘石去歲旱蝗禾稼不登乞勅戶部候秋成輸納從之○辛丑南陽鄆州官牛疫死者多有司責民償甚急民貧至有鬻男女以償者事聞上怒甚曰孔子聞甌焚問傷人否不問馬蓋為人貴於畜今以人易牛何其不仁哉况畜牛本以為民今及毒民如此命有司牛死者悉免償民所鬻男女償牛者官贖還之仍命法司治有司不奏而擅責民償之罪○夜有星如雞子大赤色光燭地出西南雲中西南行入雲中○壬寅陞羽林前衛指揮僉事楊成為大寧都指揮僉事○京師雨水壞西南隅城五十餘丈命有司修治○甲辰陞高寶司丞徐勝為司少卿○乙巳

上謂兵部尚書劉儁曰朕即位之初首詔內外諸不急之務一
切停止毋妄勞人斂財庶少兵民今聞諸司尚有不體朕意橫
虐吾軍民者其中諭中外自今軍執常役民安常業官守常職
雖事之緊急不可已者亦須奏准然後行之違者加罪○命工
部制周府二君王儀仗用曲柄紅素圓織畫瑞草文如親王制
○丙午賜秦王尚炳書曰比以爾弟永興王尚烈年長令暫居
翠昌講誦詩書練習武事以成德器昨聞過鳳陽自留守司官
下至指揮小校皆被箠楚人不能堪竟莫明其何罪夫國家篤
於親親宗室謹於禮法斯共保富貴令聞長世世高_烈所為若
此豈保富貴之道凡今臣民皆太祖皇帝數十年教養者况
鳳陽祖宗肇迹之地過其地虐其臣民豈賢子孫所為乎本
欲罪其從官但以方出姑釋不問爾其兄長當深戒之使改行

為善將來有成非獨慰爾父於冥冥亦稱朕親親之意爾之兄弟亦得以俱成令名也○陞都指揮僉事王巖為山西都指揮同知王敬忠為河南都指揮同知李剛為陝西都指揮同知王山為陝西行都司都指揮同知指揮使劉成為山西都指揮僉事魯曾為大寧都指揮僉事指揮同知李福為陝西都指揮僉事王興為金吾右指揮使洛榮為府軍右衛指揮使指揮僉事吳貴為大寧都指揮僉事李成為金吾右衛指揮使朱勝為府軍左衛指揮同知千戶方實為金吾右衛指揮同知趙成為羽林前衛指揮同知前貴為孝陵衛指揮僉事沈旺袁昇為金吾前衛指揮僉事以故指揮同知毛成姪襲陞羽林前衛指揮使金吾左衛指揮同知劉旭子比時襲父職羽林前衛千戶陳旺兄智金吾左衛百戶白金姪興俱襲陞府軍前衛指揮僉事

劉成以本官致仕

太宗文皇帝實錄卷十八

大明太宗文皇帝實錄卷十九

永樂元年夏四月丁未朔享 太廟 安南權理國事胡奎遣使奉表及方物賀即位且奏曰昔天朝 太祖高皇帝受 天明命統一寰宇前安南王陳日烜率先諸夷輸誠奉貢蒙恩錫爵俾王其地不幸日烜喪已宗嗣繼絕支庶淪滅無可紹承臣陳氏之甥為衆所推權理國事主其祠祭于今四年徵蒙 聖德境內粗安然名分未正難以率下拜表陳詞無所稱謂伏望 天恩錫臣封爵使廢國更興荒夷有統臣奉命效貢有死無貳事下禮部議禮部言遠夷荒忽難信宜遣使廉察從之○戊申諭中外文武群臣曰帝王圖治必審於用人或取諸天下或舉於仇怨惟其賢而已若唐太宗用王珪魏徵唐玄宗杜如晦李靖尉遲敬德宋太祖用庾王溥石守信王審琦輩相與協心

此力共建功業載在信史垂先後世昭然可鑒也朕太祖高
皇帝嫡子奉藩于燕衍 天地 宗社之靈肅清奸宄遂正大
統茲作以來思惟文武群臣皆 皇考舊人惟誠用之纖悉無
間比聞群臣猶有心壞危疑不安於職者此蓋不達天命不明
朕心故也凡爾文武群臣皆 皇考所教育以遺子孫者豈與
國與仇怨之比者乎孟莊子不改父臣與父之政見稱孔子朕
每誦之慨然希慕故今所任幾務之重宥宥之嚴者非皆前日
靖難之人比天下所明見而共知也又何嫌疑之有哉其各盡
乃心共乃職擔誠共事可以永保富貴朕言不再其深體之○
陞指揮使雷銘為河南都指揮同知顧里保為都指揮僉事掌
中都留守司事指揮同知楊成為浙江都指揮同知王來興為
遼東都指揮同知王神保為山東都指揮同知范臚兒為陝西

都指揮同知張山為山西都指揮同知指揮僉事三志中為山西行都司都指揮僉事房聚為陝西都指揮僉事陳驢兒為大寧都指揮僉事吳欽為金吾右衛指揮同知正千戶王能為羽林左衛指揮僉事蕭龍為羽林右衛指揮僉事龍五十為羽林前衛指揮僉事其百戶總小旗楊義等十五人如例陞有差俱錄平定九門功也○己酉命戶部尚書夏原吉徃浙西諸郡治水時嘉興蘇松諸郡頻歲水患屢勅有司督治訖無成績故有是命上以北京粟貴責令文武官員子弟及軍民於德州濟寧衛指揮監糧減價中納仍令不決支給其無錢本者官給鈔貸之○庚戌周王橚上表請立皇太子上賜書答之曰儲貳之建所以定國本繫人心其任甚不輕也問文武群臣表請至再皆未聽納今賢弟復以為言賢弟所以為國家經遠之慮至

矣願長子雖有仁厚之資而智識未充行業未廣方當求賢達
與之偕處真以誣養其德性增益其學問使日就月將庶子有
成而後正名未為晚也○壬子平陽王濟煥來朝遣使賜慶王
梅紗羅絹布各三十疋谷王德各五十疋仍各賜鈔萬錠○命
修汝南王府於雲南大理○遣鎮撫答哈帖木兒等齎勅往瓦
剌諭虜酋馬哈木太平把禿孛羅○戶部言汝南王府歲用祿
米二十石今歲歉請與其半俟年豐全給從之○戶部右侍
郎王禮卒禮先州固始人法武中由國子生擢比平按察司副
使坐事降郡武府通判為副使時雅為上所知故即位後即
召用之○癸丑命中軍左都督劉諫致仕○甲寅楚世子孟
烷永安王孟炯來朝○賜金齒玉官百戶汪用鈔一百錠綠幣
四表裏初麓川平緬宣慰司土官思倫發卒其頭目罕的法撫

木邦相仇叔鎮守雲南西平侯沐晟遣用招安故賞之○乙卯
周世子有燬順陽王有烜來朝○擢袁州府儒學訓導廖敬先
為翰林院檢討○羊山東東昌府崇武驛曉刻有星如難子大
青白色有光出斗宿東南行至游氣○丙辰陞通政司左參議
李文郁為戶部右侍郎擢監生余得祥為給事中張政原汪俊
民趙能為監察御史改吏科給事中曾芑為兵科給事中調河
南按察副使汪善僉事韓克忠於雲南按察司○丁巳平陽王
濟煥辭歸賜鈔八千錠具從官賜鈔有差山東兗州府通判江
澄言今率沂州等州縣民丁三千餘人修治魯府東作方殷乞
暫停工令歸耕種俟農隙就役從之○戊午蜀世子悅熾來朝
○遣書諭郡王高煦曰防虜之行蓋揆之人事不得不舉而仰
觀天象尤當知警占書金星出昴北北軍勝出昴南南軍勝今

欽天監奏金星出昴北而我軍在南宜益加慎不可忽略○浚
松江華亭上海運鹽河金山開港曹涇分水港○己未戶部言
直隸上海縣水民饑命以見儲粟驗口賑之凡四萬九千九百
石有奇○庚申長山王賢駿來朝禮部以 萬壽聖節宴百官
預定其位次進呈 上命駙馬儀賓及隨侍各王來朝官宴于
三公府四品以上文武官諸學士及在京僧道官大龍興寺位
持侍宴奉天殿在京各衙門堂上六品以上官近侍官修史官
宴于中左門在外進表官四夷朝貢土官宴于中右門餘文武
官宴于丹墀內○辛酉遣行人楊勣等齎勅往諭安南陪臣者
老等曰得胡奎奏云國王陳氏宗祀已絕奎乃其甥衆推權理
國事主祠祭欲求封爵王此一方朕以安南遐遠未可遽信特
遣行人下詢爾等凡陳氏繼嗣之有無胡奎推立之誠偽具以

實奏毋誣毋隱查所遺奉貢之人皆賜賚遣還○都察院右副都御史黃信以漏泄獄事誅先是禮部尚書李至剛妻父坐事都察院逮問當處以重法至剛言於上希恩丐免上曰法司鞠獄情之輕重外人何以知之對曰此黃信與臣言遂為刑科都給事中周璟等所劾上命錦衣衛鞠之有實狀特命誅之○壬戌夜有星如蓋大青白色有光出輦道東北行又游氣○朝鮮國王李芳遠遣陪臣李貴齡等奉表朝賀貢方物貴齡奏芳遠父兄有疾令齋布五十端求市龍腦沉香蘇合香油諸物和藥上命太醫院悉賜所須藥而還其布○湖廣四川雲南廣西所隸宣慰使楊昇等并西北諸夷各遣人朝貢馬及方物上以其遠至且舊所定馬直薄命禮部第馬之高下增給之上馬每匹鈔千貫中馬八匹鈔八百貫下馬五百貫○癸亥

萬壽聖節 上御奏天殿受朝賀大宴文武群臣及四夷朝

使命婦朝 皇后于坤寧宮賜宴○甲子楚世子孟煥奉欲遣

人於河南境內買人口賜手勅諭曰昔秦愍王遣於浙江買人

口 祖皇帝聞而怒之秦府官屬及浙江郡縣承行者皆被罪

前鑑不遠也且河南汝伯父周王封地汝所遣人入其境或有

縱恣違禮將斥為爾之過可不慮乎况此舉非出汝父意其已

之○北京行部奏廣平順德等郡饑民萬九千三百五十戶凡

給米麥萬九千九百二十石有奇賑之○乙丑賜書楚王禎曰

別來恒用思念世子至知安好良以為慰所奏府中欲修造先

於賢弟豈有吝惜意但天下初定衆心未安勞罔未甦兼旱蝗

相仍民苦寒餒安養休息方在此時故即位之初首詔天下不

急之務悉停罷今後宮為建文所焚東宮亦皆折毀而未敢興

造賢弟韋體斯意府中宮室損壞者姑用護衛之人隨時修葺俟民安歲豐然後量撥軍民為之如此公私兩利矣賢弟又云欲令左護衛軍七種以瞻歲用正合成法且見慮遠之意宜早圖之。勅寧是總兵官左都督何福甘肅總兵官左都督宋晟今欽天監言月犯氐宿東北星其占主將有憂又言金星出界北主北軍勝而我軍在南鄉等守邊動靜之間常加警省不可輕率。改吏科右給事中都旃於禮科。命工部造鹵簿大駕。丙寅周世子有燉順陽王有烜楚世子孟煥永安王孟炯蜀世子悅熾長山王賢煖俱辭歸賜賚有差及賜其從官鈔。勅鎮守雲南西平侯沐晟曰昔爾父黔寧王承我皇考太祖皇帝命鎮雲南撫按懷柔克盡其道故能使遠夷慕義軍民樂業朝廷無西南之憂爾兄亦能繼述邊境以寧此皆爾所知也今

乃不能恪守先訓致兵不得休息民不得力作政事煩擾號令
紛更遠近嗟怨可謂有忝父兄者矣宜加警揚謹守 太祖高
皇帝成憲法爾父懷柔之方使軍民皆安遠夷順附斯志孝兩
全矣又勅歲田土人總旗中蓋有累立戰功者可拔其尤者陞
者百戶以勵軍士以鈔法不通下令禁金銀交易犯者准奸惡
論有能首捕者以所交易金銀充賞其兩相交易而一人自首
者免坐賞與首捕同若葦造首飾器皿不在禁例○福建都司
都指揮同知楚珏以稽緩邊儲發興州充總旗管民種田○丁
卯 上以代王桂檀興土木疲勞軍民命所司自今王府非得
朝命不許擅役一軍一民及飲一錢一物聽從者有罰○河州
洮州番簇朝貢命禮部定賞例禮部議奏河州衛必里千戶每
員銀六十兩綵幣六表裏鈔百錠曾授金符頭目親來朝貢者

銀五十兩綵幣五表裏鈔七十錠紵絲衣一襲遣人朝貢者四
十兩綵幣四表裏鈔五十錠中途死者官歸其喪賞賜付撫安
官給之所遣使每人銀十兩綵幣二表裏鈔三十錠未授金符
頭目親來朝貢者銀四十兩綵幣四表裏鈔五十錠紵絲衣一
襲附貢者銀三十兩綵幣三表裏鈔四十錠付撫安官給賞其
撫安十戶每員賞鈔七十錠綵幣四表裏旗軍人等人賞鈔五
十錠綵幣二表裏鎮守大同江候吳高奏所轄之地西北接東
勝黃河蓋湖虜出沒之路宜自下水海北直抵把撒站皆分戍
巡邏樺才幹都指揮使更番提督有警即馳報庶幾斟酌行事
不致失機從之。直隸淮安及安慶等府蝗 上命戶部遣人
捕之仍驗所傷稼免其租稅。設涇水縣廣通間置壩官一員
初涇水縣民言涇陽涇水二縣田地墜下數罹水患乞於廣通

鎮置閘以備潞泄命工部造人視之還言二縣水由固城湖上
納寧國廣德諸水每遇霖潦即注縣境且臘脂河與石臼湖諸
水不入大江而奔注蘇松皆被其患宜於臘脂山廣通鎮及固
城湖口二處築閘壩設管字之庶幾便民故從之。戊辰擢監
生陞視為吏科給事中潘希和為兵科給事中陞吏科給事中
孫璘為本科右給事中。以梅永貞為孝陵衛指揮使永貞駙
馬都尉殷之子陞指揮同知林叢為金吾右衛指揮使千戶張
過林為指揮僉事陳文為金吾左衛指揮同知以故千戶羅成
弟景襲陞羽林前衛指揮同知。庚午陞雲南衛所鎮撫王祐
為衛鎮撫賜鈔百錠綵幣四表裏初平緬土官思倫發卒其子
散朋與其部落刀潭刀竄於百蠻威遠劫掠居民祐往招安之
故陞賞云 辛未 上以岷王榘所為不法命吏部志降其王

府官職事賜勅諭曰昔我 皇考封建諸王以固藩屏王府官屬有不能輔導或誘王為非者咸皆顯戮成憲俱在今岷王所為縱恣擅恣諸司印信鴛鴦象心激變夷人又受命不朝京師此果出王意而汝等傍觀不言乎抑汝等導誘為之歟二者之罪必居一矣今姑屈法寬宥止令爾職尚思後效以贖前愆○壬申巡福建按御史周新言朝廷設言軍民諸司彼此顏顏兩非屬今福建都司所轄各衛官每府官過衛門或道路相遇怒府官不下馬甚至鞭辱僕隸及各衛千戶所遇有公務不申本衛徑令有司理辯少或不從刺責吏典有乖治體請自今府官以公事至衛者行通平禮相見道途相遇分道而行 皇卽正旦冬至衛官悉於府治行禮其十戶所遇有公務不許徑移文府縣亦不許凌辱有司官吏又聞讀詔書乃各布政司職掌既

已差人於各府開讀衛所官一同行禮而都司又差人下衛所
開讀科斂軍士筵宴餽送援衆非一請自今開讀詔書除附近
府縣衛所一同行禮外抄騰遵守其邊海衛所亦從布政司差
人開讀為宜 上悉從之命禮部行諸司遵守○六安衛言故
事本衛存留守城軍士不及九分之一餘皆屯田今存守城者
十之八九然安六地非邊塞若守者衆屯者少則糧餉不給請
如舊例從之○癸酉刑科都給事中周璟監察御史劉從政等
劾奏駙馬都尉胡觀歸自山西僭乘晉王所賜硃漆棕輪踰禮
僭分賜者乘者皆當有罪觀及晉府長史俱宜逮問命姑宥之
○甲戌賜晉王濟煥書曰 皇考之世參酌古典詳定禮儀車
服器用各有等級比有言駙馬胡觀所乘棕輿其制度僭越與
諸王無異詰其從來云爾與之夫諸王所用其制下天子一等

若王之分可借其漸既長何事不可借矣繁縷小物孔子惜之爾今宜慎重不可率易也。修楊王祠廟祭器。命襄城伯李濬充總兵官錦衣衛指揮陳敬為副總兵往江西操練軍民鎮守城池節制江西都司并護衛官軍。上追念靖難之初北京及通州城嘗以婦人列墀守禦命兵部稽錄其姓氏賞之。丙子中軍都督僉事孫岳免岳建文中領兵在鳳陽嘗毀太祖皇帝所建寺取材修戰艦至是為刑部尚書鄭賜所劾免官安置海內

大明太宗文皇帝實錄卷十九

大明太宗文皇帝實錄卷二十一

永樂元年五月丁丑朔賜岷王榘冊寶并勅諭之曰昔皇考封建諸子以衛邦家而爾在建文時被收冊寶拘囚周奪蓋已枉矣朕即位之初篤念親親復爾封爵召還京師爾宿留不至乃恣行威福擅拘方面諸司印信殺戮官屬使軍民蠻夷之衆驚疑不安及至京語言悖慢略無敬君事長之禮且當有事宗廟之日沈湎酣醉無所顧藉至對闕堅則佻首下氣言之可傷而冥焉無慚如此尚可封爵耶今以同氣至親特略爾過仍賜冊寶俾守舊疆尚改行易慮親君子遠小人進學修德用藩屏國家毋作匪彝以貽後悔敬哉毋忽○勅戶部臣曰朝廷設官分職本以治民治民之道在乎安泰之而已故即位之初一遵皇考成憲首命爾等荒蕪田土無人佃種者即令所司

數實蠲除其租底不貽惠於民爾等略不體朕受民之心固循
觀惻視為虛文有司拘於歲額一概徵收下民之心其速下各
布政司府州縣但有荒閒田地無人開墾者即於常歲租額內
削除之庶凡民免橫擾之苦○戊寅賜書諭秦王高灼日前以
諸郡五年長欲令出居外郡為講讀練習之計令四方來奏水
旱蝗蝻道瑾相望因念諸郡王所至修葺供億之費不免重勞
軍民勅至如永興王未行且令在國侯一二年歲穀豐登然後
遣行其所修治居室即日停罷比聞晉王令有司每二十里設
一火煉橋梁道路悉皆修治聞之心甚不樂今何時也尚可勞
民如此乎并諭爾知之是日賜書戒晉王濟熈亦知之○己卯
制諭文武群臣議上 太祖高皇帝 孝慈高皇后尊諡曰朕
皇考太祖高皇帝順天應人奮揚聖武掃平禍亂混一六合

創業垂統制禮作樂配功德于乾坤煥光華於日月帝王之盛
無以復加躋于遐齡上賓 帝所萬方哀悼思慕不忘 皇妣
孝慈高皇后齊莊誠一善聖仁慈同勤開創化家為國隆配
天之厚德為天下之母儀仰惟眷顧之隆永荷詒謀之慶日月
于邁深切孝思永惟尊號未稱功德貞諸前古必在尊崇所當
博詢輿議丕顯鴻猷庶用合萬世之公惟尊親之志爾文武群
臣具定議以聞欽哉○庚辰禮部尚書李至剛等奏五月初十
日恭遇 太祖高皇帝忌辰考宋會要凡國忌前後各二日不
行刑不視事不舉音樂禁屠宰百官赴景靈宮奉真殿行香今
謹議得忌辰前二日 服淺淡衣服御西角門視事至日早於
奉先殿祭祀初八日至初十日不鳴鐘鼓不行賞罰不舉音
樂禁屠宰文武官自初八日服淺淡衣服黑角帶侍朝之日早

赴 孝陵行禮從之仍命八月初十日 孝慈高皇后忌辰禮
亦如之於至剛復言宋制凡忌日於各佛殿誦經設帝后位百
官行香今後宜依宋制於天禧等五寺并朝天宮令僧道誦經
三晝夜 上曰子於父母固當無所不用其心但人君之孝與
庶人不同為人君者奉 天命為天下主 社稷所寄生靈所
依但當謹身修德深體 天心恪循成憲為經國遠謨使內無
奸邪外無盜賊 宗社奠安萬民樂業斯孝矣如不能比而惟
務修齋誦經抑末矣。辛巳命福建都司造海船百三十七艘
。陸必里十戶所為必里衛以故十戶哈即爾加弟刺麻失加
千戶阿卜來男結末為指揮僉事設川卜簇十戶所隸河州衛
以頭目令真奔等為千百戶給印誥賜冠帶織金文綺襲衣。
前軍都督府掌府事隆平侯張信奏叱海寇至福建金門千戶

所副千戶李敬督覈追捕焚賊船斬首五十八級生禽賊首金
總管等男婦十一人獲船二艘 上謂兵部禮部臣曰海寇為
民患久矣今敬等捕獲之功可嘉其議陞賞之於是禮部議奏
統兵副千戶陞指揮俞事賞銀百兩鈔百錠綵帛二表裏領軍
百戶陞正千戶所鎮撫陞衛鎮撫其殺首賊所鎮撫亦陞正千
戶各銀五十兩鈔五十錠綵帛一表禽殺首賊軍陞百戶殺從
賊舍人陞所鎮撫總旗小旗陞試百戶小甲軍人陞總旗俱賞
銀五十兩小甲軍人被創死者其子皆陞總旗仍賞銀十五兩
弓兵氏人協助禽賊者各賞鈔二十錠有被創死者加十錠其
送賊徒到京官軍應陞賞者即循例陞賞仍與貲費鈔二十錠
未至者即所在陞賞從之。湖廣安陸州言州境及京山縣俱
臨漢舊有堤岸傾圮二百餘丈乞修築從之。太醫院使戴原

禮以年老乞致仕從之賜銀五十兩鈔百錠綠幣四表裏原禮
金華人少學於朱彥修一時醫家巨擘嘗事 上藩邸有舊恩
云○端午節賜文武群臣宴 壬午 勅北京行部尚書郭資
曰行部統六曹政務甚煩而卿為之長能悉心殫慮為國為民
凡所經畫具有條理而於糧儲樽節措置尤為得宜比聞小人
或加怨謗古云者已無愆矣恆人言即勞心為國朕知之有素
自今一切浮言宜置度外勿用芥蒂惟懋忠勤以副春倚先是
○上謂廷臣曰北京朕舊封國有國社國稷今既為北京而社
稷之禮未有定制其議以聞至是禮部太常會議以為朝廷王
國及府州縣社稷俱有定制考之古典別無兩京並立太社太
稷之禮今北京舊有國社國稷雖難改為太社太稷然亦卒難
革去宜設官看守如遇 皇上巡狩之日於內設太社太稷之

位以祭仍於順天府別建府社府稷令北京行部官以時祭祀
上可其議乃命依在京山川壇祠祭署例設北京社稷壇祠
祭署置奉祀祀丞各一員隸北京行刑部○北京行部奏請依
在京六部設司務二員及增撥吏典四名從之○癸未賜書慶
成王濟煊曰聞爾已至潞州可於軍民廨舍內擇其頗高大者
居之如有損壞略加修葺而已切不可興造重勞軍民復以書
諭高平高王濟燁平陽王濟璜曰前命爾兄弟暫居平陽其衛
府官不體朕恤人之意拆毀舊廨舍蓋造王府假此為名以肆
賂剝而民何以堪之所謂利歸小人怨萃朝廷朕方與民休息
下今嚴禁不許妄役一民今使朕失信於下已勅衛府罷工爾
兄弟止於軍民公廨暫住毋別有興作軍民安然後朕與爾皆
得安也○陞北京行部郎中張執中為應天府丞○宥雜犯死

罪以下囚徒死罪發戍興州流罪遵化炒鐵役滿放還徒罪文武官依例停俸餘並正輸作百日答杖罪皆釋之。晝太白見已位 欽天監奏大星犯壘壁陣西端四星古法將軍為亂宮中兵起 上以書諭群王高輿率將士回宣府督諸將分兵屯田且耕且守以謹 天戒。甲申進封駙馬都尉袁容李讓侯爵先是太子太師曹國公李崇隆等以奉天靖難諸將爵賞已行而駙馬都尉袁容李讓皆有守城之功恩命未下遂上言曰竭忠靖國固臣子之當為崇德報功乃朝廷之盛典若稽往古無間勲親欽惟 皇上恪遵 祖訓克清內難方當續承大統之初爰及將士從征之績不吝高爵重賞悉皆剖符行封被堅執銳者悉荷榮恩德侮打城者宜均錫命切見駙馬都尉袁容李讓當 皇上躬擐甲冑出馭大軍容讓協心合力固守城池

奮弱為雄驅逐敵旅遂軍民安堵論其功績富冠常倫豈以至
親遂妨公論 上曰朕非忘之俟諸將士封賞皆定然後論之
耳至是景隆等復以為請乃奉哀容為奉天靖難推誠宣力武
臣特進光祿大夫柱國駙馬都尉廣平侯李讓為奉天靖難推
誠宣力武臣特進光祿大夫柱國駙馬都尉富陽侯子孫世世
承襲各給誥券。乙酉 命禮部 北京行部諸司印。改四
川越萬邛都部州為邛部長官司流官吏日仍舊。前北平布
政司參議成進卒璉揚州興化人洪武中由國子生授代州儒
學正教諸生有規矩以為薦陞蔚州知州為清政肅蔚臨邊境璉
與守將協力修邊備民賴以安 上起義之初璉率壯士來謁
賜白金百兩命還守蔚州璉復招邊卒勇敢者得二千人以進
上嘉之併典兵餉仍協力守城多著勞勩 上即位命為參

議將大用之至是卒遣官致祭贈嘉議大夫吏部左侍郎賜其家白金五十兩緜幣八表裏鈔百六十錠官其長子傑為行人○丙戌太祖高皇帝忌日是日早上率諸王奉先殿祭畢仍率百官躬詣孝陵致祭公侯駙馬伯文武四品以上及近侍官於殿前行禮五品以下官於門外行禮○丁亥上慮陞賞靖難功臣有未當者命洪國公丘福等議擬以聞於是福等上言右軍都督僉事李彬功不在思恩侯房寬下都督僉事陳賢都指揮同知張興陳志王友俱以前鋒摧敵功與廣思劉伯才埒故涇國公陳亨子中軍右都督懋全鄉侯王真子通俱未襲爵宜如新寧伯諱忠例陞賞庶愜公論上是其言封李彬為奉天靖難推誠宣力武臣特進榮祿大夫柱國右軍都督同知豐城侯陳懋為奉天朔衛宣力武臣特進榮祿大夫柱國亨

陽伯王通為特進榮祿大夫柱國武義伯王友為奉天翔衛宣
力武臣特進榮祿大夫柱國清逸伯陳賢為奉天翔衛宣力武
臣特進榮祿大夫柱國榮昌伯張興為奉天翔衛宣力武臣特
進榮祿大夫柱國安鄉伯陳志為奉天翔衛宣力武臣特進榮
祿大夫柱國遼安伯俱食祿千石子孫世世承襲給誥券賞李
彬王通各銀三百五十兩鈔六百錠綵帛三十表裏陳賢張興
陳志各銀三百兩鈔五百錠綵帛二十表裏陳懋王友以伯爵
加賜懋銀百五十兩鈔三百錠綵帛十八表裏友銀百兩鈔二
百錠綵帛八表裏仍各賜冠服。以保靖宣慰司所屬蠻人大
至可宜等互相讎殺遣監察御史劉從政等覈勅撫諭之。柳
州等府上林等縣種民梁公竦等六千戶凡男女三萬三千餘
口及羅城縣上酉韋公成乾等三百餘戶復業初韋公等作耗

種民多亡入山谷與之相結事聞遣御史王瑄等招撫復業至是俱至仍隸籍為民。戊子遣河州衛千戶康壽賫勅撫諭撒里畏吾兒及安定衛諸部落。己丑 勅駙馬廣平侯袁容字北京留守行後軍都督府事夜有星如雞子大青赤色尾跡有光出東北雲中中東北行入婁宿 庚寅陞前燕府典寶副朱琇為尚寶司丞復給事中馬麟王徵楊恭張景安官麟等建文中皆坐事廢雲克吏至是召還復職各賜冠帶及鈔 戶部奏山東蝗蝻命分遣人捕瘞

大明太宗文皇帝實錄卷二十上

太宗文皇帝實錄卷二十下

永樂元年五月辛卯洪國公丘福同文武百官進 太祖高皇帝 孝慈高皇后尊謚議前一日禮部同鴻臚寺官於奉天殿中設謚議案是日早錦衣衛設鹵簿駕教坊司設中和韶樂及大樂 上具袞冕御華蓋殿捧設謚官立於奉天殿丹陛之東鴻臚寺入奉執事官行禮贊五拜奉奏請陞殿導駕官前導樂作陞座樂止文武官各具朝服詣丹墀拜位贊四拜興禮部官奏進尊謚序班二員引班首陞丹陛捧謚議官以謚議文授班首班首受謚議由中門入至殿中贊進尊謚議 上與詣謚文案班首進謚議文置于案跪百官皆跪 上覽謚議其文曰帝 王有聖德神功者必有尊謚徽稱爲之于天刊于玉簡昭于無極故三皇之稱曰羲軒二帝之謚曰堯舜逮及禹湯文武之稱

皆由功烈，謀謨之盛，此萬古不易之典。恭惟太祖高皇帝奮
起淮甸，伏劍渡江，英賢雲集，平偽漢，伐偽吳，定關中，廓清中原，
遂平元都，混一海宇，不十年而成大業。極天所覆，極地所載，悉
臣悉妾，與圖之廣，亘古未有。皆由大而能化之，聖聖而不可測
之神。經天緯地之文，保大定功之敬，本于中，明應于外，誠以事
天孝以尊親，仁以育物，義以制事，宵衣旰食，總理萬機，制禮作
樂，立經陳紀，昭宣人文，恢弘治化，繼立天極，為天下君。隆功盛
德，同天地之大，日月之明，雖堯舜禹湯，何以過也。恭惟孝慈
高皇后，天稟之純，聖善明睿，齊莊誠一，輔相太祖高皇帝，恭
儉勞動，功同開創，齊天之德，體坤之道，含弘光大，孝敬肅壘，上
以奉宗廟，下以仁庶，物儀範之隆，表率宮闈，母儀天下，雖塗
山任姒，何以過也。二聖功德，昭格于天，臣等謹遵古典，稽謚

法 太祖高皇帝宜尊諡曰 太祖聖神文武欽明啓運俊德
成功統天大孝 高皇帝 孝慈高皇后宜連諡曰 孝慈昭
憲至仁文德承天順聖高皇后謹議 上覽畢復坐班首與百
官俯伏興班首復位俱再四拜禮畢 上親詣議付翰林院臣
撰冊文。壬辰陞雜造局大使宋得為羽林前衛指揮僉事。
鎮海衛軍張琬言浙言定海諸處實倭寇出沒之地今太倉當
其衝要本衛舊委官率舟師防禦茲軍士數少加以四散下屯
設或遇警無以備之乞令蘇州鎮海二衛原選虎賁士以其半
守護倉廩其半與能幹官員管領增添舟船鎮守海口衝要之
處庶凡寇至無虞從之。癸巳陞保定府同知朱真為保定中
衛指揮同知賞銀十六兩綵幣二表裏鈔二百貫旌其守城功
也。河南鈞州屬縣蝗克其民今年夏稅。甲午封 皇第五

女為常寧公主。戶部言山東臨清會通稅課局洪武間歲辦課鈔八千七百五十三貫比年百姓流徙高賈不通致有虧免若春秋該稅二千三十二貫今止收二十九貫五百文先後多寡之數縣絕乞候人民稍甦如舊徵之。上命免徵二年但經兵處俱准此例。禮部言舊制應天府設學不設上元江寧二縣學今既設北京國子監以順天府學為之革大興宛平二縣而以大興學為順天府學其順天府及二縣生徒通經能文者令充北京國子監生其餘皆充順天府學生從之。乙未追封武定侯郭英為營國公謚威襄并封贈其三代給授誥命。先是有告言代王桂罔上虞氏不軌等事。上遣人察之其有實跡至是賜勅條其三十二罪以讓之且俾悔過遷善云。勅北京留守行後軍都督府曰比聞大寧諸衛官軍多逃於口外相

聚剽掠罪本難容朕念此輩皆太祖皇帝所養東征西伐嘗奮効勞後出於一時畏罪逃聚衣食無資遂至劫奪陷為盜賊改過無由可即差人賫勅往諭朕意既往之罪咸釋不問宜改心悔過各復職役庶凡父母妻子相安於無事若執迷不悛發兵剿捕禍及闔家悔之無及○勅諭兀良哈官軍人等曰朕嗣位之初已嘗詔諭爾眾後遼東守臣言爾等俱欲來朝今遣指揮蕭尚都鎮撫劉忽魯禿百戶和尚往諭朕意但來朝者悉授以官俾仍居本地歲時貢獻經高市易一從所便前阿哥歹那海帖木兒納哈出來寇廣寧守臣禽送至京朕矜其遠人妻各有父母妻子之思曲宥其死就令尚都等送還并諭爾知之○先是上詔文武群臣諭曰朕即位以來體皇考之心存至公之道故於用人無間新舊比見有經黜刺者復用於朝禮有非

宜爾文武群臣其議以聞至是太子太師曹國公李景隆等議曰臣等先奉詔書以建文中陞調授官悉仍見職不動今奉聖旨臣等再議得洪武中有犯黨逆并黔刺而為建文所舉用者俱罷職發原配所有不曾犯罪而為奸臣齊黃等薦舉任用者俱發為民 上曰此議過矣 皇考作養人材皆以遺子孫後雖由奸臣以進豈為奸臣之用此皆不動但洪武中曾犯黨逆者發原配所非犯黨逆而經黔刺者罷遣為民。女直野人頭目買里的平住等二十九人來朝賜之鈔幣。丙申金門千戶所統兵副千戶李猷獻俘至京陞永寧衛指揮僉事如例給賜銀鈔綵幣表裏其領軍百戶孟榮陳繼所鎮撫蕭阿魯灰等及總小旗小甲舍人軍人俱循例陞賞有差仍賜敵愾書曰我國家平定海宇四十餘年生民樂業無間遐邇北瀕海凶人誘

引番寇劫居民累發兵捕之乞無成功蓋由將士畏怯
歲月孤貧任使爾等能視敵如讎以身殉國斬獲渠寇捕戮賊
徒致其餘黨望風奔潰瀕海之民室家相慶雖古戈船下瀨橫
海伏波之能豈相遠哉特加陞實用酬爾功自今宜益茂勲績
用副朕保民之意崇爵厚祿朕不爾吝欽哉○置北京義勇後
神武中忠義中隆慶四衛經歷司經歷各一員○上以太祖
皇帝實錄將成命禮部預定賞格尚書李至剛以修元吏實例
進上覽之曰此述前代興王之跡今朕紀皇考神功聖德
昭範萬世豈可比而同之爾擬議非倫矣遂親定監修官銀百
兩綵幣六表裏織金紗衣一襲鞍馬一副總裁官銀八十兩綵
幣五表裏織金紗衣一襲鞍馬一副纂修官各銀五十兩綵幣
四表裏紗衣一襲催纂黃騰寫官銀三十兩綵幣二表裏紗衣

一襲作纂官銀二十五兩綵幣二表裏紗衣一襲騰馬監生
員儒士各銀十兩鈔三十錠綵幣一表裏騰馬吏各銀八兩鈔
三十錠綵幣一表裏作督騰馬者鈔二十錠絹二疋辦事吏各
二十錠絹一疋。鎮守遼東保定侯孟善奏太僕寺少卿祝孟
獻往朝鮮市馬千匹已至遼東未有處分。上命盡以給遼東
軍士之戍邊者。山東章丘縣言縣境漂河東岸及刁家莊等
處比因山水漲溢衝決堤岸傷及禾稼請命修築從之。丁酉
擢南安府通判李敬初為太僕寺丞。河南蝗免其民今年夏
稅。戊戌遣行人徃四川碭門黎雅陝西河州臨洮諸處禁約
私茶遵舊制也。上元縣言長寧鄉蝗命都指揮吳庸率兵捕
瘞。己亥諭守城功陞前北平布政司左參議孫瑜為戶部左
侍郎左參議朱濬通政司左通政以按察使喬穗為兵部左侍

郎按察僉事楊泰為順天府知府呂震為真定府知府賜賚有
差改前北平右布政使曾昱為山東右布政使檢校張軌為兵
科給事中按察僉事沈鎰為山西按察僉事。庚子以守城功
陞都督同知陳恭為右都督掌北京留守行後軍都督府事賈
銀百兩鈔千貫綵幣八表裏。辛丑陞都指揮使高實為都督
僉事副陳恭掌北京留守行後軍都督府事故都督僉事陳文
子敬為前軍右都督令食其祿俟年長任職。陞指揮僉事田
肯為羽林前衛指揮同知千戶曹雲為府軍後衛指揮僉事周
禮為金吾右衛指揮僉事。五軍都督府同三法司言官吏以罪
謫戍有死於道者皆應補役然罪有輕重。上曰輕者免之重
者追補若先嘗逃竄今後不復遷其家於邊。壬寅命賑山東
歷城等縣饑民計粟六千七百二十石禮部言旨建文罷北五

布政司并直隸鳳陽淮安徐州學校今已復設其歲貢生員請自明年始從之。癸卯賜書慶成王濟炫曰前意爾家屬皆至潞州故令於官廨居住近聞家屬未起爾且回太原。行部言順天八府所屬見在人戶十八萬九千三百有奇未復業八萬五千有奇已開種田地六萬三千三百四十三頃有奇未開種十八萬一千四百五十四頃有奇。勅北京刑部八府之民勤勞累年宜厚撫綏未復業者悉便招撫復業。晝月如金星見於辰位。甲辰諭天下諸司事干王府者遵祖訓啓王知之有司合行事務不許一概啓請推托利害若王府事有相關即遣人馳奏不待報而擅承行者論以重罪。勅北京刑部曰朕初舉兵靖難北京之民皆出丁力以助之征討輸家財以益軍需朕心嘉之未嘗少忘昔太祖高皇帝混一天下以直隸五

府州之民供給為勞特優恤之今內難既清四方平定可覈實
北京所轄郡縣數歲之間其出丁力供財物始終一致者悉以
名聞。夜有星如鷄子大青白色尾跡有光出紫微西蕃內東
北行入內階。晚刻五星皆見積於四方。乙巳賜東寧衛千
戶王得名鈔百七十六錠綵幣七表裏紗衣二襲得名先往朝
鮮招撫遼東散漫軍士復業男婦來歸者萬五百二十五口故
嘉之。丙午廣東南海番禺二縣颶風海潮溢漂民廬舍溺死
三十五人奉聞命戶部速遣人撫視死者卹其家

太宗文皇帝實錄卷二十下

太宗皇帝實錄卷二十一

永樂元年六月丁未朔戶部致仕尚書王鈗言軍士年六十之上老疾者既不能征操又不能耕種宜遣還鄉令壯者代之不徒以實隊伍亦不虛費糧餉從之仍命還鄉者人各鈔五錠其自願隨營不支月糧者聽。戊中以沐昕為駙馬都尉尚書寧公主昕黔寧昭靖王並之子也。陞刑科都給事中周璟為山西右布政使。己酉賑給永平府復業民粟二千二百石有奇。庚戌戶部致仕尚書王鈗言三事一鍾田因人老照籍貫分定地方則有多寡不同難於編甲今宜不籍貫於保定真定順天等府所屬州縣挨程安置先近遠庶幾聚樂易成屯種有效一軍人冬衣布花已有常近因闕給不時其間多罹寒苦今後當時僂運依期給散一通州迤東驛分馬少皆以江

向之民應役別無更替飼養馬匹又如法以致馬多虧折設有警急難充稽違宜令北京行後軍都督府及遼東都司於附近衛所每點撥馬十匹益之皆從之。辛亥 上以久雨謂戶戶左侍郎古朴等曰蘇松嘉湖四郡水必泛溢宜遣人馳往視之遂命侍郎李文郁往佐尚書夏原吉相度被水田地堪種者起民種之後時者除今年祖稅。壬子代王桂有罪削其三護衛止給校尉三十人隨從仍賜勅諭之曰爾所為傲狠悖慢上違 祖訓下虐軍民無君無兄大逆不道朕以同氣之故不欲遽絕特遣人召爾無面訓誨庶其改過以全親親之義爾拒命不至及再召始就道然今天氣已熱道路遼遠於朕心有不忍焉勅至即日歸國其本府三護衛官軍悉革去惟留校尉三十人隨從其文職官俱存輔導爾宜有愆改行毋貽後悔。癸丑

遣監察御史表綱給事中朱亮等分詣直隸府州及浙江等布政司撫按軍民白叢建文之政苦害軍民朕初即位即欲與之休息而所司不體朕心尚肆擾害爾等為朝廷耳目侍從之臣熟知法度故命以撫安之寄其往革除舊弊以安良善凡事與內官錦衣衛官協議過害民及奸貪不法者就執問如律重事奏聞區處務在軍民獲安公私不擾過城池頗壞量撥軍民修理草寇生發即調兵勦捕蓋軍民人口財產皆憑城池保護若不隨時修理後益傾圮用功愈艱草寇生發傷害良善若不隨時剿捕小成猖獗之勢為患將深此二事不得不用人力及饋運糧草供給軍儲亦須隨時調遣其餘一應事務非奉朝廷明文一夫不許擅差一毫不許擅科有故違者必實奏聞以法治之。授山西按察司叅事監生趙琮為山東按察司僉事

○甲寅日下午五色雲見。丙辰夜金星犯畢宿石股北第三星。丁巳以上 太祖高皇帝 孝慈高皇后尊謚先期齋戒 遣珙國公丘福祭告天地成國公朱能告 宗廟禮部尚書李至剛告 社稷鴻臚寺設冊寶典及香案于奉天殿是日早內侍先以冊寶置于案太常寺先設冊寶案于 太廟門外丹陛上 皇考 皇妣神御前各設冊寶案鴻臚寺設冊寶典於奉天門外御道上錦衣衛設鹵簿教坊司設中和韶樂及大樂如常儀文武百官具祭服告詣 太廟門外立俟執事中并先冊寶官先從之 太廟右門入以序立于殿右 上具袞冕御華蓋殿捧冊寶官四員各具祭服於奉天殿東西序立鴻臚寺奏詣行禮導駕官導 上出奉天殿冊寶案前捧冊寶官各捧冊寶前行導駕官導 上行至奉天殿丹陛上捧冊寶官各以冊

寶置綵輿內商簿大樂前導 上乘輿隨綵輿後行至午門外
降輿陞輅至 太廟門文武百官皆跪俟綵輿過輿 上降輅
隨綵輿至 太廟中門外置綵輿於中道捧冊寶官各於綵輿
內取冊寶前行 上隨行至丹陛上捧冊寶置于案典儀唱樂
舞生就位執事官各司其事內贊奏就位導引官導 上就拜
位典儀奏迎神奏樂樂止內贊奏 上四拜百官同典儀奏進
冊寶捧冊寶官以次捧冊寶前行導引官導 上行由左門入
至廟中捧冊寶官序立于執事官及宣冊寶官之前導引官導
上詣 皇考神御前奏跪奏稽首奏進冊捧冊官以冊跪進
于 上左 上受冊以冊授執事官置于案左奏出圭贊宣冊
宣冊官跪宣于 上左冊文曰維永樂元年歲次癸未六月丁
未朔越十一日丁巳孝子嗣皇帝臣 謹拜手稽首言 臣聞俊

德贊克重華美舜禹湯文武列聖相承功德兼隆威膺顯號欽

惟 皇考皇帝統天序運奮自布衣戡定禍亂用夏變夷以孝

治天下四十餘年民樂難熙禮樂文章垂萬世德合乾坤明同

日月功超千古道冠百王謹奉冊寶上遵諡曰 聖神文武欽

明啓運俊德成功統天大孝高皇帝廟號 太祖伏惟 聖靈

陟降陰臨下民履情無極如天長存謹言宣冊訖奏措圭奏進

寶捧寶官以寶跪進于 上左 上授寶以授執事官置于案

右奏出圭贊宣寶宣寶官跪宣于 上右寶文曰 太祖聖神

文武欽明啓運俊德成功統天大孝高皇帝之寶宣寶訖奏俯

伏興平身導引官導 上詣 皇妣神御前進宣冊寶如前儀

冊文曰維永樂元年歲次癸未六月丁未朔越十一日丁巳孝

子嗣皇帝 臣 謹再拜稽首言 臣 聞自古后妃皆承世

緒鳩汭壙虞禘祥帝室周姜輔治肇迹邦君欽惟 皇妣孝慈
皇后以聖嗣聖同起側微弘濟艱難化家為國克勤克儉克敬
克誠克孝克慈以奉神靈之統理萬物之宜正位中宮十有五
年家邦承式天下歸仁謹奉冊寶上尊諡曰 孝慈昭憲至仁
文德承天順聖高皇后伏惟 聖靈陟降膺茲顯名日月光華
照臨永世謹言寶文曰 孝慈昭憲至仁文德承天順聖高皇
后之寶宣寶記 上復位奏四拜文武百官皆四拜興行祭禮
如常議祝文曰維永樂元年歲次癸未六月丁未朔越十一日
丁巳孝曾孫皇帝 敢昭告于 五廟太皇太后曰惟我 皇
考皇帝 皇妣皇后誕膺 天命化家為國身致太平四十餘
年功德之隆亘古莫比尊號未稱宜加追崇乃命文武群臣議
上尊諡衆心所戴輿論翕同 皇考尊諡聖神文武欽明啓運

俊德成功統天 大孝高皇帝廟號 太祖 皇妣尊諡孝慈
昭憲至仁文德承天順聖高皇帝后茲者恭上冊寶謹具特禮
祭告○戊午頒詔天下詔曰朕惟帝王盛德皆因實而著名達
孝尊親必揚名而顯實此故勲重華所以贊堯舜而宣摯於皇
所以頌文武也洪惟 皇考皇帝聰明神武俊德格天至誠膺
合於乾剛光大實侔於坤厚固天縱之至聖膺歷數之在躬當
元運訖錄四海紛紛疆界相陵生民塗炭閔墊溺之莫極奮一
劍以龍興無一民寸土之資致英雄萬國之會汎埽妖氛奠安
寰宇不數載而成帝業乃一舉而致太平制禮作樂典章煥乎
重新用夏變夷人文蔚其宣朗東西際日月之出沒南北極寒
暑之幽遐咸蒙覆博均被沾濡四十餘年德教洋溢淳風熙皞
自生民以來未有盛於 皇考皇帝者也 皇妣孝慈皇后齊

莊懿淑恭儉仁孝誕符景運作配 至尊弘濟艱難化家為國
盡其誠敬之心以奉 神靈之統輔成乃治表著母儀極天下
之富貴曾何加於其身躬蠶桑以為常服澣濯不為異有樛木
逮下之德致螽斯多男之祥雖妣汨嬪虞塗山啓夏有娥肇殷
勢任典周蹟同開創實莫與京自古后妃未有盛於 皇妣孝
慈皇后者也仰惟二 聖之鴻休允合兩儀之大德日月于邁
深切孝思念名號未稱乎功德典禮必在於追崇考諸經史之
文尤重尊親之制乃者下詔廷臣定上尊謚衆心懃慕輿論僉
同 皇考尊謚聖神文武欽明啓運俊德成功統天 大考高
皇帝廟號 太祖 皇妣尊謚孝慈昭憲至仁文德承天順聖
高皇帝告于 天地 宗社以六月十一日恭上冊寶嗚呼顯
號鴻名永協臣民之公論配天享祀用伸人子之至情光華宇

宣帝裕萬年布告天下成使聞知分遣給事中楊春等十二人
為正副使頒詔安南暹羅諸國仍賜其王綵幣。以上尊誥冊
寶禮成賜公侯駙馬伯儀賓五府六部都察院通政司大理寺
太常寺國子監應天府翰林院欽天監太醫院近侍修史導駕
官僧錄司通錄監察御史宴其餘官員人賜鈔一錠。設水東并乘
西蠻夷二長官司俱隸貴州都司以把事向西為水東長官司
土人楊文真為乘西長官龍里長官司長官何信幼弱以谷龍
寨頭目宋文勝為龍里長官從貴州宣慰使安卜訛所請也。
夜有如雞子大青白色出東北雲中西北流丈餘發光如蓋大
一小星隨之雲中沒。庚申增設註浪衛通遠驛并通遠遞運
所。辛酉監修國史太子太師曹國公李景隆等總裁官翰林
侍讀學士解縉等上表進 太祖高皇帝實錄前一日設香案

于奉天殿丹陛之中表案于丹陛之東錦衣衛設鹵簿駕教坊
司設中和韶樂及大樂如常儀設寶輿于奉天門是日早史官
捧寶錄置其中上御華蓋殿具袞冕鴻臚寺官奏執事官行
禮贊五拜奏請陞殿導駕官前導樂作上御奉天殿樂止文
武官各具服詣丹墀分左右侍班鴻臚寺官導引寶輿至丹陛
上史官奉寶錄置于案史官入班鴻臚寺官奏進寶錄序班舉
寶錄案以次由殿中門入班首由左門入上與序班以寶錄
案置于殿中班首跪于案前贊史官皆跪序班并內侍官舉寶
錄案入謹身殿置于中上復座贊俯伏班首俯伏與復位贊
四拜贊進表序班奉表案由左門入置于殿中贊宣表贊眾官
皆跪宣訖贊贊俯伏與贊四拜與進寶錄官退於東班侍立文
武百官入班鴻臚寺官奏奉天靖難推誠宣力武臣特進榮祿

大夫右柱國左軍都督府左都督成國公臣朱能同文武百官
恭遇 太祖聖神文武欽明啓運俊德成功統天大孝 高皇
帝 孝慈昭憲至仁文德承天順聖高皇后實錄纂成群臣權
忭禮當慶賀宣訖各官四拜興贊有制史官仍入班贊跪宣制
太祖聖神文武欽明啓運俊德成功統天大孝 高皇帝

孝慈昭憲至仁文德承天順聖高皇后功德光華纂述詳實朕
心懽慶與卿等同之宣訖俯伏典三舞蹈山呼又四拜禮畢是
日如所定賞格賜景隆等八十六人仍賜宴奉天門命公侯伯
五府六部都察院通政司大理寺國子監應天府太醫院欽天
監堂上官皆預焉。壬戌改築湖廣江華千戶所城先是本所
言誠決於洪水 上遣人視之至是還言城正當水勢所衝若
重築之徒勞人力宜改築於城北從之。癸亥齊王樽遣指揮

鍾信進石床龍紋棕靴命以福生布九十匹將藥布洗白布各百疋色紗五十疋答之。甲子戶部尚書郁新言河南郡縣蝗所司不以聞請罪之。上曰朝廷置守資其惠氏凡民疾苦皆當卹之今蝗入境不能撲捕又蔽不以聞何望其能惠民也此而不罪何以懲後命都察院遣監察御史按治之。乙丑陞前燕府良醫陳克恭王彬袁寶為太醫院判。丙寅以實錄成陞纂修官吏部郎中徐旭為國子祭酒太常博士錢仲益知縣楊觀梁潁王褒為翰林修撰國子助教王達給事中朱絃為編修行人蔣驥為檢討國子博士金玉鉉為翰林五經博士晉府伴讀蘇伯厚為翰林侍書教諭解榮劉宗平為待詔教授張顯為國子學正訓導傅貴清羅師程為國子學錄知府劉辰為江西布政使司左叅政禮部郎中胡遠為左叅議廣東按察司僉事

李煒為福建布政司左參議知縣趙季通例應陞而以疾乞教
職授國子博士僉事葉砥改吏部考功郎中知縣唐廣雲改監
察御史楚府教授吳勤改開封府學教授陞騰鳳官主事陸顯
為禮部員外郎端孝思為兵部員外郎推監生鍾子成陳葵訓
劉謙沈文為中書舍人梁逢吉葉著沈紹先華嵩喬岳衛浩鄭
中余從善陳俊良為監察御史生員金寔為翰林典籍汪琦等
十人為知縣。丁卯北京行部奏請添置戶曹隋史司主事三
員從之泉州衛金門千戶械送所獲海島逃民至京師言其數
審奴掠海濱誅之。上曰或者其初窘於貧不然則有司失於
緝撫逃聚為盜豈非得已命釋之且問曰尚有逃聚未歸者乎
對曰多有之因遣賞勅往諭之勅曰爾本國家良民或因于衣
食或苦於吏虐不得已逃聚海島奴掠苟活朕念好生惡死人

之同情帝皇體天行道視民如子當洗滌前過咸俾自新故已
獲者悉宥其罪就俾賫勅往諭爾等朕已大赦天下可即還復
業安王樂生共享太平若執迷不悟失此事機後悔無及其後
勅書至彼皆相率來歸矣。戊辰遣內官祭中雷自是為定制
命武安侯鄭亨充總兵官武城侯王聰充左副總兵安平侯
李遠充右副總兵率師駐宣府備禦。己巳書諭郡王高煦曰
聞爾兵行初至清河從者為雷震死過居庸汝幕中釜鳴皆不
祥之徵不可不謹即率騎兵三百人還北京餘令武安侯鄭亨
武城侯王聰安平侯李遠總之就駐宣府。命宗人府經歷黃
中致仕中時年未六十引疾辭蓋特恩云。江西南昌衛言向
水竦城垣及門命侯農隙修之。庚午陞尚寶司丞李得成為
陝西布政司左參議得成初以孝行得官雖不學然能數言民

間不省事 上重之故有是命。辛未朝鮮國王李芳遠遣陪
臣石璘李原等奉表謝賜藥并貢馬及方物且請冕服書籍

上嘉其能慕中國禮文悉從之命禮部具九章冕服五經四書

并鈔及綵帶表禮侯使還賜之。壬申修滁州衛城。浚山東

昌邑縣河渠五所長六千七百七十丈各廣一丈五尺深五尺

。晝月與金星同見已位夜有星如鷄子大青白色有光出騰

蛇東北行至雲中。於酉修築山東高密縣濰州等處水泆堤

岸。甲戌復鎮番衛建文中革衛而設守禦千戶所於莊浪至

是守臣請復 上曰鎮番地接胡虜守禦不可廢命兵部亟復

之選邊將一人率莊浪軍士戍守。巡按直隸監察御史馮本

清言太倉衛城垣坍塌命侯農隙修之。乙亥改舊承奉司為

北京內官監秩正四品。是月免追鳳陽五衛被擄屯牛八百

八十九頭。秋七月丙子湖亭 太廟 上諭翰林侍讀學士
解縉等曰天下古今事物散載諸事篇帙浩穰不易檢閱朕欲
悉采各書所載事物類聚之而統之以韻庶幾考察之便如探
囊取物再嘗觀韻府回溪二書事雖有統而采摘不廣紀載大
略爾等其如朕意凡書契以來經史子集百家之書至于天文
地志陰陽醫卜僧道技藝之言備輯為一書毋厭浩繁。陝西
布政司左參政李得成赴任陞辭賜鈔六十錠綵幣二表裏絹
四疋紵絲衣一襲。戊寅陞科都給事中歐陽以恭為河南布
政司左參政廣東道監察御史朱懋為按察司副使大理寺右
寺丞戚遶為山東布政司左參政陝西道監察御史李樂為按
察司副使兵部郎中李賢為陝西布政司左參政湖廣道監察
御史王煜為按察司副使擢詹事府錄事馬俊寧德縣知縣闕

可成威海衛試經歷余延慶寧遠縣丞黃童玉山縣典史李傑
監生汪必先鍾震劉觀郭林金英張翥陳英楊秦劉寔王文為
監察御史廣西大曾鎮巡檢徐崇威為中書舍人。吏部言太
僕寺太常寺光祿寺禮通政司大理寺國子監鴻臚寺翰林院正
佐官考滿舊例四品以上本部不考五品以下未有定擬命准
四品以上之例。修遼東鉄嶺復州二衛城池。己卯 上命
禮部會議靖江府輔國將軍品級禮儀本部官同太子太師曹
國公李景隆順昌伯王佐吏部尚書寔義等校會 祖訓錄內
靖江王別子授鎮國將軍三品孫輔國將軍四品曾孫奉國將
軍五品玄曾鎮國中尉六品五世孫輔國中尉七品六世以下
世授奉國中尉八品 皇朝祖訓內郡王子孫不開品級鎮國
將軍歲用米千石輔國將軍八百石奉國將軍六百石鎮國中

尉四百石輔國中尉三百石奉國中尉二百石今考 祖訓錄
內閣輔國將軍四品事例在前 皇明祖訓內閣歲用祿米八
百石事例在後若依祿米合依從二品為允及洪武二十九年
十二月集議將軍與駙馬儀賓公侯相見將軍居左駙馬居右
皆再拜與文武一品至三品相見將軍居中各官拜將軍答拜
與四品以下官相見各官拜將軍較遇將軍於道駙馬儀賓公
侯讓左並行一品至三品引馬側立四品以下下馬內廷出入
由左門凡傳其言者稱鎮國將軍喬旨稱呼之曰官人今宜俱
依舊制但內廷出入宜從右門其袍服花樣除龍鳳文外隨宜
製用從之。修紹興府山陰陽浮橋。庚辰陞都指揮僉事劉
得為山西都指揮同知金吾右衛僉事曹名為本衛指揮使大
寧衛指揮僉事肖泰為府軍後衛指揮同知旗手衛千戶施道

為本衛指揮僉事以故指揮同知崔昌子承襲陞金吾右衛指揮使。福建建寧衛言霖潦壞城垣命修之。辛巳陞龍驤衛指揮僉事高得為遼東都指揮使河南布政司左參政歐陽以恭按察司副使朱懋山東左參政戚繼按察司副使李樂陝西左參政李賢按察司副使王煜陞辭人賜鈔六十錠紵絲衣一襲綵幣二表裏絹四疋。壬午雲南孟養府土官知府刀木旦差姪刀滿賽等來朝貢方物及金銀器皿賜鈔及絨錦金織文綺表裏。癸未命戶部歲給駙馬都尉沐昕祿米二千石。甲申以周王橚生日遣駙馬都尉宋琥賫鈔幣衣服鞍馬羊酒賜之。夜金星入井宿。乙酉降浙江都指揮同知李信為指揮使信坐威迫管軍官致死法司論其罪落職以聞於上。上念舊信執特宥之。丙戌上諭兵部臣曰比聞民間馬價騰

貴蓋民不得私畜故也。漢文景時閭里有馬千百為群，民有即國家之有其榜諭天下，聽軍民皆畜馬，官府不得禁。又曰：三五
年後，庶幾馬漸蕃息。廣東布政司言水壞連州儒學及河源
曲江英德三縣城垣，宇壇廟乞修理從之。戶部言淮安徐
州諸郡民饑，命發粟賑之，凡給官粟八千四百四十餘石。丁
亥，復設山東安丘縣之渠立浯門昌樂縣之新輿馬驛。戊子，
勅鎮守遼東保定侯孟善曰：爾奏天鼓鳴，考占書所鳴之方有
兵，天戒如此，不可不慎。其深警者毋怠。己丑，復戶部左侍郎
嚴奇良通政司右通政丘顯官奇良等。建文中，並以事罷為民
至是復之。擢興寧縣試知縣汪澄為廣西道監察御史。致
仕禮部尚書鄭沂來朝，命仍知禮部事。庚寅，遣指揮羊來等
賁書諭虜主，克力赤書曰：自昔有天下者，必得天命，故運祚興

表事機成敗人心去留皆非智力所能與寔其之中寔有為之
主宰者宋失天命元世祖入而代之立國垂統將及百年得天
命也遠後嗣荒縱致以乖亂天命不畀海內兵起國勢土崩
天乃眷求有德命我 皇考太祖高皇帝削平禍亂統御華夷
立綱陳紀制禮作樂治道昭明萬方寧謐此豈人力所能寔
天命所在也肆朕仰承 天休入正大統嘗遣使臣朵兒只等
賫書幣往報重念帝王之治以天下為家可汗遠處沙漠當知
天命廢興之故遣往來講好修睦竊聞有所覲覲是特自生蒙
端蓋遠天道命非善者也古語順天者昌逆天者亡可汗博古
知今寧不鑒此今再遣指揮羊來完者帖木兒等賫書諭意并
致儀物可汗其審之遂遣鬼力赤文綺綵幣表裏各二仍賜所
部馬兒哈咱也孫台板台阿魯台幹里不花脫脫不花阿憐帖

木兒脫火赤朶兒只藏百哈失帖木兒失刺千千家奴打蘭麻
羅呵脫老溫等綵幣表裏各一。辛卯上元縣耆民言洪武中
龍江復成橋下通三條湖湖可容舟四百餘艘凡舟行率遇風
濤即趨湖內以避頃年淤塞不通舟楫屢厄於風乞仍舊開浚
以便往來從之。是夜月食初天色澄朗及期陰雨不見。癸
己改北京刑部左侍郎許思溫為吏部左侍郎右侍郎墨麟為
兵部右侍郎許刑部中丞王鍾為戶部右侍郎前北平布政司右
參議盧祥為刑部右侍郎揚州府知府張本為江西布政司右
參政房吉為四川布政司右參政。甲午以北京真定府知府呂震
為大理寺左少卿新昌伯唐雲卒雲事上于藩邸最久慎恪
果毅為上所知命領壯士侍衛左右出入未嘗離雲於諸將
中年最高且勇智為人所信服軍中一日有異雲察知之諭以

天命有在衆遂定 上由是益信任之每出師必命雲輔世子
守城敵至出兵禦之未嘗失利崇陞都指揮使新封昌伯至是
卒 上輟視朝二日命有司備棺槨治葬。乙未戶部言直隸
崑山縣水命給粟賑其民凡給兵千二百八十石。丙中戶部
尚書郁新等言淮河至黃河多淺灘跌波餽運艱阻請至淮安
用船可載三百石以上者運入淮河沙河至陳州潁岐口跌波
下復以淺船可載二百石以上者運至跌波上別以大船載入
黃河至八柳樹等處令河南軍大運赴衛河轉輸北京從之。
丁酉周世子有燾來朝。占城國王占巴的賴遣使婆甫郎等
奉金葉表文來朝貢方物且言其國與安南接壤數苦其侵掠
請降勅戒諭 上可之賜其使鈔幣及織文綺襲衣。江西右
參政張本四川右參政房吉陞解賜鈔八六十錠紵絲衣一襲

錄幣二表裏絹四疋。夜有星如鷄子大青白色有光出奎宿南行入壘壁陣。戊戌夜有星如盞大青白色有光出參旗東北行入四瀆二小星隨之。己亥以前北平按察司僉事謝勉為大理寺左寺丞。遼東都司言金州等衛蝗命戶部遣人馳往捕之。庚子勅諸邊將曰今火星犯壘壁陣占云先起兵者亡諸將守邊須上順天心下察敵情如有機可乘時不可失亦須詳審若敵情未得無可乘之機宜謹天戒切勿妄動。賜淮安黃河衛河至北京餽運軍士鈔人五錠仍令各衛疏其自家屬者別給之於是給山東平山等衛軍士家屬千二百九十七人鈔三錠。夜有二星如鷄子大俱青白色其一出天樞西北行入文昌其一尾跡有光出離宮西北行入觚爪。壬寅賜禮部尚書鄭沂鈔二十錠戶部侍郎嚴哥良左通政丘顯鈔

人十六錢。閏其衰老故也。○癸卯，命禮部訪求在京官員軍民之家女子年十五至二十容止端正，德性閑淑者，備王妃之選。○周世子有燬，還國，賜鈔二千錠，并賜其隨從官軍鈔有差。○陞紹興府李慶為刑部右侍郎，復欽天監副伯陽官伯陽在監久言行篤實，上重之，比以言事忤旨，落職，令官帶辦事，無幾復之。○巡按廣東監察御史言霖雨埭惠州河源等衛所城宜及時修築，從之。○中辰，賜吏部左侍郎許思溫兵部右侍郎墨麟大理寺左少卿呂震銀五十兩，鈔九十錠，綵幣八表，裏戶部右侍郎王鍾銀十二兩，鈔五十錠，綵幣二表，裏刑部右侍郎盧祥銀十兩，鈔六十錠，綵幣二表，裏禮部祠祭司郎中程得兵部武庫司郎中魏英各銀四兩，鈔二十錠，綵幣一表，裏以北京守城功也。○夜有星如鷄子，大青白色，有光出天津西北行入

游氣。乙巳給僧度牒三百五十二。○夜有二星如鷄子大俱
青白色尾跡有光其一出羽林軍西南行入近濁其一出北落
師門旁東南行入近濁

太宗皇帝實錄卷二十一

太宗文皇帝實錄卷二十二

永樂元年八月丙午朔谷王穗第二子生賜名煚性處州府知府劉仲廉為工部右侍郎岳州府知府唐庸為湖廣布政司右參政。丁未遣官釋奠先師孔子。置貴州乖西夷長官司流官吏日一員。戊申祭太社太稷。初上以蘇松水患為憂遣都察院右僉都御史俞士吉齎水利集賜戶部尚書夏原吉使講究極治之法至是原吉上奏臣奉職不稱重貽宵旰之憂夙夜兢惕惟勤咨訪欽承聖諭愧感交集臣與共事官屬及諳曉水利者參考與諭得其梗概蓋浙西諸郡蘇松最居下流嘉湖常三郡土田下者少高者多環以太湖綿亘五百餘里納杭湖宣歙諸州溪澗之水散注澱山等湖以入三泖頃為浦港堙塞匯流漲溢傷害苗稼極治之法要在浚滌吳松諸浦港

池其壑過以入于海按吳松江舊袤二百五十餘里廣百五十餘丈西接太湖東通大海前代屢疏導之然當潮汐之衝沙泥淤積屢浚屢塞不能經久自吳江長橋至下界浦約百二十餘里雖云疏通多有淺窄之處自下界浦抵上海縣南踰浦口可百三十餘里湖沙壅障菱蘆叢生已成平陸欲即開浚工費浩大且灑沙游泥泛泛動盪難以施工臣等相視得嘉定之劉家港即右婁江徑通大海常熟之白茆港徑入大江皆係大川水流峻急宜浚吳松江南北兩岸安亭等浦港以引太湖諸水入劉家白茆二港使直注江海又松江之大黃浦乃通吳松要道今下流壅塞難流疏浚傍有范家浦至南踰浦口可徑達海宜浚令深濶上接大黃浦以達仰湖之水此即禹貢三江入海之跡俟既開通相度地勢各置石閘以時啟閉每歲水涸之時修

築圩岸以禦暴流如此則事功有成於民為便 上從其言命
集民丁開浚。蘇州府知府湯宗以坐視水患下獄。己酉陞
刑部主事樊或為福建按察司副使刑科右給事中朱原真為
吏科都給事中。路事中王高為本科右給事中禮科右給中
中郎誨為本科都給事中給事中張信為本科右給事中吏科
給事中魯崇為本科右給事中擢能吏周讓為戶科給事中山
東安丘縣紅河決傷稼二百餘頃命工部遣官修築。夜金星
犯鬼宿西南星。庚戌韓王松第三子生賜名冲煬。辛亥戶
部言四川羅片鹽井水耗其井斫縣大羅片竹筒小井可以開
煎從之。直隸和州民言州境保大等圩堤岸百二十餘里內
有斗門九座上通銅城關下通洋子江舊蓄水溉田比年潮漲
沙淤圩岸傾頽乞修浚以便民從之。應天府 奏請官考鄉

試 上命翰林院侍讀胡廣編修王達為考試官賜宴于本府
○癸丑遣官往賜朝鮮安南占城暹羅琉球真臘瓜哇西洋蘇
門答刺諸番國王賊綿織金文綺紗羅有差行人呂讓丘智使
南安按察副使閻良輔行人審善使瓜哇西洋蘇門答刺給事
中王哲行人成務使暹羅行人蔣賓興王樞使占城真臘行人
邊信劉元使琉球翰林待詔王廷岳行人崔彬使朝鮮人賜紵
絲衣一襲鈔二十五錠使朝鮮者加衣一襲及皮裘旅帽○勅
安南胡奎曰朕君臨萬方體天為治一物失所時予之辜今占
城言與爾隣壤爾屢興兵侵其土地殺其人民剽掠財物占城
之人困爾荼毒夫兩國土地傳自先世而主于天子何得恃強
踰越為惡受禍古有明戒然事已在赦前茲不深究自今宜保
境安民息兵修好則兩國並受其福爾其欽哉○丙辰 命工

部所制中宮儀仗內增紅杖一對。澧湖廣按察司僉事徐成
為河南按察司副使登州府知府畢汝舟為廣東布政司右叅
政。禮部言函簿中宜有九龍車一乘又舊有金缸紅鼓各四
面觥燈紅油紙燈各三對而今闕之請增製。上曰禮貴得中
過為奢不及為儉仲尼曰與其奢也寧儉。先朝定禮審之精
矣後世子孫遵用舊章當自朕始豈可輒有增益以啓後世之
奢哉九龍車既先朝所無即不可增舊有而今闕者令工部
補造禮部又言東宮妃儀仗如親王妃堆香爐香盒如宮中但
不用金其水盆水碓皆用銀從之。丁巳造官祭歷代帝王。
上以海外番國朝貢之使附帶物貨前來交易者須有官專至
之遂命吏部依洪武初制於浙江福建廣東設市舶提舉司隸
布政司每司置提舉司一員從五品副提舉二員從六品吏目

一員從九品。修河南安陽縣河堤。戊午祭太歲雲雷雨。海鎮請山川等神。遣官祭旗幟。兵部言海州定遠二衛洪武中各調三所官軍往設廣寧二護衛。今已改為廣寧左右衛。其原調官軍亦宜各復本衛。況州正當邊境。衛要守備尤重。上命以海州衛原調官軍還之。餘仍留廣寧。己未。命左通政趙居任行人。張洪僧錄司右闡教道成使日本國。賜居任洪各給絲衣一襲。道成金襴袈裟及僧衣錫杖如意淨瓶鉢盂各一事。仍賜三人各鈔十錠銅錢一萬文。庚申。陞陝西河東鹽運司判官萬秀為山西按察司副使。曲靖府同知吳翔為廣西布政司右叅議。實授兵科試給事中。萬奉為本科給事中。復劉文陝西道監察御史。文建文初坐事罷斥。至是召復之。設雲南楚雄府楚雄縣儒學。先是本府言所屬人民類皆蠻夷。不

知禮義惟楚人一種賦性溫良有讀書識字者府州已嘗設學
教養其縣學未設今楚雄縣所轄六里而楚人過半近委官勸
集民間俊秀子弟入學讀書而無師範請立學置官訓誨從之
○辛酉 賜晉王濟熿書曰比有自山西來者言爾弟濟炤數
以圖書擅給驛馬我國家定制遇急務以符驗給驛馬無符驗
而擅給者有罪今以爾弟之故姑屈法不問然其有過不使之
知則恐將來復蹈前失爾為之長兄宜善諭之使奉法循理永
保富貴庶不辱前人爾有愛弟之譽朕亦不失親親之道○福
建建寧府言本府建安等七縣歲徵糧二十萬一千餘石原撥
贛建寧衛及本府倉今以建陽崇安二縣糧改撥福州自崇安
至福州七百餘里水皆灘石難以輸運乞仍輸本府倉為便從
之○癸亥 命京衛及浙江湖廣江西蘇州等府衛造海運船

二百艘○浙江緒山風潮衝決江塘萬肆百餘步壞田四百餘頃命工部遣官修築○甲子陞鴻臚寺右少卿陳禎為河南布政司右叅政工部郎中易英為左叅議浙江道監察御史劉從政為右叅議○乙丑平江伯陳瑄總督海運糧四十九萬二千六百三十七石赴北京遼東以備軍儲○丙寅以羽林前衛致仕千戶王欽首歷城侯盛庸不法事得賈賞銀百兩鈔四百錠陞本衛指揮同知○己巳定罪囚北京為民種田例先是刑部尚書鄭賜都察院左都御史陳瑛等上言伏維 皇上臨御以來首詔天下刑名一依大明律科斷親錄囚徒多從寬宥蓋念赤子無知誤罹刑憲其生路俾之自新然無籍之徒恃恩玩法犯者餘多若不從其鄉土處劾成風弊將愈甚北京永平遵化等處壤地肥沃人民稀少今後有犯者令於彼耕戍涉歷辛

苦頓挫奸頑庶幾良善復安詞訟簡息凡徒流罪除樂工窩匠
拘投考如殘疾收贖其餘有犯俱免杖編成里甲並妻子發北
京永平等府州縣為民種田定立年限納糧當差杖罪除官吏
不該罷職役者及民單丁有田糧者依律科斷餘皆如之若河
南山東陝西山西江西北直隸府州縣就彼發遣北京刑部浙江
江西廣東福建湖廣四川及江南直隸府州縣除土官地方外
其餘俱解戶部定撥發遣 上是之命犯杖罪者其牛具種子
皆給直五年後如民田例科差徒流遣徙者不給直三年後如
民田例科差禮部仍會官議其直之多寡以聞禮部議奏以山
東山西河南陝西四布政司就本部政司編成里甲應給鈔者
人給鈔三百貫編成一甲二甲既先發遣每甲先買牛五頭有
自能多買者聽其浙江六布政司及直隸府州俱送戶部如前

編甲給鈔發遣先於順天府所屬州縣內人撥荒閒秋夏田地
共五十畝有力自願多耕者聽永平諸處以次定撥事故者不
追補其軍戶有犯者每一名存留二丁聽補軍役止依律科斷
三丁以上者依例發遣種田其當軍多昏者此數存之監生
員已有定例吏典有謀犯者在京准工在外科決畢皆復役北
京所屬有犯正依律科斷上悉從之○庚午遣內官楊宣等
賫勅無論麓川車里八百老撾右刺詔調特令冬烏孟定孟養
木邦等處土官仍命西平侯沐晟遣人偕行○復甘州前後衛
威虜衛鎮夷千戶所○曉刻老人星見丙位○辛未命工部
修周顛仙碑亭於廬山蓋太祖高皇帝所建也○廣東湖州
府地震○壬申工部言山東福山縣河決護城隄二百九十餘
丈壞風雲雷雨山川等壇命即修築○日生左右珥青赤色鮮

明隨五色雲見○癸酉前北平都司經歷吳中為大理寺丞擢
瀧水知縣徐敬為監察御史荊州府試推官濮銘為雲南布政
司右叅政改廣西按察副使王冀為雲南按察副使冀未行調
山東按察副使○設陝西慶陽環縣靈祐馬驛從寧免總兵官
左都督何福言也○置北京保定後衛經歷司經歷一員○甲
戌命禮部征討將士欲省親遣北京者並予賜賚都督都指
揮人鈔五十錠千戶十錠百戶八錠胡椒二斤旗軍四錠胡椒
一斤簡直隸蘇州等十郡浙江等九布政司富民實北京○夜
有星如蓋大青白色光燭地出敗瓜西行天市垣至帝座旁○
乙亥亥禮掌中都留守司事都指揮僉事劉榮為都指揮同知
以錦衣衛校衛李政平內難有功超陞本衛指揮使以雲南都
指揮使王俊子信代其父職金吾右衛故千戶白歹子也速不

花襲淫本衛指揮僉事

太宗文皇帝實錄卷二十二

太宗文皇帝實錄卷二十三

永樂元年九月丙子朔。勅諭中外文武羣臣曰。為治之道在寬。猛適中。禮樂刑政施有其序。唐虞三代至漢唐宋。率由茲道。舜誅四兇。明五刑。夏禹承之。聲教達于四海。周公相武王。滅國五十。至成康而後。刑措不用。漢高祖初定天下。命蕭何定律令。韓信申軍法。至文景。挾書之律。肉刑之慘。一皆除之。唐高祖革隋弊。政定官制。頒律令。太宗承之。懲斬趾。禁鞭背。力行仁義。幾致刑措。宋初。太祖懲五代之亂。用刑頗重。咸平以後。務從寬仁。載之前史。可攷。見矣。朕皇考太祖高皇帝。奮起布衣。當胡俗沈淪百年之後。姦雄睥睨。反側之餘。撥亂反正。不得已而用刑。特權一時之宜。及立為典常。既有定律。頒之天下。復為祖訓。垂憲子孫。而豐剗刑宮。并禁不用。朕以菲德。躋成大統。仰思聖謨。

夙夜祇服惟欲舉賢材興禮樂施仁政以忠厚為治爾文武羣
臣尚思各共乃職敬乃事勿為朋比勿事貪黷勿恣情縱慾以
干匪彝至於用刑必欽必慎期于刑措用臻康理以上不負
皇考創業之艱而朕于守成之道亦庶幾焉爾惟欽哉。曉刻
金星犯軒轅左角星○丁丑夜土星躔于女宿留于十二諸國
代星之上形色黃白精明○戊寅擢高堂州民王政為刑科給
事中以建言獎用云○福建延平府尤溪縣言本縣與沙縣歲
運糧於福州延平二府本縣去延平二百餘里且順流而下宜
以本縣糧運福州沙縣運延平為便從之○己卯順天府大興
縣進嘉禾命獻 宗廟 夜有星如鷄子大青白色光明出處
宿東南行人羽林軍二小星隨之○庚辰淫浙江嘉興府知府
劉觀為雲南按察使未行改戶部右侍郎 瓜哇國西王都馬

校遣使問烈羅佛達必期等奉表朝賀貢五色鸚鵡孔雀及方物賜鈔並製衣文綺表裏○辛巳勅吏部臣曰朕以藐躬嗣承大統圖惟求賢以資治理宵旰皇皇急於飢渴其令內外諸司於羣臣百姓之中各舉所知或堪重任而沈滯下僚或可剴繁而優游散地或抱道懷才隱居田里並以名聞毋媿蔽賢毋循私濫舉書曰舉能其官惟爾之能稱匪其人惟爾不任欽哉○壬午陞通政司左叅議苗徵為雲南按察使○北京刑部尚書雒敘來朝賜鈔四十錠羅衣一襲○戶部言四川永通鹽課司巨崖井水耗而夾江縣千佛等處舊有小溪土坡灘十二井水鹹可煎從之○工部言河南陳州西華縣沙河水溢衝決城垣以通黃河傷民禾稼乞量起民丁趁農隙修築從之○夜有星如錐子大青白色有光出天苑東南行至雲中焉○癸未

賜保安王尚埏鈔幣等物命還奉府儀賓茹鐵隨尚埏行賜鑑鈔千錠。命雲陽伯陳旭往中都留守司及直隸衛所問視軍馬城池。命寶源局鑄農器給山東被兵之民。女直野人歸充等二十二人來朝賜鈔及織金綺絲襲衣。夜有星如蓋大赤色光明潤澤出七公東北行人天槍五小星隨之。甲申重陽節賜文武羣臣宴。乙酉賜瓜哇諸國使臣宴于西角門。○夜有星如鷄子大青白色有光出羽林軍旁南行至雲中。丁亥設大同左右二衛。戊子改前廣西右布政使張拱辰為福建右布政使陞戶部都給事中徐奇為廣東右布政使兵科右給事中胡濬為戶科都給事中擢開化縣丞王鐸為禮科給事中人材劉士傳為兵科給事中山西布政司照磨周幹為山東道監察御史。○修兗州府剡城縣洙沂二河決口。○己丑禮

部言今天氣已涼宜循舊制在京文武四品以上官命婦朔望
朝中宮上曰止令文武三品以上命婦入朝寒暑雨雪遵
舊制免之○宣府副總兵安平侯李遠奏山西緣邊胡寇出没
不常且冬寒水堅適其南嚮之時宜令都指揮房昭指揮同知
董忠率軍備禦上曰天氣既寒士卒新至者弗勝姑止勿遣
但令守邊將士嚴加瞭備如寇至即堅壁清野寇當自退○庚
寅以寧國公主生日賜鳳冠一頂并鈔幣等物○遣中官馮彬
等使瓜哇以度金銀印一文綺綵幣三十匹賜其西王都馬板
初諭之曰朕祇奉祖訓廓清內難即位之初爾即遣人奉表
朝貢朕用嘉之特遣使賜爾印章儀物尚益懋乃德保土安民
毋忘毋驕恒謹事天之成斯祿及子孫以克永世復命彬等賚
詔諭西洋蘇門答刺諸番國王并賜之文綺妙羅先是朝使至

占城有瓜哇三人者為占城所虜言於使者遂隨入中國上
曰島夷之人皆朕赤子詎可使之失所命優養之至是各賜衣
服道里費令彬送還瓜哇。大寧都指揮僉事王庸有罪謫戍
邊初庸從征掠民丁為僮奴復以私憤杖殺之。上念其功宥
死俾戍邊自効。辛卯鎮守貴州鎮遠侯顧成上言臣奉命守
貴州招撫蠻夷方隅暫安尚祿叨恩微勞莫効竊以為雲南兩
廣遠在邊陲蠻賊間嘗竊發磨蝕蠶之毒不足餘心東南海
道雖倭寇時復出没然上一時剽掠但令緣海濱衛嚴加提防
亦無足慮惟北虜遺孽其眾強悍其心狡黠昨昨頃伺侵擾邊
疆經國遠謀當為深慮竊謂及其未動之時宜先遣人賞賚招
諭以窺其動靜預和緣邊軍衛暨邊境關隘高其城垣深其壕
塹屯田儲積操兵養馬以備不虞我既預為之防虜亦何能為

愚若其留家漠北輕兵入寇必特狐疑不敢深入縱其輕入官
軍據險設伏以待之彼其不展應撥發伏禽殺必多如是數年
虜當遠遁其何敢復窺中國哉至于朝廷大事文武重臣措指
有餘臣尚有欲言者伏願 皇上早立東宮以定國本副理萬
機永安 宗社使天下臣民共享太平之福不勝幸甚書奏
上嘉其言賜勅褒之曰卿祇事 皇考從朕于艱難之際忠而
自信勇而善謀協成匡濟勞績居多爰命往鎮舊邦用供高卑_年
乃心不忘朝廷以嘉言來獻眷乃誠忠良用嘉悅特遣人賞千
錠文綺四匹羅四匹綵絹八匹賜卿用答悵悵之誠至可領也
○壬辰脩闕湯 皇陵殿廡 吏部尚書蹇義等言 太祖時
未仕者至建文中授以官後復以罪黜今有來告復職者此於
例不當復 上曰天下人才皆 皇考所造就為國家之用朕

即位以來功過成憲凡一才一藝悉用之古稱任官惟賢才初興之主徃徃因材於前代況出 皇考所造就豈得因建文嘗用而遂棄之自今勿復分別但隨才擢用○夜月犯畢宿南策二星○癸巳陝西行都司都指揮俞事張豫坐抵易官鈔謫戍邊○夜有星如蓋大赤色尾跡有光出天倉東南行入天園○甲午設雲南騰衝永昌二守禦千戶所○鎮守雲南西平侯沐晟奏雲南車里宣慰司土地官刀邏答令其下剽掠威遠庸其知州及民人以歸請發兵討之 上謂兵部臣曰兵易動難安一或輕舉傷人必多且人有不善以理告諭未必不從然彼加兵則亦有辭昔 皇考之世思倫發為其下所逐初但遣人諭之彼恬終不悛乃發兵殄之此成法也今始遣使賜賚諸夷而遽繼以兵自此何以取信且聞車里已納上威遠印信是悔禍

之心已萌可令雲南都司移文諭之若能格心嚮化不必發兵
○夜水星金星俱見東方○乙未 賜暹羅國使者柰翁劑刺
等鈔及金織文綺襲衣○削磨城侯盛庸爵蓋都察院左都御
史陳瑛等劾奏其口出怨誹心懷異圖請寘重典以警餘眾言
之再三遂命削其爵○丙申錦衣衛引清涼寺僧言近寺軍民
牧放牲畜蹂踐寺外之地今捕得其人請付法司治之 上命
釋之曰京師曠地少居人艱於孽畜寺外有閒地則推以便之
乃契佛濟利之心此何必禁○丁酉 上御右順門謂侍臣曰
皇考功德隆盛 宗廟樂章未有稱述朕甚愧于心爾等其
議為之因曰漢高帝作大風歌武帝作秋風辭亦皆有文當時
又有儒臣惜字制作未能如古朕有意稽古禮文之事爾等博
求名儒用稱朕意○復設越州平糶廣南三衛而以廣南瘠瘠

之地命置於雲南城中。勅鎮守雲南西平侯沐晟兩奏以車
里宣慰使刀暹答侵害威遠欲興兵討之兵重事也危道也不
若且令雲南都司移文諭之如此格心向化即兵可止若諭之
不悛加兵未晚爾其訓練將士以候。戊戌以刑科給事中黃
鉞為戶科左給事中工科給事中陳敬宗為戶科右給事中兵
科給事中萬春為本科給事中。前軍都督府臣奏貴州都司
言善定衛遺鎮樞宥忠徃善安道經善利驛所乘馬蹂踐王館
請罪之。上曰驛館以備過使止宿朝廷未嘗設王館若是諸
王經過不過暫時留止豈是常制忠不足罪其是之。○己亥修
魯王府宮殿。遣內官李興等賫勅勞暹羅國王昭祿羣膺哆
囉帝刺並賜王文綺帛四十匹及銅錢麝香諸物其貢使偕行
。禮部尚書李至剛奏日本國遣使使入貢己至濱波府凡番

使入中國不得私載兵器刀槩之類籍封送京師 上曰外夷向
司會檢番舶中有兵器刀槩之類籍封送京師 上曰外夷向
慕中國來修朝貢危踏海波跋涉萬里道路既遠貨費亦多其
各有賚以助路費亦人情也豈當一切拘之禁令至剛復秦刀
槩之類存民間不許私有則亦無所備惟當籍封送官 上曰
無所備則官為準中國之直市之毋拘法禁以失朝廷寬大之
意且沮遠人歸慕之心○庚子 上御右順門與侍臣論時政
曰朕即位未久常恐民有失所每宮中秉燭夜至披閱州郡圖
籍靜思熟記何郡近罹饑荒當加優恤何郡地迫邊鄙當置守
備且則出與羣臣計議行之近河南數處蝗旱朕用不宥故遣
使者視不絕於道如得斯民小康朕之願也○上謂兵部尚書
劉儁曰各衛韃靼人多同名無姓以別之並宜賜姓如是兵部

請如洪武中故事編置勘合給賜姓名從之。改雲南左中前三護衛為雲南中前後三衛以岷王梗有罪革之。○辛丑命浙江觀海衛造捕倭海船三十六艘。○刑部尚書鄭賜等奏吏部不謹所書文移多謬塗擦員外郎主事亦不省視輒聽行之皆當治罪。上曰人精神有限案牘煩勞豈無過誤但無欺弊可釋之。○麓川平緬故宣慰使思諭發之子敬朋等來朝貢馬命賜敬朋鈔緞綿之金文綺紗羅其僕從賜鈔有差。○壬寅修中嶽嵩山廟。○禮部尚書鄭沂戶部左侍郎嚴奇良通政司右通政丘顯俱以年老賜誥勅令致仕歸鄉。上命賜宴復賜鈔為道里費顧謂禮部臣曰沂等昔事皇考位大臣雖為建文所熟朕已復其官顧令俱老宜優逸之然君臣之間進退當以禮故加宴齊令歸用全始終之義自今凡皇考舊臣

老不任事令致仕者優待之禮一視沂等毋或不及○癸卯通政使趙彞等奏安東中護衛有千戶家居害其妻庶母重聽謬以為嘗已訴官逮問庶母坐誣當杖千戶告乞代受杖上曰不尤其誣已而願代受杖可嘉並其庶母罪免之

太宗文皇帝實錄卷二十三

太宗文皇帝實錄卷二十四

永樂元年冬十月己巳朔享 太廟涇繫昌縣知縣知鑄為湖
廣按察司僉事。定軍功襲職例凡軍官舍人旗軍餘丁或自
願報効或選令征進曾歷戰功陞授職役亡故者其子承襲無
子其父兄弟姪見受職役小者俱準承繼職事相等無應襲者
義子女婿不准承襲若先不曾立功就與職役後亦無戰功亡
故者不許承繼指揮千百戶子弟遺征有功先已陞指揮千百
戶後有征進有功陞職者准襲不曾征進者不許致仕官守城
或征進有功亡故并年老告代者原代職子孫亦嘗隨征或曾
任北京衛所職事及見支優給職任小者就與父兄所陞職事
若職事相等不許令次子孫別襲若原替職子孫不曾於北京
衛所任事次子孫曾隨征或於北京守城今父祖欲令襲授所

陞職者聽原替職子孫革間○丙午承天門守衛千戶秦先晚
工匠出門遺木牌無姓名有竇鈔提舉司字且條例本司官吏
不法數事 上諭法司曰投匿姓名文書告人罪律有明禁此
蓋小人假公法報私忿誣陷忠良其速毀之自今有此者悉勿
問○戊申 勅遼東及陝西行都司凡外國使臣朝貢及來歸
者皆晏待之以都司官主晏其正副使及從人供具各有差○
築浙江杭州府緣江堤岸先是浙江都司布政司言杭州府湯
鎮方家塘邊江堤岸為風潮衝激淪于江者幾四百步延袤四
十餘步沉溺民店及田地四十七頃宜改築以捍潮汐 上以
農務方殷命秋成後為之至是始築云○上謂六科給事中曰
官寺服食所需皆朝廷給之豈得復有私行近有皇城內畜養
雞雉糜費食米今四方蝗旱之後民尚艱食朕日夜為憂此輩

坐享高梁不識生民艱難而暴殄天物不恤論其一日養牲之費當饑民一家之食朕已禁之矣爾等識之自今敢有復爾必罪不宥○戶部尚書郁新言撥賜西平侯蘇州府吳江縣井園田四頃二十七畝有奇原徵官糧三百三十三名石洪武間公俸田租例輸京倉歲給與之今所賜西平侯田租未曾輸官給與請以準祿米上曰西平侯自其父兄以來有功無過由租祿米并與之○成陽侯張武卒武長沙劉陽人謠達有勇力稍涉書史為燕山右護衛百戶從靖難率眾克薊州取雄縣斬獲首將據日樣橋敗都督楊松潘忠乘勝追至薊州而還已而與諸敗長興侯耿炳文於滹沱河夾河之戰武率壯士為前鋒突敵陣佯敗而走敵追其後武率眾遠擊之敵遂積功西水寨前軍遇夜失道敵追之急武潛率眾伏要路敵不敢進累隍中

軍都督府都督同知封成湯侯命還守北京至是以疾卒上
輟視朝三日遣官賜祭贈潞國公諡忠毅出內廐鞍馬贖之令
有司治葬具○己酉以刑部右侍郎盧祥為左侍郎陞前浙江
布政司左叅政辛彥博為浙江按察司禮部言洪武中闕平忠
武王常遇春祠墳俱有定制建文中增修過度請復其舊從之
○大理寺卿薛嵩等奏各布政司上所部具獄凡死罪百餘人
請分遣御史臨決上從之顧謂都御史陳瑛等曰人命至命
既絕不可復贖况治獄得情尤難鞭朴箠楚之下罪人成於鍛
鍊者往往有之今百餘人之中豈能必其皆冤枉爾等分遣御
史宜具以慎行之意書于簡以授之使論決之時詳探其情非
其情者即與辯釋必據之以理理不可生然後刑之則彼雖死
無所恨矣○夜有星如蓋大青白色光燭地出西北雲中西北

行至近濁。庚戌。上謂侍臣曰：朕思皇考所任之人，建文時為奸佞所擯斥者，多不當罪。已勅吏部召至，將復用之。今中外官已滿，無缺宜令歸。俟命其有老病不任事者罷歸。蓋孝子於親之遺物有不棄，况人才乎。陝西岷州衛指揮僉事楊永吉率士民賣馬。修河南洛陽縣和平七里二橋及三浮橋。辛亥。上謂禮部臣曰：帝王居中，撫馭萬國，當如天地之大，無不覆載。遠人來歸者，悉撫綏之，俾各遂所欲。近西洋回回哈只等在暹羅間朝使至，即隨來朝。遠夷知尊中國，亦可嘉也。今遣之歸，爾禮部給文為驗。經過官司毋沮。自今諸蕃國人願入中國者聽。擢浙江舉人懷材抱德之士任守禮為戶科給事中。陞燕山右衛千戶陳醢兒為金吾後衛指揮同知。都察院左都御史陳瑛刑科等科給事中馬禎等劾奏順昌伯王佐鎮守

雲南占據官民田地大興土木虛使軍士私用官錢激變變夷之事。上命姑宥其罪所占田地追奪復舊所私用庫錢如數備官。壬子擢宣城縣儒學訓導周彥奇為刑科給事中。夜有流星如盃大青白色尾跡有光出附外傍西南行入游氣復有星如雞子大青白色有光出太微西垣東行入五帝座。癸丑 上御奉天門顧謂侍臣曰我朝大經大法皆 太祖皇帝所立以傳子孫昨有儉人為朕言朝廷法太寬非所以為治朕已斥之為治之道譬之醫藥有是病則服是藥今朕當守成之日正安養生息之時乃嚴法為治此是無病服藥豈不反有傷乎孔子言天地大德曰生聖人大寶曰位守位曰仁何嘗謂嚴法也侍臣對曰 皇上奉 天法 祖一念好生天下生民之福彼儉人所言非 皇上聖明豈能辨其非書曰國則罔有用

僉人政謂此也。上曰：古人云：親賢臣，遠小人，苟不遠，久必將惑人。○以羽林前衛故指揮僉事王可子早家，暨父職。○夜有星如雞子，大青白色，尾跡有光，出紫微西番內東北行，至入北斗杓。○甲寅夜，有星如蓋，大赤色，尾跡有光，出河鼓西北行，入近濁。○乙卯初，鎮守永平山海成安侯郭亮曰：北十八盤有賊，出沒官軍不能制，反為所劫，有以傷者。朕度來虹蜺，擅帽等山，潛伏我軍，周防稍有不密，即墮其計。可於山海永平遵化密雲蘇州調壯士三千，先選人哨探巢穴所在。然後統兵前進，却分輕兵出其後，兩軍夾攻，一舉可滅。然亦須相機制勝，不可怒畧。○勅建昌府同知馮士成等二十六人致仕，和曰：朕念爾等事我皇考久矣，建文中罷黜為民，亦有不當其罪者。肆卽位之初，忠任舊人，仍召用之。而爾等蒼頭皓首，氣力衰邁，弗欲重

營以事特賜冠帶俾仍舊職送卿撫國子孫優游暮年且率卿人子弟於善行斯汝不負朕命矣仍命禮部賜道里費二品人鈔二十錠三品四品人十六錠五品六品十二錠七品至九品八錠雜職四錠後悉如例。北京留守行後軍都督府奏舊降至北平都指揮司燕山等衛仁字等號夜巡銅牌於今宜換給從之。日本國王源道義遣使圭密等三百餘人奉表貢馬及鎧冑佩刀瑪瑙水晶琉璃黃諸物賜圭密等文綺紬絹衣并錢鈔貯絲紗羅有差賜其通事官帶命禮部宴之仍命使遣通圭密等往賜日本國王冠服錦綺紗羅及龜紐金印。戶部言山西蝗命速遣官捕之。丙辰遼王植第七子生賜名貴塔。陞羽林前衛指揮同知王顯為本衛指揮使。勅寧夏總兵官左都督何福曰朕委爾鎮守一方凡大小事務計度合宜即行之勿以

小人之言有疑惑意朕推心任爾爾不能自任何以成事蓋當時有讒福者上察其誣故有是命。緬甸頭目那羅塔遣其屬即尋蹇來朝貢方物初西平侯沐晟遣鎮撫鄧伯通等撫諭之至是來朝即尋蹇致那羅塔之言曰緬人雖處遐裔聞聖主臨御悉願臣屬而道經木邦益養多為阻遏乞命以職賜冠服印章將來憑仗天威歲初職貢庶免欺凌上允其請命兵部設緬甸宣慰使司以那羅塔為宣慰使遣使賜之冠服印章。夜有星如鷄子大流三尺餘發光如蓋大青白色光爛地出參宿西南行入天園。丁巳陞都指揮僉事孔興薛貴千戶宋勝俱為羽林前衛指揮同知宋成孟吐為金吾左衛指揮同知姚安李聚為金吾右衛指揮同知千戶張福為指揮僉事以故千戶小張子震襲陞羽林前衛指揮僉事李清子咬兒襲陞

金吾右衛指揮僉事。遣內官尹慶等齎詔往諭滿賜柯枝諸國。賜其國王羅鎔金帳幔及傘并金織文綺線絹有差。戊午通西鎖流白迤西還。初鎖飛與鎮撫答哈帖木兒等奉命使迤西時。鬼力赤河魯台方率眾與瓦剌馬哈木戰。馬哈木大敗之。盡掠其人馬。屠凡魯班答達之地。答哈帖木兒鎖飛皆為所留。鎖飛夜竊其馬馳歸。備言虜中事。上曰。鬼力赤既敗瓦剌。或南行以逞。雖未敢深入。宜當有備。遣勅兵將各嚴兵待之。夜有星如蓋。大赤青色。尾跡有光。出南河東北行入柳宿。己未上御奉天門。命侍臣輯自古以來嘉言善行有益於國太子者為書。以授長子。且曰。昔堯試舜。自慎徽五典。至納于大麓。歷試諸難。乃命以位。舜生長民間。躬稼樞。堯尚試之如此。朕命令長子守北京。親庶務。雖吏案奏牘皆躬聞之。以知為臣之難。

他日庶可為人君也朕少時嘗居鳳陽民間細事無不究知後
受命鎮北方經絕塞宿雪與士卒同甘苦其他所未經歷者
則博考於載籍每覽昔人言行可自警者者讀之不能釋手書
讀所以有益於人然人資稟有強弱泛而不切亦未有益故欲
令爾等輯此教之先定其尺度權衡使中有所主也貴北京守
城官刑部左侍郎李友直銀五十兩鈔八百貫綵幣八表裏刑
曹清吏司郎中艾麟留守行後軍都督府事齊孝智母祥國安
縣丞龔慶源順義縣丞卞智新城縣丞劉清各銀四兩鈔一百
貫綵幣四表裏生絹二匹綿布四疋綿花五斤戶曹清吏司主
事曹本大興縣主簿王壽各銀三兩鈔一百貫綵幣一表裏生
絹一疋綿布三疋綿花四斤。廣西田州府土官知府岑永通
遺弟岑仕來朝貢馬賜之鈔幣○賜四川永甯宣府司及緬甸

貢使木邦府土官宴于會同館○庚申 上謂兵部尚書劉傑
曰武臣中有韃靼人多不識字難委以政故只令食祿過有警
急則用以征代今中國人亦有冒韃靼名以避政事者其曉諭
改政不改政者罪之○饒州府餘干縣民言今夏涵兩洪水橫
流縣境龍窟填塘等處堤岸頓圯壞民廬舍傷害稼穡已因農
隙修築從之○辛酉命湖廣浙江江西改造海運船一百八十
入艘○戶部尚書郁新等奏湖廣今年夏稅過期數月不足其
布政司府州縣官皆當罪之 上曰賦入有經制人耕獲或先
後不齊地里亦有遠近之異未可槩論任人長民當使之察其
難易而順其情雖取之亦必思有以利之不當急責必至于病
民其勿胡第更與約慢令民輸之○貴州宣諭使宋斌遣兒得
愈來朝貢馬賜之鈔幣○修河南臨潁縣堵河等處堤岸○壬

或改前福建布政司右叅政張春為浙江布政司左叅政前江
西按察司僉事王禕為福建按察司僉事。以河南道淤塞革
山東濟寧州之耐牢城聊城縣之周家店來海路臨清縣之臨
清湖會通湖五堤官河南布政司左叅政蔡淵自陳才力不及
願別授一職命為山東鹽運司運使改奉司運使孫宥為陝西
河南鹽運司運使。甲子慶成王濟埏來朝。勅晉府長史龍
燿等曰朝廷封建親藩而選賢命材為之輔導冀以贊成德善
不至於有過也古之為人臣者無外交今王府擅與西番往來
又私以軍使送至年少寡學而不知古長史儒者謂不知古可
乎廷臣皆欲資汝于法朕恐傷親親之意姑宥不問今後慎毋
復爾勉之戒之。勅甘肅總兵官左都督宋晟曰知哈密安克
帖木兒遣人貢馬爾已差人送京其頭目所貢者可選善馬送

來餘皆以給軍士然須分別等第以間庶可計直給賞蓋厚往
薄來柔遠人之道凡進貢曰回有馬欲賣者聽於陝西從便交
易須約束軍民勿侵擾之○禮部言鄯陽縣民張公受妻徐氏
一產三男宜循舊例賜鈔十錠米五石其所產子令兩家無子
者代育每家月給米五斗事故罷給從之○修陝西沔縣金牛
驛五丁破二橋○夜有星如蓋大青白色有光出右旗行入天
市東垣至候星旁○乙丑嘗陝西威虜衛經歷司歷一員 兵
科給事中言今天下衛所官吏所進軍馬文冊或額數盈胸或
姓名互異或不用印信或書名不稱臣或不著年月日若此者
眾無誠敬之心皆當速治 上曰人才力不齊而軍馬之數繁
或短於計數或成於迫促容有謬誤姑釋勿問其條舉所失詰
之俾更詳具進來○夜有星如蓋大赤色尾跡有光出奎宿西

北行入壁宿後二小星隨之。丙寅命兵部選巡海指揮李英而褒恤百戶孫瑛等先是海寇至福建海洋福州中衛百戶孫瑛領兵禦之賊直犯官軍瑛與賊聯艦接戰賊勢盛英及所部皆戰沒賊遂以壞舟易英舟開洋去而福建巡海指揮李英望英受敵不援賊去乃挽賊空舟為己功至是桑下人發其事

上諭兵部尚書劉儁曰將兵禦寇當以身先下人桑畏賊不自進其下死戰又不赴援更欲誣罔為功罪不可容國家之治明賞罰而已有罪不誅雖堯舜無以治天下其遣人覆驗戰沒者加褒恤畏縮誣罔者悉正其罪。戊辰修祖陵工部言舊用黑瓦上命易以黃瓦如皇陵之制。賜鎮守貴州鎮遠侯顧成銀幣。上謂侍臣曰漢武帝窮兵黷武以事夷狄漢家全盛之力遂至凋耗當時雖得善馬豈足備中國萬一之費朕今

休息天下惟望時和歲豐百姓安寧至於外夷但思有以備之
必不肯自我授之以罷弊生民近成言今日惟當安養中國慎
固邊防此言甚合朕意蓋斯人老成非喜功好勝之流以是時
嘉獎之○貴州宣慰使安卜苑善安安撫慈長烏撒烏蒙東川
芒部軍民府諸土官卜穆等來朝貢馬賜賚有差○辛未陞金
華府同知凌註為山西按察司按察使高邨州判官李惠為監
察御史改福建按察僉事孫逢吉為浙江按察僉事擢監生張
恂為給事中 和州中屯河巡檢陳英考滿應陞自陳老疾不
堪別用乞仍舊職 上嘉其誠從之賜鈔十錠仍命所司著為
令○夜金星入氏宿○壬申 命靖安侯王忠往北京安插屯
田軍民整理屯種○左都御史陳瑛等奏中書舍人芮善妄奏
刑部官罪請下獄先是善之弟家武進夜有盜殺之并殺其婦

叔其財物弟家疑所親覩者捕送于縣獄具上刑部刑部驗非盜縱之善白 上刑部官放出叔盜更命御史鞠之御史復驗非盜縱之逆明刑部官無罪請罪善 上曰兄弟同氣遭罹非偷心如哀情理有未察然今尚未明盜假令獲盜有驗而善固誣執盜則不貸其釋善勿治○癸酉大理司臣言高平縣吏告知縣歛民財市馬令鞠訊有驗其馬以給遞送雖是公用禁令歛民財祇死罪 上曰禁令不許為私也使命往來以給遞送豈私意哉人命至重而議刑如此豈得無寬其釋之復職○夜有星大如碗青白色光燭地出土司空旁西南行至近濁○甲戌西洋刺泥國回回哈只馬哈沒奇刺泥等來朝貢方物因附載胡椒與民互市有司請徵其稅 上曰商稅者國家以抑逐末之民豈以為利令夷人慕義遠來乃欲侵其利所得幾何

而虧辱大體萬萬矣不聽。○修山東膠州水決隄岸 夜火星
祀壘壁渾東第五星

太宗文皇帝實錄卷二十五

永樂元年十一月乙亥朔冊故兵部尚書唐鐸孫女為慶成王妃 欽天監永樂二年大統曆 上御奉天殿受之頒賜諸王及文武鮮臣仍遣賜頒朝鮮諸蕃國著為令。朝鮮國王李芳遠遣陪臣趙福等來朝貢方物賜金織文綺襲鈔幣表裏。丙子先是有旨寧王權誹謗屢鎮事者 上曰此不出王蓋小人為之以陷王譬如愛木必去其毒凡再遣人捕之權皆掩蔽不發至是賜權書曰兄弟同氣至親數年所履艱難亦為保全骨肉豈有他意哉近者之事既悉置不問但欲去二三小人以示警爾而固為遮蔽曷曰開國成家小人勿用蓋用小人必害家國所以決欲去之者為賢弟計也書至更不必蔽亦不得有所蓄疑。修山東濰縣白浪等河決安慶府潛山懷寧二縣收堰

圩岸及廣東高要縣青岐羅婆等圩岸皆從民所奏也。兀良哈頭曰哈兒兀反遣其部屬脫忽思等二百三十人來朝貢馬命禮部賜鈔幣襲衣並償其馬直上馬每匹鈔五十錠中馬四十錠下馬三十錠每匹仍與綠幣表裏一。丁丑慶成王濟埒辭歸賜之鈔幣。戊寅書諭世子曰山後官員軍民本皆無罪之人曩因建文殘害骨肉禍及無辜不得已逃遁飄零艱窘深可哀矜今既來歸其令官仍原職兵仍原伍民仍原業咸加緩撫後有歸者悉如之。錦衣衛臣奏抵殊死罪一人請決上審知有可矜之情特宥之使屯戍興州且諭刑部尚書鄭賜等曰人無不可與為善此人一時迷誤犯罪當死朕矜其情故宥之使屯戍在彼得改過自新在國家得一人耕可以食數人則亦有利自今罪人於法當死而情有可矜者准此例。夜有

星如鷄子大有光出華蓋東北行入紫微東蕃內○己卯賜故
新昌伯唐雲家銀三百兩鈔二千五百貫綵幣二十表裏○四
川行都司秦越窩衛之地番賊不時出沒請調軍剿捕 上諭
兵部尚書劉傑曰鼠竊狗偷蠻夷常性若能嚴加備禦彼亦何
施今不務此而輒欲興兵殊不思官軍一動善惡均受其害况
所費亦重但令嚴兵守備而遣人撫諭之○庚辰賜書周王櫛
曰今欽天監言庚辰日有背氣在家分其占有小人背叛宋分
雖廣而吾旦暮起居亦宜防慎并賜日本扇及椰子等物○命
右軍都督府都督僉事陳俊等督運淮安議真等倉糧百五十
七萬六千二百石有奇赴湯武轉輸北京○免教諭康孔高罪
復其官孔高先任祁陽縣教諭建文中謫教大理縣至是例得
復祁陽縣孔高朝京師還枉道過家省母母適病留侍九閱月

不行刑部違問孔高眾當杖仍誦教邊縣以聞 上曰母子之愛本於天性睽違萬里數年一旦相見已難處舍况於有病是可矜也免杖復其官。松江府奏所屬華亭縣徵收秋糧過期不完請罪其縣官 上曰今年蘇松間有旱澇秋糧固難卒辦縣官職在撫字不得輒以此罪之再與期限可也。壬午鎮守貴州鎮遠侯顧成遣指揮李宣進馬賜宣鈔十錠給綠衣一襲。湖廣指揮同知康鎮有罪誅。癸未以寧波海寇出沒命浙江都指揮僉事程鵬率兵鎮禦。禮部言直隸上海縣民許安妻沈氏一產三男命循例優給。河南開鄉縣知縣王霖言累歲蝗旱民飢所徵稅乞令輸鈔從之。夜有星如盞大青白色充墻地出幸臣旁東北行至游氣。甲申修陝西蘭縣黃河鎮遠浮橋。乙酉改前浙江按察司僉事秋茂為江西按察僉事

雲南按察僉事牛廷訓為湖廣按察僉事。丙戌夜金星犯健
開星。○丁亥定給驛傳例。凡五府六部都察院遣人馳驛幹辦
公事。而必同都司布政司按察司。自委官者水路許用驛船。若
都司布政司按察司。自委官并承差人等於各府州縣催辦公
事者。水路都司所委官乘軍衛快船。布政按察二司所委官及
承差人等乘遞運船陸路都司委官乘自己官下馬驃驢布政
按察二司委官乘官給馬驃驢承差人等悉自備。諸番朝貢使
至市舶提舉司馳報者給驛。○汪都指揮同知沈過為大寧都
司指揮使。羽林前衛千戶劉顯為本衛指揮同知。以故右軍都
督僉事鄭祥子琦為福建都指揮僉事。○戊子河南府宜陽縣
言本縣累歲稅糧運納潼關衛倉。往復一千餘里艱苦不勝。乞
以傍近州縣撥運潼關。令本縣送納。開封諸衛為便從之。己

且晉恭王第六子濟煥來朝。庚寅賜兀良哈來歸頭目丹保
以等宴於會同館。辛卯勅諭兀良哈部落曰朕承天啓君臨
天下賞遣使賚詔諭爾爾等間命即遣人來朝其誠可嘉今仍
舊制設奉寧福餘孕顏三衛俾爾等統屬軍民鎮守邊境舊嘗
授官者列名以聞咸復之若頭目人等前未授官於今當授者
亦第其名來聞朕即授之俾世居本土安其生業。禮部言冬
至節於例在京四品以上官通政司大理寺鴻臚寺國子監翰
林院太醫院欽天監當上官及翰林院官六科給事中監察御
史中書舍人御醫各處進表官四夷朝貢使臣致使僧道官皆
預宴五品以下官及監生生員天文樂舞生人財人賜節鈔一
錠知印吏典在京軍民醫匠健色長廚役孤老樂工每人賜節
鈔二貫命宴賜如例。壬辰命工部尚書黃福等罷遣浚河民

夫初洪武中免直隸應天等五府州之民夏秋二稅但籍其丁壯每歲農隙十月至十二月有事則供力役名均夫工著為令及是內 淤塞不可行舟 上命發均工夫浚治適暄暖胥樂赴工將畢是日風雨返寒 上召福等謂曰民復役久衣食未必盡給今日遣寒甚其各賜二錠罷遣歸未畢之工令軍衛京士次第成之軍士仍賜鈔克在值○癸巳甘肅總兵官左都督宋晟奏難艱察罕帖木兒來歸言虜黨伯客帖木兒欲寇甘肅寧夏 上即日封晟所奏付寧夏總兵左都督何福令嚴固守備○甲午擢郵府前典儀副張益為刑科給事中○哈密安克帖木兒遣使臣馬哈木沙渾都思等來朝貢馬百九十四先是上遣是臣亦卜利金等齎詔往哈密撫諭且許其以馬入中國市易至是來朝貢馬其市易馬四千七百四十四 上命悉

官濬其值選良者十匹入御馬監餘以給守邊騎士。夜北京
順天府地震。○己未 上御右順門詔六科給事朱原貞等使
申諭各科辦事官令言民間利害先是 上欲問民所疾苦命
吏部尚書蹇義等凡郡縣官考滿至京選其識達治體知郵民
者於六科辦事令各言所治郡縣事至是尚未有言者 上諭
原貞等曰朕夙夜慮天下之民有失所者為爾曹未能盡知故
遣郡縣考滿官假辦事之名俾於六科隨爾等在朕左右如朕
有所欲聞即可 之彼有所欲言即可達而至今不聞有一人
言者夫郡邑之間豈都無一事利害可言今在朕左右尚猶默
然况遠千里尚肯言乎爾等退以朕意申諭之其所治何利害
興何弊當去皆直言勿隱於今不言將有他人言之則不能逃
罪矣。○上諭兵部臣曰將士隨朕征討其中有陣亡病死者已

錄其後亦有妻子孤寡不能自陳親管官隱匿不報致失所者
非朝廷報功之意宜速下各衛令征討官應襲子孫年十五以
上者送兵部襲職十四以下并寡婦幼女送京師優養旗軍死
亡有幼男者紀錄食糧當陞以官者如例陞之其無子止有寡
婦如女者一體優給若有親 可依不願赴京者聽其俸糧如
例於所在給之○丙申廣西總兵官都督同知韓觀征剿柳州
山賊捷奏至先是柳州諸郡理定等縣山賊王仲文等為亂劫
殺洛容諸縣民 上命觀率師并調都指揮僉事萬森領兵剿
之至是觀奏斬賊首千一百八十餘級生擒仲文等五十一人
亦斬以徇得其所擄軍民男女皆遣還所奪兵器皆輸官軍民
人逃散者皆招撫復業○浚鎮江府丹徒縣甘露港等處河渠
○除徐州荒田九十四頃七十九畝之稅○四川都指揮使胡

淵有罪法司論當死 上特有之罷歸鄉里○丁酉增設應天
府六合縣之六合驛江浦縣之江浦驛鳳陽縣泗州之臨泗湯
莊二驛盱眙縣之淮源驛滁州來安縣之來安驛淮安府宿遷
縣之石湖趙莊東莊三驛山東費縣之陳埠蒙山二驛鄆城縣
之道平蠓村二驛蒙陰縣之趙峪驛齊東縣之趙春驛章丘縣
之章丘驛樂陵縣之王程驛商河縣之高河高丘二驛蓬蕪之
通遠沿村東河三驛杜京大興驛永清縣之永清驛霸州之大
良驛靜海縣之靜海驛興濟縣之興濟驛滄州之滄州孟村二
驛○夜月犯太微東垣上相星○戊戌書諭世子曰 朕念北
京兵燹以來人民流亡田地荒蕪故法司所論有罪之人曲坐
寬宥悉發北京境內屯種意望數年之後可以助給邊儲省餽
通之勞且使有罪者亦得保全今聞此輩畧不留心農事十五

為羣日聚城市遊蕩逐末爾可諭有司嚴督之就裝畝毋令復
臨前過○乙亥封晉恭王第六子濟垕為永和王○賜勅獎勵
山西右布政使司周璟曰爾以近臣擢長方岳未及暮歲卓著
聲稱夫方岳重臣也毋以位高自滿慎終如始其懋敬之○陞
奉國府同知羅觀為廣東按察司刑部郎中李素為廣西按察
副使前燕府紀善陳勝諫為禮科給事中引禮舍人趙從吉教
諭申維岳為監察御史復劾湯縣知縣曾寶侯官縣典史劉子
敏為監察御史寶子敏建文中被黜至是召復其官○命儒封
縣知縣許譽復職譽居官有守政不苛刻百姓安之秩滿至京
縣耆民詣闕乞留上從之謂吏部臣曰守令民休戚所係欲
知其賢否但觀民心之向背今民不忍其去此必嘗有及人之
德即令復任遂賜鈔二十錠文綺衣一襲○辛丑擢監生陳聰

為戶科給事中。女直野人頭目呵哈出等來朝設達州衛軍民指揮使司。呵哈出為指揮使。餘為千百戶。所鎮撫賜誥印冠帶襲衣及鈔幣有差。設達州衛經歷司。署經歷一員。癸卯冬至。上御奉天殿受朝賀。大宴文武羣臣及四夷朝使。閏十一月甲辰朔。諭北京留守行後軍都督府及行部臣曰。從朕征討將士。身冒矢石。萬死一生。事定。功成。報以爵賞。乃有不思艱難。保守富貴。往往觸犯刑憲。已諭令屯戍。今念前勞。特加矜貸。官復原職。軍復原伍。逃叛者不出此例。兵部主事論奏曰。臣往廣西撫諭桂林諸郡蠻寇。皆已歸化。竊謂此輩多是徃種。已嘗作亂。未盡殲夷。穴處岩居。惟事剽掠。今雖革面。終然異心。如理定縣首賊韋香等。先皆向化。今復為非。重啓官軍。深入剿捕。臣思此賊別無技能。惟倚恃岩險。出沒不時。兵至則散。遠

溪洞兵退時出劫鄉村官軍皆非本處之人不能深知動靜且觸冒嵐瘴多至疾病難以有功推彼土兵熟知道路諳識賊情若資其力可以收效今後如遇竊發則命土兵與官兵合勢擊凡其有得就以與之彼慕利爭先勇於用力可以傾其巢穴絕其黨類既免轉運供給之勞又無損失軍伍之患上從之○乙巳靖江王替儀之圖桂林賜鈔幣等物并賜其隨侍長史鍾洪範等官十二員鈔有差○丁未永和王濟辰辭歸賜之鈔幣其從官賜鈔有差○鎮守寧波浙江都指揮僉事程鵬奏甯波邊海日本諸國番船進貢往來不絕而各衛提備之舟率不相屬卒有警急輒用飛報然與符驗難以給驛命兵部以符驗給之○巡按河南監察御史孔復言奉命撫安河南百姓今招撫開封等府復業之民三十萬二千二百三十戶男女百九十八

萬五千五百六十口未復業者尚三萬二千五十餘戶男女十
四萬六千二十餘口新開墾田地十四萬七千三百五十八頃
上諭戶部臣曰人情不得已而去其鄉今既復業即令有司

厚撫之未復業者悉心招撫新墾田地停徵其稅○己酉陞

前燕府典膳正張原司醞蕭成為北京光祿寺丞○壬子遣書

賜齊王樽檀香降香真香各百斤烏香速香乳香各三十斤○

癸丑上諭都察院臣曰朝廷遣風憲為國家耳目糾察百僚

綱維政比有司奸弊生民疾苦豈無可言而因循觀望無建

明兩其申明憲章在內令監察御史在外令按察司官各舉其

職庶副朕之委任不能舉職者有罰免直隸鳳陽淮安徐州今

年秋糧之平○甲寅擢上林縣知縣夏禮為廣東道監察御史

○乙卯兵科都給事中鄭遂以奏對失措黜為沅州同知陞工

部給事中馮麟為兵科都給事中。戶部臣言北方諸驛廩給
來去歲以濟寧迤北之地久經兵旅加以旱蝗糧賦無出遂定
凡使命往來其廩給止於見有儲積之處通支自濟寧計若干
程至德州即先於濟寧通給自德州計若干程至北京即先於
德州通給今濟寧德州皆言請令民於見有儲積之處轉運來
粟往緣途驛館頓貯待給為便宜從之。上曰此徒知便於官
豈顧不便於民北方之民皆悴未蘇寒不得衣飢不得食朕早
夜圖休息之更安忍重督之轉勿聽。丁巳勅寧夏總兵官
左都督何福曰得報知韃寇倫都兒仄等於不老山屯住欲侵
寧夏爾其勵士馬嚴斥堠以備之毋或少怠。陝西都指揮同
知何銘貢馬賜鈔二百錠。戊午戶部臣奏近氣有商人於諸
城納束中鹽者雖未支鹽而官以給引曰此非舊制當追其引

日罷支所中鹽 上曰商人未既入官則當備鹽不償是罔民而奪之商人本錢未必皆已所有有賣其生產有先捐數倍之利告假於富室而盡勤勞以米其所望非小豈可奪之引日勿追所中鹽悉還之但今後須循舊例。安南遣使隨行人楊渤等入朝貢進其陪臣者老秦章曰前安南國王陳日瑋自洪武二年率先內屬上表貢天朝錫之封爵王此一方亦欲傳之子孫長為外服不幸寡祐日瑋即世嗣王短命之庶諸孫日就喪亡三十餘年遂至絕祀國內之人誠有傷心胡登實其外孫少依王所亦能恭順小心勤於事上是以眾人誠心推登推理國事以主陳氏宗廟今己四年小大咸安天使下臨詢及微賤臣等愚昧敢以竄奏伏望天恩俯從眾志賜之爵命俾守此邦庶禍蒼生咸得其所敢昧死以聞從之。刑科都給事中馮禎山

東道監察御史康郁等劾奏都督袁宇昔鎮雲南占據官軍屯
田一千餘畝私役軍人耕種侵支官屯子粒擅用軍器顏料不
法之事非止一端已為御史所劾特蒙寬宥今袁宇來朝又不
謝恩乞正其罪 上命宥之任追其所侵物入官 庚申 上
御奉天門召都御史陳瑛等諭曰國家重祿任官一為斯民慮
牧守不職又設按察司詢察糾正之朕深居九重下民安否未
能悉知按察司任耳目之寄於事無不得問無不得言所以通
下情去蒙蔽也今聞河南數歲蝗旱水災為民患牧民者多失
撫字甚者又侵漁剝削之而按察司官未嘗有一人言者坐視
民病而不留意徒費重祿何補於用爾移檄切責之俾所察所
部軍民利害及布政司府州縣官員賢否以聞又命撤浙江等
十二按察司及撫治御史之在外者一體來察上聞 望山陰

縣知縣姜榮為湖廣按察司僉事。○辛酉福建都指揮司言比

者海寇至牛嶺海造金門千戶所正千戶王斌巡檢解迪督眾

追捕斌等生擒賊首八人斬首十一級賊被傷溺死者十三人

就遣斌等獻俘京師。上諭兵部議陞賞之尚書劉偶等議奏

王斌等能戮力擒賊宜如前李敞等例陞賞遂以斌為永寧衛

指揮同知賞銀百兩鈔百錠珠幣二表裏巡檢迪為所鎮撫仍

令掌巡檢司事其賞如領軍百戶總旗擒從賊陞試百戶軍人

以刀斫賊舟帆使不得過其功大宜如擒首賊軍人例陞領軍

而未獲賊百戶亦陞副千戶其賞視在船旗軍民人擒從賊者

但於本賞外加鈔四十錠弓兵獻俘至者本賞外加路費銀二

十鈔二十錠未來者即所在陞賞從之。○壬戌賜汝南王有

勲書曰汝在遠吾念之不忘今將賜幣帛等物其修身慎行致

力詩書以副朕懷。○復成寧可為山西道監察御史。寧可洪武中御史。建文初出為知縣。故復之。○賜哈密安克帖木兒使臣馬哈木沙渾都思等金織文綺衣各一襲。鈔各百錠。及綺絲表裏等物。仍命禮部賜安克帖木兒銀百兩。綺絲十表裏。○癸亥書諭世子曰。北北京山西地震。神道肅靜。占法地震主兵數動。人不寧。上天示戒。不可不謹。宜撫綏軍士。嚴固城池。伺察人情。不可怠忽。其征討將士有犯前罰。北京屯種。今念曩昔之勞。已和所司宥之。令官復其職。軍復其役。惟逃叛不宥。并諭前知之。○皇長孫奉命至白北京。賜其從官指揮顧能等鈔有差。○以故千戶吳馬弟添兒襲陞羽林前衛指揮同知。○修遼東都司并諸衛城池。○浚揚州府通州徐寗食利等港舉功計。蔣八千七十三文。用工萬一十七百有奇。○甲子。上因與侍臣

諭慎刑 上曰孔子云何以守位曰仁法司每秦死囚當決朕未嘗不反覆完思稍有一毫可生之情即從寬減如此猶慮獄訟有不得其平故當初諸司以慎恤為務又曰往年朕躬臨戰陣凡所俘獲亦未嘗輕戮一人況今日為天下之主可妄殺哉

○浚山西平遙縣廣濟渠○乙丑修廣東清瀾千戶所城○平陽府洪洞縣言本府翼州等州縣租稅往年以其丰運輸太護衛山澗險阻人力艱難常以重價就彼易粟甚至破產不能輸者今又令盡輸太原民愈困乏宜令富者減半貧者除豁從之

○丙寅定從征哨馬營將士賞賜奇功領隊指揮銀四十五兩錄幣七表裏鈔九十錠千戶衛鎮撫儀衛正副銀三十一兩錄幣五表裏鈔九十年錠百戶所鎮撫典使銀二十二兩錄幣三表裏緞一疋鈔七十二錠總旗銀十六兩緞二疋綿布四疋綿

花四斤八兩鈔五十四錠小旗銀十三兩絹二疋綿布四疋綿
花四斤八兩鈔五十四錠隨伍指揮千百戶旗軍銀十一兩絹
二疋綿布四疋綿花四斤八兩鈔四十五錠頭功領隊指揮銀
十八兩綵幣五表裏鈔七十二錠十戶衛鎮撫儀衛正副銀十
三兩綵幣三表裏絹一疋鈔五十四錠百戶所鎮撫典使銀十
一兩綵幣二表裏鈔四十五錠總旗銀十兩絹二疋綿布四疋
綿花四斤八兩鈔四十五錠小旗銀九兩絹二疋綿布四疋綿
花四斤八兩鈔三十錠大錠隨伍指揮千百戶旗軍銀七兩絹二
疋綿布三疋綿花四斤八兩鈔二十七錠○河南南陽縣言本縣
民多逃徙他縣賦役無所出乞下令捕之上顧謂戶部尚書
郁新等曰人情懷土誰是樂去其鄉河南諸郡連歲水旱蝗蝻
饑饉相仍守令又鮮能盡撫綏之道不得已舉家逃徙自圖存

沽之計爾今其鄉田廬生業心已廢棄歸且何依捕之徒並困
之爾南陽縣所言不可聽。女醫院致仕院使戴原禮陞辭命
吏部賜之誥命月給半俸以終其身。丁卯遣禮部郎中夏止
善等齎詔往安南封胡奎為安南國王詔曰履載之中皆朕赤
子立之司牧 順民情昔爾安南邊隅列郡宋因眾志肇錫王
封密通中州密慕聲教朕 皇考太祖皇帝臨御之初率先歸
附朕嗣大寶爾胡奎輸誠効職奏請前國王陳氏嗣絕爾以外
孫主祀于今四年詢之于眾所言亦同 特命爾為安南國王
於戲作善降祥厥有顯道士大恤下徃罄乃誠欽哉。○宵夏總
兵官左都督何福奏課報塔灘難賊龍充魯仄等見在不老山
其眾議欲寇寧夏惟賊帥菟的哥以資糧不給不從 上覽奏
顧謂侍臣曰胡寇至諠此語未必可信龍充魯仄必心計可行

然後發言且胡地非有耕種不過鈔掠取食豈如中國之人必
裹糧然後啓行其以資糧不給辭者覓的哥恐泄其事機故外
託此為說內實陰謀襲我不備朕計此時賊若不出槍桿野狐
二嶺及雲州之地必向山西大同其速書勅往諭北京行都督
府并山西都司行都司令簡士卒嚴哨瞭固守備不可怠忽既
書勅未行山西都司奏報黠賊五十餘人劫掠灰溝村黃甫川
之地皆如上所計復命侍臣曰今不必別書勅但於初尾申
戒之令慮寇至但堅壁固守彼寇掠無得計勞食乏又懼我軍
斷其歸路必自逸去切不可輕追恐人馬俱困墮其計中不可
不慎○夜有星如斗大蒼白色光燭地出中天雲中西南行隆
隆有聲流三丈餘至雲中○庚午浚揚州府江都縣瓜州壩河
道○辛未 上御奉天門顧謂侍臣曰今北京山西寧夏皆言

地震天變垂戒朕用惕然爾等試言其故侍臣對曰地震應兵
戈土木之事上曰比年兵旅饑饉民困甚矣息之豈肯適
一己之情興土木之工重困民力如樓居可以避暑則午門端
門皆可居也何必復建高臺廣榭今彼宮卑隘不足容尚不敢
增修憲階氏力土木之事在今不為若云兵戈但當勅邊將嚴
守備戒不虞而已○壬申陞無錫縣知縣趙次進為福建按察
司僉事○癸酉復郡祐為福建道監察御史祐洪武中御史建
文初改洛容知縣又坐事謫後山東鹽場至是復之○通政司
趙彛等引奏山東男子獻瀆國者上曰自古帝王用兵皆出
於不得已夫驅人以言白刃鮮有不死傷毀折其得不死亦幸
也朕居軍旅數年每親當兵石見死于鋒鏑之下者未嘗不痛
心但出不得已耳天下無事惟當休養斯民修禮樂興教化豈

復當言用兵此輩狂妄必謂朕有好武之意故上此圖以冀進
用好武豈盛德事莫斥去之○都督張文傑免初文傑縱其子
銘犯法下獄給事中知奏文傑恃恩驕恣又有告其他事者
上以勳戚不欲加罪但免歸田里其長子鎮任肅州衛指揮僉
事亦罷之○修應天府府容縣楊家港王早圩等處堤岸計七
千一百七十丈

太宗文皇帝實錄卷二十五

太宗文皇帝實錄卷二十六

永樂元年十二月甲戌朔 上視牲南郊翰林侍讀學士解縉
奏初修古今列女傳成 上親製序文曰朕聞惟天下至誠為
能經綸天下之大經立天下之大本知天地之化育大經者五
品之人倫也大哉經綸之道乎而以人倫為本人之大倫有五
而男女夫婦為先有夫婦而後有父子有父子而後有君臣此
匹之際生民之始萬福之原經訓之作皆截之首篇聖帝明王
相傳之要道豈有加於此哉是故唐虞遠矣三代莫盛於周太
王王季肇建邦家文王誕膺天命以撫方夏武王周公修太平
之業姜任繼美嗣續徽音輔成闡睢麟趾之化朕嘗求之幽風
觀其習俗之美家人父子雖然有恩絮然有文饁田畝為酒食
治蠶績供衣裳以奉獻祭賓二南之雅興也及乎周南后妃貴

而勤富而儉長而敬不弛於師傅嫁而孝不衰於父母樂而不
淫哀而不傷逮下而有益斯之祥而致麟趾之應雍雍乎熙熙
乎江漢汝墳感被其化端莊靜一無狎昵之私離別告語皆忠
厚之愈何其盛也蓋古必有女師之官所以教之之具委曲詳
盡皆著於書周衰故佚今內則諸篇寂寥數言而已近世有欲
復古者相承書作其說浸廣獨劉向輯古列女傳上自后妃下
逮士庶人之妻媿媿忠厚之意欲以感悟其君其意亦美矣惜
其傳久般亂南蠻曾鞏已不得其詳論其乖異而曰覽者擇其
是非向之分類尤不能無議者有虞二妃而冠之母儀之篇謂
之何哉向之失不至此其亦未成之書與朕自少時伏却觀
皇考修身齊家 皇妣輔治同德訓勸整齊委曲詳盡古人之
遺意復見于今日 皇妣百範女史讀書至列女傳謂宜加評

論刑定為書水作世範請於 皇考命儒臣校正有緒來既
皇妣遺榮 皇考每歎息傷悲其意竟未及成書永樂元年六
月朕既上冊寶尊極 皇考聖神文武欽明啓運俊德成功統
天大孝 高皇帝 皇妣壽慈昭憲至仁文德承天順聖高皇
后纂成成實錄宮壺復中 皇妣之意朕不敢為乃命儒臣編
次右令后妣諸侯大夫士庶人妻之事分為三卷頌之六宮行
之天下俾為師民知所以教而閨門知所以學庶修身者不致
以家自累而內外有以相成全體經驗之功大復虞周之盛以
知天地之化衍嗣維麟趾之風朕於是書實有望焉既上進命
刊印以賜百官賜婚及侍讀養淮相廣胡儼侍講楊榮金幼孜
楊士奇等檢討王洪蔣驥典籍沈度文騎衣各一襲鈔有差○
乙亥修浙江瑞安縣沙園千戶所護成堤岸○丁丑詔免邊衛

嘗屯官赴京考較。○修山東泰安州東嶽廟。○修河南懷慶府

孟縣郭旦濟河橋錦衣衛巨奏福建送至海口若干人法當棄

市。上曰朕嘗許以不殺今之殺是不信不信則後來者之路

塞矣但有之謫邊錦衣衛臣復奏寇有婦女一人奉犒掠得之

今已為妾合無俱發邊。上曰本吾良民不幸為寇所掠可釋

歸原籍。○戊寅修廣東肇慶府鳳翔遙頭岡等處圩岸。○工部

尚書黃福奏陝西行都司所屬屯田多缺耕牛耕具令准北京

例官市牛給之耕具於陝西布政司所屬鑄造悉從之。○陝西

寧州言州稅糧歲用輸軍夏甘肅等衛山岡險阻車輛不通致

累年虧欠乞改輸本郡從之。○己卯賜周王棟綵幣羊酒鞍馬

。○復營州右屯衛。○修揚州府江都縣永真沙邊江圩岸。○庚

辰擢長清縣知縣王文貴湘潭縣丞馮榮宗延安府照磨方仕

隆鳳縣典史馮惠武昌縣丞沈斯慶湯府學教授耿通賀縣主簿李守忠監生郭瑄舉進華禎王生沈昊張麟鯨觀薛魯前燕府長史司吏楊勉俱為給事中日照縣知縣李綜為監察御史○辛巳臘日賜文武羣臣宴○忽刺溫等處女直野人頭目西湯哈鎖失哈等來朝貢馬百三十匹遺尤者銜以西湯哈為指揮使鎖失哈為指揮同知吉里納等六人為指揮僉事餘為衛鎮撫千戶百戶所鎮撫賜誥印冠帶袞衣及鈔幣有差○癸未脩大昊凌寢○命吏部奉天靖難公侯伯皆如舊制封贈其三代之妻給之誥命 命禮部翰林院議廣平侯袁容繼嫡母生母封贈事先是禮部言國朝諸司職掌內載凡嫡母在生之母不得封嫡母亡得並封封贈武官例又云嫡繼母在所生庶母不封嫡繼母亡所生母在宜如其子封職繼母見在嫡母已亡

合封繼母追贈嫡母嫡母及所生母俱亡止贈嫡母今廣平侯袁容嫡母孫生母劉氏亡獨繼嫡母羅在而封贈事例不同

上命禮部與翰林院議禮部官同翰林侍讀學士解縉等議若所生母與繼母俱在禮難並封今繼母在當封所生母並嫡母俱亡亦可一體追封從之仍命故不為例於是封其繼母羅氏贈其嫡母孫氏生母劉氏皆為夫人。朝鮮國王李芳遠遣陪臣李彬問無恤等貢馬及方物謝賜冠服恩。鎮守貴州鎮遠侯侯顧成遣人馬馬且陳邊路賜勅勞成曰卿以重臣出鎮邊鄙盡誠為國計慮甚周屢有建明兄悃朕意眷念耆舊特注良深特賜卿銀二百兩鈔萬貫綵幣八表裏至可領也。甲申勅貴鎮守遼東保定侯孟善曰朕命爾往鎮東鄙所宜招懷遠人靖安邊境以稱付托之重爾遣百戶傳三漢出塞竊馬以致喪

沒內失可用之人外失信於夷狄遼東肥沃之地一年耕有收
足數年之用數年有收海運可省爾不盡心提督屯種之務軍
士皮裘必先時閑給庶幾得用爾及今方以為言有司展轉文
移豈浹旬可及及皮裘運至而天氣向暖苦寒之地下人何堪
為帥如此國亦何賴顧念舊勳姑貸爾罪自今亦深思改過愛
惜將士撫綏外夷每事盡心悉慮毋怠毋忽。陞都指揮僉事
靳榮為山東都指揮同知鹿榮為河南都指揮同知曹武為陝
西都指揮同知彭城衛指揮使余成為大寧都指揮僉事金吾
後衛指揮僉事劉祖為指揮同知燕山右衛千戶喬玉為金吾
右衛指揮使應天衛千戶高庸為金吾後衛指揮僉事留守後
衛十戶鍾監為府君右衛指揮僉事鞏昌衛百戶儲恭為金吾
前衛指揮僉事以故十戶王來住弟姚保襲陞羽林前衛指揮

同知。乙酉陞前燕府典儀正陸永成為鴻臚寺右寺丞。前浙江布政司理問武信為福建按察司僉事。刑部主事茹珙為雲南按察司僉事。行人司正黃宗載為湖廣按察司僉事。金壇縣知縣孫時為河南按察司僉事。杭州府學教授蔣良輔為戶科給事中。北京行部尚書郭賓等奏貞定棗強縣民初復業加以蝗旱流殍者眾。今天寒乞遣人覈實以實賑濟。上曰：民困如此，濟之如當救焚拯溺，少緩即無及矣。今遣人覈實，展轉往復，非兩月不得民命。迫于旦夕，其可待乎？令戶部速遣官往賑。又命監察御史一員監督賑舉，具實以聞。河南陝西者民趙八等言州連歲蝗旱，人民飢困，所虧秋糧二萬七千餘石，乞折輸鈔從之。丙戌賞歸附鞋粗太平襲衣等物。丁未，上謂吏部尚書曰：襄義及都察院左都御史陳瑛等曰：為國牧民莫

如於守令守令賢則一郡一邑之民有所恃而不得其所者寡
矣如其不賢當速去之蓋吏部選拔之時出一時倉猝未能悉
其才行必考察所行乃見賢否其令巡按監察御史及按察司
凡府州縣官到任半載之上者察其能廉貪之時具奏○修山
西夏縣右河決堤三十餘里○戊子肅王樸慶王旅泰王尚炳
遣千戶李宣等進馬賜宣等鈔有差○夜有食。己丑立春 上御奉天
殿文武郡臣行賀禮賜宴 夜木星犯羅堰下星○庚寅西寧
衛土官指揮李南哥率把沙等十獲番酋却約思等及河州番
酋米卜等來朝貢馬賜銀鈔綵幣有差○壬辰 上宴問御謹
身殿問 太祖皇帝御製文集顧學士解縉等曰 皇考文章
固天資超邁無宜學問所至觀其所著皆天地之心帝王之度
語簡理至藹然可見縉等曰誠如 聖諭 上曰朕於宮中偏

尋 皇考家諭不可得有言建文自焚并寶璽皆壞矣朕深恻
之又問婚等曰意者有散落臣民之家者乎婚等對曰國初佐
命諸臣之家理當有之遂遣書各王府求之命禮部遣監生三
十餘人分詣各布政司府州縣令官員軍民之家有收藏 高
廟御製詩文及宸翰者皆送官官別錄本予之仍重審之○命
故都指揮僉事武勝子興襲羽林前衛指揮使○賜西寧衛來
朝土官指揮李南哥等給絲衣各一襲從人絹衣○免河南陳
州今年租稅以淫雨傷稼故也○癸巳 上宴問顧問侍臣曰
今一歲又終外問軍民安否如何對曰 陛下臨御以來所施
無非仁政今軍民皆安正太平無事之時 上曰太平豈易言
朕惟遵 皇考成憲以為治如得雨暘時若年穀豐登兵革不
興兆民安樂朝無奸邪然後可為太平無事又曰奸邪難識其

情似真而實偽其言似信而實詐苟一信其言而任之鮮有不失孔子曰聽其言而觀其行政以此耳。○夜有星如犢子大青白色有光出紫微垣內北行至游氣一小星隨之。○甲午賜前浙江右布政使滿復周北平按察副使高懷敬湖廣右布政使周政等誥賚勅宴賚之遣歸初以復周等舊人命吏部召用及至哀老不任事故復禮而遣之。○掌後軍都督府雲陽伯陳旭等奏近西延安府府谷縣沃溝村黃甫川雖延安屬地然相離五百餘里猝有變急應援不及以者虜入其地殺人畜山西巡邊將士相去僅十五里乃曰非吾境內擁兵不救請治以罪上曰吾令高守大同此高之過也忠臣為國知無不為况邊將以禦寇為職乎其移文切責之又曰姑宥之復爾必誅不釋。○福建都指揮司械送海寇七十三人至京。○朝鮮國及四夷土

官各遣使質明年正旦貢名馬方物賜之鈔幣○己未楚世子孟浣來朝○擢鄉貢舉人正備為翰林院檢討既命下上問左右曰翰林院檢討之下何官對曰博士典籍侍臣侍詔又問皆已除人未對曰己除又問其賢視備何若對曰備初除未知其為人如舊博士中皆老成文學士上嘆曰古所謂用人如積薪此類是己國家用人以賢以替備之賢既未可知替亦未有不今賢有替者位其下何以服士心命禮部凡翰林自博士以下皆陞與備同遂陞博士張伯顏王汝王典籍沈度潘幾侍書蘇伯厚侍詔王廷齡劉宗平解榮皆為檢討○丁酉改北京薊州之石門鎮驛隸遵化縣鎮江府丹徒縣之京口驛隸本府浙江餘姚縣之桑盆河泊所隸會稽縣衢州府西安縣之信安驛隸本府寧波府之連山驛隸奉化縣江西袁州府之秀江驛

隸本府四川涪州之黔凌嶧隸豐都縣湖廣沔州景陵縣之
茅埠稅課局隸本州增置山東魚臺夏津二縣縣丞主簿○革
浙江黃岩縣之松門巡檢司兩淮都轉運鹽司之通州安東廣
盈二鹽倉○裁減雲南亦佐廣通碕嘉陽林四縣縣丞復舊舊
制也○擢前都司斷事翟益為陝西按察司僉事進賢縣稅課
局大使唐簡為工料給事中太平府學訓導王子沂嘉定縣知
縣樊鎮為監察御史○福建按察司副使胥必彰坐事降四川
道監察御史○戊戌 上謂戶部尚書郁新曰朕久居北方民
情爾出自民間民之利病亦當具知可詳錄進來又曰近聞六
部弊政甚多此皆官屬不職所致爾宜戒飭所屬務以恤民為
心○己亥修南陽府高家屯頭二堰及沙澧等河堤岸○修江
西大庾縣平政橋○庚子陝西甘肅二衛獻瑞參肅州衛

蘇嘉木 都指揮僉事劉清於浙江治水擾民事覺謫隸同安侯大貞麾下立功。辛丑安南胡奎遣使賀明年正月進方物且上章謝罪曰伏蒙勅書諭臣占城構兵事臣罪深重荷天地大德赦而不誅不勝慙懼自今以往謹當息兵安民以仰副聖訓 上以其能改過賜勅慰勉之時已有詔封胡奎為安

南國王其上章不稱王者詔命未至故也。四川都司都指揮使胡淵雲南都司都指揮使王俊俱以老疾乞致仕從之。壬

寅享 太廟 是歲天下戶十一百四十一萬五千八百二十

九口六千六百五十九萬八千三百三十七人稅糧三千一百

二十九萬九千七百四石布帛一十萬五千四百二十六匹絲

棉三十七萬九千二百一十五斤綿花絨十六萬二千二百四

十九斤課鈔五百六十萬六千八百七十七錠金五十兩銀八萬一

百八十五兩銅二十四百二十三斤銖七萬九千八百六斤鉛
六萬二十四十二斤硃砂千八百五十五兩海肥二十六萬六
千七百五十四索茶百六十七萬八千一百七十斤鹽百二十
九萬二千八百六十二引屯田子粒二十三萬四千五百四十五萬七百
九十九石馬三萬七千九百九十三匹

太宗文皇帝實錄卷二十六

太宗文皇帝實錄卷二十七

永樂二年春正月癸卯朔上御奉天殿受朝賀大宴文武群臣及四夷朝使命婦朝皇后于坤寧宮錫宴夜有星如鷄子大青白色有光出正西雲中西北行至近濁○甲辰○勅諭天下文武諸司曰朕惟事天以誠敬為本愛民以實惠為先書曰惟天惠民又曰安民則惠然天之視聽皆因於民能愛人即所以使天朕嗣位以來嘗以此戒諭爾等而治軍者或不卹軍治民者或不卹民非為不卹又有刻害之者甚違朕意今春和時東作方興宜各究心務實申明教術勸課農桑問其疾苦卹其飢寒革苛刻之風崇寬厚之政以逆天休臻於治理欽哉○乙巳○復命戶部尚書夏原吉往蘇州治水原吉時自蘇州還言水雖由故道入海而舊河港未盡疏通非經久計於是命復行

仍命大理寺少卿袁復副之都察院左都御史陳瑛劾奏右軍都督僉事陳俊陪祀 太廟失儀命下錦衣衛獄 巡按北京監察御史周幹劾奏都指揮張鑑縱肆貪奸受鎮朔等衛白金命劾之○丙午○楚世子孟燒還國賜之鈔幣各布政司府州官進表者辭歸 上諭之曰治天下以天下之心為心為治一方者以一方之心為心朕居君位夙夜念慮未嘗忘民每思飲食衣服百物之奉皆出民力民或有寒不得衣飢不得食勞不得息朕何忍獨安爾等皆以才賢為國家任牧民之職夫受人寄者當盡己之力為人上者當推己之心治民之道惠養為急不害播種則民無飢不妨蠶桑則民無寒蓋民之衣食皆出己力未嘗仰給公家惟賴公家統理以免強陵眾暴之患爾爾等當明其利害順其好惡去其為惡之人則為善者自安懲其趨

末之習則務本者自固慎毋有所擾之數年以來軍旅供給民
勞為甚今略得休息正如病者初差宜保養調護若復勞擾病
將愈深其歸戒之 洮州衛百戶按宗巴他立及西番火把等
十三簇頭曰喇刺約等來朝貢馬賜銀鈔衣幣有差○丁未○
復遣監生劉源等三十二人分行郡縣訪求 太祖高皇帝御
製詩文 戶部言廣西桂林府所屬全州儲糧四萬三千八百
八十餘石歲久陳腐宜令轉輸桂林府以給歲用從之○戊申
○揚州府高郵州耆民言自州北門至張家溝湖岸兩京之要
路民田之巨防湖納天長盱眙諸水雨潦漲溢風波衝沃衝泥
岸每歲修築施復傾圯阻絕驛路傷損民田乞遣人相度重為
修理從之○己酉 命都指揮呂毅鎮守寧波賜鈔六十錠○
庚戌享 太廟 有道士獻道經者 上曰朕所用治天下者

五經耳道經何用斥去之既而諭侍臣曰上好正道則下不為邪人主好尚稍不謹儉人懷僥倖之心者恣縱妄誕以投所好苟墮其計將來流害無窮矣故不得不斥○辛亥○詔近年漫散軍士亡失軍器藏民間者悉送官命宣府備禦武城侯王聰同安侯火真率騎兵千人馬千五百匹巡羅迤北禮部尚書李至剛劾奏戶部右侍郎李文郁無故不陪祀太廟命下刑部治之部議文郁大不敬謫戍三萬衛都察院左都御史陳瑛劾奏陝西按察副使王煜娶屬官司獄女為妻失風憲體微下獄福建行都司都指揮僉事劉達以受所部私餽謫戍邊海夜月犯軒轅左角宿○丁巳○遣使齎勅諭占城國王占巴的賴曰爾奏數為安南國所侵朕已遣人諭之令西兵安民今安南王胡金陳詞服罪不敢復肆侵越人能改過斯無過矣爾

英宜務輯睦用保下人性無山左銜指揮同知王煥為都指揮
僉事 元宵節賜文武群臣宴 定屯田賞罰例凡管屯都指
揮及千百戶所管軍旗各以其歲所入之數通計以為賞罰一
歲軍士食米人十二石之外人均餘十二石者百戶賞鈔百錠
百千戶百一十錠指揮百二十錠都指揮百三十錠均餘十一
石以下至七石之五等每等視前各遞減賞十錠均餘六石者
都指揮指揮千百戶俱無賞罰均餘五石者百戶罰俸一月千
戶二十日指揮十五日都指揮十日均餘四石者百戶罰俸二
月千戶一月指揮二十日都指揮十五日均餘三石者百戶罰
俸三月千戶二月指揮一月都指揮二十日均餘二石者百戶
罰俸四月千戶三月指揮二月都指揮一月均餘一石者百戶
罰俸五月千戶四月指揮三月都指揮二月均餘無者百戶罰

俸六月千戶五月指揮四月都指揮三月軍士食米人十二石之內人均缺一石者百戶罰俸七月千戶六月指揮五月都指揮四月均缺一石以上至六石之五等每等視前各遞增罰一月其總旗則與之管軍旗通計均有餘糧十二石十一石者其月糧並全支米均餘十石者總旗月糧支米者一石二斗小旗一石軍九斗均餘九石者總旗月糧支米者一石小旗九斗軍八斗均餘八石者總旗月糧支米九斗者小旗八斗軍七斗均餘七石總旗月糧支米者八斗小旗七斗軍六斗餘並準支以鈔自總旗以下餘糧不及前數及食糧十二石之內有缺者其月糧則並米鈔均支如故其軍除餘糧至十二石入倉而復有餘者聽其自用所定賞罰直隸從巡按監察御史在外從按察司官覈實然後行之

上諭群臣曰凡合眾作事必不懲勸之

道然後人皆思舊人人皆奮何功不成此法行之數年必有成
効但在任之得人爾○戊午○詔自今有犯交易銀兩之禁者
免死徒家興州屯戍撫安江西給事中朱肇劾奏江西按察
司副使梁成性薄不修難居風憲上曰按察司一方之風化
郡邑之表率所係既不能正家何以正人謫戍于邊○己未○
戶部尚書郁新奏湖廣儲衛上去年屯田所入租數例當考較
然所收物不一今宜以來為度準之每粟穀糜黍大麥蕎麥各
二石稻谷蜀秫各二石五斗稗稗三石並各準米一石小麥芝
麻苴並與米等從之令著為令○庚申○以守城功陞前燕府
紀善李達袁圭吳牧相佐王克敬王安王弁李能何順甄寶前
監察御史柯榮俱為給事中擢寧國府學訓導陳仲完為翰
林院編修世永平府通判潘粟為山東布政司右參議行太僕

寺丞李文榮為福建布政司右參議 雲南布政司左參議張
定坐變亂舊章下獄河南鄭州滎澤縣言蝗蝻傷稼稅糧乞以
豆菽代輸從之修揚州府泰州河塘圩岸萬八千六百五十丈
○辛酉○陞羽林前衛千戶吳祥忽刺出俱為指揮同知張保
子為指揮僉事 禁民下海時福建瀕塘海估戶私載海船交
通外國因而為寇郡縣以聞逐下令禁民間海船原有海船者
悉改為平頭船所在有司防其出入 夜有星自梗河出如鷄
子大青白色東行三尺許有光如蓋大入天紀○壬戌○陞太
醫院判韓公茂為本院使御醫莊彥忠為院判 復劉瓚廣西
道監察御史瓚洪武中為御史建文中出為杞縣知縣至是復
之 命京衛造海船五十艘○癸亥○以故中軍都督僉事山
青子雲襲父原職為金吾左衛指揮使 將遣使西洋諸國命

福建造海船五艘○甲子○陞羽林前衛指揮僉事陸拾玖為
本衛指揮同知千戶吳添兒金吾左衛千戶毛春王通悅旺劉
原俱為本衛指揮同知張人敬李塘曹大王岩閔成崔信紀成
趙進林請秦泰泰亮王斗童金吾右衛千戶千家驢劉全俱為
本衛指揮僉事○丙寅 命鎮守貴州鎮遠侯顧成以官所市
馬二千匹悉給諸衛軍士○戊辰○禮部以會試天下舉人奏
請官考試 上命翰林院侍讀士解縉侍讀黃淮為考試官賜
宴於本部 陝西都指揮使孫霖以私役軍士及逼索所部貨
贖致罪謫戍寧夏○己巳○遣附馬都尉永春侯王寧隆平侯
張信齋書詔世子 及郡王高煦赴京 陞燕山右衛指揮
使李和為都指揮使掌燕山左衛事羽林前衛千戶解忠為羽
林衛指揮同知大寧中護衛指揮僉事陳英為府軍衛指揮同

知金吾右衛千戶趙真為本衛指揮同知 戶部尚書郁新言
河南等處管屯都指揮劉英等上屯田歲收之數臣等計之一
人所耕不足自供半歲之食皆英等怠惰不嚴督所致宜罪之
以警眾 上以法令初行姑宥之遂召英等諭曰屯田軍國之
大務已驗之良法爾等不留心如此徒坐享厚祿何為用兵數
年今始得休閒而民已疲弊若復役疲弊之民以贍休閒之卒
為民者愈困為兵者將情矣蓋畜兵以衛民豈以兵困民汝等
宜深思之用心勤力以督下人若今歲仍復怠惰耕獲不及論
罪如法悔無及矣○庚午○陞鴻臚寺卿楊砥為禮部右侍郎
臨江府同知汪同為陝西按察司副使蓬州判官周英為僉事
徐州判官晏璧為山東按察司僉事永州府通判楊銳為河南
按察司僉事 陞金吾右衛指揮僉事王旭為本衛指揮同知

戶部左侍郎孫瑜坐事左遷北京行太僕寺少卿○辛未○
都察院左都御史陳瑛劾奏掌山西都司事都督僉事曹遠都
指揮使房照擅罪軍職命錦衣衛徵下獄 夜有星如鷄子大
赤色有光出天市西垣南行入天江

大明文皇帝實錄二十七

大明文皇帝實錄二十八

永樂二年二月壬申朔世子悅據來朝 勅江西總兵官襄城伯李濟等曰永新縣民流劫朕即位之初不欲發兵慮害及無辜故已遣人招諭使各復業改過自新今得奏知彼不悛前非為患尤甚故死子兵里長及邊捉巡檢等事如此即不可再以理論必當發兵勦捕爾可選精銳三千直抵賊巢穴務在捕滅不可姑息以遺民患但今農作方興尤當警戒將士嚴守紀律毋得擾害善良妨誤耕種如獲賊人尤須詳審果曾為惡即解赴京來如係誣誤平民就便發遣寧家毋得濫及無辜以傷天和又勅濟曰所言賊人二百名恐非實數今往勦捕慮將士但求滿數而不察是非濫及無辜切須戒之但有悞傷良善一家及妄虜良民妻妾子女一人指為賊屬者皆處重罪雖有功不

賁爾宜嚴切戒飭毋令擾害良善○癸酉○忽刺溫等處女直野人頭目把刺荅哈來朝置奴兒十衛以把刺塔哈刺孫等四人為指揮同知古驢等為千戶所鎮撫賜誥印冠帶襲衣及鈔幣有差禮部引奏北方歲貢生員入學十年考不中試者例當充吏 上曰人心志舒泰則能學四體不勞則能學衣食溫飽則能學責人之功當董其力諭人之罪當明其情北方近三四年間兵戈擾攘諸生舍俎豆而事軍旅飛芻輓粟之勞奔走流離之苦豈暇於學今考不中式者可發回原學補其廢學年數以俟再試再試不中如例處之○甲戌○命金吾左衛故指揮同知劉濠子玉故指揮僉事劉義子本羽林前衛故指揮僉事禿魯帖木兒子罕克哈兒俱襲父職○乙亥○江西按察司周觀政有罪謫為河間府驛夫○丙子○復紀諱監察御史諱洪

武中為御史建文中出知睢寧縣至是復之以江西永興縣判
魁未平命豐城侯李彬率步騎兵二千前去策應勦捕彬陛辭
賜鈔四十錠○丁丑○遣官釋奠先師孔子 蜀世子悅嫌辭
歸錫鈔二千錠 上召母連河等處朝使至前問勞之久而退
上顧侍臣曰夷狄之人萬里來朝若不與之相接稍垂顧問
彼必不樂侍臣進曰 陛下懷柔遠人之恩至矣但嚮所問者
皆田臘之樂其人民畜產未嘗一言及之臣愚竊所未諭 上
曰臘是其性之所欲若問其人民畜產彼心必疑朕方懷柔遠
人豈可使之疑○戊寅祭 太社太稷 大理寺臣奏市民以
小秤交易者請論違制律 上問工部臣曰小秤之禁已申明
否對曰文移諸司矣曰榜諭於市否對曰未 上曰官府雖有
令民固未悉知之民知令則不犯令不從則加刑不令而刑之

不仁其釋之 夜有星如鷄子大青白色有光出抑宿東南行

入星宿○庚辰 皇后千秋節文武官命婦朝於坤寧宮錫宴

增設湖廣靖州衛中右中中中前中後前前五千戶所○辛

巳○戶部言四川永通鹽課司金石井竈丁自陳本井歲額鹽

八萬三千七百三十斤去山遠難得薪撻為縣福全保通二井

水鹹薪使一歲可得鹽十萬餘斤乞就彼開煎為便從之○壬

午○擢涇縣丞孫述密縣丞程竑孟縣丞李維享偃師縣丞孫

英孟津縣丞李選新安縣丞裴榮臨漳縣丞韓隸宜陽縣主簿

王順俱為給事中象山縣丞張翥為監察御史 陞永平衛指

揮僉事谷祥為都指揮使仍守平 設北京兵馬指揮司置指

揮一員副指揮四員首領官吏同一員○甲申○除直隸蘇州

府崑山等六縣戶絕田四千七百九十七頃九十一畝有奇稅

糧 先是戶部尚書郁新奏河東鹽積聚多已令運至楊壺站
遞運所倉又令各站轉運至河東分運司近山西布政司右參
政尉綬等言民負路險難以輸運宜令商人中鹽年久者量增
引數以為路費使就闕之庶免勞民 上命六部議至是議奏
云河東地方每引加四十斤陝西朝邑縣山西平陽府聞喜縣
每引加八十斤山西平陽府翼城縣每引加二百十斤陝西
安府每引加百四十斤河南府淮浙每引加一引從之○己酉
○禮部奏請會試選士之數 上問洪武中所選幾何尚書李
志剛對曰各科不同多者四百七十餘人少者三十人 上曰
朕即位初取士姑準其多者後不為例又曰學者域材亦難當
取其大略其細如十分中有一二分語疵而不害理亦可備數
然科舉是國家取人材第一路不可濫且文體毋尚虛浮惟取

模實 修江浦至大興等二十九馬驛命江西諸郡民其稅糧及五百石市馬給之○丙戌○遣應天府官祭先農命郡耆老陪祀著為令 陞金吾左衛千戶崔讓盧海俱為本衛指揮僉事 兀者衛頭目脫脫哈等五十三人來朝別設兀者左衛以脫脫哈為指揮同知未合赤吉等為指揮僉事餘為千百戶鎮撫賜誥印冠帶襲衣及鈔幣左差 刑科都給事中馬禎有罪下獄遂陞本科給事中楊恭為都給事中○丁亥○雲南布政司左參政張定以罪謫為德州驛夫○戊子○皇孫生賜名瞻竣世子弟二子也 戶部尚書郁新等言往年為北京軍儲不足下令關中鹽糧准浙鹽於北京倉納米者每引二斗五升於德州倉納米者每引三斗五升今北京所轄地方米價已賤若仍准前例誠為虧官二處宜通一斗從之 承運庫大使周端

等言廣東地廣民稀盜課無商中納軍民多食私鹽宜令所司
覈實人口大口歲食鹽十二斤小口半之每斤納鈔三百文於
近場支納為宜從之 夜有星如蓋大亦黃色跡有光出天津
東行至近濁○己丑○江西總兵官襄城伯李滄奏永新縣寇
首悉已就獲其餘眾俱革心改過還家復業遂勅豐城侯李彬
駐兵南昌勿進 改築廣西興安縣分水塘縣有江源出海陽
山下面趨北流舊於江中橫砌石堞分水為二溝南渠通海北
渠通湖廣可行舟楫溉民田為利甚溥舊於堞上疊石魚鱗以
防漲溢衝激之患或有損壞隨宜修葺民不為勞洪武中巡按
監察御史嚴震直欲廣河流撤去魚鱗石增高石堞遇水泛勢
無所洩衝塘決岸奔趨北渠而南渠逆行舟不通田失灌溉連
年修築百姓苦之至是縣言乞改作如舊為便從之 修鎮江

府丹徒縣練湖隄岸浙江寧波府象山縣艾湖塘岸刑科給事中奏強盜該死罪其中有年十五以下者兩人昨蒙恩宥其死但投入習匠輪作終身匠等按理論之彼雖年幼既能行劫亦當被刑不宜免死 上不從曰童稚未成人者本無知覺嚮非成人者誘之豈能自為盜耶朕特推此情矜之爾豈肯屈法濫恩又曰古者悼不加刑二兒去悼之歲皆不逮況試其力皆不能勝二斗粟果有秦舞陽童區寄之能可曲貸乎○庚寅○遣內官楊真童等往孟定木邦二府頒賜土官刀名扛等緋幣○壬辰○琉球國中山王世子寧遣姪三吾良疊等以其王祭度卒朱告訃命禮部遣使祭之贈以市帛遂詔武寧襲爵詔曰聖王之治協和萬邦繼承天之道率由常典故琉球國中山王察度受命 皇考太祖高皇帝作屏東藩克修臣節暨朕即位率

先歸誠今既亡歿所宜有後爾武爾乃其世子特封爾為琉球
國中山王以承厥世惟儉以徇身敬以養德忠以事上仁以撫
下克徧茲遺作鎮海邦永延世祚欽哉○癸巳○陞撫州府通
判高勉為福建按察僉事萬縣知縣郭子瀘為廣西按察司僉
事下今天都司銜所屯軍百人以上者止以百戶一人督耕
三百人以上者千戶一人五百人以上者指揮一人毋多曠軍
職其舍人餘丁願耕者聽建寧府知府芮麟言府儒學及孔
子廟朱文公祠燬於火請擇地改建從之○甲午○命陝西郡
縣造皮襖給賜守邊軍士前軍都督府言龍驤衛千戶妻無
子妾之子代職居常見惡於妻今妻以刃刺其子傷足妻告妻
欲殺子請並治之上曰妻固可罪但傷足或非有殺之意今
使其母子媾妻兩造具備於獄史之前傷倫理可付其夫自治

寧夏總兵官左都督何福言河州等處永樂元年官所易恭馬多請給軍士從之○乙未○擢徐溝縣知縣王進為四川道監察御史 命工部修補園子監經籍板夜有星如蓋大赤色有光出紫微垣間闔門外西北行入北斗柄○丙申○改金吾右衛指揮同知劉毅為金吾左衛指揮同知○丁酉○遼王植第八子生賜名貴圻 復建山西陽曲縣軒轅廟蓋舊廟燬於火也 池州府銅陵縣民汪行進 太祖高皇帝御製文一冊 錫鈔二十錠 禮部會試天下舉人得楊相等四百七十二人○戊戌○陞金吾左衛千戶錢勝周士良俱為本衛指揮僉事○己亥○揚州府海門縣言縣有張港墩東明港相去百餘里舊遇風濤人多溺死官為修築隄岸民賴以安近因潮水衝激壞岸其害尤甚乞准舊例撥淮安蘇常三郡民丁襄陳之時修

築 上諭工部臣曰淮安之民近方安業蘇常二郡多苦水患不可重勞其道人驗視果便於民則發揚州府所屬州縣民丁協力修築 高郵州寶應縣言境內范光白馬二湖隄岸民資以禦水患而連歲為風浪衝齧今東作方興乞權加修補候農隙發丁夫築砌從之 脩修直隸興化縣南北塘岸○庚子○陞工科都給事中趙毅為工部左部郎鴻臚寺序班李嘉以守城功為通政司右參議改右參政陳定為左參議復錢勉為禮科給事中勉建文初出為鄞縣知縣坐事落職至是召復之 貴州宣慰使安卜范道人貢馬 夜有星如盞大青白色光燭地出西北雲中西北行至雲中

太宗文皇帝實錄二十八

太宗文皇帝實錄二十九

永樂二年三月壬寅朔 上御奉天殿試禮部選中舉人楊相
等四百七十二人制策曰朕聞聖人之治天下明於天之經察
於地之義周於萬物之務其通貫古今而不易也是故黃帝堯
舜統承先聖垂衣而治神化宜民朕惟欲採其精微之蘊曆象
高賁洪範載於書大河河圖洛書著於易古今異說朕惟欲致
其合一之歸興學有法立賢無方而古今異制朕惟欲通其所
以教育參其所以明揚古者禮樂皆有書今儀禮曲禮周禮僅
存而樂書闕焉朕惟欲考三禮之文補樂書之闕定黃鍾之律
極制作之盛皆聖人治道所當論也咨爾多士承朕 皇考聖
神文武欽明啓運俊德成功統天大孝 高皇帝作新餘四十
年必知務明體適用之學敷納於編朕親考焉 命敷惠王允

熙冠 命平江伯陳瑄充總兵官前軍都督僉事宣信充副總
兵師舟師海運糧儲往北京 安定衛千戶三即等朱朝陞三
即等三人為指揮僉事餘為千戶鎮撫等官仍賜本衛指揮同
知哈三及三即等曰金綵幣有差逐初安定衛指揮千百戶年
老及亡歿者悉聽子弟代襲○甲辰○遣內官張勤等頒賜麓
川緬甸二宣慰使司及孟養府土官思行發等綵幣紗羅等物
○乙巳 上御奉天殿閱舉人對策擢曾榮為第一賜榮四百
七十二人進士及第出身有差○丙午○擢湖口縣知縣石魯
為陝西道監察御史 賜進士曾榮冠服銀帶餘並賜鈔五錠
是日賜宴於會同館○丁未 上御奉天殿進士曾榮等上表
謝恩 己酉吏部奏授進士曾榮等官命第一甲曾榮為翰林
院修撰周述周孟簡俱為編修仍命於第二甲擇文學優等楊

相等五十人及善書者湯流等十人俱為翰林院庶吉士俾仍
進學擢第三甲方紀等二十人為行人司行人餘於諸司觀政
裁減湖廣江華縣縣丞主簿 修廣東雷州府海康徐聞二
縣那隱坡調黎等港提等 鎮江府丹徒縣民言境內舊有江
通湖水旱可灌溉澇得疏泄後因於塞居民壅以為田澇則滄
及田廬旱灌溉失利洪武中雖嘗浚滌旋復淤塞乞於農隙倍
加疏流永為民便從之○庚戌○吏部尚書蹇義等奏有千戶
奏薦士初朝廷命文臣舉懷才抱德者武臣不與命千戶所奏
違制制宜罪之 上曰朝廷初下令求賢武臣不與命者蓋慮
其不學昧於知人念能薦亦是忠君愛國之心不用罪之昔馬
周因常何而進今所薦固未必有周之才然亦徵求如試之果
有才一體授官否則罷之 刑部尚書鄭賜等奉湖廣江夏縣

民有父死以銀營葬具者在法以銀交易當徒邊 上曰朝廷始以鈔法不通皆緣民間銀鈔兼用而率重銀輕鈔故禁其交易今民喪父自於治葬之急而違法終非況法貪利之心古人哀有喪者宜矜宥之 辛亥夜有星如鷄子大赤色有光出天市西垣內東南行至近濁一小屋隨之 壬子陞金吾左衛指揮同知劉王為衛指揮使○甲寅○賜翰林院修撰曾榮編修周述周玉簡羅衣各一襲○乙卯○朝鮮國王李芳遠遣陪臣閔無疾貢金銀器皿方物賜鈔及文綺○丁酉○改戶科都給事中蔣良輔為工科都給事中 陞雲南都指揮使曹隆為後軍都督同知 福建甌寧縣紀錄軍丁江陰年六歲能紀御制大誥詣闕陳誦賜衣及鈔驛送建寧府儒學讀書○己未○琉球國山北王攀安知道使亞都結制等貢方物賜錢鈔文綺絲

幣○庚申 上召刑科都給事中楊恭等諭曰國家號令使小
人畏而不犯可矣雖其為惡之心未必革然為上用法當以
寬不以猛待人當以威不以偽猛則民不堪偽則不信去歲命
御史給事中往各處撫安軍民禁止愚奸導其為善臨遣之際
諄諄告戒務在安民昨日給事中丁瑛等奏云至四川見無犯
法者乃陰遣親信用銀誘之交易已而果有犯之是其心終不
戒也遂執之瑛不肖刻薄如此假令民畏法反執陰誘者送官
何以處之古人治天下無非公平正大之道昔唐太宗以物試
人待其受之則加之罪賴魏徵諫而止朕嘗戒此事思得魏徵
其人置於左右今此輩小人但圖邊功不顧枉陷良善甚朕
任使其令都察院遣人馳往釋所誣民而執瑛等赴京罪之仍
移各處撫安者使威瑛等所為而以為戒 陞翰林院編修王

達為侍讀學士 陞羽林前衛指揮僉事王歪頭金吾左衛千
戶黑狗兒金吾右衛千戶千官音俱為本衛指揮同知命金吾
左衛故千戶梅成子受胡得林子狗兒俱襲陞本衛指揮同知
捌郎子茶哥帖木兒俱襲父職金吾右衛故指揮僉事王道住
父成任其子職 賜吏部左侍郎許思溫戶部左侍郎王忠工
部右侍郎金忠兵部右侍郎墨麟大理寺左少卿呂震右寺丞
吳中鴻臚寺右寺丞陸永誠通政司右參議李嘉應天府丞張
執中織金羅衣各一襲 南城兵馬指揮司奏江寧縣民因治
父喪失火延燬官民居數百間請罪之 上曰失火固當罪然
初喪父情有可矜姑宥之○辛酉○陞大理寺左少卿呂震為
本寺卿右寺丞吳中為左少卿 命工部建進士題名碑於國
子監命翰林院侍讀學士王達撰記○壬戌○擢知縣縣何廣

任壇田本宋江主簿古彥輝鄧宗文布政司都事呂彥機衛經
厯羅仲穎府知事王順舉監生李矩周正秦瓚魏清文振許信
淵和呂衡楊祥楊儼任重王理陸必壽王良俱的監察御史
上御右順門晚朝召後軍都督府及兵部官皆不在列御史劾
奏其不朝罪上曰朕嘗命百司皆於早朝奏事非警急事當
奏者不須赴晚朝聽在司理職務惟通政司達四方奏牘早晚
須朝今晚後府兵部必無當奏之事故不朝不須罪○甲子
上御奉天門召六科給事中論曰朕君臨天下夙夜拳拳惟欲
軍民老少皆安爾等職居近侍比來皆不聞一言及於軍民利
病何也可退而思之條析以聞朕將審擇行之又曰天立君以
養民君不恤民是不敬天君資臣以成治臣不輔治是不忠君
朕與爾等皆不可不勉刑部尚書鄭賜言遼東都司都指揮

同知何琪不修邊備失機當斬 上曰守將所以捍禦外
患一有不謹誤事非輕琪不能盡心邊事致虜侵掠不正其罪
何以戒後來罪之如律○乙丑○世子 郡王高煦至京師○
丙寅○撫安江西給事中朱肇言比者工部遣人於江西買牛
令有司遞送淮安轉送北京給軍屯種未免勞民今江西浙江
湖廣所屬郡縣積歲沒官牛共計五千餘頭俱在民間牧養若
停收買以民間見養之牛轉送給軍則官民皆便 上命工部
勘寔先以牛給本處屯軍有餘者送北京給軍屯種 安定衛
指揮朵兒只朶等來朝自陳願納差發馬五百匹命河州衛指
揮僉事康壽往受之壽言必里罕朶等衛所納馬其直皆河州
軍民運茶興之今安定衛遠運茶甚難請給布絹為便 上
曰諸番市馬皆用茶給著為令今安定衛來朝之初自願納馬

其意可嘉姑以布給之後仍以茶為直於是上馬給絹二匹布
二匹中馬絹一匹布二匹下馬絹一匹布一匹罕東衛指揮
僉事鎖南吉利恩同兄弟力襲等十六人貢馬命答力襲為本
衛指揮使頭目奴奴為指揮僉事各賜冠帶鈔幣○丁卯諭中
軍都督僉事李諒曰爾兄弟以掖庭之親得至顯官建文中并
遭羅黜朕即位之初篤念親親悉復厥職爾弟忠性資險僻語
言悖妄朕慮忠將自貽罪愆故特保全之命冠帶還鄉庶親親
之恩盡而君臣之禮不虧諒頓首謝○戊辰○改封懿文皇太
子第四子敷惠王允熙為臨寧王以奉懿文皇太子之祀詔天
下曰朕聞帝王之道立愛惟親為子不祇不及於父朕皇考
聖神文武欽明啟運俊德成功統天大孝高皇帝皇妣孝
慈昭憲至仁文德成天順聖高皇后咸有一德克享天心創

業垂統傳之萬世朕長兄懿文皇太子降年弗永厥子嗣立崇
信姦回顛覆舊章戕害骨肉遂及於朕舉兵相嚮必欲咸劉天
下蕩然社稷幾墜朕惟祖宗積德之勤 父皇 母后創難
不得已遵承 祖訓將除君側之惡以幾周公之輔成王之義
賴天興 祖宗之佑遂至京師而少主自絕於天闔宮赴火諸
王臣民合辭勸進朕以 宗社之重勉徇輿情祇承大寶長兄
諸子允熲允熿允熒并錫王封不意允熲允熿弗知省躬自生
疑懟朕以至親之故不忍譴責免為庶人用保全之重惟長兄
未有承祀其弟四子允熙生十四矣黑竇端重今改封甌寧王
世奉懿文皇太子之祀於歲協和之道睦族為先博叙之仁繼
嗣為大展於同氣之情庶盡親親之道 陞旗手銜指揮僉事
鄧鏞為指揮使○己巳○周王橐進頌九章及僧舞 文武群

臣及京師軍民耆老復上表勸立皇太子賜勅答曰朕為建儲嗣以定國家之本係華夷之望此古今通制比歲親王數請建立御等亦屢以為言忠誠懇至皆欲固基本為宋社之計今俯徇所言以世子為皇太子其令禮部卜日具儀以聞定東宮儀仗時禮部言東宮儀仗有司失紀載視親王差少宜參考增製請增金香爐金香奩各一爰又傳教禮信禮告止幡各一對節髦幢各一對夾稍一對稍刁盾各十對戟四對紅紙油燈籠三對紅羅銷金邊圓傘紅羅繡圓傘各一紅羅曲蓋繡傘紅羅素圓傘紅羅素方傘青羅素方傘各二紅羅繡孔雀方扇紅羅繡四季花園扇各四拂子二唾盂唾壺各一鞍籠一誕馬八匹令旗一對清道旗二對懨弩一張白澤旗一對弓箭二十副桐鼓金鈺金鈸旗各二面花巨鼓二十四面畫角十二枝

板一串笛二羅二又戲竹一對龍笛四杖鼓十四面板一串大
鼓一面頭管四從之 上召六科都給事中馬麟等諭曰為治
貴得大體比爾等疏駁奏牘一字之誤皆喋喋以言瑣碎甚矣
史治文書業勝積累其精力有時而歇豈免錯謬自今奏內有
數目月日等字錯謬者皆令從傍改注用印蓋之不必以聞麟
等言奏內有不 此當罪之 上曰下豈敢慢上或一時急遽
漏寫有之必非故違亦令從傍增之因曰爾等在朕左右凡天
下何弊當革何利當興何處軍民未安何人奸邪未去當歷歷
言之勿隱若此細故可略也○庚午○禮部上冊封儀注一冊
立 皇太子及封親王儀注先期三日齋戒遣官祭告 天地
宗廟用香幣酒脯行一獻禮前一日禮部同鴻臚寺官設詔
案於奉天殿中設節冊寶案於詔案之南節中冊東寶西各以

次陳列設冊寶絲輿于丹陛之東尚寶司設寶案錦衣衛設鹵簿儀仗教坊司設中和詔樂如常儀至日鴻臚寺設皇太子拜位於丹陛正中設親王位於後世子郡王位又後各以長幼為序班設持節等官拜位於丹戟內引禮請皇太子親王及世子郡正具冕服于文樓下候以上服袞冕御華蓋殿翰林院官捧詔尚寶司官用寶託禮部官捧置于案執事官行五拜禮畢鴻臚官奏請陞殿導駕官前導樂作上御奉天殿樂止尚寶司官以寶置于案文武百官朝服行叩頭禮侍班引禮官六人導皇太子行禮二人導親王及世子郡王俱由東陛階至丹階贊就位持節等官各就丹戟_塹拜位贊鞠躬樂作四拜樂止傳制官跪奏傳制俯伏興由左門出西向立稱有制贊禮贊跪皇太子親王世子郡王及持節等官皆跪宣制訖贊俯伏

興半身引禮導 皇太子由殿東門入至冊寶案前內贊贊跪
贊宣冊捧冊官跪捧開授宣冊官宣冊官立宣于 皇太子之
右宣訖贊指主贊授冊捧冊官捧冊授 皇太子受訖以授內
侍內侍內受立於西贊授寶捧寶官捧寶授受一如冊儀贊出
主俯伏興半身贊復位引禮導 皇太子由殿東門出就位內
侍捧冊寶前導置絲輿內引禮樂親王世子郡王由殿東門入
至丹寶案前內贊贊跪贊指主俟諸王播主訖贊授冊捧冊官
各以冊授諸王受訖各以授內侍內侍跪受立於西贊寶授受
一如冊儀贊出主俯伏興半身贊復位引禮導親王以下以次
由殿東門出就位內侍各捧冊寶以次前導置絲輿內報執事
官舉節冊案由殿東門出以置絲輿內贊鞠躬樂作四拜樂止
執事者各并冊寶以次前行禮禮導 皇太子親王世子郡王

由東階降持節等官隨郡王後樂作至奉天門樂止用儀仗鼓樂迎冊寶至文華殿及各王邸禮畢持節官持節復命一冊皇太子妃及親王等妃儀注持節正副使等官捧皇太子妃節冊至左順門以節冊授內官往行禮北向立俟冊由正門入將至內引禮請皇太子妃具禮服出迎於宮門外比至皇太子妃隨至拜位內官置節冊于皇太子妃之左宣畢跪授皇太子妃受訖以授女官女官跪受于皇太子妃之右贊興內贊贊四拜禮畢內官持節出皇太子妃送出宮門外內官報正副使禮畢其親王妃冊持節官各俸以行鼓樂進送至王邸行禮如皇太子妃儀禮畢各復命禮部官候冊命畢奉迎詔書于承天門讀書如常儀一 皇太子及親王世子郡王謁廟謝恩儀注 皇太子受冊寶畢即率受封親王世子郡王各具冕服儀仗引禮導

引詣 太廟行謁告禮如常儀禮畢釋服引禮導引至左順門
具冕服率受封親王及世子郡王謝恩 上具皮弁服御奉天
殿引禮導 皇太子及親王世子郡王至 上前謝恩樂作行
入拜禮畢樂止導還至右順門內官導詣內殿前 皇后服燕
居冠服陞內殿 皇太子親王世子以下於內殿丹陛行人拜
禮畢以次而出一皇太子妃及親王等妃謁廟謝恩儀注皇太
子妃以受冊日率親王世子及郡王妃各具禮服詣 奉先殿
行謁告禮如常儀禮畢女官導詣宮門候 上具皮弁服 皇
后燕居冠服陞座女官導各妃就內殿拜位行人拜禮畢以次
而出一親王 皇太子儀注先是內官設 皇太子座於文
華殿鴻臚寺設親王世子郡王拜位於殿陛上教坊司設樂錦
衣衛設儀仗候王親世子郡王賀 中宮禮畢引禮導親王世

子郡王具冕服其未冕者便服序列於文華殿門外以候導引
官導 皇太子冕服陞座引禮導親王世子郡王由東階階就
殿陞上拜位贊鞠躬四拜贊跪鴻臚寺官一人詣殿門外王中
跪致詞曰某王某等茲遇 皇太子殿下榮膺冊命禮當慶賀
致詞畢贊俯伏興四拜皇太子駕興親王世子及郡王以次而
出是日 皇太子率受諸王詣武英殿見諸叔行家人禮四拜
諸拜西向坐受見諸兄行家人禮二拜諸兄西向立受次日文
武百官進表箋慶賀如常儀後三日文武百官便服見親王世
子郡王於文樓下行四拜禮其在王國者皆遣使行禮 上覽
而是之 以前福建布政司署右參政事監生岳福為兩淮鹽
運司運使 上御武英殿興侍臣論用人 上曰人君進一人
退一人皆不苟必須厭服眾心若進一人而天下皆知其善則

誰不為善退一人而天下皆知其惡則誰敢為惡無善而進是
出私愛無惡而退是出私惡徇私而行將何以服天下

太宗文皇帝實錄卷二十九

太宗文皇帝實錄卷三十

永樂二年夏四月辛未朔享 太廟 製東宮儀仗 勅北京

留守行後軍都督府及大寧等都司曰朕惟天下武臣犯矢石
冒霜雪累積勤勞致有爵位或承祖父功伐以得之蓋亦難矣
往者有觸犯刑憲律應奪之者朕念前勞不忍遽絕皆遠諭以
頓挫之使改過自新今已踰歲其自洪武三十五年至今年三
月謫發者皆量情貸免情輕者俾復之重者仍令立功俟有功
而後復之遣指揮完者先等賞勅往瓦剌諭馬哈木等曰朕承
天命主宰生民惟體天心以為治海內海外一視同仁今天
下底定四方萬國罔不來廷皆已厚加撫綏懼忻威戴惟迨北
諸部猶觀望進退出沒邊境未有歸誠今遣指揮完者先那海
百戶亦剌斯等往諭朕意夫天下一統華夷一家何有彼此之

間爾其遣人往來相好朕即授以官賞令遠本地射獵畜牧安
生樂業永享太平之福并賜馬哈木等文綺衣服遣使 勅諭
和林等處鞑靼頭目亦如之 簡東宮官屬 命淇國公丘福
兼太子太師成國公朱能兼太子太傅吏部尚書賽義兼詹事
府詹事陞工部右侍郎金忠為兵部尚書兼詹事兵部右侍郎
墨麟工部左侍郎趙毅俱兼少詹事陞吏科都給事中朱原貞
刑科左給事中陸善俱為詹事府丞○壬申 命僧錄司左善
世道行為太子少師復其姓姚賜名廣孝賜 勅諭曰卿秉性
篤實學行老成事朕藩師積有年歲朕靖難之初卿侍左右謀
謨弼贊裨益良多今建儲嗣簡求賢輔以卿舊人特授太子少
師夫太子天下之本也必賴啓迪匡正輔成德器卿尚勉盡厥
職副朕眷倚之重欽哉 命禮部尚書李至剛兼左春坊大學

士陞翰林院侍讀學士解縉為本院學士兼右春坊大學士翰林院侍讀黃淮為左庶子胡廣為右庶子胡儼左諭德皆仍兼侍讀翰林院侍講楊滌右諭德仍兼侍講以翰林院侍講楊士奇兼左春坊左中允改北京刑部主事尹昌隆為左中允陞翰林院修撰李貫右春坊右中允仍兼修撰命吏部左侍郎許思溫兼左春坊左贊善陞翰林院編修陳仲完左贊善仍兼編修檢討王汝玉為右春坊右贊善仍兼檢討仍國子博士徐善述監察御史王子沂俱為左春坊左司直郎國子助教晁鏞刑科給事中王文貴俱為右春坊右司直郎刑部司務楊正為左春坊左清紀郎國子博士楊斌右春坊右清紀郎教授陳禧教諭黃貫俱左春坊司諫教諭張謙梁良俱右春坊司諫陞翰林院編修楊溥中書舍人姚友直俱為司經局洗馬溥仍兼編修

戶部給事中吳牧兼司經局校書史料給事中梁質兼司經局

正字陞教諭劉真為校書訓導王雅為正字 改禮部郎中汪

原進為漢府左長史陞工部主事程石琮為右長史改兵部郎

中顧晟為趙府左長史陞工部員外郎盧盛為右長史○癸酉

○禮部進東宮朝儀先是 上命禮部同六部都察院翰林院

通政司大理寺鴻臚寺六科給事中等官議東宮朝儀至是議

進 上覽而可之令頒示諸司一文武官員常朝行叩頭禮畢

東宮師保詹事官府左右春坊司經局同翰林院鴻臚寺六科

給事中錦衣衛等官左右序列於殿門外鴻臚寺序班通事舍

人引文武百官於丹陛上丹陛內東西序立諸司以次啓事監

察御史二員司直郎清紀郎二員北向侍立糾儀啓事畢百官

齊退過有召問亦須前項官員一同進出如獨進獨留者許監

察御史鴻臚寺官司直郎清紀郎糾叢一應啓事務在京諸司
止用奏本在外諸司奏本之外仍俱啓本其詹事府主簿錄事
同春坊司直郎清紀郎司諫分爲六科於司禮監闕揭帖開寫
逐日諸司所啓事凡令旨所發卷大略奏進六科給事中亦具
題帖奏進一詹事府主簿錄事同左右春坊司直郎清紀郎司
諫等官遇啓事各紀皇太子令旨如所啓事或差訛隨即糾
叢啓事畢同詹事府官詳審事之可否可行者令該司批所得
令旨或事不可行及啓本內與說帖不同不問事之大小悉以
奏聞一翰林院官日分二員同春坊司經局官講書以五經四
書通鑑大學衍義貞觀政要等書進講須先纂其事之始終直
述大義輯成篇章進呈御覽然後赴文華殿講說東宮師保
及詹事府鴻臚寺官并每科給事中一員侍立講畢眾官齊出

若有召問亦須前項官員一同進出如有獨進獨留者許給事中鴻臚寺官并司直郎清紀郎糾殿一凡 上所處分五府六部軍國政務及撫諭四夷恩意其大經大法詹事府官同春坊司經局官於文華殿進講後眾官未退之時一一數陳 改北京行部郎中李繼昂為吏部儀制清吏司郎中兼右春坊右贊善 廣西思明府知府黃廣成奏本府與安南接壤祿州西平州永平寨皆先臣故地邇歲安南屢興兵侵奪遠處有之今遇聖人悉遵舊制思臣土地累世相傳伏望天恩明其疆域諭使歸還不勝幸甚 上納之新進士李衡自言臣父洪武中得罪死於法臣不當違令干進 上曰古之聖人亦有罪其父而用其子者但為子能改父行致顯聞於世足以為賢若以父死非命終身不仕亦未必合中道爾能力學以圖進用雖違令而

志可嘉朕不爾罪爾其勉之○甲戌○冊立世子 為 皇太子封第二子高煦為漢王第三子高燧為趙王諸王子未受封爵者嫡長子封為世子眾子為郡王冊長子妃張氏為皇太子妃第二子妃韋氏為漢王妃第三子妃徐氏為趙王妃皇太子冊曰朕承 皇考之基緒尊臨 大寶統御華夷一日萬幾兢兢業業思惟天序之傳宗祧之重三王通制天下為家有道之長為萬世法咨爾 朕之嫡長朕奉藩于燕爾為世子亦既有年聰明仁厚孝友溫恭本乎天性朕平內難爾有居守之功事上恤下至仁小心稽古建儲之典授以冊寶命為皇太子正位東宮爾惟篤君臣之義隆父子之恩夙夜祇承惟能事人足以使人為善不難一念無間一念過虧大德之累爾寅念之學通古今達事變學勿至迂明辨是非審權度變勿至察嚴勿至猛

寬勿至縱謙卑遜志容受忠良勤儉安詳惠鮮眾庶以承宗廟以保社稷永延國家萬年之慶爾其敬之 詔曰立太子以尊宗廟重社稷樹王國以廣蕃輔隆本支非一家一私為天下之公夏商周漢唐宋之盛用此道也朕皇考聖神文武欽明啟運俊德成功統天大孝高皇帝皇妣孝慈昭憲至仁文德承天順聖高皇后聖靈涉降敷佑朕躬君臨大寶夙夜靡寧思惟賢德傳序維城繼續神明之統紀益為考妣之光華監觀簡畀延歷於茲周王以宗室之長屢表請立太子封建諸王宗室群臣百姓合辭累表謂朕長子足以嗣承宗廟諸子皆足以失輔邦家惟天下之通義詢眾志之僉同乃於永樂二年四月初四日立長子為皇太子授以冊寶正位中宮一第二子高曠為漢王第三子高燧為趙王尚念

宗親溥施恩禮封楚王第五子孟焯為崇陽王第六子孟煇為
通山王第七子孟燦為通城王第八子孟昭為景陵王第九子
孟燿為岳陽王蜀王第二子悅耀為華陽王第三子悅燁為崇
寧王第四子悅圻為崇慶王第五子悅焮為保寧王代王長子
遜焮為代世子第二子遜焜為廣靈王遼王第二子黃煇為長
陽王第三子黃燮為遼安王第四子黃煊為興山王第五子黃
煊為巴東王第六子黃地為潛江王第七子黃燧為宜都王弟
八子黃圻為松滋王寧王長子磐域為寧世子岷王長子徽城
為岷世子第二子徽煉為鎮南王谷王長子賦均為谷世子弟
二子賦煇為醴陵王韓王長子冲域為韓世子第二子冲焮為
襄陵王第三子冲焮為臨汾王晉王長子美圭為晉世子於戲
治法前王統承 列聖內外相維保 宗社萬年之福華夷同

樂臣古今全盛之基布告天下咸使聞知○乙亥○降遼東都
指揮僉事吳立為百戶立以這統軍機論法當斬特免死降職
往寧夏立功以冊封禮成宴文武群臣四品以上及近侍風
憲官五品以下賜鈔一錠命婦朝于坤寧宮三品以上賜宴
五品以下者人賜鈔一錠○丙子○修和州舍山縣崇義等壩
○丁丑上諭三法司官曰天氣向熱獄囚淹久必病病無所
仰給必死輕罪而死與枉殺何異今令五軍都督府各部六科
給事中協助爾等盡數目疏決之凡死罪獄成者俟秋處決輕
罪皆即決道有連引待辨未能決者皆令出獄聽候復諭曰古
人治獄每於死罪中求其或有可生之道今不可使罪無大小
皆淪于死地刑罰公則民畏刑罰濫則民玩不可不謹

廣寶慶府知府儀智為通政司右通政兼右春坊右中允

前

陞湖

浙江布政司右參政趙祉使安南還奏對稱旨陞刑部右侍郎
復設山西孤店兒關蓋其地山西行都司城北十八里舊嘗
設關以防虜後設東勝等衛而關在其內遂廢至是東勝等衛
俱調北京故復之○戊寅○吏科右給事孫璘密奏前日禮部
所定給事中八人額詔外國皆素非誠實者時已行二日矣
上曰此非專出禮部定吏部亦言其可使故從之爾在吏科與
聞銓注之事彼既不誠爾早晚在朕左右當言不然則未行之
先當言何必俟其既去乃言爾亦過矣夫人性皆善有不善者
習使之然亦如人主用之如何如叔孫通在秦則欺在漢則誠
裴矩在隋則佞在唐則忠本是一人但在人主能用爾適爾所
言慎勿泄也○庚辰○封秦王尚炳庶長子志均為渭南王
命羽林前衛故千戶周卯生子興襲陞指揮同知 命戶部尚

書王鈺以浙江左布政使致仕鈺河南太康人洪武中舉秀才授禮部主事改湖廣長沙府通判坐事免復舉明經授北平府通判入為吏部試郎中陞福建布政司左參議陞本司左參政奉使百夷百夷致贈遺固辭不得強受之至雲南悉納布政司官庫太祖高皇帝嘉之陞浙江左布政使建文中陞戶部尚書上即位命解戶部之務月給尚書俸之半居京師後命往北京山東撫綏軍民經理屯戍至是以老賜勅獎諭命仍浙江左布政使之職致仕還鄉鈺有文學持身廉靜然為人胎韋遇大議媼無所可否云陞前燕府良醫副使公望為太醫院判調北京光祿寺丞張原為光祿寺丞擢監生湯銘游顏為刑科給事中托溫江女直野人頭日甫魯胡等來朝授以元者衛百戶等官仍加賜贖○壬午詔封汪應祖為琉球

國山南王應祖故琉球山南王承察度從弟承察度無子臨終
命應祖攝國事能撫其國人歲修職貢至是遣使隗谷結制等
來朝貢方物且奏乞如山北王例賜冠帶衣服 上諭吏部尚
書蹇義曰國必有統眾必有屬既能事大又能撫眾且舊王所
屬意也宜從所言以安遠人遂遣使賞詔封之并賜之冠帶等
物而偕其使俱還○癸未○麓川平緬甸諸宣慰司并木邦
孟養府土官俱遣人來朝貢方物各賜之鈔幣時麓川平緬宣
慰使司行發所遣頭目刀門額訥孟養木邦數侵其地禮部臣
言宜以孟養木邦貢使付法司正其罪度蠻夷知懼不敢侵越
隣境 上曰蠻夷相攻奪自昔有之執一二罪之未足以革其
俗且事曲直未明而遽罪其朝貢之使祇沮遠人嚮化之心可
令西平侯遣人諭之○甲申○文華寶鑑成先是 命侍臣輯

自古以來嘉言善行有益於太子者為書以授太子至是書成
名文華寶鑑 上御 奉天門召 皇太子授之曰修己治人
之要具於此書昔堯舜相傳惟曰允執厥中帝王之道責乎知
要知要便是為治爾其勉之 皇太子拜受而退 上顧翰林
學士兼右春坊大學士曰解縉等曰朕 皇考訓戒太子嘗採經
傳格言為書名儲君昭鑑錄朕以書稍充廣之益以 皇考
聖謨大訓以為子孫帝王萬世之法誠能守此足為賢君昔秦
始皇教太子以法律晉元帝授太子以韓非書帝王之道廢而
不講此所以亂亡朕此書皆大經大法卿等兼輔東宮從容間
暇亦當以此為說庶几成其德業他日不失為守成令主 命
戶部歲支靖江王祿米三百石俟豐稔全給 釋安慶府民誹
謗罪先有典仗率軍卒往安慶採木道過民家縱軍強取民財

民將訴于官，典仗教軍誣民為誹謗語，傳送刑部。獄具，刑部以聞。上曰：「民被誣矣，謗恒言軍強民弱，民安敢肆焉？」對官軍出誹謗語，此必官軍屬民，民不堪將訴之，而軍造此語誣民命。五府六部都察院共訊其實，悉如上所云。遂釋民而抵官軍罪，并罪刑部官之枉民者。○乙酉，免北京順天永平保定三府所屬始終效順民戶稅糧一十九萬九千七百餘石，蓋去歲命行部嚴寔，至是以聞，遂免之。長山王賢竣來朝。朝鮮國王李芳遠琉球國王世子武寧及諸番酋長俱遣使奉表貢獻，方物賜其使鈔幣，有差先有詔命武寧襲王爵，猶稱世子者，詔命未至故也。夜，火星犯天譚西星。○丙戌，命羽林前衛故指揮同知陳旺好廣襲職。春坊官劾奏中軍都督僉事李諒於文華殿早朝，百官退班之後，獨進啓事，有違禮法，請治諒罪。

上命姑宥之而賜 勅諭諒曰朝廷之法公於天下不以親
疏有間近群臣議朝議凡百官朝謁東宮偕進偕退不許獨留
私見乃謹始防微之道也全行之初爾首犯之帝王行法先於
責近朕念見親之故如曲宥爾不問其戒之慎之非分之恩不
可再得爾其欽哉 車里宣慰使刀道答遣人來朝謝罪初刀
道答擅發眾侵威遠州地據其知州刀算黨等事聞 上命西
平侯冰晟遣人諭之如其不悛調兵剪滅於是刀道答懼還所
據知州及威遠州之地遣弟刀臘等詣京貢馬及方物謝罪都
察院臣奏宜先下刀臘等於法司而後遠問刀道答庶幾以示
懲戒 上進都御史陳瑛諭之曰蠻夷禽獸之性稍不相得輒
相讎既能改過即已何必興致今改過而復罪之如其不改何
以加法不聽 初廣西柳州慶遠等府忻城宜山等縣以洞蠻

陳公宣等出沒為寇請發兵勦捕 上命廣西都指揮司撫諭
之俾安業如其不悛進兵討之至是都指揮朱輝等奉躬詣蠻
洞諭以德意賊首陳公宣等皆相率從化凡千三十五戶 刑
部右侍郎趙弼刻奏都指揮使張遠於北京貪贓虐民等事
上曰朕每遣將臣於外其陛辭之際必戒之恤士卒安百姓以
保爵祿今此輩恃功犯法肆無畏憚不治之無以示懲 命下
之獄 上御 奉天門視朝罷召 六科給事中諭曰朕曰臨
百官可否庶務或有失中爾等宜直言無隱又顧翰林院學士
解縉等曰敢為之臣易求敢言之臣難得敢為者彊於己敢言
者彊於君所以王魏之風世不多見若使進言者無所畏聽言
者無所忤天下何患不治朕與爾等皆勉之○丁亥 萬壽聖
節 上御 奉天殿受朝賀大宴文武群臣及四夷朝使 命

婦朝 皇后於坤寧宮賜宴。○戊子。○黑龍江等處女直野人
夕寅加等來朝賜鈔及文綺表裏 夜金星火星同在井宿。○
己丑 勅諭文武群臣曰天下雖安民未蘇息而郡縣豪猾
過有征徭並緣為奸細民不勝盜賊滋起爾等其悉心政務祛
除民蠹毋橫斂一錢毋妄興一役存恤軍民勸課農桑慎固封
守輯寧邦國臻于至理以稱朕閔念元元之意 吏部尚書蹇
義奏請明日選官 上諭之曰爾當職專銓選辨別邪正但當
揆理不當任情揆理則以是非為進退任情則以從違為取舍
慎之慎之又曰用人之道各隨所長才優者使治事德厚者令
牧民蓋有才者未必皆君子有德者必不同小人不可不察
指揮蕭上都等自兀良哈達韃靼頭目脫兒火察哈兒兀歹等
二百九十四人隨上都等來朝貢馬命脫兒火察為左軍都督

府都督僉事哈兒歹為都指揮同知掌朵顏衛事安出及土不
申俱為都指揮僉事掌福餘衛事忽剌班胡為都指揮僉事掌
泰寧衛事餘及所舉未至者總三百五十七人各授指揮千百
戶等官賜誥印冠帶及白金鈔幣襲衣脫兒火察言有馬八百
餘匹留北京願易衣物命北京行後軍都督府及太僕寺弟其
馬之高下給價償之 孟定府土官知府刀景發遣頭目刀罕
來朝貢馬賜鈔及羅綺○庚寅○改北京行部右侍郎劉翼南
為禮部右侍郎陞前北平府知府杜智為陝西右布政使通判
禮永為湖廣布政司右參議 長山王賢峻辭歸賜之鈔幣并
賜其從官鈔 賜外夷朝鮮等國使臣宴 四川富義筵謀司
秦家井灶丁言本井歲額筵已有正丁煎辦今貧縣居化鄉羅
召竹筒井水鹹薪使乞令灶戶餘丁開煎從之○辛卯○貴州

水東平西二蠻夷長官向四等來朝貢馬賜鈔四百八十錠○
壬辰○復遣江縣知縣梁護為浙江道監察御史護建文中出
知遠江丁母憂至是服闋來朝故復之○癸巳○陞金吾左衛
千戶賈真為本衛指揮因知馮成張伏陸俱為指揮僉事○甲
午○賜周王構紗五十匹毯絲料樂布各百匹本扇戴百掛
更定天下衝所七曰守城軍士視其地之夷險要僻以量人之
屯守為多寡臨邊而險要者則守多於屯在內而夷僻者則屯
多於守地雖險要而運輸難至者屯亦多于守 勅諭廣東都
司布政司按察司官曰往歲都督韓觀奏鍾均道已死朕即不
復究理今布政司言其尚在欲調兵勦捕事之未明不足深究
爾等但盡撫綏下人之道無為多事以擾愛之夫上有愛民之
實將下無失所之民民自得所自不為患且人_孰不願為善聞

為不善亦有出於不得已者既能改過亦務容之無絕其自新之路若此人果在能不為非即聽其安生樂業不必究問今九夷八蠻自昔未歸附者皆來朝貢隨其大小授以明爵苟鍾均道果不死能幡然悔過來歸朕亦護遵 太祖皇帝待社回子之道處之豈忍使其終身栖遯生山林而不在吾化育之內哉鍾均遁者建文中嘗作亂南雄韶州諸郡之間聞 上即大位遂潛伏無踪跡其黨亦散相傳均道已死及是有言其未死者然終無寔驗云 擢山陰縣知縣王士嘉為陝西按察司僉事賜國子監雲面生張林等二十八人夏衣遵舊製也 思面宣慰使田大雅與其祖母來朝貢方物賜大雅鈔百錠絲幣四表裏加賜其祖母鈔幣其從行頭目賜鈔有差 夜有星如鷄子大青白色有光自異宿東南行至游氣○乙未○左春坊左

底子募翰林院侍讀黃淮等言左右春坊并司經局吏無額設
乞於吏部借撥辦事吏三名 上命各設司吏一名著為定例
雲南灣甸千崖二長官司上官刀木永等各遣子來朝貢馬
及方物賜鈔及文綺絲絹○丁酉 命金吾左衛故指揮僉事
林茂孫叢襲陞指揮使給俸優養 夜水星犯畢宿右股北第
一星○己亥○復鄜陵知縣婁觀為福建道監察御史觀洪武
中為御史建文初出知鄜陵至是召復舊職云 設老嫗軍民
宣慰使司以土官刀線歹為宣慰使命禮部鑄印給之 九溪
上峒土酋安定踵遣子麥直踵等來朝貢方物賜之鈔幣○庚
子○陞金吾右衛副千戶張買驢為指揮僉事

太宗文皇帝實錄卷三十

太宗文皇帝實錄卷三十一

永樂二年五月辛丑朔 禮部言國子監祭酒徐旭坐書奏不
謹當降 上問吏部尚書蹇義旭為人何如對曰有文學持守
而於人寡合 上曰持守之人固當寡合蓋其中有所主而不
能脂韋依阿於外况兼有文學宜寘之近侍遂命為翰林修撰
巡按北京監察御史周新言北京所屬吏民有犯徒流者蒙
恩免罪就發北京人少處為民種田公私兩便然監候詳擬往
復數月飢窘憂愁多死獄中請今後死罪及職官有犯詳擬待
報其吏民所犯徒流者悉從北京行部或監察御史詳擬允當
就發種田如此則下無淹禁之患而上不負寬恤之恩 上諭
都察院臣曰御史言是且 命北京百姓有犯應決者許收贖
夜金星犯鬼宿西北星○壬寅○遣使賜谷王穗紗布鈔扇

命豐城侯李彬統領官軍往鎮廣東等處 命清遠伯王友

充總兵官都指揮僉事郭義充副總兵師往海道巡哨如遇寇

賊就行勦捕仍戒友等遇番國進貢舡不得擾害 陞建昌府

學校授于敬為江西道監察御史 復楊直為浙江道監察御

史直洪武中為御史建文初陞青州知府坐免至是召至優其

舊職夜有星如蓋大青白色光燭地出相星旁東北行至游氣

○癸卯○夜水星犯六諸王西第三星○甲辰○禮部尚書李

至剛等奏琉球國山東王遣使貢方物就令賫白金詣處州市

磁器法當遠問 上曰遠方之人知求利而已安知禁令朝廷

於遠人當懷之此不足罪 寧夏總兵官左都督何福請以平

涼慶陽二府鹽糧每引納米四斗五升每引納米六斗從之○

乙巳○設散毛施南二長官司置流官吏目各一員其地故元

時俱置宣慰司洪武六年改散毛沿邊并施南二宣撫司又設
龍潭安撫司隸散毛沿邊二十三年以蠻人梗化遂廢後于散
毛沿邊設大田軍民千戶所至是故土官之子覃友諒等奏比
年招復蠻民歲輸租稅請仍設治所以其戶少乃降為長官司
隸大田軍民千戶所命覃友諒為散毛長官田應虎副之覃
漆福為施南長官覃敬副之各給印 端午節賜文武群臣宴
○丙午○夜有星如斗大赤色有光出中天雲中西北行至雲
中○丁未○夜有星如盞大赤色光燭地出北斗魁北行人文
昌○戊申○陞大理寺左寺正陳援為本寺右寺丞通政司右
通政兼右春坊右中允儀智為湖廣右布政使應天府丞王公
亮為四川右布政使吏部郎中張啓為浙江右布政使工部郎
中劉俊為江西右布政使饒州府同知任勉為福建布政司右

參政吏部郎中時泰為江西布政司右參政尹必用為浙江布政司右參政戶部郎中羅雅為山東布政司左參政刑部員外郎周成為左參議戶部郎中楊蕃福建布政司右參政兵部郎中崔恂為雲南布政司左參政姚肇為右參政刑部郎中李泰葉溥俱為廣東布政司右參政工部員外郎呂惟得為右參議吳淵為廣西布政司右參議刑部郎中王英為陝西按察使刑部主事陳有常山西道監察御史咸寧可俱為廣東按察副使浙江道監察御史何廣為陝西按察副使陝西道監察御史劉文為浙江按察副使鎮遠州知州徐善安為僉事北京道監察御史孫碩為山西按察副使廣西道監察御史陸廣平為廣西按察副使四川道監察御史張壽為江西按察副使虞文達為福建按察副使工部司務遠方為僉事山東道監察御史康郁

為雲南按察副使刑科給事中周彥奇兵科給事中龔鉉俱為
僉事兵科給事中張恂為山東按察僉事吏科給事中梁觀為
四川按察僉事戶科給事中姚山為河南按察僉事安仁縣典
史李素為山西道監察御史○己酉○錦衣衛奏明日 上詣
孝陵請具法駕 上曰不用但以騎士數人前導 已而顧
侍臣曰明日 皇考升遐之日正屬感慕之時何用法駕非為
辟除道路則前導騎士亦可不用○辛亥○擢舉人莫福為刑
科給事中 以征討奇功陞羽林前衛指揮同知于興子鎖兒
為本衛指揮使千戶任真子得為指揮同知○壬子○改戶部
右侍郎劉觀為都察院右副都御史○癸丑○修山東鄒平縣
小清河隄岸三百八十四丈○甲寅○置山東臨清縣縣丞主
簿各一員右軍都督僉事景福卒福鳳陽臨淮人洪武中為會

州衛指揮同知 上初起義福率所部從積功至都指揮使陞
右軍都督僉事至是卒命有司舉恤典○乙卯○擢監生朱啟
黃理紫震俱為兵科給事中西安府經歷黃友信為陝西道監
察御史 以熊宗魯為江西布政司右參議宗魯洪武中以監
生署山西右參議調北平布政司建文初降蒙化州知州至是
召還實授舊職 設廣西思明府憑祥縣以土官李昇為知縣
置流官典史一員初憑祥止設巡檢司昇嘗為本司巡檢至是
上言其地頻安南而百姓樂業生齒日繁請改為縣以便撫輯
從之○丙辰○山東臨清縣會通稅課局比歲市鎮經兵民皆
流移兼連年蝗旱商旅不至所徵課鈔不及請減舊額戶部以
聞 上曰兵旱之餘尚可徵稅耶其悉免之俟豐歲百姓復業
商旅通行然後徵之甘肅總兵官左都督宋晟言甘肅鎮番衛

興胡寇接境原調莊浪千戶所軍九百備禦今屯田之外止存
五百八十不足調用命以鞏昌銜所帶管中左所軍益之○戊
午 上御右順門永春侯王寧侍從容論及 皇考時事 上
戚馬動容寧曰世人竭誠誦經飯僧奉佛可以福利先親 上
不答既而諭之曰為庶人能繼承家業不失墜或又能擴充增
益於前可以為孝士居官食祿能持身循理建立功業榮親於
當時顯名於後日可以為孝天子為四海為家能思天位者親
之所傳大業者親之所建天下生民親之所保而敬以奉天勤
以守業仁以臨民使萬物得所四夷咸賓光昭祖宗傳之子孫
可以為孝何必能事佛乃為孝乎既而復曰元季天下鼎沸生
民塗炭父母妻子不相保我 皇考奉 天命戡定禍亂立綱
陳紀使強不敢凌的眾不敢暴寡天下晏然有莫大之功德則

必享莫大之福矣。豈他福之所能及也。寧慚而退。○己未。復
閩清縣知縣沈源。廣東道監察御史源。建文中所黜也。擢庶
吉士杜欽。黃惟正。郎慶俱為戶科給事中。周玉羅。字信。張洞。及
監生胡昌俱為工科給事中。壬戌。○夜有星如蓋。大青白色。
光燭地。出危宿。東北行至雲中。○甲子。命金吾左衛故千戶
羅旺子五十襲陞金吾右衛指揮僉事。○丙寅。擢庶吉士林
正。魏暹。喻則。咸白。瑜。鄭蘭。進士封汝。昶。趙登。監生陶瑋。陳貞。裴
川。俱為給事中。復廣西東蘭州吏目黃思賢為山東按察僉
事。思賢。建文中坐事降職。至是以考滿。至京。遂復之。裁減湖廣
瀘溪縣縣丞主簿。○丁卯。○八月。大甸土酋刀招你遣頭目板
暖等來朝。貢方物。賜賚有差。興安伯徐祥卒。大治縣人以軍
功為燕山右護衛副千戶。上居藩邸時。以祥謹直。命侍衛左

右及舉義祥竭力從征破居庸關攻真定援永平戰靈壁皆與有功累官至都指揮使封興安伯祥在諸將中年稍高及為伯益勤慎未嘗驕怠卒年七十三上輟朝三日遣官賜祭仍賜鈔四千錠恤其家子永旱卒命孫亨襲爵○戊辰○工部言太平府當塗縣慈湖等處上通宣歙東抵丹陽湖西接蕪湖地多瀕江比雨水浸淫及海潮漲溢決隄傷稼宜遣人相度修築上從之又諭之曰緣江低窪之處非止當塗一縣霖潦傷稼必多宜分遣官來傳往視凡浙江江西湖廣安慶蘇松等府遇湖泊窪下圩岸頽圯丞督有司修築浙江台州府黃巖縣言縣境混水等處舊設十五閘六陡門瀦水溉田及防海潮每閘置十大以司啓閉近水道埋塞閘門朽壞每遇風潮不能捍禦田旱不得灌溉宜集民修浚從之○己巳○設八百者乃八百大

甸二軍民宣慰使司以土酋刀招你為八百者乃宣慰使其弟
刀招散為八百大甸宣慰使遣員外郎左洋往賜誥印冠帶襲
衣并遣使賜麓川平緬緬甸老拋諸宣慰使司及孟定波勒威
遠等府州亦如之 湖廣布政司言長沙瀏陽益陽岳州安鄉
華容常德龍陽武陵荊州石首監利江陵諸縣霪雨湖水泛溢
壞民居田稼命戶部遣人馳驛撫視

太宗文皇帝實錄卷三十二

永樂二年夏六月庚午朔 秦王尚炳遣指揮陸榮等奉表箋
賀冊封賜榮等鈔幣○辛未○楚世子孟烷來朝 勅諭臨邊
漫散軍人等曰爾等昔在兵戈艱難之際不得已漫散流離
寄身邊塞苟延餘生今年下已定雖欲來歸無由自達特遣人
責勅諭爾等往字俱在敕前已寘不問宜皆挈家來歸宜復原職
軍復原伍民復舊業若遲疑不歸悔將無及○癸酉○遣官祭
中雷 改木邦孟養二府為軍民宣慰使司以知府罕的法刀
木旦為宣慰使賜之誥印俾子孫世襲其官 處州青田縣民
劉猶進 太祖高皇帝所賜其祖誠意伯基手詔八道祭文一
道賜鈔五錠 高平王濟燁平陽王濟煥遣千戶黃鉞等奉表
箋賀冊封賜鉞等鈔幣 百戶李誠等招諭流移海島軍民陳

義甫等來歸 上嘉勞之義甫等言流民葉得義等尚在東洋

平湖未歸復遣誠及義甫賫勅往招諭之 修河南府孟津縣

河隄○甲戌○復太平縣典史王敏為北京道監察御史敏洪

武中御史建文初坐事降職至是定父憂服闋命復舊職云

雲南前衛土官指揮董保安寧州土官知州董節八百土酋刀

招散等各遣人來朝貢馬及方物賜鈔幣有差 湖廣九溪衛

指揮同知董賢言本衛邊臨溪洞蠻夷叛服不常城不堅固必

加包砌乃可備禦命於農隙之時次第修之 夜有星如鷄子

大青白色光燭地出東北雲中西北行入天船○丙子○擢貴

東縣典史李輅唐縣典史劉冕俱為監察御史 楚世子孟燒

辭歸賜之鈔幣賜其從官鈔有差 復建文中所黜內江縣知

縣易志為監察御史大理府同知儲顯為廣西左布政使南海

縣丞王文灼為廣西按察僉事。○丁丑。○以戰歿。功命故都指揮僉事木剌忽侄典孫襲從父舊職。金吾右衛指揮同知故金吾左衛千戶李普賢奴子貴襲陞本衛指揮同知故千戶李甫子凱。巴羊兒子勝。張巖子福興。俱襲陞本衛指揮僉事。並給全俸。兵部奏濟寧衛指揮同知李壽保卒無嗣。其祖勝年老不任事。命以指揮同知俸養勝終身。○戊寅。○夜有星如蓋。大青白色光燭地。出七公西北行至近濁。○乙卯。○陞羽林前衛指揮使李岳為河南都指揮僉事。寬河衛指揮使李玉為山西行都司都指揮僉事。通州衛指揮使許溥為湖廣都指揮僉事。命羽林前等衛指揮尚郁等五人。賞勅往諭兀良哈等處人。賜鈔五十錠。○庚辰。○以河道未通。徙東昌遊運所於陸路。為巢陵遊運所。命兵部自今各都司布政司奏報軍情急務。許給

驛餘并給遞運使船○壬午○復河東陝西都轉運並使司運使許昱官昱洪武中任運使建文時坐罪謫戍雲川衛昱是赴京自陳故復之 以征討奇功陞金吾右衛副千戶張原為本衛指揮僉事○甲申○朝鮮國王遣陪臣呂稱等來朝貢馬及方物賜鈔幣表裏兵部言遼東人多亡居朝鮮者近招復萬七百餘人未復者尚多 上命禮部諭稱等俾歸言於王遣還○乙酉○賜朝鮮安南諸國使者及雲南八百等處土官宴 刑部奏河間府民有訟其母者有司不當受辭又擬其罪 上曰然世豈有無母之人古稱天下無不是底父母此輩逆天非復人類有司不罪之乃論其母罪是豈可使牧民執其子及有司罪之 中軍都督府奏卒有畜馬者為牛觸死宜贖價 上曰虎尚有為牛觸死者況馬乎富家欲市一馬不易得卒安能償

其克之 夜望月食。○丁亥 上命吏部給事中曹崇曰官冗
剛坐食者眾食眾則力本者困夫生息之道由於節儉朕昨觀
吏部所錄中外官數比舊顯增數倍古云不必備惟其人爾以
朕意語吏部令諸司悉汰冗官庶幾省國用舒民力 陞崇陽
縣知縣孔禧為應天府治中 復建文所黜湘鄉知縣陳珪監
察御史 鴻臚寺右少卿汪泰以罪誅泰嘗奉使朝鮮受其餽
贈使還匿不奏至是本寺左少卿樊敬復奏泰私交權貴特命
誅之 修湖廣邵陽縣仙槎橋。○戊子。○安南國王胡奎遣使
奉表謝恩 上命禮部臣諭之曰安南昔稱知禮之國今思明
府言祿州西平州永平寨皆思明故地與安南接境安南奪而
有之其歸語王如非安南地則速歸之保境安分博修隣好可
以長享富貴也 戶部尚書郁新言公侯駙馬伯儀賓祿米舊

於蘇州秋糧內給之令民如數盡輸其家比年蘇州水患糧額虧損請如文武官例米鈔兼支自明年始祿五千石至三千五百石者支米二千石二千五百石者支米千五百石二千石者支米千石千五百石至千一百石者支米八百石一千石者支米七百石九百石支米六百石八百石者支米五百石四百石者支米二百五十石餘並準支鈔惟二百石以下全支米從之○己丑○吏部尚書兼詹事府蹇義等言在京各衙門官原有定額近因事煩額外添設不無冗員宜令各衙門依定制選留餘並送部別用在外大小衙門官亦有多設宜令所隸上司嚴行考覈其罷軟不勝及老疾貪墨者悉送赴部今年所取進士諸司無缺銓注各王府教授伴讀多缺擬於三甲內選用仍令食進士八品之祿第二甲第三甲擬量留七十員分隸諸司

視政過缺取用餘悉遣歸進學凡冠帶舉人亦令歸進學以待
復科會試諸司應事監生例應三月後授官近因少缺有一年
未授者而內府辦事監生止是騰寫奏本查理文冊稽算數目
別無政務比內官監奏准半歲授官而應事監生有政務者授
官及進今後宜令所司內府辦事監生月日滿者定例給賞仍
令回監進學依次應事出身 上皆從之○庚寅○陞陝西按
察副使宋性為布政司右參政性洪武末署刑部右侍郎建文
中出為湖廣按察副使永樂初調陝西至是召至遂以為參政
命隨戶部尚書夏原吉蘇松治水○辛卯○朝鮮國王李芳遠
遣使送耕牛萬頭至遼東先是 上欲廣屯田于遼東命禮部
遣人徵牛于朝鮮至是送至命戶部每一牛酬絹一疋布四疋
仍賜其王文綺表裏各百六十疋遼東都司以牛分給屯戍

戶部言直隸蘇松浙江嘉湖等郡水民飢命監察御史高以正等往督有司賑之 夜有星如蓋大青白色有光出壘壁障南行入羽林軍○壬辰 上御右順門因與侍臣論刑賞侍臣進曰古稱賞人以官不若賞人以財 上曰此語蓋為濫官發以朕論之亦未盡善若人君一心愛民則二者皆重蓋知財出於民力則必不肯輕與知官所以養民則必不肯輕授○癸巳○代王桂道典藏正張勳奉表箋賀冊封賜勵鈔及綵幣○甲午 上命禮部臣曰會試下第舉人既多其中必尚有可取者蓋慮一時匆猝或本有學問而為文之際記憶偶差遂致謬誤或本不謬誤而考閱之官神情昏倦失于詳審以致黜落此皆可矜其令翰林院出題更試擇文詞優等者以聞遂得貢士張鉉等六十人以奏 上召見皆賜冠帶命於國子監進學以俟後

科且勉之曰士當立志一則工專工專則業就爾等於學已
有根本但更百尺竿頭進步爾後科第一甲人有不在其爾曹
乎其往勉之封哈密阿克帖木兒為忠順王時阿克帖木兒
遣使來朝表請賜爵上命禮部尚書李志剛會太子太傅成
國公朱能等議至剛等議奏阿克帖木兒兄忽納失里元封威
武王改封肅王忽納失里卒阿克帖木兒繼為肅王今既內屬
宜仍王爵而改封之上曰前代王爵不足再論今但取其能
歸心朝廷而封之使守其地綏撫其民可也遂封為忠順王遣
指揮使霍阿魯禿等賞勅封之并賜之絲幣○乙未命太子
少師姚廣孝等往蘇湖賑濟上諭之曰人君一衣一食皆民
所供民窮無衣食豈可不卹君父也民子也為子當孝為父當
慈各務盡其道爾卿往體朕此心不可為國惜費蓋散財得民

仁者之政 勅捕倭總兵官清遠伯王友副總兵都指揮僉事

郭義前以海寇為患命爾等統兵巡捕務在廓清近大謝桃渚

赤坎寨胡家港諸處海寇登岸殺掠軍民爾等坐視不理養寇

害民論法當誅今姑記爾罪即整飭將士晝夜運謀奮力勦除

此寇以贖前罪然寇多諂詐巧於窺伺宜善為進止務出萬全

庶副朕委任之重○丁酉○鎮守寧波都指揮曹英言觀海衛

城垣坍塌三百八十餘丈請命修築從之○己亥○福建永寧

衛千戶張諫及軍民捕獲海賊有功命兵部給賞捕獲者人鈔

四十錠鄉民覘報賊情者人鈔十錠俱令所在官司給之 是

月命徐景昌襲父爵為欽承祖業推城效義武臣特進榮祿大

夫右柱國定國公歲祿二千五百石子孫世襲賜誥券景昌徐

增壽之子也

太宗文皇帝實錄卷十三

太宗文皇帝實錄卷三十三

永樂二年秋七月庚子朔享太廟。○辛丑。○作鎮海衛橫夾
大舍等港橋及築新塘烟墩。○壬寅。○車里宣慰使刀邏答遣
子刀魯來朝貢方物。命賜刀邏答誥命冠帶綺帛及賜刀魯鈔
幣。置四川建昌衛之普濟昌州威龍三長官司。貴州新添衛
之丹平丹行二長官司。流官吏目各一員。新安衛霖雨壞城
垣。守臣以聞。命于農隙修之。夜有星如蓋。大青白色。有光出
十二諸國東南。行至近濁。○癸卯。○勅宣府備禦武城侯王總
同安侯火直整飭所領將士。嚴固備禦。時韃靼民里不花等來
歸。言虜將入寇。故也。○甲辰。○陞都指揮僉事李敬為四川都
指揮使。吏部言有進士自陳是雲南人。不閑吏事。願為教官。
上喜曰。雲南人能舉進士。可嘉。就授雲南學官。以勸其鄉人。

○乙巳○修江西分宜縣漳湖塘○丙午○陞禮科右給事中張信為刑科都給事中刑科都給事中楊恭為陝西右布政使改右布政使杜智為左布政使○丁未○周王楠進嘉禾夜有星如鷄子大青白色有光出天淵東南行至游氣○戊申○以周王楠生曰遠駙馬都尉宗瑛賜之鈔幣鞍馬○己酉○復康慶四川道監察御史慶建文初坐事斥為吏後丁母憂至是服闋故復之夜金星八角宿○庚戌○秦王尚炳第三子生賜名志燦命都指揮呂毅充副總兵協同總兵官清遠伯王友巡哨海道○壬子命禮部鑄平夷將軍印以前北平按察僉事陳廷傑為湖廣按察僉事慶成郡主薨上素服輟朝一日賜祭東宮諸王皆遣祭命有司治葬郡主蒙城王之女嫁鎮國上將軍淮安衛指揮使黃琛初封慶陽公主洪武四年

正封號改慶城郡主云 夜有星如蓋大赤黃色有光出貫索
西北行至游氣○癸丑○擢沁源縣知縣甄孝思巴縣典史孟
憲高安縣典史何晏愨陽縣典史傅禮登州衛經歷洪秉俱為
監察御史 以征討奇功陞羽林前衛千戶李牛兒為本衛指
揮領事 哈剌溫等處鞭官王剏把都 不花等來朝貢馬賜銀
鈔絲幣襲衣○甲寅○寧世子磐斌來朝 刑部尚書鄭賜等
劾奏太子太師曹國公李景隆包藏禍心不守臣節隱匿亡命
將阿演等二十八人又景隆常語其家人楊思美曰善養此輩
後將得用夫春秋無將將則必誅乞置景隆于法 上曰勿問
令送所匿于官○乙卯○左軍都督府掌府事太子太傅成國
公朱能吏部尚書兼詹事府蹇義及文武百官劾奏太子太師
曹國公李景隆及其弟增枝陰養遁逃將阿演輩謀為不軌俱

有顯狀乞正國典 上曰景隆國家勲戚大臣寧遽有此恐小

人不循禮法假託其名爾其速將阿演輩鞠之○丙辰○擢知

縣李斌為禮科給事中 六科都給事中張信等劾奏太子太

師曹國公李景隆心懷怨望密造奸謀招納逋逃圖為不軌條

列其罪請置於法 上曰朕自處置之遂勅景隆曰自古勲戚

始終保全必君臣兩得其道爾朕姑之孫少相親愛共享富貴

實同此心比者不煩以政蓋欲遂爾不體此心懷怏怏交搆不

靖潛謀日彰朕念至親畧而不究爾乃恃恩益恣招誘無賴藏

匿遁逃人發其奸證驗顯著尚偽言強辯不知慚懼論情據法

豈可寬貸重念姑氏之親但去勲疏絕朝請其以曹國公爵歸

第以奉曹國長公主之祀宜杜門省愆易慮為善度稱朕保全

之意欽哉 通州奏三河順義東安香河等縣六月淫雨傷稼

命戶部速遣撫視。○丁巳。○陞鴻臚寺左少卿樊敬為本寺卿。禮科右給事中卹旃為鴻臚寺左少卿。刑科給事中張益為禮科左給事中。命右軍都督府僉事馬榮率海舟餽運北京。夜有星如盞大青白色有光出十二諸國東南行至游氣。○戊午。○寧世子磐斌辭歸賜之鈔幣并賜其從官指揮屠經等鈔有差。○己未。○徙廢熙吏四百六十二人。北京為民種田人給鈔八十錠置耕具。○庚申。○山東臨清縣奏野蠶成繭進絲二十斤。山東都指揮僉事陳安生擅調官軍誦成邊三功。○辛酉。勅甘肅總兵官左都督宋晟曰近兀良哈有人來言虜酋也孫台阿魯台馬兒哈咱各懷異見去年大敗瓦剌今春瓦剌亦敗鬼力赤又云鬼力赤部落比移向北行胡人謠詐未可遽信以朕度之彼或覘知武城侯軍出故道游說以怠我軍若

我軍輕信而驗即墮其計爾宜比常加慎昔隋長孫晟毒水上
流以敗突厥宋劉錡亦毒穎水以敗兀朮此皆前代名將所為
爾可官給米麴令諸屯多釀酒如探知虜寇將至即置毒酒中
河井亦然而退以避之彼飢渴之際人馬受毒可不戰而斃也
兵家之事以權取勝此而或濟不猶愈於殺人以逞手其斟酌
行之爾若別有奇略則不必爾也 勅宣府備禦武城侯王聰
同安侯火真率將士於關平巡邏且諭之曰或言虜南來或言
北行皆未可信但常加防慎密遣人覘伺聲息相機而行務出
萬全不可怠忽 禮戶尚書李至剛奏今歲山東郡縣野蠶成
繭繅絲來進請率百官賀 上曰野蠶成繭亦常事不足賀使
山東之地野盡繭以被其一方而未能徧及天下朕之心猶未
安也朕為天下父母一飲一食未嘗忘之若天下之民皆飽暖

而無飢寒此可為朕賀矣乃止。○壬戌皇太子千秋節文武百官行賀禮錫宴於文華殿。饒州鄱陽縣民朱季友進書詞理謬妄訪毀聖賢禮部尚書李至剛翰林學士解縉等請寘於法。上曰愚民若不治之將邪說有誤後學即遣行人押還鄉里會布政司按察司及府縣官杖之一百就其家搜檢所著文字悉毀之仍不許稱儒教學。○癸亥○汝南王有勲遣大理衛指揮僉事王立等奉表箋賀冊封賜立鈔幣表裏。陞金吾左衛指揮同知夏祖為都指揮僉事論守定九門功也。○甲子○追論征討奇功命故金吾左衛正千戶傅受弟志襲陞本衛指揮同知。○乙丑○改刑部右侍郎趙壯為工部右侍郎。○丙寅○以瀾廣江西所屬郡縣水命監察御史郭林等往視賑卹修鳳陽浮橋。○丁卯○賜朝鮮瓜哇使臣及哈刺温鞞鞋頭目

宴有奉天征討將士告功賞未當者 上命成國公朱能隆平

侯張信等審議以聞因諭能等曰刑賞者人君御天下之大權

不可以濫濫刑則善被害而惡者不知戒者濫賞則無功者蒙

利而有功者不言恩必推至公毋有所徇 修應天府句容縣

東彭橋○戊辰○大理寺言有犯者法當黜 上曰免黜既曰

諭之曰朕免之者慮過其自新之路人孰無過亦有誤犯而非

故違者如既黜之彼雖有遷善之意顧其身已墨亦自怠矣故

朕於墨刑不輕用也○己巳○夜有星如盞大赤色光燭地出

中天雲中西北行至雲中○八月○庚午○朔占城國王占巴

的賴遣使部設序罷尼來朝貢犀牛及方物且奏曰前奏安南

攻擾地方殺掠人畜仰蒙降勅諭使息兵而其國王胡奎不遵

聖訓今年四月又以舟師侵入臣境民受其害近朝貢人回

所賞賜物皆被拘奪又逼與臣冠服印章使為臣屬且已占據
臣沙離牙等處之地今復攻劫未已臣恐不能自存願納國土
請吏治之上怒命禮部遣使賞勅諭奎而賜占城使者鈔幣
○壬申○遣使賞勅諭安南國王胡奎曰前以爾屢侵占城故
諭爾講信修睦及得爾奏云自今以往敢不息兵朕嘉爾能改
過復降勅慰勉近占城復奏爾今年又以水軍攻掠其境拘虜
人民其朝貢人回所賞賜物皆被邀奪及逼與冠服印章使為
臣屬越禮肆虐有加無已而廣西思明府亦奏爾奪其祿州西
平州永平寨之地此乃中國土疆爾奪而有之肆無忌憚所為
如此蓋速亡者也朕未忍遽行討罪故復垂諭鬼神禍淫厥有
顯道爾亦速改前過不然非安南之利也○癸酉○命羽林前
衛故千戶葛興姪用襲陞本衛指揮僉事○甲戌○別失八里

王沙迷魚干遣使木寫非兒等來朝貢玉璞名馬賜木寫非兒等白金絲幣有差沙迷魚干故黑的兒大者王之子也○乙亥○安南陪臣裴伯耆來告急奏曰臣世事安南陳氏祖父皆為執政大夫死于國事臣母實陳氏近族故臣自少侍國王受爵五品後隸武節侯陳渴真為裨將洪武三十二年代渴真領兵出東海禦倭奸臣黎季犛父子弑主篡位屬害忠臣滅族者以百十數臣兄弟妻子亦被收戮遣人捕臣欲加葺醢臣聞事變棄邊遁逃轉入山林深居窮僻與蠻獠猿狖雜處耿耿忠誠鬱抑無告近聞皇上入登大寶統正萬方思欲憑膽披肝請滅此賊履險乘危得至境上與商人負任抵冒而出今年四月始到思明官司移送幸覲天曰臣切惟奸臣黎季犛乃故經略使黎國耆之子世事陳氏切竊寵榮及其子蒼亦忝賞仕一旦

得志遂成弑奪改姓名胡一元子曰胡奎僭號改元不恭朝命
肆虐下民百姓銜冤呼天叩地忠臣良士疾首痛心臣義激於
中妄干天聽願廣一視之仁哀無辜之眾興吊伐之師隆繼絕
之義臣得負弩矢前進導揚天威忠義之徒必當雲合響應禽
滅此賊邊除奸兇復立陳氏子孫使主此土則區區遠夷仰戴
聖德恭修職貢永作外藩臣不才竊竊中包胥為人敢以死罪
請伏望 陛下哀矜 上憫之命有司給衣食○丙子○寧王
權第二子生賜名磐煒置北京興和守禦千戶所吏目一員改
雲南廣西府之恩恩州隸布政○丁丑○遣官釋奠先師孔子
賜占城國王占巳的撥鈔幣并賜勅諭曰王復奏安南侵擾
等事已再勅賁胡奎王亦宜修德務善以保國人如奎冥頑不
悛曲在于彼朝廷自有處置○戊寅○祭 太社太稷 封晉

恭王第四子濟復為寧化王周王橚第三女為信陽郡主 冊
黔國威毅公吳復孫女為唐王桎妃 命威瑜為中奉大夫宗
人府儀賓以信陽郡主配之瑜瑛武衛指揮震之子也○己卯
○置陝西鎮番衛經歷司經歷一員○庚辰○遣使賫勅諭漳
州漫散人民曰昔 太祖皇帝設三萬衛所以安養軍民欲令
老少各得其所建文時差役困苦爾等不得已流寓澤州朕即
位以來一切寬恤天下軍民皆以安生惟爾等尚未復業特遣
千戶高塔海帖木兒等賫勅往諭等即同父母妻子復回本處
仍舊居住毋久栖栖在外徒自苦也 修徐州浮橋○辛巳○
以歲飢免北京永平等府州縣民課鈔二年○壬午○河南府
洛陽縣雨雹傷稼○癸未○禮部尚書兼左春坊大學士李至
剛同六部都察院等劾奏曹國公李景隆潛蓄奸謀將為不軌

廷臣累發其罪 皇上曲賜生全而景隆略不戒怯益肆僭踰
比者其家人被盜巡捕官臨視其家見景隆受閩者趨謁拜俯
如君臣禮蓋其勢漸不可長乞正典刑以收國柄 上曰朕自
有以處之 陝西行都司都指揮金事劉安有罪罷官調隸清
遠伯王友立功○甲申○戶部尚書郁新言四川松潘衛軍士
缺食請遣官審勘 上曰饑者待食朝不及夕若待審勘而給
毋死多矣亟賑之於是命軍士家有十口者給米一石九口八
口者八斗七口六口者七斗五口四口者六斗三口以下五斗
總旗小旗如其月糧之數不必驗口○乙酉○遣官祭歷代帝
王○丙戌○祭太歲風雲雷雨嶽鎮海瀆山川等神遣官祭旗
纛 禮部尚書兼左春坊大學士李至剛同六部都察院通政
司大理寺六科等官勅奏都督李增枝明知兄景隆不臣之跡

曾無一言規諫且於各處多立莊田每莊蓋佃僕無慮千百戶此其設意非小望明正典刑 上曰景隆兄弟國之親屬朕自處之其莊田佃僕俱沒入官○丁亥○夜金星入房宿南第二星○戊子 上以福建山東廣東運司積益多命戶部暫令民以鈔中納戶部定例福建山東益每引納鈔五十貫廣東每引三十貫從之○己丑○翰林院學士兼右春坊大學士解縉等呈大學正心章講義 上覽之至再諭縉等曰人心誠不可有所好樂一有好樂泥而不返則然必勝理若心能靜虛事來則應事去如明鏡止水自然統是天理朕每朝退默坐未嘗不思管束此心為切要又思為人君但於宮室車馬服食玩好無所增加則天下自然無事 先是遣內官楊瑄等賫勅撫諭孟定孟養木邦麓川車里八百老撾吉刺詔閩特令冬馬等處土官

至是瑄等道經八百大甸為土官刀招散所阻弗克進廣西
慶遠府荔波縣民單真保言縣自洪武初至今三十餘年人民
安業惟八十二洞徭民編籍今聞朝廷加恩撫綏咸願為
民而無由自達乞遣使招撫上從之命右軍都督府移文總
兵官都督韓觀遣人撫諭其願為民者官量給賜贖仍復其徭
役三年兵部臣言屯軍年六十之上及殘疾年幼者宜令耕種
自食不拘比較賞罰之例從之戶部臣言松江府華亭縣上
海二縣今歲水災低田稅糧宜令以帛代輸從之○庚寅○命
宣府備禦武城侯王聰同安侯火真率騎士二千五百巡哨迤
北都察院左都御史陳瑛言歲比鈔法不通皆緣朝廷出鈔
太多收歛無法以致物重鈔輕今莫若暫行戶口食鹽之法以
天下通計人民不下一千萬戶軍官不下二百萬家若是大口

月食鹽二斤細鈔二貫小口一斤納鈔一貫約以一戶五口季
可收五千餘萬錠行之數月鈔必可重 上命戶部會群臣議
皆以為便但大口令月食鹽一斤納鈔一貫小口月食鹽半斤
納鈔五百文可以行久覆奏 上從之 免直隸邳州睢寧縣
今年牛租 夜有星如鷄子大赤黃色有光出卷舌人造父○
壬辰○命羽林前衛故千戶史二弟還家兒襲陞本衛指揮僉
事陞都指揮僉事襲忠為湖廣都指揮使 夜月犯鬼宿東南
星○癸巳○清遠伯王友奏獲海寇初友承命陞辭 上從授
方畧至是友奏募得百姓嚴寶等授以 聖策令捕賊寶等得
賊船十數艘賊數百人并其掠貨物 上覽奏喜即遣初諭友
曰下人成功者未必皆出其能多由主將能導之方略作其志
氣今嚴寶等有獲亦爾之功但所獲貨物宜悉共之爾勿干與

毫末蓋人冒險成功而不推利與之後來不復樂為用矣
道
番僧丹竹領占格敦增吉等貢勅諭西番八郎馬兒咂懶藏等
箠 戶部左侍郎古朴奏北京順天等八府州縣已蠲免稅糧
三年而以江西湖廣及直隸蘇州等處糧儲漕運北京近江西
湖廣等處俱勞轉運艱難而北京所屬郡縣今歲甚豐宜發鈔
三百萬鈔錢各分令等府州縣不拘忝粟豆麥增時價三分糴之
就彼權貯俟農隙令軍民運至北京充軍俸糧從之 命戶
部錦衣衛將軍月良並全結米○乙未○有軍校縛至二人言
北京城中官馬往往盜剪其尾二人專鬻馬尾帽於市此皆因
盜所得請罪之 上曰嘗見其剪馬尾手抑以疑似執之手對
曰實疑而執之 上顧三法司官曰市中貨馬尾帽甚多可盡
以疑似罪之手疑似加刑有累君德其釋之 朝鮮國王李芳

遠遣陪臣李至等奉表箋貢方物賀立 皇太子賜賚有差
駙馬都尉富陽侯李讓卒讓指揮達之子也洪武中選為儀賓
尚 皇第二女永平郡主初 上靖難命讓署北平布政司事
每出師 世子留守讓協力贊襄禦敵有功及論功賞 上以
其親獨後之不欲與諸將同陞有司屢以為言元年五月封富
陽侯郡主進封公主讓閩夾平直好文下士有譽於時至是以
疾卒 上遣祭賻鈔四千銳鞍馬二副進封景園公謚恭敏子
茂芳嗣侯爵○丙申○秦王尚炳嫡長子生賜名志坦 勅宣
府副總兵武城侯王聰同安侯火真及寧夏總兵官左都督何
福等曰使臣自哈密還言鬼力赤率眾各貴三月糧擠乳馬二
匹驕馬二匹持斧鋸為開山伐木之用言與瓦剌戰罷即旋兵
南來朕意斧鋸或為破寨之用又賞糧頗多南來之言或然其

嚴兵備之來則擊之虜或先以數騎來誘切勿窮追恐墮其計
既又勅福曰寧夏多屯所虜卒至恐各屯先受掠可於四五屯
內擇一屯有水草者四圍浚濠廣丈五尺深如廣之半築土城
約高二丈開八門以便出入旁近四五屯輜重糧草皆集於此
無警則各居本屯耕牧有警則驅牛羊從八門入土城固守以
待援兵則寇無所掠此特守屯一事朕遠計如此其攻取戰守
之策在爾深籌之 旌表河南府永寧縣民王仕能孝行及本
縣民趙三妻孫氏饒州府鄱陽縣民方克和妻張氏常州府宜
興縣民宗仲庸妻謝氏鎮江府丹徒縣民梅招弟妻時氏瀘州
江安縣大州驛驛丞張奎妻何氏貞節仕能喪父廬墓三年不
御酒肉奉母尤孝孫氏等俱蚤喪夫守志不貳鄉里稱之有司
以聞故並旌表其門 上御右順門與侍臣論胡元興廢皆由

天運 上曰天運雖有前定之數然周家後來曆數過之蓋周之先德積累甚厚其後嗣又不至有桀紂之惡使夏版之後不過桀紂未遽亡若順帝不恤軍民不理國政而荒淫無度安得不亡故國之廢興必在德不專在數也○丁酉○老撾軍民宣慰使刀線歹遣使護送前安南王孫陳天平來朝奏曰臣天平前安南王烜之孫裔之子曰烜弟也曰烜恭遇天朝率先歸順太祖高皇帝封為安南王賜之章服在位二年而卒其弟暉立亦止二年子覲繼之賊臣黎季犛當國擅作威福覲稍欲抑損季犛弑之而立覲子顯國之大權盡出季犛與其子蒼左右前後皆樹逆黨顯惟拱手而已未幾復弑顯而立顯子葵蒙然幼稚尚在襁褓季犛父子乃大弑陳氏宗族并葵弑之而取其位更姓名胡一元子曰胡奎自謂舜裔胡公滿之後遂改國號

大虞李薺僭號太上皇子奎為大虞皇帝臣以先被棄斥越在外州方李薺父子志圖篡奪臣幸以遠外見遺臣之僚佐激於忠義推臣為主以討賊復禦方議招軍而賊兵見迫倉皇出走左右散亡逆黨窮追放兵四索臣竄伏巖谷採拾自給飢餓困厄萬死一生久之度其勢且衰怠稍稍間行艱難跋涉以達老嫗然時老嫗多事不暇顧臣瞻望朝廷遠隔萬里無所控告屢欲自絕苟且圖存延引歲月忽讀詔書知皇上正大統率由信章臣心欣忭有所依歸然以抱疾積久至於今年始獲躬覩天顏伏念先臣受命太祖高皇帝世守安南恭修職貢豈為此賊造福滔天悖慢聖朝蔑棄禮法累行弑逆遂成篡奪陳氏宗屬橫被讎夷所存者惟臣而已臣與此賊不共戴天伏願聖恩俯垂矜憫因叩頭流涕又言賊臣李薺已老詭謀逆計

多出黎蒼攻劫占城欲使臣屬又侵掠思明府奪其土地究其
本心實欲抗衡上國暴征橫斂酷法淫行百姓愁怨如蹈水火
臣之祖宗世尚寬厚今國人嗷嗷頗見思憶陛下德配天地
仁育四海一物失所心有未安伐罪弔民興滅繼絕此遠夷之
望微臣之大願也 上憐而納之命有司賜居第月給其廩籩
夜有星如鷄子大赤色尾跡有光出天苑東南行至孫星旁
一小星隨之○戊戌○改四川道監察御史蘭輔為湖廣道監

察御史

太宗文皇帝實錄卷之三十三

大明太宗文皇帝實錄卷三十四

永樂二年九月己亥朔○辛丑○復大理寺左右二寺評事左
寺四員右寺八員其審錄內外刑名俱舊制 播州宣慰使
源四川芒部等軍民府長官程番等十二長官司各遣人來朝
貢方物賀立 皇太子賜之鈔幣○壬寅 勅巡海總兵官清
遠伯王友等曰今北風將起賊船難至巡海軍士寒衣未備宜
統率回京休息 韃靼知院馬利沙率部悉駐於哈敦不利之
地遣其屬民里不花等至京師納款請朝 上許之遂命民里
不花等往導馬利沙入境而勅鎮守大同江陰侯吳高遣兵納
之耳今納未所遣將士母有侵擾 真臘國王參烈婆畏牙遣
陪臣素職等九人來朝貢方物賜鈔幣表裏初中官往使真臘
將歸有從行軍三人遁索之不得國王以其國中三人從中官

歸補伍至是禮部引見 上曰中國人自適何預彼事而責償
且得其三人語言不通風俗不諳吾為用之況其皆自有家寧
樂處此爾禮部給之衣服予道里費遣還真臘尚書李至剛等
言臣意中國人必非適於彼者或為彼所匿則此三人亦不當
遣 上曰不用逆詐為君但推天地之心待人可也 都察院
僉都御史王平有罪下獄時監察御史鄭中鞠獄受賄變亂是
非寃者上訴詔平辯之平受中囑辯不公事覺 上問平平不
以實對刑科都給事中張信等劾奏平并劾左都御史陳瑛等
明知平罪不糾法應連坐詔下平獄而釋瑛等不問 福建布
政司奏有番船漂泊海岸詢之是暹國遣使與琉球通好因風
漂至已籍記船中之物請命 上謂禮部尚書李至剛等曰暹
國與琉球修好是番邦美事不幸船為風漂至此正宜嘉恤豈

可利其物而藉之卿有善人猶能援人於危助人於善況朝廷
統御天下哉其令布政司舟楫者為之修理人之食者給之粟
候便風其人欲歸或往琉球導之去○甲辰○擢刑部郎中艾
少岳為晉府左長史禮科給事中何仕讓為右長史賜勅諭曰
古昔帝王有天下必樹藩國以衛邦家朕皇考太祖高皇帝
創有大業做古制封建諸子皆慎簡端人以輔導之朕兄晉恭
王長子濟熿嗣承晉封亦既有年其前長史龍鐔既不能以禮
處己又不能以道事王改縱群下侵奪百姓以累王之德今已
黜之特命爾等往為王輔爾其恪守成憲導王德義將王無過
爾亦有休聞勉盡乃心毋替朕命欽哉○乙巳○遣國子監丞
王俊用使朝鮮貯絲衣一襲毛袂狐帽各一鈔三十錠○丙午
○周王橚來朝且獻駒虞百僚稱賀以為皇上至仁格天所

至既罷朝 上謂侍臣曰適聞群臣言不覺惕然天下之大如

一夫有怨豈得謂仁一念不誠豈能終 天朕方夙夜斯懼何

可使謂駘虞是天降祥於朕侍臣曰 聖志如此所以上格

天心 上曰祥瑞之來易令人驕是以古之明主皆過祥自警

未嘗因祥自怠警怠者國之安危繫焉駘虞若果為祥在朕更

當加慎是日宴王於華蓋殿賜其從官宴於中右門○丁未○

重陽節賜文武群臣宴○戊申○陞大理寺左少卿吳中為都

察院右都御史○己酉○瓜哇國西王都馬拔遣使何烈于都

萬等奉表貢方物謝賜即幣賜其使鈔幣有差 修河南武陟

縣馬由滬岸○庚戌○賜書晉王濟熈曰得奏欲上護衛及所

畜小鞵鞞夫護衛昔爾父受之 皇考其何可辭爾惟當修德

行善豈可因一二小人為非輒自懷疑而欲上護衛耶所奏不

允其小韃毳護衛有缺伍者就以補之。○辛亥 命禮部裝印
烈女傳萬本給賜諸蕃 暹羅國王昭祿群膺咳羅諦刺水璽
書賜勞遣使素必等奉表謝恩具貢象牙諸品香薷薇水龍腦
五色織文絲縵紅罽毼布等物命禮部宴賚其使遣還仍命
賜其王文綺綵帶四十四疋鈔千四百錠古今烈女傳百本素
必復乞賜量衡俾國人永遠法式從之。○壬子 女真野人頭
目鹿壇等三百七十五人來朝貢方物賜之錠幣。○甲寅 賜
播州宣慰使楊昇遠東忽刺温頭目女直指揮那海瓜哇國使
者阿烈于都萬等宴。○乙卯 旦火星見角宿。○丁巳 河南
守臣言開封府城為河水所壞命發軍修築。○己未 以姚克
勤為刑科給事中克勤洪武中嘗任主事以罪謫役鹽場至是
自陳願仕故有是命 吏部尚書兼詹事府詹事蹇義等劾奏

曹國公李景隆奸宄之志中外具知今潛結愴邪招納亡命圖
為不軌事跡彰然且其所造器服皆如御用之制而內懷怨誹
日久日深胡惟庸藍玉等之惡無以異也惟庸等不容於太
祖皇帝之世今陛下乃欲曲庇景隆聖人之治去邪勿疑伏
望陛下斷而行之上曰卿等所言良是然朕既宥之姑寘
勿論修山東泰安州平六橋○庚申○錦衣衛指揮同知潘
濟等劾奏奸臣李景隆拘虜北京良民之子閹為犬者又僭用
金綉龍文服飾器皿等物宜正其罪上曰姑寘之上御右
順門召翰林學士解縉侍讀黃淮胡廣胡儼侍講楊榮楊士奇
金幼孜諭之曰朕即位以來爾七人朝夕相與共事鮮離左右
朕嘉爾等恭慎不懈故在宮中亦屢言之然恒情保初易保終
難朕故常存於心爾等亦宜謹終於始度幾君臣保全之美縉

等叩首言 陛下不以臣等淺陋過垂信任敢不勉勵圖報
上喜皆賜五品公服又曰皇后數言欲召見爾七人命婦其令
即赴柔儀髮見是日縉等之妻入見 中宮訓勞備至皆賜五
品冠服及鈔幣表裏 夜有星如碗大赤色有尾光燭地出羽
林軍西南行二小星隨之○癸亥○修廣東香山縣竹筴等水
波○丙寅○刑部言有千戶違法縫夾皮為鞭灌桐油其中以
法罰人罪當杖 上曰制皮鞭罰人取其柔薄蓋刑具之輕者
示辱而已今用夾皮又灌油其中傷人甚矣用心殘酷如此豈
可使長人杖之仍罷其職○丁卯 陞左春坊諭德兼翰林院
侍讀胡儼為國子祭酒 上謂吏部尚書蹇義等曰往者慮各
處守令未必皆得人故命御史分巡考察比聞御史至郡邑但
坐公館召諸生及庶人之役於官者詢之輒以為信如此何由

得實如入其境田野闢人民安禮讓興風俗厚境無盜賊吏無
奸欺即守令賢能可知是無數者即守令無所可取矣且詢言
之弊非一端人好惡不同則毀譽亦異若只憑在官數人之言
以定賢否其君子中正自守小人賂遺求譽而即墨及阿之毀
譽出矣故孟子論取舍必徵諸國人自今御史及按察司考察
有司賢否皆令具實蹟以聞 樵山西太原平陽澤潞遼沁汾
民一萬戶實北京 廣西向武州土官知州黃或貴頭目羅以
得貢馬賜之鈔幣 夜有星如鷄子大有光出軒轅東行入平
星二小星隨之○戊辰○初戶部尚書夏原吉言蘇松水患莫
甚如太湖洩太湖之水莫急於疏下流今各處舊洩水港浦間
有淺狹淤塞者請及時疏浚從之至是浚蘇州千墩浦致和塘
安亭顧浦陸畝浦尤涇黃涇共二萬九千一百二十九浚松江

大黃浦赤鴈浦范家浜共萬二千丈而下流疏通矣

太宗文皇帝實錄卷三十四

大明太宗文皇帝實錄卷三十五

永樂二年冬十月己巳朔享太廟徙河南祥符遞運所於

蘇材堽避水患也○庚午勅鎮守大同江陰侯吳高曰韃韃

率多來歸者慮有詐謀古云受降如受敵其恙調山西都司行

都司并太原三護衛騎士赴大同操備製信符及金字紅牌

頒給雲南木邦八百大甸麓川平緬緬甸車里老撾六宣慰使

司于崖大修里馬茶山四長官司潞江安撫司及孟良孟定灣

甸鎮康等府州土官其制銅鑄信符五面內陰文者一面上有

文行忠信四字與四面合及編某字一號至一百號批文勘合

底簿其字號如車里以車字為號緬甸以緬字為號陰文信符

勘合俱付上土官底簿付雲南布政司其陽文信符四面及批

文百通藏之內府几朝是遣使則齊陽文信符及批文各一至

布政司比同底簿方遣人送使者以往土官比同陰文信符及
勘合即如命奉行信符之發一次以文字號二次行字號周而
復始又置紅牌鏤金字勅書諭之其文曰勅某處土官某爾能
守 皇考太祖高皇帝號令未嘗有違自朕即位以來恭修職
貢禮意良勤朕以遠人慕義尤在撫綏慮恐大小官員軍民假
朝廷差使為名擾害需索致爾不寧特命禮部鑄造信符付爾
凡有調發及當辦諸事酒憑信符乃行如越次及比字號不同
或有信符而無批文有批文而無信符者既是詐偽許擒之赴
京治以死罪又編勘合一百道付爾勘合底簿一扇付布政司
爾之境土凡有軍民疾苦及奉信符辦過事務進貢方物之類
俱於勘合內填寫遣人齎至布政司比號寫底簿布政司都司
遣官同齎所填勘合奏聞若邊境聲息及土人詞訟從都司布

政司按察司官會同計議行之其事已行及爾承行緣由並填寫勘合奏聞如總兵官鎮遇有前事總兵亦會三司計議仍用都司或并布政司印信文書寫總兵官處分之語方許奉行亦填寫勘合具奏若朝廷命總兵官掛將軍印征討調遣爾處軍馬不待三司行移但憑總兵官印信文移即時發遣亦填寫勘合遣人奏聞填寫勘合或字畫錯誤明白圈注以本司印信蓋鈐凡所收底簿及勘合用之將盡具奏再頒或總兵官都司布政司等官新除官到任及過時節不許齋禮物相慶今以此勅刊置金字經牌懸爾治所永永遵守仍以紙寫一通付爾或有貪婪無藉凌害爾者不待填寫勘合正具本遣人齋此勅不經總兵官及三司徑赴京陳奏將犯者治以重罪用此關防正為撫安爾眾當安循理謹遵號令和睦分爾隣境益堅事上之心

則爾子子孫孫世保境土及爾境內之民永享太平其恪遵朕訓毋怠毋忽○辛未○凡者頭目那海又不扎尼等來朝設死凡者右衛以那海為指揮同知設兀者後衛以又不扎尼為指揮同知羅卜灘畔哥毡為指揮僉事餘各授官賜誥印冠帶及鈔幣衣服有差 故韃靼丞相若木子塔力尼等率所部男婦五百餘人自哈剌克之地來歸詔設甘州赤斤蒙古千戶所以塔力尼為千戶賜誥印襲衣絲幣赤斤甘肅隣境也 置雲南木邦孟養麓川平緬老撾緬甸八百大甸六軍民宣慰使經歷都事各一員並定府經歷知事各一員威遠州吏目一員 上以雲南各處土官不識中國文字遇有奏報不諳禮體命吏部各置首領官擇能書而練於事者往任之 撫安江西給事中朱肇言江西十三府官田租重十倍民田民田之租間歲折收

布帛官田悉貧民所種其租乃令收米乞於官田折收布民田輸米以賑貧民從之。壬申。日本國王源道義遣使梵亮奉貢貢馬及方物謝賜冠帶印章命禮部賜王鈔錠綵幣及宴饗其使。御史有言甘肅總兵官左都督宋晟擅竊威權事。上諭侍臣曰任人不專則不能成功況大將受邊寄豈盡拘文法今當明與晟言使之釋疑遂勅晟曰前者御史言卿專擅此言官欲舉其職而未諳事理夫為將不專則功不立朕既付卿以閫外之寄事有便宜即行之而後以聞自古明君任將率用此道而忠。臣事君亦惟在成國家之大事豈拘細故況朕知卿有素而委以重任彼雖有言不能問也卿勿以置意但盡心邊務終始一致以副朕懷。癸酉。甘肅總兵官左都督宋晟奏甘州中衛指揮僉事王良失誤軍機律應死命斬之軍中以徇。

夜有星如鷄子大青白色有光出紫微西蕃內東北行之近
濁○乙亥○賜左通政趙居任絲幣三表裏鈔四十錠嘉其使
日本能却贈遺故也 夜月犯壘壁陣西方第二星○丙子命
金吾左衛故千戶劉青子咬兒趙干子官保俱襲陞本衛指揮
僉事○丁丑○陞浙江道監察御史楊直為河南按察司副使
河南黃河水溢命河南都司布政司城地有衝決者即修之
○戊寅○降福建行都司都指揮僉事彭浩為指揮僉事先是
監察御史閱浩所署公牘有違錯事律應罰俸浩怙終不服御
史劾奏之遂命降職隸戍安侯郭亮立功 修山東青州府城
池○乙卯 齊王禕未朝宴於華蓋殿賜其從官宴於中右門
陞前浙江按察司副使裴承祖為江西按察使擢巴縣典史
沈熊為廣西道監察御史 減直隸蘇州府昆山縣荒田租稅

三千四百四十石有奇 瓜哇國東王李令達哈遣使喜臘等
朝貢方物具奏請印章賜喜臘鈔幣命禮部鑄瓜哇國東王銀
印鍍金遣使賜之并賜絲帶等物 修順天府固安縣渾河決
岸○庚辰○北京行後軍都督府遣鎮撫陸英奏近有強賊三
十餘人於山後劫掠地無巡警冠弁至民罹其害請徙民稍南
五十里以居 上覽奏顧問英曰以此為良策乎冠盜未至不
豫思備禦既至又不務擒捕但欲徙民避之今有賊三十人欲
徙民五十里設有賊三百人欲徙民五百里乎北方天氣正寒
豈可使民棄所安挈老幼負儲蓄更造廬舍爾歸語守將但務
備禦擒捕之方民不可徙 刑部尚書鄭賜等言比軍士初犯
罪者皆蒙宥免小人作過豈當全無懲戒 上曰天不於惡木
廢發生君亦不於小人忘矜恤朕持矜其初犯耳如姑終固不

宵也。辛巳。夜有星如彗。大青白色尾跡有光。出井宿東北。行至近濁。壬午。夜月犯畢宿右股第三星。癸未。凡者托溫女直野人頭目喚弟等來朝。設凡者托溫千戶所以喚弟等為千百等官。賜誥印冠帶襲衣鈔幣有差。甲申。賜文武群臣侍宴福囊。刑部尚書鄭賜都察院左都御史陳瑛等交章劾奏長興侯耿炳文不遵禮典衣服器皿僧飾龍鳳玉帶僧用紅鞋遠蹈胡藍之軌。近猶李景隆之邪心。乞正其罪。以是懲逆戒。上曰。先朝老臣亦為此乎。命速改之。夜有星如鷄子。大青白色尾跡有光。出北斗中北行至近濁。乙酉。蒲城河。漳二縣黃河清。周王橐駝歸宴如初。至賜賚甚厚。并賜其批官鈔有差。王既行。復遣駝馬都尉沐所以羊百牽酒千瓶。及外國所貢珍異之物。馳賜之。丙戌。陞指揮使張青為山西都

指揮使都指揮僉事楊青為都指揮同知。○丁亥。○禮部尚書兼左春坊大學士李志刚等奏民有獻文章者往往辭義純繆輒敢上瀆。上曰爾欲罪之耶彼之來自謂至敬但其才智只如此不足責可片還之亦以抑諛佞之風。戶部尚書郁新等言御馬監索白象食穀。上曰白象何補實用乃欲奪民食以飼之古人所謂率獸食人者勿聽復御馬監官責曰汝輩坐之食膏粱衣輕暖豈知百姓艱難計象一日所飼穀當農夫數口之家一日之食朕為君職在養民汝輩不令朕知而為此事是欲朕失天下心如復敢爾必誅不宥。己丑。○夜水星犯南斗杓第二星。○庚寅。○置兀者托溫千戶所流官吏日一員。○壬辰。○齊王樽辭歸宴如初至賜眷甚厚。夜有星如鷄子大尾跡有光出天廩東南行入天苑。○癸巳。○駙馬都尉謝達卒。

乙未○琉球國中王南王遣其舅及相來朝貢方物賜鈔及襲衣文綺命禮部宴之 夜有星如盞大青白色光燭地出畢宿東北行入五車○丙申○賜寧夏總兵官左都督何福勅曰為將之道貴能撫輯招徠以靖邊圉比命爾鎮守西陲爾能宣布朕命招撫遠人使其格心向化邊境寧謐朕用爾嘉今往來者日多恐爾費用不給特賜鈔萬錠至可領也 賜甘肅總兵官左都督宋晟勅及鈔亦如之○丁酉○徙沅州衛冷水驛於便溪避其地瘴癘故也 刑部尚書鄭賜等奏會諸司官錄囚上悉召諸司官諭之曰刑理必務明慎諸農夫之耘為去根莠也若心不存則視有所不見而并良苗去之矣刑以除凶人若心不存則察有所不明而并善人害之矣爾等皆宜盡心不可怠忽○戊戌○賜奉天靖難公侯伯都督指揮千百戶衛

所鎮鎮撫與仗命婦冠服鈔公夫人五百錠侯夫人四百錠伯夫人三百六十錠都督夫人以下遞減給之刑部尚書鄭賜劾奏廣東儋州知州陳敏同海南衛千戶陳善等運糧遭風壞舟擅以官糧濟軍士請速問之上曰運糧所以畜軍有急安得不與賜等白法司有命不得擅給上曰事有權宜待報而後給無及矣汲黯所以違大體也其置勿問夜有星如盞大赤色有光出北斗魁北行至近濁

太宗文皇帝實錄卷三十五

大明太宗文皇帝實錄卷三十六

永樂二年十一月己亥朔欽天監進永樂三年大統曆上御奉天殿受之頒賜諸王及文武群臣日本國王源道義遣使永俊等奉表賀冊立皇太子并獻方物命禮部賜王鈔錢絲幣及宴賚永俊等哈密忠順王安克帖木兒道兀魯思等貢馬謝恩命賜鈔及襲衣綺帛初兩浙都轉運鹽使司仁和場鹽課司言本場歲額鹽萬一千三百三十八引原設茶槽倉中倉褚經倉錢塘倉俱緣江鹹地曬土煮煎近各倉為江湖衝激而許村場沙地寬廣乞撥與仁和場立竈開煎至是戶部覆寔以聞從之都察院左都御史陳瑛等劾奏駙馬都尉梅殷畜養亡命及無賴之徒出入其家者八十餘人又私匿鞮鞞人又與女秀才顧氏之文造為邪謀乞正其罪上曰梅殷朕自處

之因戶部考定公侯駙馬伯應得儀仗戶及從人之數以聞命
錦衣衛執服所匿鞬鞞人送東○庚子命金吾左衛故指揮
同知包義子敬全吾右衛故指揮同知崔勇子玉俱襲父職○
辛丑○撫湖廣給事中何海言洪武中頒布祖訓條章諸
司職掌行移體式諸書歷年既久官吏遷易多所遺失亦有經
兵之處焚毀不存乞重刊諸書頒布中外俾知遵守又言各都
司衛所官寡諳文理悉聽首領官參贊行事比者首領官又多
不得人往往行事差謬乞命吏部今後宜選通曉文理識達政
事者經歷都事吏目又言湖廣都司所屬衛所多襲職幼官有
懦弱無為不能鈐束軍士者有惰於法度誤犯憲章者間有能
幹官員輒被上司差委以致軍政廢弛吏緣為奸乞令兵部查
考各衛所襲職幼官多者選老成舊官一人相兼管事仍勅都

司不許差委使行事得當下人無辨皆從之
廣東右布政使徐奇言本司遇催辦公務審決罪囚及應奏事務差委官員皆自備脚力不無妨誤今廣東所轄遞運船夫閒暇日多自今本司委官其脚力乞於遞運所應付為使又言布政司府州縣官到任之後間有不暇水土瘴癘而死遺下家屬道路遙遠難無力不能還鄉誠可憐憫准律故官家屬有司應付脚力給與行粮遞送還鄉如蒙准行則存歿感恩皆從
江寧縣民言自龍江至三山門河道窄狹各處餽運之舟眾集江澗卒遇風濤多致損壞乞濟江東門外北河令深廣以納餽運之舟從之
○壬寅 上以各處屯田肥瘠不同所獲亦異可較之法宜有差等當命各都司摘差官軍給與牛具種子耕種閒田視其歲收之數為例者較謂之樣田既而山西太原左衛千戶陳淮率

軍士來奏所種樣田除足各軍歲外之用每軍俱有餘糧二十石於是上命戶部詳定賞例餘糧三十石之上者賞鈔六錠二十五石者五錠二十石者四錠十五石者三錠十四石以下不賞其太原左衛種樣田者每軍准二十石之上例賞之及淮等陞辭加賜鈔六十錠衣一襲絲帶表裏各一軍賜鈔五錠絹二疋布有二疋衣鞋各一仍各賜鈔二十錠為道里費除官收正糧及種子外餘糧悉與自用○癸卯○擢中書舍人唐恕工科辦事官甘鏞賓州儒學訓導歐陽謀廬氏縣知縣賀潤高要縣知縣黃禎淄川縣知縣石嘗俱為監察御史以邊信為湖廣道監察御史劉亢為工科給事中信亢皆以行人奉使外國還奏稱旨故有是命戶部言福建山東鹽運司廣東鹽課提舉司累歲所積鹽皆以召商開中其利福建山東每引鈔五

十貫廣東每引三十貫今廣東商民利其價輕中納者多乞依
福建山東例每引五十貫為均從之 鎮守淮安都指揮施文
言淮安諸壩舟航往來每遇天旱壩下淤淺重勞人力近城舊
有清江浦二閘比年坍塌乞命有司修砌以便往來從之 設儀
真清江壩下水港 揚州府泰興縣言緣江圩岸東至新河西
盡丹陽界長六千六百五十大高一丈五尺頃被江水衝決為
民患請發民丁修築從之 甲辰 上御奉天門錄囚既多所矜
宥囚已皆出午門尚慮有枉抑者復召錦衣衛指揮程遠鴻臚
寺少邨旃等謂曰囚皆久困於獄而乍至朕前久困於獄則雖
枉而不求辯初至朕前則畏威而不敢言有此二者則刑罰豈
能皆當爾等更以朕言從容審之果其有辭即來白 汝南王
有契來朝進馬命皇太子宴於文華後殿其從官宴於西廡

江浦縣知縣周益以罪當刑其妻梅氏訴益母老無共養者願代益死 上憫其情特宥益○丙午○夜有星如鷄子大赤黃色出井宿東北行○丁未○刑部尚書鄭賜等奏奉文征討官有以罪繫獄者請論功定議 上曰朝廷大公至正之道有功則實有過則刑刑實者治天下之大法不以功掩過不以私廢公此輩征討之功既酬以爵賞矣今有犯而不罪是縱惡也縱惡何以治天下其論如律○戊申○直隸和州民言州銅城關上抵蕪湖下接揚子江圩岸七十餘處為江湖衝決壞禾稼乞修築從之 修六合縣瓜步等七圩岸五千餘丈○己酉冬至奉御奉天殿受朝大宴文武群臣及四夷朝使命婦朝 皇 后於坤寧宮賜宴○庚戌 上御奉天門視朝西北諸胡來貢命光祿寺卿賜食既罷禮部尚書李至剛進曰西北諸胡陞

下撫綏皆以向化邊境已寧 上曰人恒言以不治治夷狄夫
好善惡惡人情所同豈間於華夷撫之有道未必不來虎至暴
擾之能使馴帖况虜亦飢食渴飲具人心者何不可馴哉但有
來者惟推誠待之耳 夜月犯天高星西星○壬子○確富平
縣丞陸具瞻為翰林院編修具瞻嘗事 上於藩邸克效恭勤
云 夜火星犯鈞鈐上星 癸丑○夜京師地震濟南府城西
地震有聲○甲寅 上以京師地震召文武群臣諭曰隆古聖
王之世山川鬼神莫不寧皆由君德修於上臣職修於下感應
之機不誣後世君臣不能如古故災異數見今地震京師固由
朕之不德然卿等亦宜戒謹修職以共回 天意凡軍民有不
便之事雷速改之周世子有敝來朝命皇太子宴於文華後殿
其從官宴於西廡 夜河南開封府地震○乙卯○遣監察御

史孔復等考閱在外諸司按牘 通政使趙彛奏山西民言介休縣出五色石可為器用 上曰此倖覲小人不可聽數并兵革灾荒百姓困苦未得寧息今又可以此重困之手官府求一物即百姓受一害況此石飢不可食寒不可衣累民何為命梓出之○丙辰 上御奉天門召成國公朱能諭曰今天氣愈寒民築 孝陵垣墻者可悉罷歸未畢之工令軍士畢之軍士就役者日給之鈔復曰朕今日夙興覺寒氣襲體因思百姓之勞故命爾罷遣爾不可因循稽緩軍士就役亦難但旦出暮歸比百姓服役數百里之外差異然亦宜恤之母盡其力蓋隆冬感寒非 先帝陵寢朕亦不勞之也 工部侍郎趙穀等奏鎮江府民言乞於本處鑿山開河以便漕運約用九十八萬人數月可成請遣官驗視 上曰爾任大臣顧不能料制其事而必欲

遣人驗視即數年以來民困為甚非有大不得已之事豈可輕
役且役九十八萬人即復用如許人供給之騷動數十州縣為
百姓植禍矣豈不殆哉毅等惶恐頓首謝遂寢不行 掌陝西
都司事右軍都督僉事王英劾奏都指揮葛進受賄縱軍士不
下屯命法司追鞠之○丁巳○翰林學士兼右春坊大學士解
縉等進所纂錄韻書賜名文獻大成賜縉等百四十七人鈔有
差賜宴於禮部既而 上覽所進書向多未備遂命重修而勅
太子少保姚廣等刑部侍郎劉季篈及縉總之命翰林學士王
景侍讀學士王達國子祭酒胡儼司經局洗馬楊溥儒士陳濟
為總裁翰林院侍講鄒緝修撰王褒梁潛吳溥李賈楊觀曹榮
編修朱紘檢討王洪蔣驥潘畿王備蘇伯厚張伯穎典籍梁用
行庶吉士楊相左春坊左中允尹昌隆宗人府經歷高得暘吏

部郎中葉砥山東按察司僉事晏壁為副總裁命禮部簡中外
官及四方宿學老儒有文學者充纂修簡國子監及在外郡縣
學能書生員繕寫開館於文淵閣命光祿寺給朝暮膳 夜金
星犯東咸北第一星。戊午。以蘇松嘉湖杭等府水灾蠲其
今年糧六十萬五千九百餘石。己未。設天津衛。上以直
沽海運商舶往來之衝宜設軍衛且海口田土膏腴命調緣海
諸衛軍士屯守。庚申。擢進士張英為吏科給事中陳湯劉
瑩俱為監察御史。置北京天津衛經歷司經歷一員。辛酉
上以海運糧船上抵直沽欲於直沽置倉儲糧別以小船轉
運北京命戶部會議皆以為便復請於天津等衛多置露囤以
廣儲蓄從之。壬戌。法司奏遼東廣寧衛指揮使芮康備禦
不嚴致虜寇入境抄掠法當斬特旨免死謫戍邊立功。乙丑

○暹羅國王昭祿群膺哆羅詩利遣使素霑納字刺等貢方物
賜鈔幣襲衣○丙寅○周世子有燉汝而王有勳辭歸宴如初
至賜賚有差 廣西忻城縣儒學訓導到官歲餘邑中皆變獠
有司招其子弟入學卒無至者訓導自念虛糜廩祿無異於國
語闕白其事禮部尚書李至剛等言不當擅離其職請罪之

上曰委其職事而去之可罪以離職無事可治而赴闕自陳蓋
非苟祿偷安者其吏部調用之 直隸和州吏目張良興言州
麻澧二湖之田約五萬餘頃唐宋時俱係熟田比歲間有耕者
輒為水滲乞自本州桃花橋至含山縣界增築圩埂三十餘里
以防水滲從之○丁卯○以敘獲江西永新賊陳繼成功賞都
指揮劉鑑鈔百錠吳凱八十錠張肅六十錠從征將士三千五
百餘人賞各有差蓋以總兵官襄城伯李濬上其功也

太宗文皇帝實錄卷三十六

大明太宗文皇帝實錄卷三十七

永樂二年十二月戊辰朔 上視往南郊○庚午○宣府總兵
官武安侯鄭亨等奏修築宣府諸處屯堡成先有勅諭亨等於
宣府萬全懷安諸處簡軍馬堅壘設烽堠防禦之務每數
堡擇一堡為高城深濬城多置門其中開井積水以聚數堡之
人馬輜重糧餉晝夜瞭望寇至夜則舉火晝則舉砲為信以軍
士堅守之附近屯堡軍亦皆移入其中亨等經營規畫至是始
備云○辛未○刑部尚書鄭賜劾奏河南都指揮僉事劉珪茂
視親王過端禮門不下馬命誦戒我向○癸酉○擢進士吳廷
用江貞虞京王彥修曹澗俱為給事中 徙延安慶陽之克戎
巡檢司於小里河口定邊巡檢司於馬跑泉槐安巡檢司於三
山狹青原把截所於黑河子保安縣把截所於瓦剌城增設綏

德未脂縣把截所革安定縣把截所。甲戌。○黃巖縣高浦與賊童養民等伏誅。初養民等聚眾作耗劫殺縣民事聞命浙江都指揮同知蔡斌率兵二千往捕仍勅斌嚴戒士卒毋擾平民。至是斌禽養民等送京師誅之。乙亥。○臘日賜文武群臣宴。○丙子。○設天津左衛。○戊寅。上聞中官於應天府私取工匠役之召府尹向寶等責曰數年軍旅供給加以權豪橫肆百姓艱難京師為甚朕命汝牧民當懼國家愛民之意正直不阿矜恤保庇庶幾民可休息官者宮禁使令之人非有重權汝何用長之而輒聽其從民畧不之非公家凡役一夫必先告朕官者擅役之而不告何耶為京尹朝夕在朕左右尚畏人如此若在遠外任小官職當如何畏之譬為人典守寶貨擅啟藏縱人私取必不免責罰矣汝擅以朕百姓作人情可逃罪乎今姑宥

爾若復蹈前非必誅遂違所私役工匠中官賁之曰朕為天下
不敢輕一民汝何人敢擅役之百姓家僮奴亦敢不告其主肆
意自為手命錦衣衛執而治之巡按山西監察御史張肅言
山西行都司所屬地方切近沙漠軍衛充實則虜不敢為患比
軍人犯徒流罪者悉徙興州屯戍恐邊衛軍士圖易避難必多
故犯以求遷徙則隊伍日減邊備不足乞令臨邊衛所軍人犯
徒流罪者止從科斷仍流原衛戍守從之○己卯○賜周王禔
絲帶三十疋珠翠春花各四十枝酒千瓶羊百羣馬十匹鞍二
副遣知縣潘隆本賁初撫諭廣東瓊州府黎峒生黎夜月
犯井宿西北第一星○庚辰○四川天全六番招討使高敬讓
來朝貢方物賀立皇太子且遣其子虎入園子監受學賜虎鈔
衣裳等物○辛巳○陞羽林右衛指揮使魏整為都指揮僉事

亨金吾左衛事義勇衛指揮同知張旭為府軍左衛指揮使

吏部言寧國府學訓導考滿當調除其生員告言訓導明經善教乞仍除本學度幾諸生得年所業然訓導所書考滿奏牘有錯誤宜治罪 上曰學官明經善教於今難得奏牘錯誤小過可恕其宥之復職○壬午○冊鎮西衛指揮孫整姪女為寧化王濟煥妃 朝鮮國王李芳遠遣陪臣李未奏表請立其長子視為世子詔從之○癸未○甘肅總兵官左都督宋晟以急乏邊儲請不為常例無分官民令於甘肅衛倉中納淮浙益糧度邊儲易充從之○甲申○命江西都司都指揮僉事華哈者致仕○乙酉○移廣西向丹衛於賓州上林縣○丙戌 上因言管屯言不務勸率軍士顧侍上曰朕在藩邸時數因圍獵過田家見所食甚粗糲知其所苦每親勞問之無不感悅今屯種軍

士亦回家若管轄者能知其情時時勞問所苦誰不感奮勤力
又曰用人之道亦須先得其心然後可與圖功若養之於無事
之時用之於感恩之後未有不得其力者 朝鮮國王李芳遠
安南國王胡查及四夷土官酋長俱遣人奉表貢名馬方物賀
明年正旦○戊子○陞前燕府興寶副奇原為尚寶司丞○己
丑○陞泗州知州莊敬為廣東布政司左參政敬洪武中為山
西右參政建文中坐事謫兩淮 上兵渡江敬詣營朝見授泗
州知州尋以父憂去官至是服闋陞用之○庚寅○陞禮部左
侍郎宋禮為工部尚書改禮部右侍郎楊砥為本部左侍郎工
部右侍郎趙和為禮部右侍郎○辛卯○修東海廟 裁減湖
廣沅州麻陽縣縣丞主簿○壬辰○同州韓城縣黃河清 安
南賀正旦使者既至 上命禮部出陳天平示之使者識其故

王孫也皆錯愕下拜者感泣者而裴伯耆亦責使者以大皆惶
恐不能對 上聞之謂侍臣曰安南胡奎初云陳氏已絕彼為
其甥權理國事請襲王封朕固疑之及下詢其陪臣父老皆曰
然朕謂陳氏以婿得國今奎以甥繼之於理亦可乃下詔之
孰知其弑主篡位僭號改元暴虐國人攻奪隣境此天地鬼神
所不容也而其臣民共為欺蔽是一國皆罪人也如何可容○
癸巳○除直隸賁池等縣及浙江嘉興等府戶絕田通六千九
十七頃一百二十四畝租稅○甲午立春 上御奉天殿文武
群臣行賀禮賜宴 賜六部尚書侍郎金織文綺衣各一襲特
賜翰林學士解縉侍讀黃淮胡侍講楊榮楊士奇金幼孜衣與
尚書同縉等入謝 上曰朕於卿等非偏厚代言之司機密所
寓況卿六人旦夕在朕左右勤勞勤益不在尚書下故於賜賚

必求稱其事功何拘品級又曰朕皇考初制翰林長官品級
與尚書同卿等但盡心職任孔子云君使臣以禮臣事君以忠
君臣各盡其道耳縉等稽首而退○乙未○陞鴻臚寺序班張
儼為本寺右寺丞 賜北京守城官軍人等二萬四千四百一
十人鈔有差○丙申○命監察御史顧謙等往雲南木邦等處
撫綏夷民禮部言國子監生少請自明年始依洪武二十五年
例天下府學歲貢二人州學二歲三人縣學一歲一人從之○
丁酉享 太廟 夜有星如蓬大青白色尾跡有光出天市東
垣內北行入天津 是歲天下戶九百六十八萬五千二十口
五千九十五萬四百七十賦稅糧三千一百八十七萬四千三
百七十一石六斗布帛三十九萬六千一百九十五疋絲綿二
十四萬一千二百八十三斤綿花絨二十七萬六千三百五十

二斤鈔五百六十六萬八千一錠金五十兩銀十萬三百七十
三兩銅二千五百三十三斤鐵八萬一百八十六斤鉛五萬二
千一百四十一斤硃砂七百五兩海肥三十二萬一千七百二
十一索茶百八十一萬八千六百九十四斤鹽百三十一萬二
千五百一十一引丸田子粒千二百七十六萬三百石有奇馬
四萬九千二百十三匹

大明太宗文皇帝實錄卷三十八

永樂三年春正月戊戌朔 上御奉天殿受朝賀大宴文武群
臣及四夷朝使命婦朝 皇后于坤寧宮賜宴○乙亥○賜朝
鮮安南使臣及來歸韃靼并雲南等處土官宴于會同館○庚
子 諭天下文臣曰朕惟治天下以愛民為本愛民之道使其
衣食給足無凍餒之患則鬪爭可息禮讓可興化行俗美臻於
治至朕 皇考太祖高皇帝撫有區宇保民政理於休養生息
之道思之至而慮之周故三十年間天下殷富生齒日繁至治
成功超越往古朕正位以來仰遵成憲惟欲民安物阜風淳俗
美刑措不用夙夜兢兢不敢怠寧尚慮天下之廣黎民之衆有
未寧厥居者爾等皆牧守之官必思所以愛養之母殫其財毋
疲其力毋為貪墨肆暴虐教之務善以遠刑辟道之務本而氣

末習如民皆安居足食斯德行興刑罰措爾天下治爾亦將有
無窮之聞欽哉。楚王楨來朝宴于華蓋殿賜其從官宴於中
右門。○辛丑。○賜來歸韃靼頭目察思吉朶羅赤等銀鈔文綺
襲衣。○修山西聞喜縣古渠土堰。○夜有星如盞大青白色光
燭地出文昌北行至紫微東南蕃外。○甲辰。○夜月犯畢宿右
股第三星。○己。○享 太廟 上以天下屯田積穀寧夏最
多蓋總兵官都督何福勤於用心又以福請更定屯田賞罰為
經久之計降勅獎諭之。○韃靼掃胡兒與其弟荅刺赤入達台
迭兒必失等來歸掃胡兒阿魯台部屬也言鬼力赤閉兀良哈
哈密內屢朝廷遂相猜防數遣人南來窺伺 上曰狡虜情狀
固亦如是謹吾邊備虜何能為遂遍勅邊將令備之。○降山東鄒
城縣沐沂二河堤岸二十五處共一千二百餘丈。○寧夏總兵

官左都督何福請調泗州衛指揮僉事張麟赴河州衛肇昌衛
指揮僉事石瑛赴兆州衛寧夏衛指揮僉事董聚赴寧夏前衛
管馬從之。△夜有星如盞大赤色尾跡有光出參宿西北行至
雲中。丙午。○楚王禎辭歸宴如初至賜祭甚厚其從官賜鈔
有差。○丁未。○以大祀南郊。上御奉天殿文武群臣受誓戒。
○皇孫生賜名瞻墉。○皇太子第三子也。△工部進鹵薄大駕
及東宮儀仗。命工部親王儀仗內紅銷金撒仍用寶珠龍衣
八前軍都督僉事華聚卒聚泗州盱眙人始為燕山右護衛百
戶素閑弓馬號驍捷從。上平內難屢克大敵積功至僉都督
至是以疾卒。○庚戌。○大祀。天地于南郊。上還御奉天殿
文武群臣行慶成禮。○辛亥。○以郊祀禮成大宴文武群臣及
四夷朝使。○壬子。諭天下武臣曰國家置武禦以衛侮衛民

不以治而亡備爾等或鎮藩方或禦邊徼當竭忠効力守法
奉公用修厥職士卒者捍禦攻戰可資也必得其死力乃可成
功其用心撫綏屯田者儲蓄之本也必耕種以時而後攻私克
足其家意督勸若完成堡修器械勤訓練謹斤侯慎哨備皆軍
政所急不可廢弛况尔等爵祿富貴或由父祖之功或出于己
身之勞當夙夜體念保全永遠苟忘其所自不循礼分括刻貪
虐於下朝廷之法至公不私後雖追悔不可德矣敬之念之無
忽朕訓公先是上命翰林院學士兼右春坊大學士解縉等
於新進士中選質英敏者俾就文淵閣進其學至是縉等選修
撰曾啟編修周述周孟簡庶吉士楊相刘子欽彭汝器王英王
直余鼎張敬王訓柴廣敬王道熊直陳敬宗沈升洪順章朴余
學夔羅汝敬盧翰湯流李時勉段民倪維哲袁天祿吾紳楊勉

二十八人入見 上諭勉之曰人須立志志立則功就天下古
今之人未有無志而能建功成事其汝簡拔于千百人中為進
士又簡拔于進士中至此固皆今之英俊然當立心遠大不可
安于小成為學必造道德之微必具體用之全為文必并驅班
馬韓歐之間如此立心日進不已未有不成就者古人文學之至
豈皆天成亦積功所至也汝等勉之朕不任爾以事文淵閣古
今載籍所萃尔各食其祿日就閣中恣尔玩索務實得於己庶
國家將來皆得尔用不可自怠以乖朕期待之意時進士周忱
自陳年少願進學 上喜曰有志之士也命增忱為二十九人
遂命司禮監月給筆墨紙光祿給朝暮膳禮部月給膏燭鈔人
三錠工部選近第宅居之 以元宵節賜文武群臣宴 吏部
言舊制天下諸司三年一朝明年應朝請先移文令知之 上

曰雲南道路遼遠其布政司按察司并所屬府州縣俱免來餘如舊例○甲寅○賜祭前軍都督僉事華聚及賜贖贈如例○遣監察御史李琦行人王樞賞勅往諭安南國胡奎曰朕日臨萬方以至誠待物昔爾奎奏曰前王陳氏宗祀以絕爾為其甥衆推權理國事主詞祭告求襲爵朕頗疑之勅詢爾國陪臣耆老皆以為實故下詔封汝為安南國王去年老撾送陳氏之孫天平來朝言爾本黎姓父一元季犛爾名蒼皆其臣屬三世國主篡奪其位遂更其姓名自謂舜後國號大虞爾父僭稱太上皇爾為大虞皇帝改元紀號其言甚悉朕初未信及爾町遣使來使天平見之皆錯愕下拜亦有感泣者則爾之不道灼然明甚安南國土陳氏之先稟命於我太祖皇帝世世相傳修其職貢爾為陪臣履行篡弒奪而有之罪惡滔天不忘何待若占

奪祿州等處之地蓋罪之小者勅至爾其具寢奪之故以聞△
四川建昌衛土官指揮使安普公進馬四十匹賜鈔二百錠銀
五十兩綵幣六表裏及賜其把事通事從人有差△平江伯陳
瑄請建天妃廟于直沽從之○丙辰○國子監祭酒胡儼請申
明洪武中所定學規從之 上諭儼曰此其條約耳為師範者
當務正己以先之講學漸磨以養其心淑其身此為切要汝宜
勉之○丁巳 命金吾右衛指揮同知王陸子進龍文職虎兇
文等處女直野人鞞鞞頭目綽魯不乃也兇古尼往奇赤等來
朝詔設失里綿虎兇文二衛以綽魯不乃也兇古尼等六十四
人為指揮千百戶賜誥印冠帶餐衣及鈔幣有差△夜有星如
蓋大青白色有光出太微西垣外西北行入軒轅○戊午 命
右軍都督僉事馬榮率舟師運銀北京△擢嘉興縣知縣蔡楫

樂安縣典史蕭福為監察御史改陝西布政司右叅政時奏為江西布政司右叅政降史料都給事中李享為禮科給事中遣行人譚勝受千戶楊信等往舊港招撫逃民梁道明等舊港在南海與瓜哇隣道明廣東人孛家竄居于彼者累年廣東福建軍民從之者至數千人推道明為首指揮孫鉉嘗使海南諸者遇道明子二奴挾與俱來遂遣勝受等偕二奴齎勅招諭之○庚申 上諭戶部臣曰數年用兵北京順天永平保定供給特勞非休息二三年不能復舊可免三府田租二年又曰凡人嘗同勞苦者後來安逸亦當同之嘗見前世人主一旦富貴頓來向忘所共艱難之人朕甚不敢夫昧己心以失人心為庶民且不可况人主乎○改順天府知府楊泰為通政司左通政○壬戌 命天下衛所以去所定屯田賞罰例用紅牌刊識永為

遵守。擢張輓為金吾前衛指揮使。輓故榮國公張玉次子也。陞金吾左衛指揮使張寬為陝西都指揮僉事。火州回回滿剌乞才木丁等來朝貢馬及方物。賜鈔幣襲衣。後軍都督僉事陳用平用重兵。洪武中任府軍衛指揮僉事。陞都督僉事。至是卒。賜祭命有司治喪奠。癸亥。賜住不罕失里禪地面女直猛奇赤金瓦木爪安撫司頭目彭久聞西番烏思藏頭目阿奴等宴於會同館。工部言新河江口上有大勝關。下盡江東。驛從圯傾圮。三十三百餘丈。急宜修築。從之。○己丑。○湖廣都指揮謝鳳等奏招諭峇意等五寨生苗。皆向化。先是諸寨生苗出沒劫掠居民。有司請於要害之地築堡屯兵。以禦之。命前軍都督府給榜招諭。於是諸苗順服。刻箭為誓。不復叛亂。鳳等以聞。上謂掌前府事隆平侯張信等曰。蠻夷雖頑。然亦

有信義今既向化當以信撫之稍有侵擾彼將不直朝廷其以
所刻箭付廣東都司藏之仍戒飭有司務盡懷綏之道○丙寅
○戶部言四川德興思安二井歲額鹽五萬六千九百四十九
斤年久鹹水微細虧鹽一萬二千四百八十九斤今有河北井
水鹹薪便歲出鹽增常額一萬七千二百斤有奇乞令開煎從
之

大明太宗文皇帝實錄卷三十九

永樂三年春二月丁卯朔遣官釋奠先師孔子。召宣府總兵官武安侯鄭亨還京。陛几者衛指揮同知鎖失哈為指揮使。賜之綵幣。河南布政司言河決馬村隄命本司官躬督民丁脩治。戊辰。祭太社太稷。遣官祭先農。己巳。北京行部尚書頌僉以罪誅先足僉奏朝廷用人宜新舊兼任今所信任者率藩邸舊臣非公至之道。又言侍衛將軍皆光祿給食不亦私厚語涉怨誹。上出其奏示群臣。群臣進曰。今廷中大臣惟金忠出藩邸之舊。至於容務臣等所與聞者忠或不與。何名非公。且光祿給侍衛將軍食出洪武舊制。非始於今日。皆僉妄言宜正其罪。上曰。朕為天下君。政欲日聞直言以助益。不。及豈惡言者。且人臣言事亦須考實。何至誣直為枉。且朕之侍

貪不薄矣而猶刑怒誹豈正直之人哉今避罪之人不容得謂朕不容言者姑寬之至是都御史陳瑛等奏貪居官貪婪虐擅作威福十數事又縱其妻於所部罷縣管辱等令逼索財物且日乘輜于市中強買物貨市人畏之不啻豺虎貪與其妻同惡如此罪其可容 上遣人復按得實皆處以死 一夜有星如鷄子大青色尾跡有光出太微西垣內東南行入張宿後二小星隨之。庚午。改大寧前衛濟州衛天策衛為漢府三護衛改設趙府三護衛以彭城衛為常山中護衛永清左衛為常山左護衛永清右衛為常山右護衛置經歷司經歷一員設常山郡牧千戶所隸趙府。辛未。蜀王椿來朝宴于華蓋殿其從官宴於中右門。壬申。直隸和州言州民嘗貸官稻三千四百七十餘石今被水未有償乞于來歲秋成償從之。雲南

寧遠州土官同知力吉罕奏云臣所轄猛慢等七寨本臣祖宗
故地近被安南攻奪又擄臣塔及女并人民畜產徵納差發驅
役百端臣世奉中國職貢今橫被虐害實所不堪惟朝廷矜憫
上命禮部遣使齎勅諭安南胡奎曰前遣御史李琦等問爾
弑主篡位僭號改元寧遠州復奏爾奪其猛慢等七寨擄其塔
女掠其人畜徵納差發驅百端事果如何具以實對、刑科都
給事中馬楨以欺罔伏誅○癸酉○廣東按察使司副使耿賢
有罪謫戍邊○甲戌○新冊添衛指揮僉事胡忠女為崇陽王
孟瑋妃永州衛指揮僉事程斌女為通山王孟瑜妃、永平衛
指揮使李宏坐虜寇入境劫掠畏怯不出伏誅○乙亥 皇后
千秋節命婦朝賀坤寧宮賜宴○丙子 命華陽王悅耀崇寧
王悅博寇○丁丑○陞通政司左通政朱濬為北京刑部尚書

巡按福建監察御史共堪言十事其一曰治天下以正風俗為本國朝以禮治民令民間有喪以禮安葬禁暴露焚燒此厚風俗之道也今福建之俗凡有親喪率多火燒棄置不葬雖有葬者十無二三宜從禮部禁止果貧乏不能葬者宜令所在官司於沒官地內設置義塚庶幾民德歸厚風俗可淳其二曰崇德報功國之大典福建之地自漢以來始通中國地濱海隅民少知學至唐常衮為福建諸州觀察使始興學校鄉小民有能誦書者衮親與為客主人之禮始翕然向化遂為禮義之邦民至于今未忘其德舊有廟在府州府學之前春秋祭祀今廟雖存日益敝壞昔樊令當唐末捍禦賴寇曾常侍保安清流縣其民俱為立廟至本朝皆官為祭祀以常衮之功比之二人大相遠矣然未蒙褒顯乞勅禮部議下有司增修舊廟官為祭祀其

三曰存恤孤老王政所先今處各府州縣養濟院多頽壞有司非奉勘合不敢修葺孤老之人多無所依又或有一縣之內素無建置者夫百里之縣豈無失所之人良由有司不體朝廷恤民之意故畧而不理乞勅有司常加修葺未建置者即建置之如例收養薪米布匹皆按先期給之或有疾病令醫療之庶無告之民不至失所其四曰刑名國之重事各府州縣重囚必經按察司審錄無寃然後轉達刑部詳擬或有推鞠不明及審異者按察司官俱宜躬親辦理今往往仍發原問衙門推鞠以致多有寃抑乞勅各按察司官審囚之際遇有審異及鞠問不明者須親與辦理毋備前弊庶幾刑罰可清其五曰福建役共武中先以三戶槩集正貼輪當後貼戶多抽入伍防倭而又令輪當槩集之軍是充兩役乞勅兵部今後充防倭者戶丁聽雜本

役其樂軍仍于正戶及不曾補役此戶內取充其六曰福建驛
傳廩給俱係驛夫自備歲終有司方數目給償其驛戶貧乏者
取給一時未免困迫宜令有司酌量預支糧餉年終通計支銷
若有羨餘俾于下年作數其七曰無知愚民不諳常憲或因小
忿輒訴公庭及論以法方覺悔懼推原其情亦出愚慙誤犯令
着有司今後詞訟除奸盜詐僞人命外若戶婚田土閭閻相爭
一切小事依洪武年間教民榜例付該管老人里長從公剖決
若里老徇私不公及頑民不服者有司方如律治之庶使獄訟
清簡其八曰鄉飲酒禮七申明令有司以時奉行選方正之士
講讀大誥律令使民知趨善避惡其九曰治民之法必先教之
教之不從然後刑之今朝廷法制禁令止行於有司其閭巷小
民有自幼至老不及知者故往往至於誤犯今後凡有條例榜

文宜令有司轉行里老於本處申明亭召集鄉民逐一告諭庶
其知所循守其十曰水旱之災國家代有洪武年間需遣人於
各府州縣修築塘堰圩岸使水有所防旱有所備彼時有時亦
有奉行不止覈報未盡者宜如洪武故事遣人復勘修築上
皆納焉○戊寅○蜀王椿辭歸宴如初至賜賚甚厚并賜其從
臣鈔有差○己卯 命故羽林前衛指揮同知麗彥非專以兵
馬威也桂平等縣小民為亂或者迫于有司誅求不得已逃匿
行劫苟圖自存蓋未可知宜遣人撫諭復業毋輒進兵如其不
服發兵未晚○壬午○陞光祿寺大官若正倪正為北京光祿
寺丞翰林院編修陸具瞻為趙府左長史以具瞻嘗役學趙王
云○先是禮部尚書李至剛等言趙王國國應祭山川社稷等
神未有壇所請改順天社稷壇○祭社稷古制西守無祭山川

之文而趙地北嶽恒山北鎮醫巫閭皆當祭請改順天府山川壇祭山川 上曰祭祀大事其與六部大臣及翰林院儒臣再議至是吏部尚書塞義翰林學士解縉等言周禮地官凡建邦國立其社稷文獻通考云諸侯有國其社曰侯社親王留守之祭國無明文然禮有可以義起者今趙王留守北京當別建國社稷山川等壇致祭宜如禮部所議從之修浙江上虞縣雷娥江池湖堤埂及沿堤岸。金吾左衛指揮周廷貴有罪伏誅。○癸未。陞都指揮同知史勇為左軍都督僉事金吾左衛指揮同知王千一為山東都指揮僉事劉至兕為山西都指揮僉事吳福為遼東都指揮僉事張九兕為河南都指揮僉事楊勝雄甄全傳興為本衛指揮使金吾右衛指揮同知劉成祖楊友戚用為山東都指揮僉事楊進陳志周福興為山西都指揮僉事

周全周大高成為遼東都指揮僉事周成為河南都指揮僉事
曹中陳官音保王外驢魏文兒王得唐成陳友辛劉軍兒張遇
林段定于宋官保指揮僉事郭福驢俱為本衛指揮使徐文馬
轉兒為本衛指揮同知羽林前衛指揮使雷春為河南都指揮
同知指揮同知趙成為河南都指揮僉事劉全張驢兒為本衛
指揮使金吾左衛副千戶吳改任為本衛指揮僉事皆以平定
九門功復陞之命故陝西都指揮同知朱賓鴻子祥襲父原職
為金吾左衛指揮同知 命趙王高遜居北京賜賚甚厚及賜
其長史陸具瞻等鈔有差。甲申。勅武城侯王聰同安侯火
真率騎兵三千人哨瞭迤北 命平江伯陳瑄充總兵官前軍
都督僉事宣信充副總兵帥舟師海道運糧赴北京 韃靼卜
蘭奚來歸各賜鈔百錠。丙戌。安定衛指揮哈等三遣頭目

撒力加藏卜等三十九人來朝進馬且奏舉撒力加藏卜等為
指揮千百戶管官又請如例歲納尊畜什一皆從之仍賜撒力
加藏卜等詔勅冠帶襲衣及銀鈔綵幣有差。丁亥。寧夏總
兵官左都督何福言寧夏旱田再藝水田惟一藝且種水田則
費力多而獲利少乞屯種罷水田惟耕旱田從之。己丑。賈
福建銅山千戶所副千戶劉庸等銀鈔綺帛有差以收捕黃梅
山土寇功也。四川布政司言諸番以馬易茶者例禁夾帶私
茶布帛青紙等物出關今番商往往以馬易茶及以他貨易布
司遵禁例又慮杜絕遠人。上曰邊關立互市所以資國用來
遠人也其聽之。庚寅。勅甘肅總兵官左都督宋晟曰回回
倒兀言撒馬兒罕回回與別失八里沙迷查于王假道率兵東
向彼必未敢肆志如此然邊備常不可怠昔唐太宗兵力方盛

而突厥徑至渭橋此可鑑也宜練士馬謹斥曠計糧儲預為之
備工部尚書宋禮言山東衛所屯田缺牛耕種請於太僕寺
給之從之○辛卯○賜予監雲南天泉六番招討司等處官民
生高虎等五十人夏衣○壬辰○設陝臨臨洮等處鎮羌鹿兒
坭粟林溝凌兀赤老鴉山老鼠川永寧堡冷地峪中寨野人溝
十寨從岷州軍民指揮使指揮僉事陳英言也○癸巳○戶部
言河南懷慶等府比歲荒傷稼請以鈔代輸租稅從之○甲午
○把蘭等處女直野人卯又等來朝設撒力衛以卯又為指揮
僉事賜誥印冠帶襲衣及鈔幣有差

大明太宗文皇帝實錄卷三十九